

13

Observations

85 f r



- 9, a, 23

J. Rino

1. 1. 1. 1. 1.

1. 1. 1. 1. 1.

1. 1. 1. 1. 1.



CONCIONES
ET
ORATIONES
EX HISTORICIS
LATINIS
Excerpta.

AMSTELODAMI,
Apud Ioannem Ianſonium. 1660.



CONCIONES
ET
ORATIONES
EX HISTORICIS
LATINIS
EXCERPTÆ.

ARGUMENTA SINGULIS
præfixa sunt, quæ causam cujusque
& summam ex rei gestæ occasione
explicant.

*Opus recognitum recensitumque in usum Schola-
rum Hollandiæ & West-Frisiæ.*

Ex decreto Illustriss. D. D. Ordinum
eiusdem Provinciæ.



BIBLIOTECA NAZ.
ROMA
VITTORIO EMANUELE



AMSTELODAMI,
Apud JOANNEM JANSONIUM.
MDCCLXIX.

$\sigma' H_2'$



A D



LECTOREM.

Quas pridem ex Latinis historicis excerpt-
serant Orationes, Ioachimus Perionius &
Henricus Stephanus, iterum tibi damus,
Lector, sed recognitas recensitasque. Quasdam enim
addidimus, quæ antè perperam omiffæ erant; quas-
dam verò expunximus etiam, ne quid hîc extaret,
nisi quod præstantissimum luculentissimumque fo-
ret. Enimverò Sallustii, Liviique, & Taciti ac Cur-
tii Orationes in honorem historiarum leguntur. Ad-
eò multum & civilis prudentia & facundia conti-
nent. Quæ autem apud Capitolinum, Lampridium-
que & ceteros id genus scriptores occurrunt, eæ &
sequioris ævi sunt, & ferè genium non habent. Qua-
re illas omittere satius fuit. Quin & ipsius Livii
quasdam expunximus, quæ in postremis libris erant,
in quibus ita friget jacetque ille autor & penitus sibi
dissimilis est, ut nihil minus quam Livium agno-
scas. Quanta ex hoc opere utilitas ad eos redundare
possit, qui Reipublicæ regundæ scientiam conjungere
cum succincta quadam & efficaci vi dicendi cu-
piunt, ostendet doctissimi viri Iobi Veratii disserta-
tio, quam subjunximus. Vale.

JOBUS V E R A T I U S

Studioſo Lectori S.

Mirificè me , ſtudioſe lector, Homericus ille verſiculus delectat, Μύθων μὲν ῥητῆρ ἔμεναι, πενηκτῆρά τε ἔργων: credo item omnes qui quæ vis ſubſit iis verbis , perpendunt. Dicendi enim facultatem cum agendi ſolertia conjungit , & utroque viros ampliffimos inſtruit: quod nec iudustria ſola, ea maximè quæ in publicis rebus gerendis verſatur , dicendi uſu ſpoliata, ſatis munus ſuum tueri poſſit ; Facundia verò quæ ſeſe à rerum adminiſtratione removerit , importuna loquacitas judicetur. Licet enim præſtet ſtultitiæ loquaci elinguis prudentia , tamen prudentia dicendi imperita, magno ornamento vel ſubſidio potius eſt deſtituta. Haſ dotes graviffimi authores , & qui hiſtorias ſcripſerunt, in hominibus clariffimis expreſſerunt , & qui fictarum narrationum involucris viros ab omni laude perfectos informarunt , illis iſtis affinxerunt. Hoc enim volunt illæ Periclis & Niciæ in re vera conciones, hoc Cyri Xenophontici in ficta. Iidem illi qui præter cæteros breviloquentes ſunt habiti , & qui eloquentiam ſatis ſaſtidioſè contempſerunt Lacedæmonii , tamen ne hac quidem laude carere voluerunt, quod quanto eſſet ad res magnas gerendas adiumento , intelligebant. Ergò Παῦρος μὲν ἀλλὰ μέγα λιγέως, ἐπὶ δ' πολύμυθος Menelaus. Paulò uberior Thucydeus Archidamus , aliiſque ejuſdem civitatis: ut qua
in

P R Æ F A T I O

in urbe humaniores literæ propè jacebant, in
 ea tamen suum eloquentiæ esse habitum hono-
 rem constet. Ita Poëta; quum summum vi-
 rum & regendæ multitudinis peritissimum de-
 scriberet, utriusque rei laudem ei attribuit, re-
 rum gestarum gloriam, & dicendi peritiam;
 tum pietate gravem & meritis, &c. Ille regit
 dictis animos, & temperat iras. Hæc eadem si-
 bi assumit apud Thucydidem Pericles, ὁ δὲ ἔδειξεν
 ὅσων οἴομαι εἶναι γνώμῃ τε τὰ δέοντα, καὶ ἔρῳ
 ἔλυσαι ταῦτα. Etenim ut impudentis est de iis
 quæ nesciat verba temere fundere, ita tur-
 pe est, quæscias, ea planè & aptè explicare
 non posse. Nam illud quidem explosum pri-
 dem est, quod contra afferri solet, in eo quem-
 que quod nôrit, satis esse eloquentem. Quid
 enim ad commodè dicendum exercitatio di-
 cendi conducatur, usus ipse jampridem compro-
 bavit. Sine præceptionibus autem aut nihil
 aut parum posse exercitationem, omnes in-
 telligunt. Accognoscendi quidem ars est mul-
 tiplex, dicendi verò una. Res enim ipsæ quæ
 disertæ orationi sunt substratæ, vel militares
 ferè sunt, vel civiles. Ac civiles quidem vel è
 disciplina constituendarum & regendarum ci-
 vitatum petendæ sunt, vel ex jurisdictioni scien-
 tia, quæ & ipsa pars est regendæ civitatis: di-
 cendi verò præcepta à Rhetoribus traduntur.
 Verùm si à nudis præceptis ad rerum ipsarum
 usum nos referamus, hæc, quæ dixi, omnia
 in historia esse reposita videbimus. Sed eam hi-

A D L E C T O R E M.

storiam accipio quæ est orationibus aspersa,
 directis potissimum. Nam & consilia, cau-
 sæ, eventus, res gestæ (quæ omnia histori-
 cus studiosè persequitur) ad rerum admini-
 strationem pertinent: orationes verò ad dicen-
 di facultatem referuntur. Sed si præclara quæ-
 dam res est, posse mente & consilio providere,
 non minoris profectò est ingenii & industriæ,
 rectè provisâ, & consultâ, rectè explicare: ut
 in utrumque summo opere eos incumbere oport-
 eat qui ad res magnas gerendas accedunt. Eæ
 enim ferè in hominum societate versantur,
 ubi quum accessit ad prudentiam authoritas,
 & dicendi vis, non est dubium quin is qui illis
 est præditus, plurimum faciendo dicendoque
 consequatur. Id consilii habuerunt historici,
 quum quorum sapientiam in rebus providen-
 dis & gerendis descripserant, eorundem facun-
 diam in illis communicandis expresserunt. Non
 quò omnes de quibus aliquid commemorant,
 utramque virtutem adæquârint, sed quia quan-
 tum disertâ prudentia posset, vel homines ab
 omni humanitatis cultu alieni intellexerunt.
 Nam & domi & militiæ principes in suis ci-
 vitatibus viri sæpe suis dicendo maximas utili-
 tates attulerunt. Etenim Deus, qui hominum
 genus, ad Ecclesiam suam colligendam, in-
 columne esse vellet, eos homines excitavit, qui
 gravissimis temporibus suis civitatibus sæpe
 salutem pepererunt. Per hos esse sedatos ma-
 ximos motus, concitados ad salutem recu-
 peran-

P R Æ F A T I O

perandam homines deſperatione percuſſos, deſenſam æquitatem in ſenatu, in concione populi, in judiciis conatus improborum repreſſos, leges peſtiferas abrogatas, utiles verò confirmatas & conſtitutas videmus. Nam quòd eadem hæc ſapientiæ instrumenta nefarii homines ad perniciem vel civitatum vel ſingulorum hominum ſæpe converterunt, vitium hominum fuiſſe intelligimus, non rerum: & nos quæ dicimus, de ſapientia diſerta, non de inani garrulitate dicimus. Itaque quis dubitet quin hoc tempore noſtris Rebus publicis eadem illæ animi dotes decus & præſidium aſſerre poſſint, maximè verò liberis? Neque enim hoc loco de cauſidicis & litigioſis dicimus, quorum ars, ſiqua eſt, aliis præceptis eſt munienda: ſed de civitatum moderatoribus. His rerum cognoscendarum atque dicendarum copiam hiſtoria, conjunctis orationibus, poteſt ſuppeditare. Quo magis miror, adeo negligenter eas artes à noſtris hominibus coli. Nam licet aliud ſit ſæpe Reipublicæ genus, alii mores & diſciplina civitatis: tamen multa ſunt quæ in ſenatu aut in concione populi conſimiliter agitando ſint: ſeu leges ferendæ ſint, ſeu referendum ſit de pace, de ſocietate, de vectigalibus, de controverſiis, ſeu legationes mittendæ, vel obeundæ ſint. Quæ ſi quis aliquando ſuſcepit, qui dicendi eſſet imperitus, is, quantum ſit in infantia ad publicas res bene adminiſtrandas impediementi, graviffimus teſtis eſſe

esse potest. Neque verò intelligo quamobrem minus hæc iis quoque quibus sacræ conciones habendæ sunt, subsidio non sint. Illarum autem rerum omnium varietatem & copiam sup-
 peditant historicorum orationes, seu conciones sint (id est *δυναστείας*) seu aliæ. Siquidem & res habent, quæ in civilem administrationem cadunt, & omne genus ipsamque dicendi vim summa varietate conditam continent. De rerum varietate nihil me attinet dicere. Dicendi verò vis est generibus quidem comprehensa, sed tamen gradibus & dissimilitudine infinita. In aliis brevitatem videas: in aliis copiam: in aliis vim: in aliis suavitatem: in aliis denique acumen. Dicunt alii pressè, alii de re eadem uberius: alii ornatè, rursus alii tenuius. Dicunt alii leniter, rursus alii sæpe de eadem re asperius. Ut res penè nulla sit, studiose lector, quin si dicendo tibi explicanda sit; ejus formulam ex his orationibus possis depromere. Quod si nos magnæ artes delectant, cum in rebus parvis explicatæ, tamen in iis notari possunt (ut cum in minutis horologiis ars illa tota comparet) non est dubium quin nos concinunculæ ipsæ capere debeant, quæ artem copiosam in brevissimis orationibus exprimunt. Ac, si est oratoris periti, & qui hoc Oratoris nomine dignus est, posse facultatem dicendi ad rerum naturam accommodare, varièque temperare, tum dilatare res angustas, tum ampliores contrahere; non parum habere artis & utilitatis

P R A E F A T I O A D L E C T.

litatis has orationes intelligimus, in quibus hæc omnis varietas animadvertitur. Itaque ut orationum copiosè dictarum habemus exempla vël apud Demosthenem, vel apud Ciceronem, ita hujus artificii breviter comprehensi nobis exempla ex his orationibus petenda sunt, quæ ex laudatissimis historicis excerptæ, & in unum corpus sunt redactæ. Et ne quid te legentem moraretur, & ut unde res ipsa, de qua dicitur, profecta esset, intelligeres, argumenta præfigenda curavi. Eæ igitur quantoperè & ad antiquitatis cognitionem & ad dicendi facultatem conducant, postquam accuratè legeris, melius, ut spero, æstimabis. Vale.



T Y P O G R A P H U S B E N E V O L O L E C T O R I S.

V Enustè Symmachus : Supervacanei, inquit, laboris est commendare conspicua, ut si quis in Sole possitis facem praeferat, & accessu luminum claritudinem diei adjuvare gestiat. lib. 3. Epig. 48. Cui etiam ὁμοῦλον est Vlpianus : Magnâ, asserens, commendatione non egeant, quorum utilitas ipsa sese ostendit. lib. 1. ff. de in integr. rest. Et. in D. de I. P. Monita Cl. horum virorum impraesentiarum secuti, nolimus huncce, quem denuo publica luci committimus, librum Orationes ex Latinis iisque Optimis Historicis, puta ex Sallustio, Livio, Tacito & Curtio excerptas continentem, pomposo verborum circuitu ὁμοῦλον τὰ ἑξῆς extollere multisque sermonum lenociniis, ac fucis animum benevolentiamque cuiusdam aucupari, cum opus ipsum se commendat satis, nec vino vendibili (ut vulgò dicitur) opus sit suspensa hedera.

Ut autem Benevole Lector scias, quid in hac nova nostra Editione praestitum sit, quid immutatum, paucis adaperire allubescit. Secuti sumus optimos quosque textus & Editiones, quibus Viri praesumere laudatissimi, utpote in Sallustio Thysii, in Livio Gronovii, in Tacito Berneggeri, inque Curtio Freinsheimii Editionem & exemplar. Eas deinde Orationes in Tacito quae minus rectè erant locatae, hortatu Doctissimi cuiusdam viri in genuinum locum transfulimus, mutanda mutavimus & in luculentam quandam consonantiam redeimus. Ut ere igitur hoc labore feliciter, si qua operarum incuriâ irrepererunt ὁμοῦλον, haud gravatim emenda, porroque nobis fave. Vale.

ORA-

O R A T I O N E S

EX SALLUSTIO collectæ.

O R A T I O C A T I L I N E

Quâ sui de Conjuratone consilii participes cohortatur.

SALLUST. CONJUR. CATIL.

Catilina, ubi eos, quos paulò ante fecerat sui de conjuratione consilii participes, convenisse videt, tametsi cum singulis multa sæpe egerat, tamen in rem fore credens universos appellare & cohortari, in abditam partem adium secedit: atque ibi, omnibus arbitris procul amotis, orationem hujusmodi habuit.

NI virtus, fidesque vestra satis spectata mihi foret; nequicquam opportuna res cecidisset: spes magna dominationis in manibus frustra fuisset: neq; per ignaviam, aut vana ingenia, incerta pro certis captarem. Sed, quia multis, & magnis tempestatibus vos cognovi fortes, fidosque mihi; eò animus ausus est maximum, atque pulcherrimum facinus incipere; simul quia vobis eadem, quæ mihi, bona, malaque esse intellexi. Nam, I D E M velle, atq; idem nolle, ea demum firma amicitia est. Sed ego, quæ mente agitaui, omnes iam antea diversi audistis. Cæterum mihi in dies magis animus accenditur, cum considero, quæ conditio vitæ futura sit, nisi nosmetipsos vindicamus in libertatem: nam, postquam Resp. in paucorum potentium jus, atque ditionem concessit, semper illis reges, tetrarchæ vesti-

vestigales esse : populi, nationes, stipendia pendere : cæteri omnes, strenui, boni, nobiles, atque ignobiles, vulgus fuimus sine gratia, sine autoritate, his obnoxii, quibus, si Resp. varet ; formidini essemus. Itaque omnis gratia, potentia, honos, divitiæ apud illos sunt, aut ubi illi volunt : nobis reliquerunt pericula, repul-
sas, judicia, egestatem. Quæ quousque tandem patiemi-
ni, fortissimi viri ? Nonne emori per virtutem præstat, quàm vitam miseram, atque inhonestam, ubi alienæ superbiæ ludibrio fue-
ris, per dedecus amittere ? Verumenimverò, prò Deum atque hominum fidem ! victoria in manu nobis est : viget ætas : animus valet. con-
trà illis, annis, atq; divitiis, omnia consenuerunt. Tantummodò incepto opus est : cætera res expediet. Etenim quis mortalium, cui virile ingenium est, tolerare potest, illis divitias superare, quas profundant in extruendo mari, & montibus coæquandis, nobis rem familiarem etiam ad necessaria deesse ? illos binas, aut amplius domos continuare, nobis larem familiarem nusquam ullum esse ? cum tabulas, signa, toreumata emunt, vetera negligunt, nova diruunt, alia ædificant : postremò omnibus modis pecuniam trahunt, vexant : tamen summa libidine divitias suas vincere nequeunt. At nobis est domi inopia, foris æs alienum, mala res, spes multò asperior. Denique quid reliqui habemus, præter miseram animam ? Quin igitur exergiscimini ? En illa, illa, quam sæpe optastis, libertas ! præ-
tereà

tere à divitiæ, decus, gloria in oculis sita sunt. Fortuna ea omnia victoribus præmia posuit. Res, tempus, pericula, egestas, belli spolia magnifica, magis quàm oratio mea, vos hortentur. Vel imperatore, vel milite me utemini: neque animus, neque corpus à vobis aberit. Hæc ipsa ut spero vobiscum una Consul agam: nisi fortè me animus fallit, & vos servire magis, quàm imperare, parati estis.

O R A T I O A L I A

ejusdem Catilinæ, quâ suos milites adhortatur.

SALLUST. CONJUR. CATIL.

Sed Catilina, postquam videt montibus atque copiis hostium sese clausum, in urbe res adversas, neque fugæ neque præsidiū ullam spem, optimum factu ratus in tali re fortunam belli tentare, statuit cum Antonio quàm primum configere, Itaque contione advocatâ, hujusmodi orationem habuit.

COMPERTUM ego habeo, milites, verba viris virtutem non addere; neq; ex ignavo strenuum, neque fortem ex timido exercitum oratione Imperatoris fieri. QUANTA cujusque animo audacia naturâ, aut moribus inest, tanta in bello patère solet. Quem neque gloria, neque pericula excitant, nequicquam hortere: timor animi auribus officit. Sed ego vos, quò pauca monerem, advocavi; simul uti causam consilii mei aperirem. Scitis equidem, milites, socordia, atque ignavia Lentuli, quantam ipsi nobisque cladem attulerit: quoque modo, dum ex urbe præsidia opperior, in Galliam proficisci nequiverim. Nunc verò, quo in loco res nostræ
sint,

sint, juxtà mecum omnes intelligitis. Exercitus hostium duo unus ab urbe, alter à Gallia obstant. Diutius in his locis esse, si maximè animus ferat, frumenti atque aliarum rerum egestas prohibet. Quocunque ire placet, ferro iter aperiendum est. Quapropter vos monco, uti forti, atque parato animo sitis; & quum prælium inibitis, memineritis vos divitias, decus, gloriam, præterea libertatem, atque patriam in dextris vestris portare. Si vincimus; omnia nobis tuta erunt: commeatus abundè, municipia, atque coloniæ patebunt: sin metu cesserimus, eadem illa adversa fient: neque locus neque amicus quisquam teget, quem arma non texerint. Præterea, milites, non eadem nobis, & illis necessitudo impendet: nos pro patria, pro libertate, pro vita certamus: illis supervacaneum est, pro potentia paucorum pugnare. Quò audacius aggredimini, memores pristinae virtutis. Licuit vobis cum summa turpitudine in exilio ætatem agere: potuistis nonnulli Romæ, amissis bonis, alienas opes spectare. Quia illa foeda, atque intoleranda viris videbantur, hæc sequi decrevistis. Si hæc relinquere vultis; audaciâ opus est. **N E M O**, nisi victor, pace bellum mutavit. Nam, in fuga salutem sperare, quum arma, quibus corpus tegitur, ab hostibus averteris; ea verò de mentia est **S E M P E R** in prælio, is maximum est periculum, qui maximè timent: Audacia pro muro habetur. Quum vos considero, milites, & quum facta vestra æ-

stimo:

stimo : magna me spes victoriæ tenet, animus, ætas, virtus vestra me hortantur : præterea necessitudo, quæ etiam timidos fortes facit. Nam, multitudo hostium ne nos circumvenire queat, prohibent angustiae loci. Quod si virtuti vestræ fortuna inviderit, cavete, ne inulti animam amittatis ; neu capti potius, sicuti pecora, trucidemini, quàm virorum more pugnantes, cruentam atque luctuosam victoriam hostibus relinquantis.

O R A T I O

Legatorum C. Manlii ad Q. Martium Regem.

SALLUST. CONJUR. CATIL.

Neque tamen Catilina furor minuebatur, sed indies plura agitare : arma per Italiam locis opportunis parare : pecuniam sua aut amicorum fide sumptam mutuam Fesulas ad Manlium quendam portare, qui postea princeps fuit belli faciundi. Aliquantò post : Interea Manlius in Etruria plebem sollicitare, egestate simul ac dolore injuriæ novarum rerum cupidam : quod Sylla dominatione agros bonaque omnia amiserat : præterea latr. &c, Paulo post : In quibus literis scriptum erat C. Manlium arma cepisse cum magna multitudine, ante diem VI. Kal. Novembr. Aliquantò post : Dum hæc Romæ geruntur, C. Manlius ex suo numero legatos ad Q. Martium regem mittit, cum mandatis hujuscemodî.

DE o s hominesque testamur, Imperator, nos arma neque contra patriam cepisse, neque quò periculum aliis faceremus, sed uti corpora nostra ab injuria tuta forent : qui miseri, egentes, violentiâ atque crudelitate sceneratorum, plerique patriâ, sed omnes famâ atque fortunis expertes sumus. Neque cuiquam nostrum licuit, more majorum, lege uti : neque, amisso patrimonio, corpus liberum habere : tanta sævitia sceneratorum, atque Prætoris fuit.

Sæpe

Sæpe majores vestrum miserti plebis Romanæ, decretis suis inopiæ ejus opitulati sunt: Ac novissimè memoria nostra, propter magnitudinem æris alieni, volentibus omnibus bonis, argentum ære solutum est. Sæpe ipsa plebs, aut dominandi studio permota, aut superbiâ magistratuum armata, à patribus secessit. At nos non imperium, neque divitias petimus; quarum rerum causâ, bella atque certamina omnia inter mortales sunt; sed libertatem, quam nemo bonus, nisi cum anima simul, amittit. Te, atque Senatum obtestamur, ut consulatis miseris civibus, legis præsidium, quod iniquitas Prætoris eripuit, restituatis; neve nobis eam necessitudinem imponatis, ut quæramus, quoniam modo, maximè ulti, sanguinem nostrum pereamus.

O R A T I O

C. CÆSARIS suam sententiam Senatui exponentis de conjurationis Catilinæ focis qui in custodiis tenebantur.

SALLUST. CONJUR. CATIL.

Tunc D. Iunius Syllanus, primus sententiam rogatus (quod eo tempore Consul designatus erat) de iis qui in custodiis tenebantur, & præterea de L. Cassio, P. Furio, P. Umbreno, Q. Annio, si deprehensi forent, supplicium sumendum decreverat. Isque postea permotus oratione C. Cæsaris, pedibus in sententiam Tiberii Neronis iturum se dixerat: quod de ea re, præfiliis additis, referendum esse censuerat. Sed Cæsar, ubi ad eum ventum est, rogatus à Consule sententiam, hujusmodi verba loquutus est.

OMNES homines, P. c. qui de rebus dubiis consultant, ab odio, amicitia, ira, atque misericordia vacuos esse debet. **HAUD** facile

lè animus verum providet, ubi illa efficiunt; neque quisquam omnium libidini simul & u-
fui paruit. Ubi intenderis ingenium, valet. si
libido possidet, ea dominatur; animus nihil
valet. Magna mihi copia est memorandi, p. c.
qui reges, aut qui populi, irâ, aut misericordiâ
impulsi, malè consuluerint: sed ea malo dicere,
quæ majores nostri contra libidinem animi
sui, rectè atque ordine fecêre. Bello Macedoni-
co, quod cum rege Perse gessimus, Rhodiorum
civitas magna, atque magnifica, quæ populi
Rom. opibus creverat, infida atque adversa no-
bis fuit: sed postquam, bello confecto, de Rho-
diis consultum est, majores nostri, ne quis di-
vitiarum magis, quàm injuriæ causâ bellum in-
cæptum diceret, impunitos eos dimisere. Item
bellis Punicis omnibus, quum sæpe Carthagi-
nenses & in pace, & per inducias multa nefan-
da facinora fecissent, nunquam ipsi per occasio-
nem talia fecêre: magis, quod se dignum foret,
quàm quod in illos jure fieri posset, quærebant.
Hoc item vobis providendum est, p. c. ne plus
apud vos valeat P. Lentuli, & cæterorum scelus,
quàm vestra dignitas, neu magis iræ vestræ,
quàm famæ, consulatis. Nam si digna pœna pro
factis eorum reperitur, novum consilium ap-
probo: sin magnitudo sceleris omnium inge-
nia exsuperat: iis utendum censeo, quæ legibus
comparata sunt. Plerique eorum, qui ante me
sententias dixerunt, compositè atque magni-
ficè casum Reipub. miserati sunt: quæ belli savi-
tia

tia esset, quæ victis acciderent, enumeravêre, rapi virgines, pueros: divelli liberos à parentum complexu, matres familiarum pati, quæ victoribus collibuisse; fana, atq; domos exspoliare; cædem, incendia fieri: postremò armis, cadaveribus, cruore atque luctu omnia compleri. Sed, per Deos immortales, quò illa oratio pertinuit? an, ut vos infestos conjurationi faceret? scilicet quem res tanta atque tam atrox, non permovit, cum oratio accenderet. Non ita est: neque cuiquam mortalium injuriæ suæ parvæ videntur: multi etiam eas gravius æquo habuêre. Sed alia aliis licentia est, P. C. Qui demissi in obscuro vitam agunt, si quid iracundiâ deliquêre, pauci sciunt; fama, atque fortuna eorum pares sunt: qui, magno imperio præditi, in excelsò ætatem agunt, eorum facta cuncti mortales novêre. Ita in maxima fortuna minima licentia est: neque studere neque odissè, sed minimè irasci decet. Quæ apud alios iracundia dicitur, ea in imperio superbia, atque crudelitas appellatur. Equidem ego sic existimo, P. C. omnes cruciatus minores, quàm facinora illorum, esse. Sed plerique mortales postrema meminêre; & in hominibus inapiis, sceleris eorum obliti, de pœna differunt, si ea paulò sævior fuerit. D. Syllanum, virum fortem atque strenuum, certò scio, quæ dixerit, studio Reipnb. dixissè, neque illum in tanta re gratiam, aut inimicitias exercere, eos mores, eamque modestiam viri cognovi. Verum sententia ejus mihi non crudelis, (quid enim

enim in tales homines crudele fieri potest?) sed aliena à Repub. nostra videtur. Nam profectò aut metus, aut injuria te subegit, Syllane, Consulem designatum, genus pene novum decernere. De timore, supervacaneum est differere: quum præsentì diligentia clarissimi viri Consulìs, tanta præsidia sint in armis. De pœna possum equidem dicere id, quod res habet, in luctu atque miseriis mortem ærumnarum requiem, non cruciatum esse; eam cuncta mortalium mala dissolvere; ultrà neque curæ; neque gaudio locum esse. sed, per Deos immortales quamobrem in sententiam non addidisti, uti priùs verberibus in eos animadverteretur? An, quia lex Porcia vetat, at aliæ leges item condemnatis civibus non animam eripi, sed exilium permitti jubent? an quia gravius est verberari, quàm necari? Quid autem acerbum, aut nimis grave est in homines tanti facinoris convictos? Sin, quia levius est; quì convenit in minore negotio legem observare, quum eam in majore neglexeris? At enim quis reprehendat, quod in parricidas Reip. decretum erit? tempus, dies, fortuna, cujus libido gentibus moderatur. Illis meritò accidet, quidquid evenerit. Cæterum vos, R. C. quid in alios statuatis, considerate. Omnia mala exempla ex bonis initiis orta sunt. sed ubi imperium ad ignaros, aut minus bonos pervenit, novum illud exemplum ab dignis, & idoneis, ad indignos & non idoneos transfertur. Lacedæmonii, devictis Atheniensibus,



bus, triginta viros imposuere, qui Rempub. tractarent. Hi primò capere pessimum quemque, & omnibus invisum indemnatum necare. Ea populus lætari, & meritò dicere fieri. Pòst, ubi paulatim licentia crevit, juxtà bonos & malos libidinosè interficere, cæteros metu terrere. Ita civitas, servitute oppressa, stultæ lætitiæ graves pœnas dedit. Nostra memoria victor Sylla, quum Damasippum, & alios hujusmodi, qui malo Reipub. creverant, jugulari jussit, quis non factum ejus laudabat? homines scelestos, & factiosos, qui seditionibus Rempub. exagitaverant, meritò necatos aiebant. Sed ea res magnæ initium cladis fuit. Namq; uti quisque domum, aut villam, postremò aut vas, aut vestimentum alicujus concupiverat, dabat operam, ut is in proscriptorum numero esset. Ita illi, quibus Damasippi mors lætitiæ fuerat, paulò pòst ipsi trahebantur: neque prius finis jugulandi fuit, quam Sulla omnes suos divitiis explevit. Atque ego hoc non in M. Tullio, neque his temporibus vereor. sed in magna civitate multa & varia ingenia sunt, potest alio tempore, alio Consule, cui item exercitus in manu sit, falsum aliquid pro vero credi. ubi hoc exemplo, per Senatus decretum, Consul gladium eduxerit; quis illi finem statuet, aut quis moderabitur? Majores nostri. P. C. neque consilii neque audaciæ unquam eguere: neque superbia illis obstabat, quò minus instituta aliena, si modo proba erant, imitarentur. Arma
atque

atque tela militaria à Samnitibus, insignia magistratum à Tuscis pleraque sumpserunt: Postremò, quod ubique apud socios, aut hostis idoneum videbatur, cum summo studio domi exquebantur: Imitari, quàm invidere bonis, malebant. Sed eodem illo tempore Græciæ morem imitati, verberibus animadvertabant in cives, de condemnatis summum supplicium sumebant. Postquam Respublica adolevit, & multitudine civium factiones valuere, circumveniri innocentes, alia hujuscemodi fieri cœpere. Tunc lex Porcia, aliæque leges paratæ sunt, quibus legibus exilium damnatis permissum est. Hanc ego causam, P. C. quò minus consilium novum capiamus, in primis magnam puto. Profectò virtus, atque sapientia major in Illis fuit, qui ex parvis opibustantum imperium fecere, quàm in nobis, qui ea bene parta vix retinemus. Placet igitur eos dimitti, & augeri exercitum Catilinæ? Minimè: sed ita censeo: publicandas eorum pecunias; ipsos in vinculis habendos per municipia, quæ maximè opibus valent: neu quis de his postea ad Senatum referat, neve cum populo agat: qui aliter fecerit, Senatum existumare, eum contra Rempub. & salutem omnium facturum.

O R A T I O

M. PORCII CATONIS proximè præcedenti orationi C. Cæsaris respondens.

SALLUST. CONJUR. CATIL.

Postquam Cæsar dicendi finem fecit, ceteri verbo, alius alii varie assentiebantur, At M. Porcius Cato rogatus sententiam, hujuscemodi orationem habuit.

LONGE

LONGE mihi alia mens est, P. C. cum res, atque pericula nostra considero, & cum sententias nonnullorum mecum ipse reputo. Illi mihi differuisse videntur de pœna eorum, qui patriæ, parentibus, aris, atque focus suis bellum paravêre. res autem monet, cavere ab illis magis, quam, quid in illos statuamus, consultare. Nam cætera maleficia tùm persequare, ubi facta sunt: hoc, nisi provideris, ne accidat; ubi evenit, frustra judicia implores. Captâ urbe, nihil fit reliqui victis. Sed per deos immortales, vos ego appello, qui semper domos, villas, signa, tabulas vestras pluris, quam Rempublicam fecistis: si ista, cujuscunque modi sint, quæ amplexamini, retinere, si voluptatibus vestris otium præbere vultis: expergiscimini aliquando, & capeffite Rempub. Non nunc agitur de vectigalibus, non de sociorum injuriis: libertas, & anima nostra in dubio est. Sæpenumero, P. C. multa verba in hoc ordine feci: sæpe de luxuria atque avaritia nostrorum civium questus sum; multosque mortales eâ causâ adversos habeo. Qui mihi, atque animo meo nullius unquam delicti gratiam fecissem, haud facillè alterius libidini malefacta condonabam. Sed ea tametsi vos parvi pendebatis; tamen Respub. firma erat: opulencia negligentiam tolerabat. Nunc verò non id agitur, bonisne, an malis moribus vivamus; neque quantum aut quàm magnificum imperium populi Romani sit; sed, hæc cujuscunque modi viden-

videntur, nostra, an; nobiscum unà, hostium futura sint. Hic mihi quisquam mansuetudinem & misericordiam nominat? Jampridem equidem nos vera rerum vocabula amisimus, quia, bona aliena largiri; liberalitas: malarum rerum audacia, fortitudo vocatur: eo Respub. in extremo sita est. Sint sane, quoniam ita se mores habent, liberales ex sociorum fortunis; sint misericordes in furibus ærarii: ne illi sanguinem nostrum largiantur, & dum paucis scelestis parcunt, bonos omnes perditum eant. Benè & compositè C. Cæsar paulò antè in hoc ordine de vita & morte disseruit: credo, falsa existimans ea; quæ de inferis memorantur, diverso itinere malos à bonis loca tetra, inculta, fœda atque formidolosa habere. Itaque censuit, pecunias eorum publicandas, ipsos per municipia, in custodiis habendos; videlicet, timens ne, si Romæ sint, aut à popularibus conjurationis, aut à multitudine conducti, per vim eripiantur. Quasi verò mali, atque scelesti tantummodo in urbe, & non per totam Italiam sint; aut non ibi plus possit audacia, ubi ad defendendum opes minores sunt. Quare vanum equidem hoc consilium est, si periculum ex illis metuit, sin in tanto omnium metu solus non timet; eò magis refert, me mihi, atque vobis timere. Quare quum de P. Lentulo, cæterisque statuetis, pro certo habetote vos simul de exercitu Catilinæ, & de omnibus conjuratis discernere. Quantò vos attentius ea agetis, tantò

illis animus infirmior erit. si paululum modo vos languere viderint, jam omnes feroces aderunt. Nolite existimare, majores nostros armis Rempub. ex parva magnam fecisse. Si ita res esset, multò pulcherrimam eam nos haberemus. quippe sociorum, atque civium, prætereà armorum, atque equorum major copia nobis, quàm illis est. Sed alia fuère, quæ illos magnos fecère, quæ nobis nulla sunt, domi industria, foris justum imperium; animus in consulendo liber, neque delicto, neque libidini obnoxius. Pro his nos habemus luxuriam atque avaritiam; publicè egestatem, privatim opulentiam: laudamus divitias, sequimur inertiam: inter bonos & malos nullum discrimen est: omnia virtutis præmia ambitio possidet. Neque mirum; ubi vos separatim sibi quisque consilium capitis, ubi domi voluptatibus, hîc pecuniæ, aut gratiæ servitis, eò fit, ut impetus fiat in vacuam Rempub. Sed ego hæc omitto. Conjuravère cives nobilissimi patriam incendere. Gallorum gentem, infestissimam nomini Romano ad bellum arcessunt: dux hostium cum exercitu supra caput est. vos cunctamini etiam nunc, & dubitatis, quid, intra mœnia deprehensis hostibus, faciatis? Misereamini, censeo. deliquère homines adolescentuli per ambitionem: atque etiam armatos dimittatis. Næ ista vobis mansuetudo, & misericordia; si illi arma cæperint, in miseriam vertet, Scilicet res ipsa aspera est; sed vos non timetis eam. Immo ve-
rò

rdò maximè; sed inertia & mollitia animi alius alium exspectantes, cunctamini, videlicet diis immortalibus confisi, qui hanc Remp. in maximis sæpe periculis servavêre. Non votis, neque suppliciis muliebribus auxilia deorum parantur: vigilando, agendo, bene consulendo, prospere omnia cedunt. ubi socordia te, atque ignavia tradideris; nequicquam Deos implores: irati infestique sunt. Apud majores nostros Aulus Manlius Torquatus bello Gallico filium suum, quod is contra imperium in hostem pugnaverit, necari jussit, atque ille egregius adolescens immoderatae fortitudinis morte poenas dedit. vos, de crudelissimis paricidis quid statuatis, cunctamini? Videlicet vita cætera eorum huic sceleri obstat. Verùm parcite dignitati Lentuli, si ipse pudicitiae, si famae suae, si diis, aut hominibus unquam ullis pepercit. Ignoscite Cethegi adolescentiae nisi iterum jam patriae bellum fecit. Nam quid ego de Gabinio, Statilio Cepario loquar? quibus si quidquam pensi unquam fuisset, non ea consilia de Rep. habuissent. Postremò, p. c. mehercle peccato locus esset, facile paterer vos ipsa re corrigi, quoniam verba contemnitis, sed undique circumventi sumus: Catilina cum exercitu faucibus urget: alii intra mœnia, atque in sinu urbis sunt hostes, neque parari, neque consuli quidquam occultè potest, quo magis properandum est. Quare ego ita censeo; quum nefario consilio sceleratorum civium,

Respub. in maxima pericula venerit, hique indicio T. Vulturtii, & legatorum Allobrogum convicti, confectique sint, eadem, incendia, aliaque se foeda atque crudelia facinora in civēs, patriamque paravisse; de confectis, sicuti de manifestis rerum capitalium, more majorum supplicium sumendum.

O R A T I O

MICIPSÆ REGIS ad Jugurtham, quā cum officii sui admonet, finem vitæ sibi adesse intelligens.

SALLUST. IN BELLO JUGURTH.

Igitur rex Micipsa, ubi ea quæ fama acceperat, Jugurtham bello Numantino in tantam claritudinem pervenisse ut Romanis vehementer charus esset, ex literis imperatoris ita esse cognovit, tum virtute tum gratia viri percutus flexit animum suum & Jugurtham beneficiis vincere aggressus est, statimque eum adoptavit, & testamento pariter cum filiis heredem instituit: quum antea sibi ab eo timens, ideo illum Numidis quos in Hispaniam mittebat præfecisset, quod in eo bello facile occisurum speraret. Sed ipse paucos post annos morbo atque ætate confectus, quum sibi finem vitæ adesse intelligeret, coram amicis & cognatis, itemque Adherbale & Hiempsale filiis, hujusmodi verba cum Jugurtha fertur habuisse.

PARVUM ego te, Jugurtha, amisso patre, sine spe, sine opibus in meum regnum accepi, existimans non minus me tibi, quàm liberis, si genuissem, ob beneficia charum fore. Neque ea res falsum me habuit. nam ut alia magna, & egregia tua facta omittam, novissimè rediens Numantiā, me regnumque meum gloriā honoravisti, tuaque virtute nobis Romanos ex amicis amicissimos fecisti: in Hispania nomen familiæ nostræ renovasti: postremò, quod difficillimum inter mortales est, gloria
invi-

invidiam vicisti. Nunc, quoniam mihi natura finem vitæ facit, per hanc dextram, per regni fidem moneo, obtestorque te, ut hos, qui tibi genere propinqui, beneficio meo fratres sunt, caros habeas: neu malis alienos adjungere, quàm sanguine conjunctos retinere. Non exercitus, neque thesauri, præsidia regni sunt, verùm amici. Quos neque armis cogere, neque auro parare queas: officio & fide parantur. Quis autem amicior, quàm frater fratri? aut quem alienum fidum invenies, si tuis hostis fueris? Equidem ego regnum vobis trado firmum, si boni eritis: sin mali, imbecillum. NAM concordia res parvæ crescunt, discordia maximæ dilabuntur. Cæterum ante hos te, Jugurtha, qui ætate, & sapientiâ prior es, ne aliter quid eveniat, providere decet, NAM in omni certamine, qui opulentior est, etiamsi accipit injuriam, tamen, quia plus potest, facere videtur. Vos autem, Adherbal & Hiempsal, colite & observate talem hunc virum: imitamini virtutem, & enitimini, ne ego meliores liberos sumpsisse videar, quàm genuisse.

O R A T I O

ADHERBALIS AD SENATUM Roma. quâ se à Jugurtha regno fortunisque omnibus expulsum queritur.

SALLUST. IN BELLO JUGURTH.

Igitur ubi legati à Jugurtha cum argento & auro multo Romanam missi satis confidunt, die confisuto Senatus utrisque datur. Tum Adherbalis hoc modo loquutum accepimus.

PA T R E S conscripti, Micipsa pater meus moriens mihi præcepit, uti regni Numidiæ tantummodo procurationem existinarem meam; cæterum jus, & imperium ejus penes vos esse: simul eniterer domi militiæque quàm maximo usui esse populo Romano, vos mihi cognatorum, vos in locum affinium ducerem: si ea fecissem, in vestra amicitia exercitum, divitias, munimenta regni me habiturum. Quæ præcepta patris mei quum agitare; Iugurtha, homo omnium, quos terra sustinet, sceleratissimus, contempto imperio vestro, Masinissæ me nepotem, utique à stirpe socium atque amicum pop. Rom. regno fortunisque omnibus expulit. Atque ego, p. c. quoniam eò miseriarum venturus eram, vellem, potius ob mea, quàm ob majorum meorum beneficia, posse me à vobis auxilium petere, ac maximè deberi mihi beneficia à pop. Rom. quibus non egerem; secundum ea, si desideranda erant, uti debitis uterer. Sed quoniam parum tuta per se ipsa probitas est, neque mihi in manu fuit, Iugurtha qualis foret: ad vos confugi, p. c. quibus, quod mihi miserrimum est, cogor prius oneri, quam usui esse. Cæteri reges, aut bello victi in amicitiam à vobis recepti sunt, aut in suis dubiis rebus societatem vestram appetiverunt. Familia nostra cum pop. Rom. bello Carthaginiensi amicitiam instituit, quo tempore magis fides ejus quàm fortuna pendenda erat. Quorum progeniem vos, p. c. nolite pati me nepotem Masinissæ

nissæ frustra à vobis auxilium petere. sed si ad impetrandum nihil causæ haberem, præter miserandam fortunam; quòd paulò ante rex genere, famâ atque copiis potens, nunc deformatus ærumnis, inops, alienas opes exspecto: tamen erat majestatis populi Romani prohibere injuriam; neque pati, cujusquam regnum per scelus crescere. Verùm ego iis finibus ejectus sum, quos majoribus meis pop. Rom. dedit: unde pater, & avus meus unâ vobiscum expulserunt Syphacem, & Carthaginienses. Vestra beneficia mihi erepta sunt, & c. vos in mea injuria despecti estis. Eheu me miserum! Huccine, Micipsa pater, beneficia tua evasere, uti quem tu parem cum liberis tuis, regnique participem fecisti, is potissimum stirpis tuæ extinctor sit? Nunquàm ne ergo familia nostra quieta erit? semperne in sanguine, ferro, fuga versabimur? Dum Carthaginienses incolumes fuere, jure omnia sæva patiebamur. hostes ab latere: vos amici procul: spes omnis in armis erat. Postquam illa pestis ex Africa ejecta est, læti pacem agitabamus: quippe, quæis hostis nullus erat, nisi forte quem vos jussissetis. Ecce autem ex improvviso Jugurtha, intoleranda audacia, scelere, atque superbia sese efferens, fratre meo, atque eodem propinquo suo interfecto, primùm, regnum ejus sceleris sui prædam fecit: post, ubi me iisdem dolis nequit capere, nihil minus, quàm vim aut bellum expectantem, in imperio vestro, (sicuti videtis) extorrem patriâ, domo

inopem, & coopertum miseriis effecit, ut ubi-
vis tutius, quàm in meo regno essem. Ego sic
existimabam, p. c. uti prædicantem audiveram
patrem meum; qui vestram amicitiam diligen-
ter colerent, eos multum laborem suscipere,
cæterum ex omnibus maxumè tutos esse. Quod
in familia nostra fuit, præstitit, ut in omnibus
bellis adesset vobis: nos uti per otium tuti si-
mus, in manu vestra est, p. c. Pater nos duos
fratres reliquit: tertium Jugurtham beneficiis
suis ratus est nobis conjunctum fore. Alter eo-
rum necatus, alter ipse ego manus impias vix
effugi. Quid agam? aut quò potissimum in-
felix accedam? generis præsidia omnia extin-
cta sunt: pater uti necesse erat, naturæ conces-
sit: fratri, quem minimè decuit propinquus
per scelus vitam eripuit: affines, amicos propin-
quos cæteros meos, alium alia clades oppressit:
capti ab Jugurtha, pars in crucem acti, pars be-
stiis objecti sunt: pauci, quibus relicta est ani-
ma, clausi in tenebris cum mœrore & luctu,
morte graviolem vitam exigunt. Si omnia, quæ
aut amisi, aut ex necessariis adversa facta sunt;
incolumia manerent: tamen, si quid ex impro-
viso mali accidisset, vos implorarem, p. c. qui-
bus pro magnitudine imperii, jus & injurias
omnes curæ esse debet. Nunc verò exul patriâ,
domo solus, atque omnium honestarum rerum
egens, quos accedam aut quos appellem, na-
tionesne, an reges, qui omnes familiæ nostræ
ob vestram amicitiam infesti sunt? an quòquam
mihi

mihi adire licet, ubi non majorum meorum hostilia monimenta plurima sint? an quisquam nostri misereri potest, qui aliquando vobis hostis fuit? Postremò, Masinissa nos ita instituit, p. c. ne quem coleremus, nisi pop. Roman. ne societates, ne fœdera nova acciperemus: abundè magna præsidia nobis in vestra amicitia fore: si huic imperio, fortuna mutaretur, unà occidendum nobis esse. Virtute, ac diis volentibus, magni estis & opulenti: omnia secunda, & obedientia vobis sunt: quò facilius sociorum injurias curare licet. Tantùm illud vereor, ne quos privata amicitia Jugurthæ, parum cognita, transversos agat: quos ego audio summâ ope niti, ambire, fatigare vos singulos, ne quid de absente, incognitâ causâ, statuatis: fingere me verba, & fugam simulare, cui licuerit in regno manere. Quod utinam illum, cujus impio facinore in has misérias projectus sum, eadem hæc simulantem videam: & aliquando aut apud vos, aut apud Deos immortales rerum humanarum cura oriatur: ut ille, qui nunc sceleribus suis ferox atque præclarus est, omnibus malis excruciat, impietatis in parentem nostrum, fratris mei necis, mearumque miserrarum graves pœnas reddat. Jamjam frater animo meo charissime, quanquam tibi immaturo, & unde minimè decuit, vita erepta est, tamen lætandum magis, quàm dolendum puto casum tuum. non enim regnum, sed fugam, exilium, egestatem, & has omnes, quæ me premunt,

ærumnas cum anima simul amisisti : At ego infelix in tanta mala præcipitatus, pulsus ex patrio regno , rerum humanarum spectaculum præbeo : incertus quid agam , tuasne injurias persequar , ipse auxilii egens , an regno consulam , cujus vitæ , necisque potestas ex opibus alienis pendet. Utinam , emori , fortunis meis honestus exitus esset : ne vivere contemptus viderer , si defessus malis injuriæ concessissem. Nunc quoniam neque vivere lubet , neque mori licet sine dedecore , P. C. oro vos , per liberos , atque parentes vestros , per majestatem populi Romani , subvenite misero mihi , ite obviam injuriæ , nolite pati regnum Numidæ , quod vestrum est , per scelus , & sanguinem familiæ nostræ tabescere.

O R A T I O

C. MEMMI AD QUIRITES ,
quâ eos ad vindicandum in Jugurtham , qui
Adherbalem necaverat , & in socios
ejus sceleris , hortatur.

SALLUST. IN BELLO JUGURTH.

At C. Memmius , inter dubitationem & moras Senatus , concionibus populum ad vindicandum hortari : monere ne Remp. ne libertatem suam desererent : multa superba & crudelia facinora nobilitatis ostendere : prorsus intentus , omni modo plebis animum accendebat. Sed quoniam ea tempestate Romæ Memmii facundia clara pollensque fuit , decere existimaui unam ex tam multis orationem ejus perscribere. Ac potissimum eam dicam quam in concione post reditum Bestiæ hujusmodi verbis disseruit.

MULTA me dehortantur à vobis , Quirites , ni studium Reip. omnia superet ? opes factionis , vestra patientia , jus nullum ? ac maximè quòd innocentiae plus periculi , quàm hono-

honoris est. Nam illa quidem piget dicere, his annis quindecim, quàm ludibrio fueritis superbiæ paucorum; quàm fœdè, quamque inulti perierint vestri defensores; uti vobis animus ab ignavia, atque fœcordia corruptus sit: qui ne nunc quidem, obnoxii inimicis exurgitis, atque etiam nunc timetis eos, quibus vos decet terrori esse. Sed quanquam hæc talia sunt: tamen, obviam ire factiones potentix, animus subegit. Certè ego libertatem, quæ mihi à parente meo tradita est, experiar: verùm id frustrà, an ob rem faciam, in vestra manu situm est, *Quirites*. Neque ego vos hortor, quod sæpe majores vestri fecère, uti contra injurias armati eatis. nihil vi, nihil secessione opus est: necesse est, suomet ipsi more præcipites eant. Occiso Tib. Graccho, quem regnum sibi parare agebant, in plebem Romanam quæstiones graves habitæ sunt. Post C. Gracchi, & M. Fulvii cædem, item ordinis vestri multi mortales in carcere necati sunt. Utriusque cladis non lex, verùm libido eorum finem fecit. Sed sanè fuerit regni reparatio, plebi jura sua restituere. quicquid sine sanguine civium ulcisci nequit, jure factum sit. Superioribus annis taciti indignabamini ærarium expilari; reges, & populos liberos paucis nobilibus vestigal pendere; penes eosdem & summam gloriam, & maximas divitias esse: tamen hæc talia facinora impunè suscepisse, parum habuère: Itaque postremò leges, majestas vestra, divina & humana omnia

hostibus tradita sunt. Neque eos, qui ea fecere, pudet aut poenitet : sed incedunt per ora vestra magnificè, sacerdotia, & consulatus, pars triumphos suos ostentantes : perinde quasi ea honori, non pradae, habeant. Servi ære parati injusta imperia dominorum non perferunt : vos, Quirites, imperio nati, æquo animo servitutem toleratis ? At qui sunt hi, qui Rempub. occupavere ? homines sceleratissimi, cruentis manibus, immani avaritiâ, nocentissimi, iidemque superbissimi ; quibus fides, decus, pietas, postremo honesta atque inhonesta omnia quaestui sunt. Pars eorum, occidisse Tribunos plebis, alii quaestiones injustas, plerique eadem in vos fecisse, pro munimento habent. Itaque quàm quisque pessimè fecit, tam maxime tutus est : metum à scelere suo ad ignaviam vestram transludere : quos omnes eadem cupere, eadem odisse, eadem metuere in unum coëgit. Sed hæc inter bonos amicitia, inter malos factio est. Quod si vos tam libertatis curam haberetis, quàm illi ad dominationem accensi sunt ; profectò neque Respub. sicuti nunc, vastaretur, & beneficia vestra penes optimos, non audacissimos, forent. Majores vestri parandi juris, & majestatis constituendæ gratiâ, bis per secessionem armati Aventinum montem occupavere : vos pro libertate, quam ab illis accepistis, nonne summa ope nitimini ? atque eò vehementius, quò majus dedecus est, parta amittere, quàm omninò non paravisse ? Dicit.

ali-

aliquis, Quid igitur censes? Vindicandum in eos, qui hosti prodidêre Rempub. non manu, neque vi; quod magis, vos fecisse, quàm illis accidisse, indignum est. verùm quaestionibus, & indicio ipsius Jugurthæ, qui si dedititius est; profectò jussis vestris obediens erit: sinè ea contemnit, scilicet æstimabitis, qualis illa pax, aut deditio sit, ex qua ad Jugurtham scelerum impunitas, ad paucos. potentis maximæ divitiæ, ad Rempubl. damna, atque dedecora pervenerint. Nisi forte nondum etiam vos dominationis eorum satietas tenet: & illa, quàm hæc tempora, magis placent, quum regna, provinciæ, leges, jura, judicia, bella, atque paces; postremò divina & humana omnia penes paucos erant: vos autem, hoc est, pop. Rom. invicti ab hostibus, imperatores omnium gentium, satis habebatis animam retinere. Nam servitutem, quidem quis vestrùm audebat recusare? Atque ego tametsi virum flagitiosissimum existimo impunè injuriam accepisse; tamen, vos hominibus sceleratissimis ignoscere, quoniam cives sunt, æquo animo paterer, ni misericordia in perniciem casura esset. Nam & illis, quantum importunitatis habent, parum est impune malè fecisse, nisi deinde faciundi licentia eripiatur? & vobis æterna sollicitudo remanebit, quum intelligetis aut serviendum esse, aut per manus libertatem retinendam. Nam fidei quidem: aut concordix quæ spes est? Dominari illi volunt, vos liberi esse: facere illi injurias,

vos

vos prohibere: postremò sociis vestris veluti hostibus, hostibus pro sociis utuntur. Potestne in tam diversis mentibus pax, aut amicitia esse? Quare moneo, hortorque vos, ne tantum scelus impunitum omittatis. Non peculatus ærarii factus est: neque per vim sociis creptæ pecuniæ: quæ quanquam gravia sunt, tamen consuetudine jam pro nihilo habentur, hosti acerrimo prodita Senatus authoritas, proditum imperium vestrum est: domi militiæque Resp. venalis fuit. Quæ nisi quæsitæ erunt, nisi vindicatum in noxios, quid erit reliquum, nisi ut illis, qui ea fecêre, obediētes vivamus? **N A M** impunè quælibet facere, id est, regem esse. Neque ego vos, Quirites, hortor, uti jam malitis cives vestros perperam, quàm rectè fecisse: sed ne, ignoscendo malis, bonos perditum eatis. Ad hoc, in Repub. multò præstat, beneficii, quàm maleficii, immemorem esse. Bonus tantummodo segnior fit, ubi negligat: at malus improbior. Ad hoc, si injuriæ non sint haud sæpe auxilii egeas.

O R A T I O

M A R I I ad **Q U I R I T E S**, de se & de ea quam parabat in Africam expeditione.

S A L L U S T. I N B E L L O J U G U R T H.

Nam Marius, postquam, omnibus quæ postulaverat decretis, milites scribere vult, hortandi causa, simul & nobilitatem, ut consueverat, exagitandi concionem populi advocavit: deinde hoc modo disseruit.

S C I O ego, Quirites, plerosque non iisdem artibus imperium à vobis petere, & postquam adepti

adepti sunt, gerere: primò industrios, supplices, modicos esse: deinde per ignaviam & superbiam ætatem agere, sed mihi contrà videtur. Nam quo universa Respub. pluris est quàm Consulatus aut Prætura, eò majore curâ illam administrari, quàm hæc peti debere. Neque me fallit quantum cum vestro beneficio maximo negotii sustineam. Bellum parare, simul & ærario parcere, cogere ad militiam eos, quos nolis offendere; domi, forisque omnia curare, & ea agere inter invidos, occurrentes, factiosos, opinione, Quirites, asperius est. Ad hoc, alii si deliquere, vetus nobilitas, majorum fortia facta, cognatorum & affinium opes, multæ clientelæ, omnia hæc præsidio adsunt: mihi spes omnes in memet sitæ: quas necesse est & virtute & innocentia tutari. nam alia infirma sunt. Et illud intelligo, Quirites, omnium ora in me conversa esse, æquos, bonosque favere; quippe benefacta mea Reipub. procedunt: nobilitatem locum invadendi quærere. Quò mihi acrius adnitendum est ut neque vos capiamini, & illi frustra sint. Ita ad hoc ætatis à pueritia fui, ut omnes labores & pericula consueta habeam. Quæ ante vestra beneficia gratuito faciebam, ea uti, acceptâ mercede deferam, non est consilium, Quirites. Illis difficile est in potestatibus temperare, qui per ambitionem sese probos simulavere: mihi, qui omnem ætatem in optimis artibus egi, bene facere jam ex consuetudine in naturam vertit. Bellum me gerere cum Jugurtha

tha jussistis : quam rem nobilitas ægerrimè tulit. Quæso, reputate cum animis vestris, num id mutari melius sit, si quem ex illo globo nobilitatis ad hoc, aut aliud tale negotium mittatis, hominem veteris prosapiæ, ac multarum imaginum, & nullius stipendii : scilicet ut in tanta re ignarus omnium trepideret, festinet, sumat aliquem ex populo monitorem officii sui. Ita plerunque evenit ; ut, quem vos imperare jussistis, is sibi imperatorem alium quærat. At ego scio, Quirites, qui, postquam Consules facti sunt, acta majorum & Græcorum militaria præcepta legere cœperint ; homines præposterè nam gerere quàm fieri, tempore posterius, re atque usu prius est. Comparete nunc, Quirites, cum illorum superbia me hominem novum. Quæ illi audire & legere solent, eorum partem vidi, alia egomet gessi. Quæ illi literis, ea ego militando didici. Nunc vos existimate, facta, an dicta pluris sint. Contemnunt novitatem meam, ego illorum ignaviam : mihi fortuna, illis probra objectantur. Quanquam ego naturam unam & communem omnium existimo, sed fortissimum quemque generosissimum esse. Ac si jam ex patribus Albini, aut Bestiæ quæri posset, mene, an illos ex se gigni maluerint : quid responsuros creditis, nisi sese liberos quam optimos voluisse ? Quod si jure despiciunt me, faciant idem majoribus suis ; quibus, uti mihi ex virtute nobilitas cœpit. Invident honori meo : ergo invideant labori, innocentiae, periculis
etiam

etiam meis : quoniam per hæc illum cepi. Verum homines corrupti superbiâ , ita ætatem agunt , quasi honores vestros contemnant : ita hos petunt, quasi honestè vixerint. Næ illi falsi sunt qui diversissimas res pariter expectant, ignaviæ voluptatem, & præmia virtutis. Atque etiam quum apud vos aut in Senatu verba faciunt , pleraque oratione majores suos extollunt; eorum fortia facta memorando clariores sese putant : quod contrà est. nam, quantò vita illorum præclarius , tantò horum socordia flagitiosior. Et profectò ita se res habet : MAJOREM gloria posteris lumen est, neque bona neque mala eorum in occulto patitur. Hujusce rei ego inopiam patior, Quirites. Verum id, quod multo præclarius est, meamet facta mihi dicere licet. Nunc videte, quàm iniqui sint. Quod ex aliena virtute sibi arrogant, id mihi ex mea non concedunt : scilicet quia imagines non habeo, & quia mihi nova nobilitas est : quam certè peperisse melius est , quam acceptam corrupisse. Equidem ego non ignoro , si jam mihi respondere velint, abundè illis facundam & compositam orationem fore. Sed in maximo vestro beneficio, quum omnibus locis me vosque maledictis lacerent , non placuit reticere : ne quis modestiam in conscientiam duceret. Nam me quidem ex animi mei sententia lādere nulla oratio potest: quippe vera, necesse est bene prædicet: falsam vita, moresque mei superant. Sed quoniam vestra consilia accusantur, qui mihi sum-

tha iussistis : quam rem nobilitas ægerrimè tulit. Quæso, reputate cum animis vestris, num id mutari melius sit, si quem ex illo globo nobilitatis ad hoc, aut aliud tale negotium mittatis, hominem veteris prosapiæ, ac multarum imaginum, & nullius stipendii : scilicet ut in tanta re ignarus omnium trepidet, festinet,umat aliquem ex populo monitorem officii sui. Ita plerunque evenit ; ut, quem vos imperare iussistis, is sibi imperatorem alium quærat. At ego scio, Quirites, qui, postquam Consules facti sunt, acta majorum & Græcorum militaria præcepta legere cœperint ; homines præposteram gerere quàm fieri, tempore posterius, re atque usu prius est. Comparete nunc, Quirites, cum illorum superbia me hominem novum. Quæ illi audire & legere solent, eorum partem vidi, alia egomet gessi. Quæ illi literis, ea ego militando didici. Nunc vos existimate, facta, an dicta pluris sint. Contemnunt novitatem meam, ego illorum ignaviam : mihi fortuna, illis probra obiectantur. Quanquam ego naturam unam & communem omnium existimo, sed fortissimum quemque generosissimum esse. Ac si jam ex patribus Albin, aut Bestiæ quæri posset, mene, an illos ex se gigni maluerint : quid responsuros creditis, nisi sese liberos quam optimos voluisse ? Quod si jure despiciunt me, faciant idem majoribus suis ; quibus, uti mihi ex virtute nobilitas cœpit. Invident honori meo : ergo invideant labori, innocentia, periculis
etiam

etiam meis : quoniam per hæc illum cepi. Verum homines corrupti superbiâ , ita ætatem agunt , quasi honores vestros contemnant : ita hos petunt, quasi honestè vixerint. Næ illi falsi sunt qui diversissimas res pariter expectant, ignaviæ voluptatem, & præmia virtutis. Atque etiam quum apud vos aut in Senatu verba faciunt , pleraque oratione majores suos extollunt; eorum fortia facta memorando clariores sese putant : quod contrà est. nam, quantò vita illorum præclarius , tantò horum socordia flagitiosior. Et profectò ira se res habet : Majorum gloria posteris lumen est, neque bona neque mala eorum in occulto patitur. Hujusce rei ego inopiam patior, Quirites. Verum id, quod multo præclarius est, meamet facta mihi dicere licet. Nunc videte, quàm iniqui sint. Quod ex aliena virtute sibi arrogant, id mihi ex mea non concedunt : scilicet quia imagines non habeo, & quia mihi nova nobilitas est : quam certè peperisse melius est , quam acceptam corrupisse. Equidem ego non ignoro , si jam mihi respondere velint, abundè illis facundam & compositam orationem fore. Sed in maximo vestro beneficio, quum omnibus locis me vosque maledictis lacerent , non placuit reticere : ne quis modestiam in conscientiam duceret. Nam me quidem ex animi mei sententia laderè nulla oratio potest: quippe vera, necesse est bene prædicet: falsam vita, moresque mei superant. Sed quoniam vestra consilia accusantur, qui mihi sum-

summum honorem , & maximum negotium imposuistis: etiam atque etiam reputate , num id pœnitendum sit. Non possum , fidei causâ , imagines neque triumphos , aut Consulatus majorum meorum ostentare : at , si res postulet, hastas, vexillum, phaleras, alia dona militaria, præterea cicatrices adverso corpore. Hæ sunt meæ imagines , hæc mea nobilitas, non hæreditate relictâ , ut illa illis , sed quæ ego plurimis meis laboribus & periculis quæsi. Non sunt composita verba mea. Parum id facio. Ipsa se virtus satis ostendit: illis artificio opus est , uti turpia facta oratione tegant. Neque literas Græcas didici. Parum placebat eas discere , quippe quæ ad virtutem doctoribus nihil profuerunt. At illa multò optima Reipub. doctus sum ; hostes ferire , præsidia agitare, nihil metuerè , nisi turpem famam; hyemem & æstatem juxtà pati, humi requiescere , eodem tempore inopiam & laborem tolerare. His ego præceptis milites hortabor: neque illos arctè colam, me opulenter : neque gloriam meam laborem illorum faciam. Hoc est utile, hoc civile imperium. Namque quum tu te per molliem agas , exercitum supplicio cogere, est hoc dominum, non imperatorem esse. Hæc atque alia majores vestri faciendo, seque remque publ. celebravêre. Quæ nobilitas freta, ipsa dissimilis moribus, nos illorum æmulos contemnit , & omnes honores , non ex merito , sed quasi debitos , à vobis repetit. Cæterùm homines superbissimi procul erant.

rant. Majores eorum omnia quæ licebat, illis reliquere, divitias, imagines, memoriam sui præclaram: virtutem non reliquere, neque poterant. EA sola neque datur dono, neque accipitur. Sordidum me & incultis moribus ajunt: quia parum scite convivium exorno, neque histrionem ullum, neque pluris pretii coquum, quàm villicum habeo. quæ mihi libet confiteri, Quirites. Nam & ex parente meo, & ex aliis sanctis viris ita accepi, MUNDITIAS mulieribus, viris laborem convenire: omnibusque bonis oportere plus gloriæ quàm divitiarum esse: arma, non supellectilem, decori esse. Quin ergo, quod juvat, quod carum æstimant, id semper faciant: ament, potent: ubi adolescentiam habuere, ibi senectutem agant, in conviviis, dediti ventri & turpissimæ parti corporis: sudorem, pulverem & alia talia relinquant nobis, quibus illa epulis jucundiora sunt. Verum non ita est. Nam ubi se flagitiis decoravere turpissimi viri, honorum præmia ereptum eunt. Ita injustissimè luxuria & ignavia, pessimæ artes, illis qui coluere eas, nihil officiunt, Reip. innoxia cladi sunt. Nunc, quoniam illis, quantum mores mei, non illorum flagitia poscebant, respondi: pauca de Repub. loquar. Primò omnium de Numidia bonum habetote animum, Quirites. Nam quæ ad hoc tempus Jugurtham tutata sunt, omnia removistis, avaritiam, imperitiam, superbiam. Dein exercitus ibi est locorum sciens, sed mehercule magis strenuus, quàm felix.

Nam

Nam magna pars ejus avaritiâ aut temeritate ducum attrita est. Quamobrem vos, quibus militaris ætas est, adnitimini mecum, & capeffite Rempub. neque quemquam ex calamitate aliorum, aut imperatorum superbia metus ceperit. Egomet in agmine atque in prælio consultor idem & socius periculi vobiscum adero: meque vosque in omnibus rebus juxtâ geram. Et profectò, diis juvantibus, omnia matura sunt, victoria, præda, laus: quæ si dubia, aut procul essent, tamen omnes bonos Reipub. subvenire decet. Etenim nemo ignaviâ immortalis factus: neque quisquam parens liberis, ut æterni forent, optavit; magis, ut boni honestique vitam exigèrent. Plura dicerem, Quirites, si timidis virtutem verba adderent. Nam strenuis abundè dictum puto.

O R A T I O

SYLLÆ ADBOCCHUM REGEM.

SALLUST. IN BELLO JUGURTH.

Legati à Boccho veniunt, qui regis verbis ab Mario petivere, duos quam falsissimos ad eum mitteret: velle de suo & de populi Rom. commodo cum iis differere. Ille statim L. Syllam & A. Manlium iri jubet. Qui quanquam acciti ibant, tamen placuit verba apud regem facere: uti ingenium ejus aut adversum flecterent, aut cupidum pacis vehementius accenderent. Itaque Sylla, cujus facundia non ætati à Manlio concessum est, pauca verba hujuscemodi loquutus.

REx Bocche, magna lætitia nobis est, quum te talem virum dii monuere; ut aliquando pacem, quam bellum mallets, neu te optimum cum pessimo omnium Jugurtha miscendo commaculates; simul nobis ut demeres acerbam neces-

necessitudinem , pariter te errantem , & illum sceleratissimum persequi. Ad hoc pop. Romano, jam à principio inopi, melius visum, amicos, quam servos, quærere, tutiusque rati volentibus quàm coactis imperitare. Tibi verò nulla opportunior amicitia nostra : primùm quòd procul absumus ; in quo offensæ minimum, gratia par, ac si propè adessemus : dein, quòd parentes abundè habemus, AMICORUM neque nobis, neque cuiquam omnium satis fuit. Atque hoc utinam à principio tibi placuisset : profectò ex pop. Rom. ad hoc tempus multo plura bona accepisses quàm mala perpeffus es. Sed quoniam humanarum rerum fortuna pæraque regit, cui scilicet placuit & vim & gratiam nostram experiri : nunc, quando per illam licet, festina, atque, uti cœpisti, perge. Multa atque opportuna habes : quòd facilius errata officii superes. Postremò hoc in pectus tuum dimitte, nunquam populum Rom. beneficiis victum esse. Nam bello quid valeat, tute scis.

O R A T I O

BOCCHI ad SYLLAM, quâ suum erga illum studium exponit, & se bellum populo Rom. facere voluisse negat.

SALLUST. IN BELLO JUGURTH.

NU N Q U A M ego ratus sum fore, uti rex maximus in hac terra, & omnium, quos novi, opulentissimus, privato homini gratiam deberem. Et mehercule, Sylla, ante te cognitum, multis orantibus, aliis ultrò egomet opem tuli, nullius

nullius indigus. Id immutatum mihi, quod cæteri dolere solent, ego lætor: Fuerit mihi pretium eguisse aliquando tuæ amicitiae; quâ apud animum meum nihil charius habeo. Id adeo experiri licet: arma, viros, pecuniam, postremò quicquid animo libet, sume, utere: &, quoad vives, nunquam tibi redditam gratiam putaveris; semper apud me integra erit. Denique nihil me sciente frustra voles. Nam, ut ego existimo, Regem armis, quàm munificentiam, vinci minus flagitiosum. Cæterum de Repub. vestra, cujus curator huc missus es, paucis accipe. Bellum ego pop. Rom. neque feci neque factum unquam volui: fines meos adversum armatos armis tutatus sum. Id omitto: quando vobis ita placet, gerite, uti vultis, cum Jugurtha bellum: ego flumen Mulucham, quod inter me & Micipsam fuit, non egrediar, neque id intrare Jugurtham sinam. Præterea si quid meque vobisque dignum petieris, haud repulsus abibis.

O R A T I O

LEPIDI CONS. ad Popul. Roman.

EX LIBRIS HIST. SALLUST.

CLEMENTIA & probitas vestra, Quirites, quibus per cæteras gentes maximi, & clarissimi, plurimum timoris mihi faciunt, adversus tyrannidem L. Syllæ: ne aut ipsi, quæ nefanda aestimatis, ea parum credendo de aliis, circumveniamini: præsertim quum illi spes omnis in scelere atque perfidia sit, neque scilicet tutum putet,

putet, quàm si peior atque intestabilior metu vestro fuerit, quò captivis libertatis curam miseria eximat: aut, si provideritis, in tutandis periculis magis quam in ulciscendo teneamini. Satellites quidem ejus, homines maximi nominis, non minus optimis majorum exemplis, nequeo satis mirari, dominationis in vos servitium suum mercedem dant: & utrumve per injuriam malunt, quàm optimo jure, liberi agere. Præclara Brutorum atque Æmiliorum & Lucretiorum proles, geniti ad ea, quæ majores virtute pepêrere, subvertenda. Nam quid à Pyrrho, Hannibale, Philippoque & Antiocho defensum est aliud quàm libertas & sua cuique sedes; neu cui, nisi legibus, pareremus? Quæ cuncta sævus iste Romulus, quasi ab externis rapta, tenet, non tot exercituum clade, neque Cos & aliorum Principum quos fortuna belli consumpserat, satiat: sed tum crudelior, quum plerosque secundæ res in miserationem ex ira vertunt. Quin solus omnium, post memoriam hominum, supplicia in post futuros composuit: queis prius injuria quàm vita certa esset: pravissimeque per sceleris immanitatem adhuc tutus fuerit, dum vos, metu gravioris servitii, à repetenda libertate terimini. Agendum atque obviam eundum est, Quirites: ne spolia vestra penes illos sint. Non prolatandum, neque votis paranda auxilia. Nisi forte speratis per tædium jam aut pudorem tyrannidis, esse cum per scelus occupata periculosius dimissurum.

rum. At ille eò processit uti nihil gloriosum, nisi tutum, & omnia retinendæ dominationis honesta æstimet. Itaque illa quies, & otium cum libertate, quam multi probi potius quam laborem cum honoribus capessabant, nulla sunt. Hac tempestate serviendum aut imperitandum: habendus metus est aut faciendus, Quirites. Nam quid ultrà? quæve humana superant? aut divina impolluta sunt? Populus Romanus paulo antè gentium moderator, exutus imperio, gloriâ, jure, agitandi inops, despectusque, ne servilia quidem alimenta reliqua habet. Sociorum & Latii magna vis, civitate pro multis & egregiis factis à vobis data, per unum prohibentur: & plebis innoxia patrias sedes occupavêre pauci satellites, mercedem scelerum. Leges, judicia, ærarium, provinciæ, reges, penes unum, denique necis civium & vitæ licentiam. Simul humanas hostias vidistis, & sepulchra infecta sanguine civili. Estne juris reliqui aliud quàm solvere injuriam, aut mori per virtutem? Quoniam quidem unum omnibus finem natura vel ferro septis statuit: neque quisquam extremam necessitatem, nihil ausus, nisi muliebri ingenio expectat. Verùm ego seditiosus, uti Sylla ait, qui præmia turbarum quæro: & bellum cupiens, quia jura pacis repeto. Scilicet, quia non aliter salvi, satisque tuti in imperio eritis, nisi Vettius Piceus, scriba Cornelius, aliena bene parta prodegerint: nisi approbaveritis omnes proscriptiones innoxiorum ob divitias; crucia-

tus

tus virorum illustriū, vastatam urbem fuga, & cædibus, bona civium miserorum, quasi Cimbricam prædam, vænum aut dono datam. At objectat mihi possessiones ex bonis proscriptorum: quod quidem scelus illius vel maximum est, non me, neque quemquam omnium fatis tutum fuisse, si recte faceremus. Atqui illa, quanta formidine mercatus sum, pretio soluto, jure, dominis tamen restituo: neque pati consilium est, ullam ex civibus prædam esse. Satis illa fuerint, quæ, rabie contracta, toleravimus, manus conferentes inter se Romanos exercitus, & arma ab externis in nosmet versa. Scelerum & contumeliarum omnium finis sit: quorum adeo Syllam non pœnitet, ut & facta in gloria numeret, & si liceat, avidius faceret. Neque jam, quid existimetis de illo, sed quantum vos audeatis, vereor: ne, alius alium Principem expectantes, ante capiamini, non opibus ejus, quæ futiles & corruptæ sunt, sed vestra socordia, quàm raptum iri licet, & quàm audeat, tam videri felicem. Nam præter satellites, commaculatos quis eadem vult? aut quis non omnia mutata, præter victoriam? scilicet milites: quorum sanguine, Tarulæ, Scyroque pessimis fervorum divitiæ partæ sunt: an, quibus prælatus in magistratibus capiendis Fusidius, ancilla turpis, & bonorum omnium dehonestamentum? Itaque maximam mihi fiduciam parit victor exercitus, cui per tot vulnera & labores nihil, præter tyrannum, quæsitum est. Nisi fortè Tribunitiam

C

potesta-

potestatem eversum profecti sunt per arma, conditam à majoribus suis; utique jura & judicia sibi met extorquerent: egregiâ scilicet mercede, quum relegati in paludes & sylvas, in contumeliam atque invidiam suam, præmia penes paucos intelligerent. Quare igitur tanto agmine atque animis incedit? Quia secundæ res mirè sunt vitiis obtentui: quibus labefactatis, quàm formidatus antea est, tam contemnetur: nisi fortè specie concordia & pacis, quæ sceleri & parricidio suo nomina indidit. Neque aliter P. R. esse belli finem ait, nisi maneat expulsa agris plebs, præda civilis acerbissima, jus, judiciumque omnium rerum penes se, quod pop. Roman. fuit. Quæ, si vobis pax & concordia intelliguntur, maxima turbamenta Reipub. atque exitia probate: annuite legibus impositis; accipite otium cum servitio; & tradite exemplum posteris ad pop. Romanum suimet sanguinis cæde circumveniens. Mihi, quanquam per hoc summum imperium satis quæsitum erat, nomini majorum, dignitati, atque etiam præsidio: tamen non fuit consilium, privatas opes facere, potiorque visa est periculosa libertas quieto servitio. Quæ si probatis, adeste Quirites; &, bene juvantibus diis, M. Æmilium Consulem, ducem & authorem sequimini, ad recipiendam libertatem.

O R A -

ORATIO

C. COTTÆ CONSULIS ad Populum.

EX IISDEM HIST. SALLUSTII:

QUIRITES, multa mihi pericula domi, militiæ multa adversa fuere: quorum alia toleravi, partim repuli deorum auxiliis, & virtute mea: inque his omnibus, neque animus negotio defuit; neque decretis labos. Malæ, secundæque res, opes, non ingenium mihi mutabant: at contrà in his miseriis cuncta me cum fortuna deseruere. Præterea senectus per se gravis, curam duplicat, cui misero, senecta jam ætate, ne mortem quidem honestam sperare licet. Nam, si parricida vestri sum, & bis genitus hic, deos penates meos, patriamque, & summum imperium vilia habeo: quis mihi vivo cruciatus fatis est, aut quæ pœna mortuo? cum omnia memorata apud inferos supplicia scelere meo vici? A prima adolescentia in ore vestro privatus, & in Magistratibus egi: qui linguâ, qui consilio meo, qui pecuniâ voluere, usi sunt: neque ego callidam facundiam, neque ingenium ad male faciendum exercui: avidissimus privatæ gratiæ maximas inimicitias pro Repub. suscepi: qui victus cum illa simul, cum egens alienæ opis, plura mala exspectarem; vos, Quirites rursus mihi patriam, deos penates, cum ingenti dignitate dedistis. Pro quibus beneficiis, vix satis gratus, si singulis animam, quam nequeo, concesserim. NAM vita & mors jura naturæ sunt:

ut sine dedecore cum civibus, fama & fortunis integer agas, id dono datur atque accipitur. Consules non fecistis, Quirites, domi bellicque impeditissima Repub. Namque Imperatores Hispaniæ stipendium, milites, arma, frumentum poscunt: & id res cogit: quoniam post defectionem sociorum, & Sertorii per montes fugam, neque manu certare possunt, neque utilia parare. Exercitus in Asia Ciliciaque ob nimias opes Mithridatis aluntur: Macedonia plena hostium est: nec minus Italiæ maritima & provinciarum: cum interim vectigalia parva, & bellis incerta, vix partem sumptuum sustinent: ita classe, quâ commeatus vehabatur, minore quàm antea navigamus. Hæc si dolo aut socordia nostra contracta sunt, agite uti lubet, & ita supplicium sumite: sin communis fortuna asperior est, quare indigna vobis nobisque & Reipub. incipitis? Atque ego, cujus ætati mors propior est, non deprecor, siquid ea vobis incommodi demitur: neque mox ingenuo corpori honestius, quàm pro vestra salute finem vitæ fecerit. Adsum en C. Cotta Consul, facio, quod sæpe majores asperis bellis fecêre; voveo, dedoque me pro Repub. quam deinde cui mandetis, circumspicite. Nam talem honorem bonus nemo volet, quum fortunæ, & pacis, & belli ab aliis acti ratio reddenda, aut turpiter moriendum sit. Tantummodo in animis habetote, non me ob scelus aut avaritiam cæsum, sed volentem pro maximis beneficiis animam dono dedisse.

dedisse. Per vos igitur, Quirites, & gloriam majorum tolerate adversa & consulite Reipub. Multa cura summo imperio inest, multi ingentes labores: quos nequicquam abnuitis; & pacis opulentiam quæritis: cum omnes provinciæ, regna, maria, terræque aspera, aut fessa bellis sint.

ORATIONES

Ex LIVIO collectæ.

PRECATIO ROMULI

ad Jovem Statorem, ut Romanis adversus Sabinos ferat opem.

ARGUMENTUM.

Sabini post Ceninenses, Crustuminos, & Antennates, omnium novissimi contra Romanos pugnarunt. Ii dolo quodam usi, opera virginis ejusdam auro à Tatius rege corrupta, in arcem Romanam etiam armati accipiuntur. Indignatione, atque ira, cupiditateque recuperanda arce stimulat Romanis, postera die iniquo loco adversus hostes ita infelicitè pugnant, ut Hostius Hostilius eorum dux tandem occubuerit. Ita cæso duce acies Romana facile fusa est ad portam veterem palatii: quo accessus & ipse Romulus turba fugientium, arma ad cælum tollens, ita Jovem precabatur, ut Romanis adesset propitius.



IUPITER tuis jussus avibus hic in Palatio prima Urbi fundamenta jeci. arcem jam scelere emptam Sabinis habent, inde huc armati superata montis valle tendunt. At tu, pater Deum hominumque, hinc saltem arce hostes: deinde Romanis terrorem, fugamque fœdam siste. Hic

ego tibi templum Statori Jovi, quod monumentum sit posteris, tua præsentī ope servatam Urbem esse, voveo.

V E R B A

PROCULI JULII ad pop. Rom. consolationis plena.

A R G U M E N T U M.

Lenit atque mitigat Proculus Iulius plebi Romanæ desulerium Romuli, qui quum ad exercitum recensendum concionem in campo ad Capream paludem haberet, subito cœptâ tempestate cum magno fragore, tonitribusque, denso item nimbo, ita cœlo sublatus est, ut in terris postea nunquam visus sit.

ROMULUS, Quirites, parens urbis hujus, prima hodierna luce cœlo repente delapsus, se mihi obvium dedit, quum perfusus horrore venerabundusque astitissem, petens precibus, ut contra intueri fas esset; abi, nuncia (inquit) Romanis, Cœlestes ita velle, ut mea Roma caput orbis terrarum sit: proinde rem militarem colant: sciantque, & ita posteris tradant, nullas opes humanas armis Romanis resistere posse.

O R A T I O.

METTII SUFFELTII ad Tullum Hostilium Regem Romanorum, de pace componenda inter Romanos & Albanos.

A R G U M E N T U M.

Cajus Clælius Alba imperabat, Romæ Tullus Hostilius, quum Romani ex agro Albano, Albani ex Romano prædas agerent. Tum vero utrinque legati ad res repetendas missi. Contraxit forte ut Romani priores functi legatione, quum non impetrassent quod repositcerant, bellum neganti Albano, sicuti mandatum erat, in trigessimum diem indicerent. Quorum solus certior Tullus, repetentibus res suas Albanis jubet, regi suo nuntient, ita se velle, uter prior populus res repetentes legatos, aspernatus dimisisset, ut in

cum

eum Dii omnes hujusce belli clades expetant. His nuntiatis, bellum utrinque summa vi & ope parabatur. Ac Albani priores ingenti exercitu in agrum Romanum incurssures faciunt: castra non amplius quinque milia passuum ab urbe locant: in quibus Clælius moritur. Albani compertâ morte ad Mettium Suffeltium imperii summam deferunt: qui acciri ad colloquium Tullum jubet. Prior Mettius in hanc sententiam de totius rei summa loquutus est.

IN J U R I A S & non redditas res ex fœdere, quæ repetitæ sunt, & ego regem nostrum Clœlium causam hujusce esse belli, audisse videor: nec te dubito, Tulle, eadem præ te ferre. Sed si vera potius quàm dictu speciosa dicenda sunt, cupido imperii duos cognatos vicinosque populos ad arma stimulat. Neque rectè, an perperam, interpretor: fuerit ista ejus deliberatio qui bellum suscepit. Me Albani gerendo bello ducem creavêre. Illud te, Tulle, monitum velim: Etrusca res, quanta circa nos teque maximè sit, quò propior Volscis, hoc magis scis. multum illi terrâ, plurimum mari pollent. Memor esto, jam quum signum pugnæ dabis, has duas acies spectaculo fore; ut fessos confectosque simul, victorem ac victum aggrediantur. Itaque si nos Dii amant, quoniam non contenti libertate certa, in dubiam imperii servitii que aleam imus; ineamus aliquam viam, quâ, utri utris imperent, sine magna clade, sine multo sanguine utriusque populi decerni possit.

O R A T I O

P. HORATII ad populum pro filio perduellionis reo

A R G U M E N T U M.

Horatius, is qui solus ex tergeminiis fratribus supersuit, quum tergemina spolia victor gerens, obviam sororem, cognita sorte veste Curias

riatii sponsi, passis erinibus flebiliter sponsum nomine appellare videret, motus comploratione intempestiva eam ferro transfigit. Hoc nomine in jus ad Regem Tullum quum raptus esset, à Tullò duumviri capitales, sicuti lex jubebat fiunt, qui Heratio perduellionem judicarent. Iam duumvir ei perduellionem judicarat, jam lictor jussus laqueum injiciebat, quum auctore Tullò, Protoco, inquit. Ita de provocacione ad populum certatum est: quo judicio absolutus est, magis admiratione virtutis quàm jure causa. Ac in eo quidem judicio maxime pater homines movet, qui præter alia, hac oratione usus est.

HUCCINE, quem modo decoratum o-
 vantemque victoria incedentem vidistis,
 Quirites, eum sub furca vinctum inter verbera
 & cruciatus videre potestis? quod vix Albano-
 rum oculi tam deformis spectaculum ferre pos-
 sent. I, lictor, colliga manus, quæ paulò antè
 armatæ imperium populo Romano pepere-
 runt. I, caput obnube liberatoris urbis hujus:
 arbori infelici suspende; verbera vel intra po-
 mœrium, modò inter illa pila, & spolia ho-
 stium: vel extra pomœrium, modò intra se-
 pulchra Curiatorum. Quò enim ducere hunc
 juvenem potestis, ubi non sua decora eum à
 tanta fœditate supplicii vindicent?

O R A T I O

TULLI ROMANORUM REGIS de prodicione
 Metii Suffetii Albanorum ducis, ad milites.

A R G U M E N T U M.

*Metius Suffetius dux Albanorum in fide Romanorum per speciem si-
 mulationis manens, Fidenates concitabat ad bellum gerendum ad-
 versus Romanos. Ii, assumptis sociis consilii Vejentibus, jam dispo-
 nebant acies, quum adversus Vejentes Tullus suos dirigit, Alba-
 nos duce Mettio contra Fidenates collocat. Albanus eo bello, sicuti
 hostibus receperat, clam, non ausus apertè, ac sensim subiit ad mon-
 tes. Ita nihilominus dimicatum est, ut fusi hostes fugatique, victo-
 res Romani fuerint. Postera die vocat ad concione m Romanos Al-
 banosque Tullus: ibi prodicionem Suffetii aperit.*

ROMA-

ROMANI, si unquam antè aliàs ullo in bello fuit, quòd primùm Diis immortalibus gratias agerétis, deinde vestræ ipsorum virtuti, hesternum id prælium fuit. Dimicatum est enim non magis cum hostibus, quàm, quæ dimicatio major ac periculosior est, cum prodicione ac perfidia sociorum. Nam, ne vos falsa opinio teneat, injussu meo Albani subière ad montes, nec imperium illud meum, sed consilium, & imperii simulatio fuit: ut nec vobis ignorantibus deferi vos, averteretur à certamine animus, & hostibus circumveniri se à tergo ratis, terror ac fuga injiceretur. Nec ea culpa, quam arguo, omnium Albanorum est, ducem secuti sunt: ut & vos, si quo ego inde agmen declinare voluissem, fecissetis. Mettius ille est ductor itineris hujus, Mettius idem hujus machinator belli, Mettius fœderis Romani Albanique ruptor. Audeat deinde talia alius, nisi in hunc insigne jam documentum mortalibus dederò. *Centuriones armati Mettium circumstant, rex cætera, ut orsus erat, peragat.* Quod bonum, faustum, felixque sit populo Romano, ac mihi vobisque, Albani; populum omnem Albanum Romanum traducere in animo est, Civitatem dare plebi, primores in Patres legere; unam urbem, unam Rempub. facere. Ut ex uno quondam in duos populos divisa Albana res est, sic nunc in unum redeat, *Ad hæc, Albana pubes inermis ab armatis septa, in variis voluntatibus, communi tamen metu cogente, silentium tenet, Tum Tullus.* Metti Suffeti,

feti, *inquit*, si ipse discere posses fidem ac fœdera servare; vivo tibi ea disciplina à me adhibita esset. Nunc quoniam tuum insanabile ingenium est, tuo supplicio doce humanum genus ea sancta credere, quæ à te violata sunt. Ut igitur paullò antè animum inter Fidenatem Romanamque rem ancipitem gessisti, ita jam corpus passim distrahendum dabis.

V E R B A,

SEU EXHORTATIO TANAQUIL ad
Servium generum de regno.

A R G U M E N T U M.

Anci Martii filii duo erant, qui quum pro indignissimo haberent se per Tarquinium regni possessione pulsos, multo tamen indignius illud ferentes, quod ad Servium Tullum serva natum imperium casurum videbatur, regem per duos pastores, quos ad facinus delegerant, interficiunt. Tanaquil regina de viri salute prorsus desperans, propere accitum Servium, ad imperium his verbis hortatur.

TUUM est, Servi, si vires, regnum: non eorum qui alienis manibus pessimum facinus fecêre. Erige te, Deosque duces sequere, qui clarum hoc fore caput divino quondam circumfuso igni portenderunt. Nunc te illa cœlestis excitet flamma. Nunc expergiscere vere. Et nos peregrini regnavimus. Qui sis, non unde natus sis, reputa. Si tua te subita consilia torpent, at tu mea sequere.

EXHORTATIO

TULLIÆ ad L. TARQUINIUM maritum
suum, de regni affectatione.

A R G U M E N T U M.

Servius Tullius rex veritus ne à liberis duobus Prisci Tarquinii sibi pararentur insidiæ, quemadmodum ipsi Prisco à filiis Anci nexa fuerant: iis filias suas collocaverat: ita tamen, ut essent dispares moribus, ferox mitis ingenii filio daretur, mitis feroci viro. Minor ægre passa cum impari se conjungi, sic rem cum L. Tarquinio scrovis marito transigit, ut interempto utroque jungi matrimonio placeret. Ea haud ita multo post, maritum ipsum ad regni affectationem sollicitat.

SI tu is es, cui nuptam esse me arbitror, & virum & regem appello: sin minus, eo nunc pejus mutata est res, quod isthic cum ignavia est scelus. Quin accingeris? Non tibi ab Corintho, nec ab Tarquiniis, uti patri tuo, peregrina regna moliri necesse est. Dii te penates, patriique, & patris imago, & domus regia, & in domo regale solium, & nomen Tarquinium creat vocatque Regem. Aut si ad hæc parum est animi, quid frustraris civitatem? quid te ut regium juvenem conspici sinis? Fecisse hinc Tarquinius, aut Corinthum. Devolvere retro ad stirpem, fratri similior, quàm patri.

LUCRETIE QUERELÆ ac lamentatio ad virum, patrem, & amicos, de violatione.

A R G U M E N T U M.

Inciderat fortè de uxorum forma mentio cœnantibus Tarquinii Superbi liberis apud Sextum Tarquinium fratrem, cum Collatino Tarquinio. Quum nemo non suam laudaret, illud ipsum experiri placuit. Penes Lucretiam Collatini Tarquinii uxorem, ejus certaminis laudem ac victoriam omnes fatentur. Inde Sextus Tarquinus facta libidine Lucretia per vim stupranda captus, paucis interjectis

diebus Collatiam venit : acceptus benignè domum ubi tempus adesse videt, stricto gladio ad eam dormientem accedit. Ibi cum mortua se jugulatum servum positurum ad postremum dicens, obstinatam pudicitiam vincit. Postero die mæsta patrem, maritum, singulosque amicos celeriter venirent monet : rem enim atrocem incidisse. Rem ipsam præsentibus, sicuti habebat, exponit.

QUÆRENTI viro, Satin' salve? minimè, inquit, quid enim salvi est mulieri amissa pudicitia? Vestigia viri alieni, Collatine, in lecto sunt tuo. Cæterum corpus est tantum violatum, animus insons, mors testis erit. Sed date dextras fidemque, haud impune adultero fore. Sextus est Tarquinius, qui hostis pro hospite priore nocte vi armatus mihi sibi que, si vos viri estis, pestiferum hinc abstulit gaudium. Dant ordine omnes fidem: consolantur ægram animi, avertendo noxam à coacta in auctorem delicti. mentem peccare, non corpus : & unde consilium absuerit, culpam abesse. Vos, inquit, videritis quid illi debeatur : ego me, etsi peccato absolvo, supplicio non libero. nec ulla deinde impudica Lucretiæ exemplo vivet.

Ex secundo libro ab urbe condita.

O R A T I O

P. VALERII PUBLICOLÆ ad populum de crimine sibi objecto.

A R G U M E N T U M.

Mortuo Bruto, regnum afficere P. Valerium Bruti collegam fama tenebat, quod collegam in demortui locum non substituerat in summaque Velia auspicaret. Is ea recognita, submissis præmum, opulo fascibus in concionem ascendit. Ibi habita primo funebri oratione de Bruti laudibus, suspicionem in hanc sententiam sustulit.

NUNQUAMNE ergo, ulla adeo à vobis spectata virtus erit, ut suspitione violari nequeat?

nequeat? Ego me illum acerrimum regum hostem; ipsum cupiditatis regni crimen subituum timerem? Ego si in ipsa arce Capitolioque habitarem, metui me crederem posse à civibus meis? tam levi momento mea apud vos fama pendet? Adeòne est fundata leviter fides, ut ubi sim, quàm qui sim, magis referat? Non obstabunt P. Valerii ædes libertati vestræ, Quirites: tuta erit vobis Velia: Deferam non in planum modò ædes, sed colli etiam subjiciam: ut vos supra suspectum me civem habitetis. In Velia ædificent, quibus melius quàm P. Valerio creditur libertas.

O R A T I O

MUTII SCÆVOLÆ ad Porsenam Clusinum Regem.

A R G U M E N T U M.

Mutius Scævola indignum ratus ab Etruscis abscideri populum Romanum liberum, qui servus sub regibus à nullis hostibus obfessus fuisset impetrata venia à Senatu in hostium castra consilio regis Porsena intersuendi penetrat. Ibi ad regium tribunal consistens quum inter duos, uter Porsena esset, distinguere non posset, scribam regis pro Porsena ebruncat. Comprehensus per Satellites, regi consilium voluntatemque suam exponit.

ROMANUS sum civis: C. Mucium vocant. hostis hostem occidere volui. nec ad mortem minus animi est. quàm fuit ad cædem. Et facere & pati fortia, Romanum est. Nec unus in te ego hos animos gessi: longus post me ordo est idem petentium decus. Proinde in hoc discrimen, si juvat, accingere, ut in singulas horas capite dimices tuo: ferrum hostemque in vestibulo habeas regix. Hoc tibi juven-

juventus Romana indicimus bellum. Nullam
aciem, nullum prælium timueris. Uni tibi, &
cum singulis, res erit.

O R A T I O

MARTII CORIOLANI ad patres contra ple-
bem & tribunos.

A R G U M E N T U M.

*Seessione plebis in Sacrum montem, factum erat, ut incultis agris
magna eo anno annonæ caritate laboraretur. Id quod patrum ani-
mos, copiaque frumenti recens adveſti adversus plebem, præter-
quam quod jam ei infeſta eſſet magistratuum nomine, qui Patriciis
non patebant, etiam maximè concitavit, ut jam multis veniſſe tem-
pus videretur recuperandi jura ſeſſione ac vj patribus extorta.
In iis Cn. Martius Coriolanus, quum in Senatu deliberaretur
quantum plebi frumenti daretur, his verbis ſententiam peregit.*

SI Annonam veterem volunt, jus priſtinum
reddant Patribus. Cur ego plebejos magi-
ſtratus, cur Sicinium potentem pollentemque
video ſub jugum miſſus, tanquam à latronibus
redemptus. Egône has indignitates diutius pa-
tiar, quàm neceſſe eſt? Tarquinius regem qui
non tulerim, Sicinium feram? Secedat nunc,
avocet plebem, patet via in Sacrum montem,
alioſque colles. Rapiant frumenta ex agris no-
ſtris, quemadmodum tertio anno rapuère,
fruantur, utantur annonâ quam furore ſuo fe-
cère. Audeo dicere, hoc malo, domitos ipſos
potius cultores agrorum fore, quam ut armati
per ſeſſionem coli prohibeant.

O R A-

O R A T I O

ACTII TULLII Volscorum Principis ad Consules, ut ludis non adessent Volsci.

A R G U M E N T U M.

Martius Coriolanus damnatus absens velut indicta causa, in Volscos exulatum abierat: ibi Actii Tullii Volscorum longe Principis utebatur hospitio. Iam consuetudo ipsa socios eos amicosque fecerat, quum de bello Romano conferunt Consilia. Resque jam tum eò deducta erat ut Actius octassidem modo suos adversus Romanos concitandi quæreretur. Tum fortè ludi magni Romæ instaurabantur. Ad quos Actius Volsci que conveniunt. Is Actius antè nactus opportunitatem quam ludi committerentur, Consules, remotis arbitris, de suorum ingenio & natura alloquitur in hanc sententiam. Quæ omnia ad bellum jam animo conceptum pertinent.

INVITUS, quod sequius sit, de meis civibus loquor. Non tamen admissum quicquam ab iis, criminatum venio, sed cautum, ne admittant. Nimio plus quàm velim nostrorum ingenia sunt mobilia. multis id cladibus sensimus. Quippe qui non nostro merito, sed vestrâ patientiâ incolumes sumus. Magna hîc nunc Volscorum multitudo est. Ludi sunt, spectaculo inventa civitas erit. Memini quid per eandem occasionem ab Sabinorum juventute in hac urbe commissum sit. Horret animus, nequid inconsultò ac temere fiat. Hæc, nostra vestraque causa, prius dicenda vobis, Consules, ratus sum. Quod ad me attinet, extemplo hinc domum abire in animo est, ne cujus facti dictive contagione præsens violer.

ORATIO

ACTII TULLII ad suos, quâ eos in Romanos concitat.

ARGUMENTUM.

Conjunctum est insequentis cum superioris argumento. Consules, quæ sine arbitris ab Actio acceperant, quum detulissent, senatusconsulto facto Volsi omnes ante nollem ex urbe per præconem excedere jubentur. Quum aliquantum itineris extra urbem progressi essent, Actius, indignitate rei per se satis concitatos, hac quoque oratione inflammavit.

VETERES Populi Romani injurias, cladesque gentis. Volscorum, ut omnia, obliviscimini alia, hodiernam hanc contumeliam, quo tandem animo fertis. quâ per nostram ignominiam ludos commiscere? An non sensistis triumphatum hodie de vobis esse? Vos omnibus civibus, peregrinis, tot finitimis populis, spectaculo abeuntes fuisse? Vestras conjuges, vestros liberos traductos per ora hominum? Quid eos, qui audire vocem præconis? quid, qui vos videre abeuntes? quid eos, qui huic ignominioso agmini fuere obvii, existimasse putatis? nisi aliquod profectò nefas esse, quo, si intersimus spectaculo, violaturi simus ludos, piaculumque meritari. ideo nos ab sede piorum, coetu, concilioque abigi. Quid, deinde, illud non succurrit, vivere nos, qui maturavimus proficisci? Si hæc profectio, & non fuga est, & hanc urbem vos non hostium ducitis, ubi si unum die in morati essetis, moriendum omnibus fuit? Bellum vobis indictum est: magno illorum malo, qui indixere, si viri estis.

Ex

Ex tertio libro ab urbe condita.

O R A T I O

Q. FABII AD TRIBUNOS PLEB. alios
omnes præter Terentillum.

A R G U M E N T U M.

C. Terentillus Arsa tribunus Pleb. absentibus consulibus longa oratione plebi consulare imperium invidiosum adeo effecerat, ut ipsi legem se promulgaturum profiteri, qua crearentur Quinquaginti legibus de imperio consulari scribendis, et vehementer assentiretur, Senatus inde à præfetto urbis Q. Fabio vocatus, ubi atrociter in rogationem latoremque invehitus est primum, deinde his verbis tribunos de re ipsa convenit.

VOS cæteri tribuni, oramus, ut primum omnium cogitetis, potestatem istam ad singulorum auxilium, non ad perniciem universorum comparatam esse. tribunos plebis vos creatos, non hostes Patribus. Nobis miserum, invidiosum vobis est desertam Rempub. invadi. non jus vestrum, sed invidiam minueritis. Agite cum collega ut rem integram in adventum consulum differat, ne Æqui quidem, ac Volsci, morbo absumptis priore anno consulibus, crudeli superboque nobis bello institeret.

O R A T I O

AULI VIRGINII TRIBUNI PLEB. ad plebem de Cæsonis arrogantia.

A R G U M E N T U M.

Legem tulerat Terentillus tribunus pleb. ut, quod populus in se jus dedisset, eo consul uteretur: quam patres impediabant. Quæ causa fuit ut tribuni delectum ad bellum haberi prohiberent. Coorta demum seditio est, ac rixa: quumque alia à patribus, alia à tribunis ad eam rem pertinentia jollata forent, Cæso juvenis ferox in medio patrum agmine tribunitios unus furores sustinebat. Aulus Virginius

nus tribunus pleb. juvenis insolentia permotus, ei legi obstanti capitis die dicta, hac sententia superbiam plebi readebat invidiosam.

ECQUID sentitis, jam vos, Quirites, Cæsonem simul civem, & legem quam cupitis, habere non posse? Quanquam quid ego legem loquor? libertati oſtat, omnes Tarquinios superbia exuperat. Exspectate dum consul aut dictator fiat, quem privatum viribus & audaciâ regnantem videtis.

O R A T I O

P. VALERII PUBLICOLÆ consulis ad tribunos omnemque plebem.

A R G U M E N T U M.

Exules servique arcem Romanam nocte ad magnum numerum luce App. Herdonio occupaverant. Quod ubi compertum fuit, reliquum noctis in armis Romani egerunt, ignari qui homines, quantusque numerus hostium esset. Postero die quum Herdonius consilium voluntatemque suam declarasset, tum quoque tribuni pleb. non bellum illud, sed imaginem modo contendebant ad avertendos à legis cura plebis animos. Populos itaque ab armis discedere jubent. Quod eum Patribus nuntiatum esset, P. Valerius ex curia in templum ad tribunos veniens, de periculo cum iis primum deinde cum plebe sic egisse fertur.

QUI hoc rei est, tribuni? Appii Herdonii ductu & auspicio Rempub. everſuri estis? tam felix vobis corrumpendis fuit, qui servitia vestra non commovit auctor? Quum hostes supra caput sint, discedi ab armis, legesque ferri placet? *Inde ad multitudinem oratione versa*: Si vos urbis, Quirites, si vestri nulla cura tangit; at vos veremini, Deos patrios ab hostibus captos. Jupiter optimus maximus, Juno regina, & Minerva, alii Dii Deæque obsidentur. Castra servo-

servorum publicos vestros penates tenent. Hæc vobis forma sanæ civitatis videtur? Tantum hostium non solum intra muros est, sed in arce supra forum, curiamque: comitia interim in foro sunt: senatus in curia est: velut quum otium superat, senator sententiam dicit: alii Quirites suffragium ineunt. Non quicquid patrum plebisque est, consules, tribunos, Deos hominesque omnes armatos opem ferre, in Capitolium currere, liberare ac pacare augustissimam illam domum Jovis optimi maximi decuit? Romule pater, tu mentem tuam, quâ quondam arcem ab his iisdem Sabinis auro captam recepisti, da stirpi tuæ, jube hanc ingredi viam, quam tu dux, quam tuus ingressus exercitus est Primus en ego consul, quantum mortalis Deum possum, te, ac tua vestigia sequar.

O R A T I O

L. QUINTII CINCINNATI ad populum
adversus A. Virginium.

A R G U M E N T U M.

Caso, cui dictus capitis dies fuerat, in Tuscos exulatum, nequicquam amicis intercedentibus, abierat. Ejus pater L. Quintius Cincinnatus in sequenti anno consul creatus, non immemor filium, Auli Virginii maximè invidia, in exilium relegatum esse, Quiritibus eum hac concione invidiosum faciebat.

AULUS ille Virginius, quia in Capitolio non fuit minus supplicii, quam Ap. Herdonius meruit? Plus hercule aliquantò, qui verè rem estimare velit, Herdonius, si nihil aliud, hostem se fatendo propè denunciavit, ut arma capere-

peretis : hic negando bella esse, arma vobis ademit, nudosque servis vestris & exulibus objecit. Et vos (C. Claudii pace , & P. Valerii mortui loquar) prius in clivium Capitolinum signa intulistis, quam hos hostes de foro tolleretis? Pudet Deorum hominumque. quum hostes in arce, in Capitolio essent, exulum & servorum dux profanatis omnibus in cella Jovis optimi maximi habitaret, Tusculi antè quàm Romæ sumpta sunt arma. In dubio fuit, utrum L. Mamilius Tusculanus dux, an P. Valerius, & C. Claudius consules Romanam arcem liberarent, & qui antè Latinos ne pro se quidem ipsis, quum in finibus hostem haberent, attingere arma passi sumus; nunc, nisi Latini sua sponte arma sumpsis-
sent, capti & deleti eramus. Hoc est, tribuni, auxilium plebi ferre? inermem eam hosti trucidandam objicere? Scilicet, si quis vobis humillimus homo de vestra plebe, quam partem, veluti abruptam à cætero populo vestram patriam peculiaremque Rempub. fecistis, si quis ex his domum suam obsessam à familia armata nunciaret, ferendum auxilium putaretis. Jupiter optimus maximus, exulum atque servorum septus armis, nulla humana ope dignus erat? & hi postulant, ut sacrosancti habeantur, quibus ipsi dii neque sacri, neque sancti sunt. At enim divinis humanisque obruti sceleribus, legem vos hoc anno perlaturos dictitatis? Tum Hercule illo die quo ego consul sum creatus, malè gesta Respub. est, pejus multo quàm quum
P. Vale-

P. Valerius consul periit, si tuleritis. Jam primum omnium, Quirites, in Volscos & Æquos mihi atque collegæ legationes ducere, in animo est. Nescio quo fato, magis bellantes quam pacati propitios habemus Deos. Quantum periculum ab illis populis fuerit, si Capitolium ab exulibus obsessum scissent, suspicari, de præterito quàm re ipsa experiri, est melius.

O R A T I O

L. Q. CINCINNATI ejusdem adversus patrum licentiam.

A R G U M E N T U M.

Contentiones inter patres ac populum ortæ erant de magistratibus, an exacto tempore iis destinato continuari: an comitia iisdem creandis haberi deberent. At quum tribuni de lege Terentilla ante referre vellent, conabantur impedire quo minus comitia haberentur à consulibus. Senatus ea de re in Capitolio habitus: quo tribuni cum plebe perterrita conveniunt. De plebis & tribunorum postulatis relatione consulum senatusconsulta facta, ut eo anno tribuni legem non ferrent, consules ab urbe copias non educerent. Magistratus continuari, & tribunos refici, judicant contra Remp. esse. Contra sententiam eam senatus, tribuni primum refecti: deinde patres, ne plebi cedere viderentur, L. Q. Cincinnatum consulem reficiebant, quum in patres hac oratione invehit.

MIRER, si vana vestra, P. C. ad plebem auctoritas est? Vos elevatis eam, quippe quia plebs senatusconsultum in continuandis magistratibus solvit, ipsi quoque solutum vultis, ne temeritati multitudinis cedatis: tanquam id sit plus posse in civitate, plus levitatis ac licentiæ habere. levius enim, vaniusque profectò est, sua decreta & consulta tollere, quàm aliorum. Imitemini, P. C. turbam inconsultam: & qui exemplo aliis esse debetis, aliorum exemplo peccetis

peccetis potius, quàm alii vestro rectè faciant, dum ego ne imiter tribunos, nec me contra senatusconsultum consulem renuntiari patiar. Te verò, C. Claudii, adhortor, ut & ipse pop. Roman. hâc licentiâ arceas : & de me hoc tibi persuadeas, me ita accepturum, ut non honorem meum à te impeditum, sed gloriam spreti honoris auctam invidiamque, quæ ex continuato eo impenderet, levatam putem.

O R A T I O

ICILII ADVERSUS APPII decretum, ut sponsa extra domum paternam maneret.

A R G U M E N T U M.

Virginis exempli recti vir, in Algiro vitam ducens, Icilio cuidam filiam insigni forma desponderat. Ejus stuprandæ libidine captus Appius Claudius decemvir, ubi nec precibus nec muneribus pudorem virginis vinci posse intellexit, M. Claudio clienti dat negotium, ut Virginiam in servitutem assereret, nec cederet secundum libertatem vindicias dari postulantibus. Servam enim suam eam natam diceret. Compræhensa ea, quum tandem ad tribunal Appii adducta, in patris adventum (nam ab urbe aberat) extra patris domum abâucti juberetur: fortè Icilius sponsus interveniens, decreto Appii in hanc sententiam resistebat.

FERRO hinc tibi summovendus sum, Appii, ut tacitum feras, quod celari vis. Virginem ego hanc sum ducturus, nuptam pudicamque habiturus. Proinde omnes collegarum quoque lictores convoca, expedire virgas & secures jube: non manebit extra domum patris sponsa Icili. Non si tribunitium auxilium, & provocationem plebi Romanæ, duas arces libertatis tuendæ, ademistis, ideo in liberos quoque nostros conjugisque regnum vestræ libidini datum

tum est. Sævite in tergum, & in cervices nostras, pudicitia saltem in tuto sit. Huic si vis auferetur, ego præsentium Quiritium pro sponsa, Virginius militum pro unica filia, omnes Deorum hominumque implorabimus fidem. neque tu istud unquam decretum sine cæde nostra referes. Postulo, Appi, etiam atque etiam consideres, quo progrediare. Virginius viderit de filia, ubi venerit, quid agat. Hoc tantùm sciat, sibi, si hujus vindiciis cesserit, conditionem filiæ quærendam esse. Me vindicantem sponsam in libertatem, vita citius deseret, quam fides.

O R A T I O

VIRGINII PATRIS adversus Appium.

A R G U M E N T U M.

Hujus principium ad finem superioris pertinet, Vindicatio Virginie in posterum diem dilata. Virginium patrem interim parentes prope acciri jubent ex castris: qui quum decretis vindiciis secundum servitutem, ab assertore M Claudio filiam comprehendi videret, ira concitatus manus in Appium intentans his verbis eum incescit.

ICILIO, Appi, non tibi filiam despondi & ad nuptias, non ad stuprum educavi. Placet pecudum ferarumque ritu promiscue in concubitus ruere? Passurine hæc isti sint, nescio, non spero esse passuros illos qui arma habent.

O R A T I O

VIRGINII ad MILITES, quâ honorem sibi delatum recusavit.

A R G U M E N T U M.

Quum Romæ libidinis Appii facto exitu omnia perturbata essent, Virginius

Virginus in castra quæ tum in monte Vero illo erant, rerum eventum permotus venit. Ibi militibus ordine ut quidque gestum erat, reposita, ostendens ferrum quo Virginiam filiam transfixisset, omnia metu complevit. Rei atrocitate milites commoti, in Aventinum proficiscuntur: ubi Virginus, quum decem creari debere censeret qui summæ rerum præessent, consilio sententiaque approbata, omnes ad eum primum potestatem deferrebant: quam ita recusasse fertur.

MELIORIBUS meis vestrisque rebus servate ista, de me iudicia. Nec mihi filia in vita honorem ullum jucundum esse patitur: nec in perturbata Repub. eos utile est præesse vobis, qui proximi invidiæ sint. si quis usus mei est, nihilò minor ex privato capietur.

O R A T I O

SENIORUM PATRUM ad patres & decemviros de decemviratus abdicatione, & tribunatus pleb. instauratione.

A R G U M E N T U M.

Hoc ad finem prioris pertinet. Ex Aventino in Sacrum montem non ita multo post transit plebs tota, auctore M. Duilio, qui tribunus pleb. fuerat: ob idque maxime quod diutius passuri non essent tribunatum abrogatum, quod ubi Romam nuntiatum fuit, extemplo in senatum patres conveniunt, ubi de re ipsa consultarent. Eorum multi (in quibus Horatius & Valerius) in hunc modum vociferabantur.

QUID expectabitis P. C. Si decem viri finem pertinaciæ non faciunt, rueret ac de-
flagrare omnia passuri estis? Quod autem istud imperium est, decem viri, quod amplexi tenetis? Tectis ac parietibus iura dicturi estis. Non pudet licitorum vestrorum maiorem propè numerum in foro conspici, quàm togatorum aliorumque? quid, si hostes ad urbem veniant, facturi estis? Quid si plebs mox, ubi parum secessione moveamur, armata veniat? Occa-

~~frone~~ urbis vultis finiri imperium ? Atqui aut plebs non est habenda , aut habendi sunt tribuni plebis. Nos citius caruerimus patriciis magistratibus , quàm illi plebejis. Novam inexpertamque eam potestatem eripuerè patribus nostris , ne nunc dulcedine semel capti ferant desiderium , quum præsertim nec nos temperemus imperiis , quò minus illi auxilii egeant.

O R A T I O

LEGATORUM VALERII & HORAT.

ad postulata plebis in Sacro monte.

A R G U M E N T U M.

Decemvirorum maximè culpa plebs in Aventinum primùm, deinde in sacrum montem secesserat , quòd finito imperii tempore abire magistratu nollent. Ii. seditionibus tumultibusque coacti , quum se in patrum potestate futuros prædicarent , missi Horatius & Valerius in Sacrum montem ad plebem , conditionibus quibus videretur revocandum. Multitudo ipsa , quum tribunitiam potestatem & provocationem se rejeterè velle diceret , tum demum in hanc sententiam de postulatis legati laquuti sunt.

ADEO æqua postulastis, ut ultro vobis deferenda fuerint. Libertati enim ea præsidia petitis, non licentiæ ad impugnandum alios. Iræ vestræ magis ignoscendum quàm indulgendum est. quippe qui crudelitatis odio in crudelitatem ruitis : & prius penè quàm ipsi liberi sitis dominari jam in adversarios vultis. Nunquamne quiescet civitas nostra à suppliciis , aut patrum in plebem Romanam , aut plebis in patres ? Scuto vobis magis, quàm gladio opus est. Satis superque humilis est, qui jure æquo in civitate vivit, nec inferendo injuriam, nec pati-

D

tiendo.

tiendo, etiam, si quando metuendos vos præbituri estis, quum recuperatis magistratibus legibusque vestris, judicia penes vos erunt, de capite nostro fortunisque: tunc, ut quæque causa erit, statuetis. nunc libertatem repeti, satis est.

O R A T I O

APPII, DUM MAGISTRATU se abdicare vellet.

A R G U M E N T U M.

Legati mandata plebi quum patribus exposuissent, decemviri omnes præter Appium non abnuebant quin magistratum deponerent. Unus itaque Appius perstabat, qui tandem pudore coactus, in hac verba, se velle abire decemviratu, professus est.

HAUD ignaro imminet fortuna. Video donec arma adversariis tradantur, differri adversus nos certamen, dandus invidiæ est sanguis. Nihil ne ego quidem moror, quò minus decemviratu abeam.

O R A T I O

LEGATORUM AD PLEBEM ut in urbem rediret.

A R G U M E N T U M.

Quum ingenti omnium lætitia magistratu abiissent decemviri, missi sunt legati qui plebi omnia quæ gesta erant exponerent, interque alia monerent ut ad patriam rediret. Ii ad hanc sententiam egerunt.

QUOD bonum; faustum, felixque sit vobis, rei que publicæ, redite in patriam ad penates, conjuges, liberosque vestros. Sed quâ hîc modestiâ fuistis, ubi nullius ager in tot usu rerum

rum necessario tantæ multitudini est violatus. Eam modestiam ferte in urbem. In Aventinum ite, unde profecti estis. Ibi felici loco, ubi prima initia inchoastis libertatis vestræ, tribunos plebis creabitis. Præsto erit pontifex maximus, qui comitia habeat.

O R A T I O

A. VIRGINII adversus Appium reum.

A R G U M E N T U M.

Creati tribuni pleb. confirmatâ lege de provocatione singulos aggrediuntur, qui facinus aliquod adhuc impune ausi fuerant. Delingunt primum A. Virginium tribunum pleb. accusatorem: Appium, qui decemvir fuerat, reum: Accusator sic adversus reum egit.

ORATIO rebus dubiis inventa est. Itaque neque ego accusando apud vos eum, tempus teram, à cujus crudelitate vosmet ipsos armis vindicastis: nec istum ad cætera scelera impudentiam in defendendo se adjicere patiar. Omnium igitur tibi, Appi Claudii, quæ impiè nefarièque per biennium alia super alia es ausus, gratiam facio. Unius tantum criminis, ni judicem dices, te ab libertate, in servitutem contra leges vindicias non dedisse, in vincula te duci jubeo.

O R A T I O

M. DUILLII TRIBUNI PLEB. Quum potestati tribunitiæ modum fecisset.

A R G U M E N T U M.

Ingenti jam metu patres perculsi erant, quod tribuni pleb. in judiciis, quibus jam Ap. Claudius & Sp. Oppium in vincula conjecerant.

jecerant, C. Claudium in exilium miserant, longè severiores quàm decemviri viderentur. M. Duilius tribunus pleb. quum id comperisset, patres in hanc sententiam ad spem libertatis revocare conabatur.

ET libertatis nostræ, & pœnarum ex inimicis satis est. Itaque hoc anno nec diem dici cuiquam, nec in vincula duci quenquam sum passurus. Nam neque vetera peccata repeti jam oblitterata placet, quum nova expiata sint decemvirorum suppliciis: & nihil admissum iri, quod vim tribunitiam desideret, spondet perpetua consulum amborum in libertate vestra tuenda cura.

O R A T I O

VALERII CONSULIS, quâ equites ad fortiter pugnandum hortatur.

A R G U M E N T U M.

Valerius consul adversus conjunctos, jam in Algidio exercitu Equorum & Volscorum bellum sustinebat. Castris jam tantisper copias continuerat, dum pars hostium in Hernicos, pars in Latinos, jam propè de victoria certi ad prædam agendam contendissent: quum signa inferri jubet. Quo bello pedites multo sermone adhortatus ad egregiè pugnandum, equites his verbis incitavit.

AGITE juvenes, præstate virtute peditem, ut honore atque ordine præstatis. Primo concursu pedes movit hostem, pulsum vos immissis equis exigite è campo. Non sustinebunt impetum, & nunc cunctantur magis quam resistunt.

O R A T I O

HORATHII CONSULIS quâ suos cohortatur.

A R G U M E N T U M.

De victoria Valerii contra Volscos atque Equos factus certior Horatius collega Valerii, in hanc sententiam milites ad strenuè pugnandum adversus Sabinos adhortabatur.

QUEM-

QUEMADMODUM in Algido res gesta sit, arbitror vos milites audisse. Qualem liberi populi exercitum decuit esse, talis fuit. Consilio collegæ, virtute militum victoria parata est. Quod ad me attinet, id consilii animique habiturus sum, quod vos milites mihi effeceritis, Et trahi bellum salubriter, & maturè perfici potest. Si trahendum est: ego, ut in dies spes virtusque vestra crescat, eâdem quâ institui disciplinâ efficiam. Si jam satis animi est, decernique placet, agite dum clamorem, qualem in acie sublaturi estis, tollite hic, indicem voluntatis virtutisque vestræ.

O R A T I O

T. Q. CAPITOLINI quartum Consulis ad populum Romanum.

A R G U M E N T U M.

Discordiscivium, quæ jam non ultrâ reprimi poterant, fiebat ut conciones etiam de qualibet re fieri impedirentur. Quod posteaquam Æquis Volscisque compertum fuit, conjunctis exercitibus, primum agros circa omnes vastabant: deinde quum Romanos id etiam negligere vidissent, ad mœnia Urbis populabundi accessere. Tum Q. Capitolinus, concione populi vocata, hac oratione periculi magnitudinem reiçus indignitatem exposuit.

ET si mihi nullius noxæ conscius, Quirites, sum, tamen cum pudore summo in concionem vestram processi. Hoc vos scire hoc posteris memoriæ traditum iri, Æquos & Volscos vix Hernicis modò pares, T. Quintio quartum consule ad mœnia urbis Romæ impunè armatos venisse. Hanc ego ignominiam (quam jamdiu ita vivitur; is statns rerum est, ut

nihil boni divinet animus) si huic potissimum imminere anno scissem, vel exilio, vel morte, (si alia fuga honoris non esset,) vitassem. Ergo si viri arma illa habuissent quæ in portis fuere nostris, capi Roma me consule potuit? satis honorum, satis superque vitæ erat. mori consulem tertium oportuit. Quem tandem ignavissimi hostium contempsere? nos consules? an vos Quirites? Si culpa in nobis est, auferte imperium indignis: & si id parum est, insuper pœnas expetite. Si in vobis, nemo Deorum nec hominum sit, qui vestra puniat peccata Quirites, vosinet tantum eorum pœniteat. Non illi vestram ignaviam contempsere, nec suæ virtuti confisi sunt, quippe toties fusi, fugatique, castris exuti, agro mulctati: sub jugum missi, & se & vos novêre. Discordia ordinum est venenum urbis hujus: Patrum & plebis certamina, dum nec nobis imperii, nec vobis libertatis est modus, dum tædet vos patriciorum, nos plebejorum magistratum, sustulêre illi animos. Pro Deûm fidem, quid vobis vultis? Tribunos pleb. concupistis. concordiaë causâ concessimus. Decem viros desiderastis. creati passi sumus. Decem virorum vos pertæsum est. coëgimus abire magistratu. Manente in eisdem privatos irâ vestrâ, mori atque exulare nobilissimos viros honoratissimosque passi sumus. Tribunos plebis creare iterum voluistis. creastis. Consules facere vestrarum partium, etsi patribus videbamus iniquum, patricium quoque magistratum

tum plebi donum fieri vidimus. Auxilium tribunitium, provocationem ad populum, scita plebis injuncta patribus, sub titulo æquandarum legum nostra jura oppressa tulimus, & ferimus. Qui finis erit discordiarum? ecquando unam urbem habere, ecquando communem hanc patriam esse licebit? Victi nos æquiore animo quiescimus, quàm vos victores. Satisne est, nobis vos metuendos esse? Adversus nos Aventinum capitur, adversus nos Sacer occupatur mons. Esquilias quidem ab hoste prope captas, & scandentem in aggerem Volscum hostem nemo submovit; in nos viri, in nos armati estis. Agite dum, ubi hic curiam circumfederitis, & forum infestum feceritis, & carcerem impleveritis principibus; iisdem istis ferocibus animis egredimini extra portam Esquilinam: aut si ne hoc quidem audetis, ex muris visitate agros vestros, ferro ignique vastatos, prædam abigi, fumare incensa passim testæ. At enim communis res per hæc loco est pejore: ager uritur, urbs obsidetur, belli gloria penes hostes est. / Quid tandem privatæ res vestræ quo in statu sunt? Jam unicuique ex agris sua damna nuntiabuntur. Quid est tandem domi, unde ea expleatis? Sunt Tribuni, vobis amissa reddent ac restituent? Vocis verborumque quantum voletis, ingerent, & criminum in principes & legum aliarum super alias, & concionum. Sed ex illis concionibus nunquam vestrum quicquam re fortunâ que domum auctior rediit. Ec-

quis retulit aliquid ad conjugem & liberos, præter odia, offensiones, simultates publicas privataſque? à quibus ſemper non veſtrâ virtute innocentiaſque, ſed auxilio alieno tuti ſitis. At Hercules, quum ſtipendia nobis conſulibus, non tribunis ducibus, & in caſtris, non in foro faciebatis: & in acie veſtrum clamorem hoſtes, non in concione patres Romani horrebant, præda parta agro ex hoſte capto, pleni fortunarum, gloriæque ſimul publicæ, ſimul privatæ, triumphantes domum ad penates redibatis. nunc oneratum veſtris fortunis hoſtem abire finitis: Hærete affixi concionibus, & in foro vivite. ſequitur vos neceſſitas militandi, quam fugitis. Grave erat in Æquos & Volſcos proficiſci? ante portas eſt bellum. Si inde non pelliſſet, jam intra moenia erit, & arcem & Capitolium ſcandet, & in domos veſtras vos perſequetur. Biennio ante ſenatus delectum haberi, & educi exercitum in Algidum juſſit. ſedemus deſides domi, mulierum ritu inter nos altercantes, præſenti pace læti, nec cernentes ex otio illo brevi multiplex bellum rediturum. Hiſe go gratiora dictu alia eſſe ſcio: ſed me verâ pro gratis loqui, etſi meum ingenium non moneret, neceſſitas cogit. Vellem equidem vobis placere, Quirites, ſed multo malo voſ ſalvos eſſe; qualicunque erga me animo futuri eſtis. Naturâ hoc ita comparatum eſt, ut qui apud multitudinem ſuâ cauſa loquitur, gratior eo ſit cujus mens nihil præter publicum commodum videt:

videt: nisi forte assentatores publicos, plebicolas istos, qui vos nec in armis, nec in otio esse sinunt, vestrâ vos causâ incitare & stimulare putatis. Concitati, aut honori aut quæstui illis estis: & quia in concordia ordinum nullos se usquam esse vident, malæ rei se quàm nullius, turbarum ac seditionum, duces esse volunt. Quarum rerum si vos tædium tandem capere potest, & patrum vestrosque antiquos mores vultis pro his novis sumere, nulla supplicia recusato, nisi paucis diebus hos populatores agrorum nostrorum fusos fugatosque castris exue-ro, & à portis nostris mœnibusque ad illorum urbes hunc belli terrorem, quo vos nunc attoniti estis, transtulero.

Ex quarto libro ab urbe condita.

O R A T I O

C. CANULEII TRIBUNI PLEB. ad plebem pro rogationibus promulgatis.

A R G U M E N T U M.

C. Canulejus tribunus pleb. caterique octo, anni principio rogationes promulgaverunt de connubio patrum & plebis, ut alter consul ex plebe fieret. At tantum aberat ut utrumlibet patres approbarent, ut etiam, si hoc fieret, transferri à primoribus ad plebem summam imperii, illo contaminari sanguinem suum, confundi que jura gentium, rérentur. Quum ita sententiis variaretur, forte Vegerentes alique populi arma sumpserant adversus Romanos: contra quos quum dilectum haberi patribus placeret, Canulejus unus adversus omnes dilectum haberi se nunquam prius passurum pronuntiabat, quàm rata confirmataque essent quæ à se collegisque fuissent promulgata. Qua de re consules ad patres in senatu, adversus tribunos pleb. maximè Canulejum, concionem habuerunt: quo tempore & Canulejus hac concione plebem adversus patres concitabat.



QUANTO PERE vos Quirites contemnerent Patres, quàm indignos ducerent, qui unà secum urbe intra eadem mœnia viveretis, sæpe equidem & antè videor animadvertisse: nunc tamen maximè, quod adeo atroces in has rogationes nostras coorti sunt. Quibus quid aliud quam admonemus cives nos eorum esse? & si non easdem opes habere, eandem tamen patriam incolere? Altera connubium petimus quod finitimis externisque dari solet. nos quidem civitatem, quæ plus quam connubium est, hostibus etiam victis, dedimus. Altera nihil novi ferimus, sed id, quod populi est, repetimus atque usurpamus. ut quibus velit, populus Romanus honores mandet. Quid tandem est, cur cœlum ac terras misceant! cur in me impetus modò penè in senatu sit factus? negent se manibus temperaturos, violaturosque denuntient sacrosanctam potestatem? Si populo Romano liberum suffragium datur, ut quibus velit consulatum mandet, & non præciditur spes plebejo cuique, si dignus summo honore erit, adipiscendi summi honoris, stare urbs hæc non poterit? de imperio actum est? Et perinde hoc valet, Plebejus ne consul fiat, tanquam servum aut libertinum aliquis consulem futurum dicat? Ecquid sentitis in quanto contemptu vivatis? Lucis vobis hujus partem, si liceat, adimant: quod spiratis, quod vocem mittitis, quod formam hominum habetis, indignantur. Quin etiam, (si Diis placet,) nefas ajunt esse consulem plebe-

plebejum fieri. Obsecro vos; si non ad fastos, non ad commentarios pontificum admittimur; ne ea quidem scimus, quæ omnes peregrini etiam sciunt; consules in locum regum successisse: nec aut juris aut majestatis quicquam habere, quod non in regibus ante fuerit? En unquam creditis fando auditum esse, Numam Pompilium, non modo non patritium, sed ne civem quidem Romanum, ex Sabino agro fuisse accitum populi jussu, patribus auctoribus Romæ regnasse? L. deinde Tarquinium non modo non Romanæ, sed nec Italicæ quidem gentis, Demarathi Corinthii filium, incolam à Tarquiniis, vivis liberis Anci, regem factum? Servium Tullium post hunc captiva Corniculana natum, patre nullo, matre servâ, ingenio & virtute regnum tenuisse? Quid enim de T. Tatío Sabino dicam? quem ipse Romulus parens urbis in societatem regni accepit. Ergo dum nullum fastiditur genus, in quo eniteret virtus, crevit imperium Romanum. Pœniteat nunc vos Plebeji, consulis, quum majores nostri advenas reges non fastidierint: & ne regibus quidem exactis clausa urbs fuerit peregrinæ virtuti. Claudiam certè gentem, post reges exactos, ex Sabinis non in civitatem modò accepimus, sed etiam in patriciorum numerum. Ex peregrinone patricius, deinde consul fiat; civis Romanus si sit ex plebe, præcisa consulatut spes erit? Utrum tandem non credimus fieri posse ut vir fortis ac strenuus, pace belloque

bonus ex plebe, sit Numæ, Lucio Tarquinio, Servio Tullio similis? An, ne si sit quidem, ad gubernacula Reipublicæ accedere cum patiemur; potiusque decemviris, deterrimis mortaliū, qui tum omnes ex patribus erant, quam optimis regum, novis hominibus similes consules sumus habituri? At enim nemo post reges exactos de plebe consul fuit. Quid postea? nullone res nova institui debet? & quod nondum est factum, (multa enim nondum sunt facta in novo populo) ea, ne si utilia quidem sint, fieri oportet? Pontifices, augures, Romulo regnante nulli erant: ab Numa Pompilio creati sunt. Census in civitate, & descriptio centuriarum classiumque non erat: ab Servio Tullio est facta. Consules nunquam fuerant: regibus exactis creati sunt. Dictatoris nec imperium, nec nomen fuerat: apud patres esse coepit. Tribuni plebis, ædiles, quaestores, nulli erant, institutum est ut fierent. Decemviros legibus scribendis intra decem hos annos & creavimus & de republica sustulimus. Quis enim dubitat, quin in æternum urbe condita & in immensum crescente, nova imperia, sacerdotia, jura gentium hominumque, instituantur? Hoc ipsum, ne connubium patribus cum plebe esset, non decemviri tulerunt paucis hic annis, pessimo exemplo publico, cum summa injuria plebis? An esse ulla major, aut insignior contumelia potest, quàm partem civitatis, velut contaminatam, indignam connubio haberi? Quid est aliud, quam
exilium

exilium intra eadem mœnia, quàm relegationem pati, ne affinitatibus, ne propinquitatibus immisceamur? Cavent, ne societur sanguis. Quid? hoc si polluit nobilitatem istam vestram, quam plerique oriundi ex Albanis & Sabinis, non genere, nec sanguine, sed per cooptationem in patres habetis, aut ab regibus lecti, aut post reges exactos jussu populi, synceram servare privatis consiliis non poteratis, nec ducendo ex plebe, neque vestras filias sororesque enubere sinendo è patribus? Nemo plebejus patriciæ vim virgini afferret. patriciorum ista libido est. nemo invitum pactiorem nuptialem quenquam facere coëgisset. Verum enim verò lege id prohiberi, & connubium tolli patrum ac plebis, id demum contumeliosum plebi est. Cur enim non confertis, ne sit connubium cum divitibus ac pauperibus? Quod privatorum consiliorum ubique semper fuit, ut in quamcumque fœmina convenisset domum, nuberet; ex qua pactus esset vir domo in matrimonium duceret: id vos sub legis superbissimæ vincula conjicitis, qua dirimatis societatem civilem, duasque ex una civitate faciatis. Cur non sancitis, ne vicinus patricio sit plebejus? ne eodem itinere eat? ne idem convivium ineat? ne in foro eodem consistat? Quid enim in re est aliud, si plebejam patricius duxerit, si patriciam plebejus, quid juris tandem mutatur? nempe patrem sequuntur liberi. nec quod nos ex connubio vestro

petat.

petamus, quicquam est ; præterquam ut hominum , ut civium numero simus : nec vos (nisi in contumeliam ignominiamque nostram certare juvat,) quod contendatis , quicquam est. Denique, utrum tandem populi Romani an vestrum summum imperium est ? Regibus exactis , utrum vobis dominatio , an omnibus æqua libertas parta est ? Oportet licere populo Romano , si velit, jubere legem ? an ut quæque rogatio promulgata erit, vos delectum pro pœna decernetis ? & simul ego tribunus vocare tribus in suffragium cœpero , tu statim consul sacramento juniores adiges & in castra educes ? & minaberis plebi , minaberis tribuno ? Quid , si non quantum istæ minæ adversus plebis consensum valerent , bis jam experti essetis ? scilicet quia nobis consultum volebatis , certamine abstinuitis. an ideo non est dimicatum , quòd quæ pars firmior , eadem modestior fuit ? Nec nunc erit certamen , Quirites , animos vestros illi tentabunt semper, vires non experientur. Itaque ad bella ista, seu vera seu falsa sunt, consules , parata vobis plebs est , si connubiis redditis , unam hanc civitatem tandem facitis , si coalescere , si jungi , miscerique vobis privatis necessitudinibus possunt : si spes , si aditus ad honores viris strenuis & fortibus datur : si in consortio , si in societate Reipnb. esse , si quod æque libertatis est , invicem annuis magistratibus parere , atque imperitare licet. Sin hæc impedit aliquis, ferte sermonibus, & multipli-

tiplicate famâ bella ; nemo nomen est daturus, nemo arma capturus : nemo dimicaturus pro superbis dominis , cum quibus nec in republica honorum , nec in privata connubii societas est.

O R A T I O

VECTII MESSII Volscorum regis quâ suos adhortatur.

A R G U M E N T U M.

In Algidum convenerant Æqui Volsque , ubi partitis copiis, Romanos, si venirent, observabant. Romani venientes, hostium exemplo binis castris loca diversa brevi spatio inter se distantia capiunt. Nolle tandem, post multa variaque levia certamina, hostes Romanorum adoriuntur castra: quibus à Romanis magna celeritate atque prudentia obstatum est. At quum jam aperte ad Romanos res ipsa inclinare videretur , tum demum Vectius Messius rex Volscorum ad suos transit , ad resistendum in hæc verba adhortatur.

Hic præbituri vos telis hostium estis indefensi, inulti? Quid igitur arma habetis? aut quid ulterò bellum intulistis, in otio tumultuosi, in bello segnes? Quid hic stantibus spei est? an Deum aliquem protecturum vos, rapturumque hinc putatis? Ferro via facienda est. Hâc quâ me prægressum videritis , agite, qui visuri domos, parentes, conjuges, liberosque estis, ite mecum. Non murus, nec vallum, sed armati armatis obstant. Virtute pares, necessitate quæ ultimum ac maximum telum est , superiores estis.

O R A T I O

MAMERCI ÆMILII dictatoris, quâ suos inusitato certamine exterritos exhortatur.

A R G U M E N T U M.

Fidenatibus Romanis rebellare , accitis Vejentibus belli sociis, placeat ; itaque Vejentes exercitum suum Fidenas communi consilio belli

belli sedem captas ducunt, Ed concidunt & Romani : qui jam primo statim congressu hostes contuderunt, quum repente patefactis Fidenatum portis nova erumpens acies, quæ facibus ardentibus tota collucebat, nova specie ipsi terrorem intulit. Quod Mamer-cus Æmilius dictator animadvertens, suos his verbis accendebat ad prælium relinquantum.

FU M o nè victi, velut examen apum, loco vestro exacti, inermi cedetis hosti? non ferro extinguetis ignes? non faces has ipsas pro se quisque, si igni, non telis pugnandum est, ereptas ultrò inferetis? Agite, nominis Romani & virtutis patrum vestræque memores, vertite incendium hoc in hostium urbem: & suis flammis delete Fidenas, quas vestris beneficiis placare non potuistis. Legatorum hoc vos vestrorum, colonorumque sanguis, vastatique fines monent.

O R A T I O

SEXTI TEMPANII Decurionis, quâ milites in re complorata adhortatur.

A R G U M E N T U M.

Sextus Tempanius Decurio erat militum, is quum res Romana, bello Volscorum, temeritate Sempronii consulis eo recidisset, ut jam cassis magna ex parte militibus, qui supererant, jam pararent sese fugam mandare: voce magna exclamans ut equites ex equis desilirent qui salvam Remp. vellent, omnium turmarum equites non secus quàm si consul edixisset, motus hac voce monebat.

NIs i hæc armata cohors sistat impetum hostium, actum de imperio est. Sequimini pro vexillo cuspidem meam. ostendite Romanis Volscisque neque equitibus vobis ullos equites, nec peditibus esse pedites pares.

O R A T I O

L. DECII TRIBUNI PLEB. ad populum ad-
versus M. Posthumium tribunum militum.

A R G U M E N T U M.

M. Posthumio Regillensi tribuno militum bellum adversus Equos permissum erat. Is fractis hostium animis, quum in hostium oppidum irrupisset, bellum in cives convertens, prædam militis fore edicit. Capto oppido, fidem mutat. Postea in urbem à collegis accersitus, quum M. Festius tribunus pleb. laturum se legem diceret ut Volas coloni mitterentur: Malum militibus meis (inquit) nisi quieverint. Qua voce quum populum patresque offendisset: L. Decius tribunus pleb. in majus eum odium & invidiam populi, arrepta occasione ex voce illa, vocat.

AUDITIS Quirites, sicut servis malum minantem militibus? tamen hæc bellua dignior vobis tanto honore videbitur, quàm qui vos urbe agrisque donatos in colonias mittunt, qui sedem senectuti vestræ prospiciunt, qui pro vestris commodis adversus tam crudeles superbosque adversarios depugnant. Incipite deinde mirari, cur pauci jam vestram suscipiant causam. quid ut à vobis sperent? an honores? quos adversariis potius quàm Populi Romani propugnatoribus datis. Ingemuistis modò voce hujus auditâ. quid id refert? jam si suffragium detur, hunc qui malum vobis minatur, iis qui agros sedesque ac fortunas stabilire volunt, præferetis.

Ex quinto libro ab urbe condita.

O R A T I O

APPII CLAUDII tribuni militum ad populum
contra tribunos pleb. pro bello continuando.

A R G U M E N T U M.

Hibernacula militibus tum primò ad continuandum etiam hieme bellum fieri capta erant, quum imperatores Romani se obsidendo
quum

quam oppugnando sperarent Reip. melius consulturos. Perlata ea res Romam, tribunos pleb. permoverat, qui primo quoque tempore plebi quideam re efficere exponunt, ita plebis libertatem vendi jactando; illudque eo institutum, ut quum ii in quibus vires omnes plebis erant, absuissent, ægi de commodis ipsius non posset. His aliisque jam plebis animos tribuni sollicitarant, quum Appius Claudius tribunus militum plebe convocata pro bello continuando, continendisque militibus in hybernaculis, contra tribunos pleb. hanc concionem habuit.

SI unquam dubitatum est, Quirites, utrum Tribuni pleb. vestrâ an suâ causâ seditionum semper auctores fuerint, id ego hoc anno desisse dubitari, certum habeo. Et quum lætor tandem longi erroris vobis finem factum esse, tum quòd secundis potissimum vestris rebus hic error est sublatus, & vobis, & propter vos Reipublicæ gratulor. An est quisquam qui dubitet, nullis injuriis vestris, si quæ fortè aliquando fuerunt, unquam æquè, quam munere patrum in plebem quum æra militantibus constituta sunt, trib. pleb. offensos ac concitados esse? Quid illos aliud aut tum timuisse creditis, aut hodie turbare velle, nisi concordiam ordinum, quam dissolvendæ maximè tribunitiæ potestatis rentur esse? Sic, hercule, tanquam artifices improbi, opus quærunt, qui & semper ægri aliquid esse in Repub. volunt, ut sit ad cujus curationem à vobis adhibeantur. Utrum enim defenditis, an impugnatis plebem? utrum militantium adversarii estis, an causam agitis? Nisi fortè hoc dicitis, quicquid patres faciunt, displicet: sive illud pro plebe, sive contra plebem est. Et quemadmodum servis suis vetant domini quicquam rei cum alienis hominibus esse,

esse, pariterque in iis beneficio ac maleficio abstineri, æquum censent, sic vos interdicitis patribus commercio plebis: ne nos comitate ac munificentia nostrâ provocemus plebem, nec plebs nobis dicto audiens atque obediens sit. Quantò tandem, si quicquam in vobis, non dico civilis, sed humani esset, favere vos magis, & quantum in vobis esset, indulgere potius comitati patrum atque obsequio plebis oportuit? quæ si perpetua concordia sit, quis non spondere ausit, maximum hoc imperium inter finitimos brevi futurum esse? Atque ego, quum hoc consilium collegarum meorum, quo abducere infecta re à Vejis exercitum noluerunt, non utile solum, sed etiam necessarium fuerit, postea edisseram. Nunc de ipsa conditione militantium dicere libet. Quàm orationem, non apud vos solum, sed etiam in castris si habeatur, ipso exercitu disceptante, æquum arbitror videri posse, in qua si mihi ipsi nihil quod dicerem, in mentem venire posset, adversariorum certè orationibus contentus essem. Negabant nuper danda esse æra militibus, quia nunquam data essent. quonam modo igitur nunc indignari possunt, quibus aliquid novi adjectum commodi sit, eis laborem etiam novum pro portione injungi? Nusquam nec opera sine emolumento, nec emolumentum ferme sine impensa opera est. Labor voluptasque dissimilima natura, societate quadam inter se naturali sunt juncta. Molestè antea ferebat miles, se suo sumptu

sumptu operam Reipub. præbere : gaudebat idem partem anni se agrum suum colere, quærere unde domi militiæque se ac suos tueri posset. Gaudet nunc fructui sibi Rempub. esse, & lætus stipendium accipit. Æquo igitur animo patiatur se ab domo, ab re familiari, cui gravis impensa non est, paulò diutius abesse. An si ad calculos cum Respub. vocet, non meritò dicat, Annua æra habes, annuam operam ede? An tu æquum censes militiâ semestri solidum te stipendium annuum accipere? Invitus in hac parte orationis, Quirites, moror: Sic enim agere debent qui mercenario milite utuntur. at nos tanquam cum civibus agere volumus: agique tanquam cum patria nobiscum, æquum censemus. Aut non suscipi bellum oportuit: aut geri pro dignitate populi Romani, & perfici quamprimùm oportet. Perficietur autem, si urgemus obsessos, si non ante abscedimus, quam spei nostræ finem captis Vejis imposuerimus. Si, hercule, nulla alia causa, ipsa indignitas perseverantiam inponere debuit. Decem quondam annos urbs oppugnata est ob unam mulierem ab universa Græcia: quam procul ab domo? quot terras, quot maria distans? Nos intra vicesimum lapidem, in conspectu prope urbis nostræ annuam oppugnationem perferre piget. Scilicet, quia levis causa belli est; nec satis quicquam iusti doloris est, quod nos ad perseverandum stimulet. Septies rebellarunt, & in pace nunquam fidi fuerunt: agros nostros
millics

millies depopulati sunt : Fidenates deficere à nobis coëgerunt : colonos nostros ibi interfecerunt : auctores fuerunt contra jus gentium cædis impiæ legatorum nostrorum : ac Etruriam omnem adversus nos concitare voluerunt , hodieque id moliantur : res repetentes legatos nostros haud procul abfuit quin violarent. Cum his molliter & per dilationes bellum geri oportet ? Si vos tam justum odium nihil movet , ne illa quidem , oro vos movent ? Operibus ingentibus septa urbs est , quibus intra muros coëctur hostis agrum non coluit , & culta evastata sunt bello. Si reducimus exercitum , quis est qui dubitet illos , non à cupiditate solùm ulciscendi , sed etiam necessitate impositâ ex alieno prædandi , quum sua amiserint , agrum nostrum invasuros ? Non differimus igitur bellum isto consilio , sed intra fines nostros accipimus. Quid ? illud quod propriè ad milites pertinet , quibus boni tribuni pleb. quum stipendium extorquere voluerint , nunc consultum repentè volunt , quale est ? Vallum fossamque , ingentis utramque rem operis , per tantum spatii duxerunt : castella primò pauca , postea exercitu actu creberri-
ma fecerunt : munitiones non in urbem modò , sed in Etruriam etiam spectantes , si qua inde auxilia veniant , opposuere. Quid turres , quid vineas , testudinesque , & alium oppugnandarum urbium apparatus , loquar ? quum tantum laboris exhaustum sit , & ad finem jam
operis

operis tandem perventum. Relinquendane hæc censetis, ut ad æstatem rursus novus de integro his instituendis exsudet labor? Quantò est minus opera tueri facta, & instare, & perseverare, defungique curâ? Brevis enim profectò res est; si uno tenore peragitur, nec ipsi per intermissiones has, intervallaque lentiores spem nostram facimus. loquor de opere, & de temporis jactura. Quid? periculi quod differendo bello adimus, num oblivisci nos hæc tam crebra Etruriæ consilia de mittendis Vejos auxiliis patiuntur? ut nunc res se habet, irati sunt, oderunt, negant missuros: quantum in illis est, capere Vejos licet. Quis est, qui spondeat eundem, si differatur bellum, animum postea fore? Quum, si laxamentum dederis, major frequentiorque legatio itura sit: quum, id quod nunc offendit Etruscum, rex creatus Vejis, spatio mutari interposito possit, vel consensu civitatis, ut eo reconcilient Etruriæ animos, vel ipsius voluntate regis, qui ob stare regnum suum saluti civium nolit. Videte quot res quàm inutiles sequantur illam viam consilii: jactura operum tanto labore factorum, vastatio imminens finium nostrorum: Etruscum bellum pro Vejente concitatum. Hæc sunt, tribuni, consilia vestra, non, hercule, dissimilia, ac si quis ægro qui curari se fortiter passus, extemplo convalescere possit, sibi gratia præsentis aut potionis longinquum & forsitan insanabilem morbum efficiat. Si medius fidius ad
hoc

hoc bellum nihil pertineret, ad disciplinam certè militiæ plurimum intererat, insuescere militem nostrum, non solum partâ victoriâ frui, sed, si res etiam lentior sit, pati tædium, & quemvis seræ spei exitum expectare: &, si non sit æstate perfectum bellum, hyemem opperiri. nec, sicut æstivas aves, statim autumno tecta ac recessum circumspicere. Obsecro vos, venandi studium ac voluptas homines per nives ac pruinas in montes sylvasque rapit: belli necessitatibus eam patientiam non adhibebimus, quam vel lusus ac voluptas elicere solet? Adeone effœminata corpora militum nostrorum esse putamus, adeo molles animos, ut hyemem unam durare in castris, abesse ab domo non possint? Ut tanquam navale bellum, tempestatibus captandis & observando tempore anni, gerant, non æstus, non frigora pati possint? Erubescant profectò, si quis eis hæc obijciat: contendantque, & animis, & corporibus suis virilem patientiam inesse, & se juxta hyeme atque æstate bella gerere posse: nec se patrocinium molliæ inertiaque mandasse tribunis, & meminisse, hanc ipsam potestatem non in umbra, nec in tectis majores suos creasse. Hæc virtute militum vestrorum, hæc Romano nomine sunt digna: non Vejos tantum, nec hoc bellum intueri, quod instat; sed famam & ad alia bella, & ad ceteros populos in posterum quærere. An mediocriter discrimen opinionis sequyturum ex hac re putatis? Utrum tandem

dem finitimi populum Romanum eum esse putent, cujus siqua urbs primum illum brevissimi temporis sustinuerit impetum, nihil deinde timeat? an hic sit terror nominis nostri, ut exercitum Romanum non tædium longinquæ oppugnationis, non vis hyemis ab urbe circumfessa semel amovere possit, nec finem ullum alium belli quàm victoriam noverit, nec impetu potius bella quàm perseverantiâ gerat? Quæ in omni quidem genere militiæ, maximè tamen in obsidendis urbibus necessaria est: quarum plerasque munitionibus, ac naturali situ inexpugnabiles, fame, sitique tempus ipsum vincit atque expugnat; sicut Vejos expugnabit: nisi auxilio hostibus tribuni pleb. fuerint, & Romæ invenerint præsidia Vejentes, quæ nequicquam in Etruria quærunt. An est quicquam quod Vejentibus optatum æque contingere possit, quàm ut seditionibus primùm urbs Romana, deinde velut ex contagione, castra impleantur? At, hercule, apud hostes tanta modestia est, ut non obsidionis tædio, non denique regni, quicquam apud eos novatum sit: non negata auxilia ab Etruscis irritaverint animos. Morietur enim extemplò, quicumque erit seditionis author, nec cuiquam dicere ea licebit, quæ apud vos impunè dicuntur. Fustuarium meretur, qui signa relinquit, aut præsidio decedit. Auctores signa relinquendi, & deferendi castra, non uni aut alteri militi, sed universis exercitibus, palàm in concione audiun-

audiuntur. Adeo quicquid tribunus pleb. loquitur; etsi prodendæ patriæ, dissolvendæque Reipub. est, assueffis æquè audire: & dulcedine potestatis ejus capti, quælibet sub ea scelera latere sinitis. Reliquum est ut, quæ hic vociferantur, eadem in castris & apud milites agant: & exercitus corrumpant, ducibusque parere non patiantur, quoniam ea demum Romæ libertas est, non senatus, non magistratus, non leges, non mores majorum, non instituta patrum, non disciplinam vereri militiæ.

O R A T I O

P. LICINII CALVI ad populum, ut filio sibi delatum honorem mandaret.

A R G U M E N T U M.

Tribunos militum consulari potestate (in quibus P. Licinius Calvus erat primus ex plebe) vitio creatos, oraculo Delphico constabat. Itaque omnes se magistratu abdicant, re ad interregnum, sicuti responsum erat, redacta. Creatur omnium centuriarum consensu ac voluntate iterum idem P. Licinius. Is quum iam exallæ ætatis tribunitiæ potestati se imparem videret, ita Quirites rogabat ut honorem sibi delatum filio mandarent.

OME N concordiæ, Quirites, rei maximè in hoc tempus utilis, memoria nostri magistratus vos his comitiis petere in insequentem annum video, si collegas eosdem reficitis, etiam usu meliores factos. Me jam non eundem, sed umbram nomenque P. Licinii relictum videtis. Vires corporis affectæ, sensus oculorum atque aurium hebetes, memoria labat, vigor animi obrusus. En vobis (inquit juvenem filium tenens) effigiem atque imaginem ejus, quem vos antea

E

tribu-

tribunum militum ex plebe primum fecistis. Hunc ego institutum disciplina mea, vicarium pro me Reipubl. do dicoque. vosque quæso, Quirites, delatum mihi ultrò honorem huic petenti, meisque pro eo adjectis precibus, mandetis.

O R A T I O

CAMILLI ad PÆDAGOGUM Faliscorum
in castris deprehensum cum pueris.

A R G U M E N T U M.

M. Furio Camillo mandatum erat bellum adversus Faliscos : quo bello fusi fugatique Falisci, amissis castris in oppidum se receperunt. In obsidione oppidi Ludimagister Faliscorum pueros lusus exercendique causa ingenii ante urbem producens, longius fortè variutis sermonibus progressus, in prætorium ad Camillum perduxit. Ibi quum Faliscos diceret à se jam in manus Romanorum traditos, quod pueros eos dederet quorum parentes primores essent Faliscorum : in hanc sententiam respondit Camillus.

NON ad similem tui nec populum, nec imperatorem sceleratus ipse cum scelesto munere venisti. Nobis cum Faliscis quæ pacto fit humano, societas non est. quam ingeneravit natura, utrisque est, critque. Sunt & belli sicut pacis jura: justeque ea non minus quàm fortiter didicimus gerere. Arma habemus non adversus eam ætatem, cui etiam captis urbibus parçitur : sed adversus armatos, & ipsos, qui nec læsi nec laceßiti à nobis, castra Romana ad Vejos oppugnarunt. Eos tu, quantum in te fuit, novo scelere vicisti : ego Romanis artibus, virtute, opere, armis, sicut Vejos, vincam.

O R A -

O R A T I O

LEGATORUM FALISCOS Romanis de-
dentium in senatu.

A R G U M E N T U M.

Hujus principium conjunctum est cum fine superioris. Ludimagister à Camillo preditionis crimine vehementer accusatus, jussus nudato corpore à pueris virgis cadentibus in oppidum reduci, omnium in se oculos tanquam ad novum spectaculum converterat: ea re diligenter à senatu Faliscorum perpensa, mutatis animis & consiliis, legati ad Camillum primum, deinde Romam missi, qui Faliscos hæc oratione dederent.

PATRES Conscripti, victoria, cui nec deus, nec homo quisquam invidet, victi à vobis & imperatore vestro, dedimus nos vobis: rati, quo nihil victori pulchrius est, melius nos sub imperio vestro, quàm legibus nostris victuros. Eventu hujus belli duo salutaria exempla prodita humano generi sunt. Vos fidem in bello, quàm præsentem victoriam, maluistis: nos fide provocati, victoriam ultrò detulimus. Sub ditione vestra sumus. Mittite, qui arma, qui obfides, qui urbem patentibus portis accipiant. Nec vos fidei nostræ, nec nos imperii vestri pœnitebit.

O R A T I O

CAMILLI EXULIS, qua Ardeates, ut arma, capiant adversus Gallos, adhortatur.

A R G U M E N T U M.

Camillus Ardeam fortè exulatum abierat, quum Galli urbem Romam præter Capitolium, ceperunt: is, quum Galli Ardeam frumentandi gratia vagarentur, publica fortuna quàm sua mañstior, in concionem procedens, hac oratione Ardeates ad sumenda arma adversus Gallos, adhortabatur.

ARDEATES, veteres amici, novi etiam ci-
ves mei, quando & vestrum beneficium ita
tulit, & fortuna hoc egit mea, nemo vestrum
conditionis meæ oblitum me huc processis-
se putet: sed res, ac periculum commune co-
git, quod quisque possit in re trepida præsidii,
in medium conferre. Et quando ego vobis pro
tantis vestris in me meritis gratiam referam,
si nunc cessavero? Aut ubi usus erit mei vobis,
si in bello non fuerit? Hac arte in patria steti: &
in victus bello, in pace ab ingratis civibus pul-
sus sum. Vobis autem, Ardeates, fortuna obla-
ta est, & pro tantis pristinis populi Romani be-
neficiis, quanta ipsi meministis, (nec enim ex-
probranda apud memores sunt) gratiæ referen-
dæ; & huic urbi decus ingens belli ex hoste
communi pariendi. Quæ effuso agmine adven-
tat, gens est, cui natura corpora animosque ma-
gna magis quàm firma dederit: eò in certamen
omne plus terroris quàm virium ferunt. Argu-
mento si clades Romana: patentem cepere
urbem: ex arce Capitolioque his exigua resi-
stitur manu. Jam obsidionis tædio victi abs-
cedunt, vagique per agros palantur; cibo, vi-
noque raptim hausto repleti. Ubi nox appetit,
prope rivis aquarum, sine munimento, sine
stationibus ac custodiis passim ferarum ritu
sternuntur: nunc ab secundis rebus magis
etiam solito incauti. Si vobis animo est, tueri
mœnia vestra, nec pati hæc omnia Galliam fie-
ri; prima vigilia, capite arma: frequentes me se-
qui-

quimini ad eadem, non ad pugnam. Nisi victos somno veluti pecudes, trucidandos tradero; non recuso eundem Ardeæ rerum mearum exitum, quem Romæ habui.

O R A T I O

M. FURII CAMILLI ad populum Romanum de non transinigrando Vejos.

A R G U M E N T U M.

Galli capta Roma, domos omnes templaque decrum, præter pauca & Capitolium, diruerant. soloque aquaverant. Qua fuisset causa ut tribuni plebis fugatis cæsisque Gallis, Camillo duce, quum Romam patres plebsque redissent, ad plebem de transmigratione Vejos referrent. Quod ubi Camillus intellexit, convocato populo, hac con- sione non esse transinigrandum Vejos suadebat.

AD E O mihi acerbæ sunt, Quirites, contentiones cum tribunis plebis. ut nec tristissimi exilii solatium aliud habuerim, quoad Ardeæ vixi, quàm quòd procul ab his certaminibus eram: & ob eadem hæc, non, nisi me senatus-consulto populique jussu evocaretis, rediturus unquam fuerim. Nec nunc me, ut redirem, mea voluntas mutata, sed vestra fortuna, perpulit. Quippe ut in sua sede maneret patria, id agebatur: non ut ego utique in patria essem. Et nunc quiescerem & tacerem libenter, nisi hæc quoque pro patria dimicatio esset. cui deesse quoad vita suppeditat, aliis turpe, Camillo etiam nefas est. Quid enim repetimus? Quid obsessam ex hostium manibus eripuimus, si recuperatam ipsi deserimus? Et quum victoribus Gallis, capta tota urbe, Capitolium tamen atque arcem diique & homines Romani tenuerint, habita-

habitaverint, victoribus Romanis; recuperata urbe, arx quoque & Capitolium deferatur: & plus vastitatis huic urbi secunda nostra fortuna faciat, quàm adversa fecerit. Equidem si nobis cum urbe simul positæ traditæque per manus religiones nullæ essent; tamen tam evidens numen hac tempestate rebus affuit Romanis; ut omnem negligentiam divini cultus exemptam hominibus putem. Intuemini enim horum deinceps annorum vel secundas res vel adversas: invenietis omnia prosperè evenisse sequentibus deos, adversa spernentibus. Jam omnium primum Veiens bellum (per quot annos quanto labore gestum!) non antè cepit finem, quam monitu Deorum aqua ex lacu Albano emissa est. Quid hæc tandem urbis nostræ clades nova? num antè exorta est, quàm spreta vox cœlo emissa de adventu Gallorum, quàm gentium jus ablegatis nostris violatum, quàm à nobis quum vindicari deberet, eadem negligentia Deorum prætermissum? Igitur victi captique ac redempti tantum pœnarum Diis hominibusque dedimus, ut terrarum orbi documento essemus. Adversæ deinde res admonuerunt religionum. confugimus in Capitolium ad Deos, ad sedem Jovis optimi maximi: sacra in ruina rerum nostrarum alia terræ celavimus, alia averta in finitimas urbes amovimus ab hostium oculis. Deorum cultum, deserti ab diis hominibusque, tamen non intermisimus. Reddidere igitur patriam,

triam, & victoriam & antiquum belli decus amissum: & in hostes qui cæci avaritia in pondere auri foedus ac fidem fefellerunt, verterunt terrorem, fugamque & cædem. Hæc culti neglectique numinis tanta monimenta in rebus humanis cernentes, ecquid sentitis Quirites, quantum vixdum ex naufragiis prioris culpæ cladisque emergentes, paremus nefas? Urbem auspicato inauguratoque conditam habemus: nullus locus in ea non religionum Deorumque est plenus: sacrificiis solennibus, non dies magis statim quàm loca sunt, in quibus fiant. Hos omnes Deos, publicos privatosque, Quirites, deserturi estis? Quàm par vestrum factum est, quod in obsidione nuper in egregio adolescente C. Fabio, non minore hostium admiratione quàm vestra, conspectum est, quum inter Gallica tela digressus ex arce solenne Fabiæ gentis in colle Quirinali obiit? An gentilitia sacra ne in bello quidem intermitteri, publica sacra & Romanos Deos etiam in pace deferri placet; & Pontifices flaminesque negligentiores publicarum religionum esse, quàm privatus in solenni gentis fuerit? Forsitan aliquis dicat, aut Vejis nos facturos, aut huc inde missuros sacerdotes nostros, qui faciant: quorum neutrum fieri salvis ceremoniis potest. Et ne omnia generatim sacra, omnesque percenscam Deos; in Jovis epulo, non alibi, quam in Capitolio, pulvinar suscipi potest? Quid de æternis Vestæ ignibus, signoque, quod Imperii pignus custo-

dia ejus templi tenetur, loquar? quid de ancilibus vestris? Mars Gradive, tu que Quirine pater! hæc omnia in profano deferi placet sacra, æqualia urbi, quædam vetustiora origine urbis? Et videte quid inter nos ac majores intersit. Illi sacra quædam in monte Albano, Lavinio que nobis facienda tradiderant. An ex hostium urbibus Romam ad nos transferri sacra religiosum fuit: hinc sine piaculo in hostium urbem Vejos transferemus? Recordamini agitedum, quoties sacra instaurentur, quia aliquid ex patrio ritu negligentia casuve prætermisum est. Modò quæ res, post prodigium Albanilacus, nisi instauratio sacrorum auspicio-
rumque renovatio, affectæ Vejenti bello Reipub. remedio fuit; At etiam, tanquam veterum religionum memores, & peregrinos deos transfulimus Romam, & instituiamus novos. Juno regina transvecta a Vejis, nuper in Aventino, quam insigni, ob excellens matronarum studium, celestique dedicata est die? Ajo Locuto templum propter caelestem vocem exauditam in nova via jussimus fieri: Capitolinos ludos solennibus alii addidimus: collegiumque ad id novum, authore senatu, condidimus. Quid horum opus fuit suscipi: si una cum Gallis urbem Romanam relicturi fuimus? si non voluntate mansimus in Capitolio per tot menses obsidionis? si ab hostibus metu retenti sumus? De sacris loquimur, & de templis: Quid tandem de sacerdotibus nonne in mentem venit, quantum

tum piaculi committatur? Vestalibus nempe una illa sedes est, ex qua eas nihil unquam præterquam urbs capta, movit. Flamini diali noctem unam manere extra urbem nefas est. hos Veientes pro Romanis facturi estis sacerdotes, & Vestales tuæ te deferent, Vesta & flamen peregrè habitando, in singulas noctes tantum sibi rei que publicæ piaculi contrahet? Quid alia, quæ auspicatò agimus omnia ferè intra pomerium, cui oblivioni, aut cui negligentiae damus? Comitìa curiata, quæ rem militarem continent, comitìa centuriata, quibus consules tribunosque militares creatis, ubi auspicato, nisi ubi adsolent, fieri possunt? Vejosne hac transferemus? An comitiorum causa populus tanto incommodo in desertam hanc ab diis hominibusque urbem conveniet? Sed res ipsa cogit vastatam incendiis ruinisque relinquere urbem, & ad integra omnia Vejos migrare, nec hic ædificando inopem plebem vexare. Hanc autem jactari magis causam, quàm veram esse, ut ego non dicam, apparere vobis, Quirites, puto. qui meministis ante Gallorum adventum, salvis testis publicis privatisque, stante incolumi urbe, hanc eandem rem actam esse, ut Vejo transmigraremus. Et videre, quantum inter meam sententiam vestramque intersit, tribuni. Vos, etiamsi tunc faciendum non fuerit, nunc utique faciendum putatis: ego contrà, (nec id mirati sitis, priusquam quale sit audiveritis) etiamsi tunc migrandum fuisset in-

columi tota urbe, nunc has ruinas relinquendas non censerem. Quippe tum causa nobis in urbem captam migrandi victoria esset, gloriosa nobis ac posteris nostris; nunc hæc migratio nobis misera ac turpis, Gallis gloriosa est. Non enim reliquisse victores, sed amisisse victi patriam videbimini. Hoc ad Alliam fuga, hoc capta urbs, hoc circumfessum Capitolium necessitatis imposuisse, ut desereremus penates nostros, exiliumque ac fugam nobis ex eo loco conscisceremus, quem tueri non possemus. Et Galli evertere potuerunt Romam, quam Romani restituere non videbuntur potuisse? Quid restat, nisi ut jam novis copiis veniant, (constat enim vix credibilem multitudinem esse) & habitare in capta ab se, deserta à vobis hac urbe velint, sinatis? Quid si non Galli hoc, sed veteres hostes vestri, Æqui Volscive faciant, uti commigrent Romam? Velitisne illos Romanos, vos Veientes esse? an malitis hanc solitudinem vestram, quàm urbem hostium esse? Non equidem video quid magis nefas sit. Hæc scelera, quia piget reædificare. hæc dedecora, pati parati estis? Si tota urbe nullum melius ampliusve tectum fieri possit, quam casa illa conditoris est nostri, non in casis ritu pastorum agrestiumque habitare est satius inter sacra penatesque vestros, quàm exulatum publicè ire? Majores nostri convenæ pastoresque, quum in his locis nihil præter sylvas paludesque esset, novam urbem tam brevi ædifi-

ædificaverunt : nos Capitolio , arce incolumi,
 stantibus templis Deorum , ædificare incensam
 piget ? Et quod singuli facturi fuimus , si ædes
 nostræ deflagrassent , hoc in publico incendio
 universi recusamus facere ? Quid tandem , si
 fraude, si casu Vejis incendium ortum sit , ven-
 toque (ut fieri potest) diffusa flamma magnam
 partem urbis absumat ? Fidenas inde aut Gabios,
 aliamve quam urbem quæsituri sumus , quò
 transmigemus ? Adeo nihil tenet solum patria ?
 nec hæc terra quam matrem appellamus ? sed in
 superficie tignisque charitas nobis patriæ pen-
 det ? Equidem , fatebor vobis , et si minus injuriæ
 vestræ quàm meæ calamitatis meminisse juvat ;
 quum abessem , quotiescunque patria in men-
 tem veniret , hæc omnia occurrebant , colles ,
 campique , & Tiberis , & assucta oculis regio , &
 hoc cælum sub quo natus educatusque essem .
 Quæ vos , Quirites , nunc moveant potius cha-
 ritate sua , ut maneatis in sede vestra , quam
 postea quum reliqueritis ea , macerent deside-
 rio . Non sine causa Dii hominesque hunc urbi
 condendæ locum elegerunt ; saluberrimos col-
 les , flumen opportunum , quo ex mediterraneis
 locis fruges debebantur , quo maritimi
 commeatus accipiantur : mare vicinum ad
 commoditates , nec expositum nimia propin-
 quitate ad pericula classium externarum : regio-
 num Italiæ medium , ad incrementum urbis
 natum unicè locum . Argumento est ipsa ma-
 gnitudo tam novæ urbis . Trecentessimus sexa-

gesimus quintus annus urbis, Quirites, agitur : Inter vos tot veterrimos populos tam diu bella geritis, quum interea, ne singulas loquar urbes, non conjuncti cum Æquis Volsci, tot tam valida oppida, non universa Etruria tantum terra marique pollens, atque inter duo maria latitudinem obtinens Italiæ, bello vobis par est. Quod quum ita sit, quæ (malum) ratio est expertis alia experiri, quum jam ut virtus vestra transire alio possit, fortuna certè loci hujus transferri hinc non possit? Hic Capitolium est, ubi quondam capite humano invento, responsum est, eo loco caput rerum summamque imperii fore. Hic, quum auguratio liberaretur Capitolium, Juventas Terminusque maximo gaudio patrum nostrorum moveri se non passi. hic Vestæ ignes, hic Ancilia cœlo demissa, hic omnes propitii manentibus vobis, Dii.

Ex sexto libro ab urbe condita.

O R A T I O

M. FURII CAMILLI Dictatoris, qua suos perterritos hostium numero adhortatur.

A R G U M E N T U M.

Ad Satricum Antiates eum Volscorum, Latinorum Hernicorumque ingenti multitudine sumpserant arma contra Romanos. Quod bellum Camillo dictatori mandatum fuit. Ibi cum viso inspectoque hostium ingenti numero, milites commoti perturbatique singulis cum centenis congregiendum esse conclamarent: Camillus in equo inter aciem oberrans, eos ad strenuè atque fortiter pugnandum ita adhortabatur.

QUÆ tristitia, milites, hæc, quæ insolita cunctatio est? Hostem, an me, an vos ignoratis? Hostis quid aliud est quàm perpetua materia

teria virtutis gloriæque vestræ? Vos contra me duce, (ut Falerios Vejosque captos, & in capta patria Gallorum legiones cæsas taceam) modo tergeminæ victoriæ triplicem triumphum ex his ipsis Volscis & Æquis, & ex Etruria egistis. An me, quod non dictator vobis sed tribunus signum dedi, non agnoscitis ducem? Neque ego maxima imperia in vos desidero: & vos in me nihil præter me ipsum intueri decet, neque enim dictatura mihi unquam animos fecit, ut ne exilium quidem ademit. Iidem igitur omnes sumus: & quum eadem omnia in hoc bellum afferamus quæ in priora attulimus, eventum eundem belli expectemus. Simul concurreritis, quod quisque didicit ac consuevit, faciet. Vos vincetis, illi fugient.

O R A T I O

A. CORNELII COSSI dictatoris ad suos.

A R G U M E N T U M.

A. Cornelius Cossus dictator T. Quintium Capitolinum magistrum equitum dixerat. Ii adversus Volscorum ingentem multitudinem, etiamsi bella intestina remorari poterant, delectu habito in agrum Promptinum milites ducunt. Ibi quum postridie quàm venissent, easa hostia pacem à diis petiisset dictator, latus tanquam à diis auditus esset, in hæc verba milites adhortabatur.

NOstra victoria est, milites, siquid dii vatesque eorum in futurum vident. Itaque, ut decet ceræ spei plenos, & cum imparibus manus conferturos, pilis ante pedes positis, gladiis tantum dextram armemus, ne procurri quidem ab acie velim, sed obnixos vos stabili gradu impetum hostium excipere. Ubi illi
vana

vana iniecerint missilia, & effusi stantibus vobis se intulerint, tum micent gladii, & veniat in mentem unicuique, deos esse, qui Romanum adjuvent: deos qui secundis avibus in prælium miserint. Tu, Quinti, equitem intentus ad primum initium moti certaminis teneas: ubi hæc jam aciem collato pede videris, tum terrorem equestrem occupatis alio pavore infer: in vectusque ordines pugnantium dissipa.

O R A T I O

CORNELII COSSI dictatoris in M. Manlium.

A R G U M E N T U M.

M. Manlius Capitolinus erat qui Capitolium ab Gallis clangore un-serum excitus servarat. Is largitionibus populari aura captata, populum domum suam vocat: ubi in patres in vectus, inter alia ab iis thesauros eos, qui ad redimendam à Gallis urbem ex arario ex-prompti, siue à matronis collati fuerant, occultatos jactabat. Ro-gatus ubinam tantæ rei furtum occultaretur, tempore ipse se indica-turum respondit. Dictator Cossus ob eam rem ab exercitu & ca-stris in urbem accitus, postero die senatu habito, quum voluntates hominum satis explorasset, retinet senatum, Manliumque per præconem vocari jubet. Manlius multitudinem plebis stipatus in senatum venit, in quem dictator hæc verba conjecit.

UTINAM mihi patribusque Romanis ita de cæteris rebus cum plebe conveniat, quemadmodum, quod ad te attinet, eamque rem quam de te sum quæsiturus, conventurum satis confido. Spem factam à te civitati video, fide incolumi ex thesauris Gallicis quos primores patrum occultent, creditum solvi posse: cui ego rei tantum abest ut impedimento sim, ut contrà te, M. Manli, adhorter, liberares scœnore plebem Romanam: & istos incubantes publicis

publicis thesauris ex præda clandestina evolvās. Quod nisi facias, sive ut & ipse in parte prædæ sis, sive quia vanum indicium est; in vincula te duci jubebo: nec diutius patiar à te multitudinem fallaci spe concitari.

O R A T I O

MANLII CAPITOLINI, qua dictatori & patribus responder.

A R G U M E N T U M.

Coniunctum est hoc cum superiore. Cum plebe, quam donis largitionibusque pellexerat, in senatum Manlius venerat. Ibi dictatori concionato, in hanc sententiam respondit.

OFFENDIT te, A. Corneli, vosque P. C. circumfusa turba lateri meo? Quin eam deducitis à me singuli vestris beneficiis, intercedendo, eximendo de nervo cives vestros, prohibendo judicatos addictosque duci; ex eo quod affluit opibus vestris, sustinendo necessitates aliorum? Sed quid ego vos de vestro impendatis, hortor? Sortem aliam ferte, de capite deducite quod usuris pernumeratum est: jam nihilo mea turba, quàm ullius conspectior erit. At enim, quid ita solus ego civium curam ago? Nihilo magis quod respondeam, habeo, quàm si quæras, quid ita solus Capitolium arcemque servarim. Et tum universis quàm potui, opein tuli, & nunc singulis feram. Nam quod ad thesauros Gallicos attinet, rem suapte natura facilem, difficilem interrogatio facit. Cur enim quæritis quod scitis? Cur quod in sinu vestro

vestro est, excuti jubetis porius, quam ponatis? nisi aliqua fraus subest quo magis argui præstigias jubetis vestras, eo plus vereor ne abstuleritis, observantibus etiam oculis. Itaque non ego vobis ut indicem prædas vestras, sed vos ad id cogendi estis, ut in medium proferatis.

O R A T I O

M. MANLIi CAPITOLINI post vincula ad plebem adversus patres concitandam.

A R G U M E N T U M.

Concitata plebs erat Manlii fortuna miseraque conditione, adeo ut magna pars vestem mutaret, mæsta turba vestibulo carceris obversaretur. Ei multitudini, simul ac Cossus dictatura abiit, plerique exprobrabant inter alia etiam illud, quod defensores suos favore in præceptis ruere sinebat. ut Sp. Melium & Cassium: ita M. Manlium, proditum inimicis, quod ad nutum dictatoris respondere nolisset, conjectum fuisse in carcerem. His aliisque ad eandem rem pertinentibus plebs stimulata atque irritata, jam se carcerem effraturum minabatur, quum ex senatusconsulto Manlius liberatur. Eductus ex carcere animam ad seditionem intendens, plebem domum convocat, ubi in hanc sententiam de tollendis magistratibus disseruit.

QUOUSQUE tandem ignorabitis vires vestras, quas natura ne belluas quidem ignorare voluit? Numerate saltem quot ipsi sitis, quot adversarios habeatis. Si singuli singulos aggressuri essetis, tamen acrius crederem vos pro libertate, quam illos pro dominatione certaturos. Quot enim clientes circa singulos fuistis patronos, tot nunc adversus unum hostem eritis. Ostendite modò bellum, pacem habebitis. Videant vos paratos ad vim, jus ipsi remittent. Audendum est aliquid universis, aut omnia singulis patienda. Quousque me circumspice-

cum spectabitis ? Ego quidem nulli vestrum deerō ne fortuna mea desit, videte. Ipse vindex vester, ubi visum inimicis est, nullus repentē fui : & vidistis in vincula duci universum, qui à singulis vobis vincula depuleram. Quid sperem, si plus in me audeant inimici ? An exitum Cassii Melique expectarem ? Benefacitis quod abominamini : Dii prohibebunt hæc : sed nunquam propter me de cælo descendent. Vobis dent mentem oportet, ut prohibeatis ; sicut mihi dederunt armato togatoque, ut vos à barbaris hostibus, à superbis defenderem civibus. Tam parvus animus tanti populi est, ut semper vobis auxilium adversus inimicos satis sit, nec ullum, nisi quatenus imperari vobis sinatis, certamen adversus patres noveritis ? Nec hoc natura insitum vobis est, sed usu possidemini.* Cur enim adversus externos tantum animorum geritis, ut imperare illis æquum censeatis ? Quia consuevistis cum eis pro imperio certare, adversus hos tentare magis quam tueri libertatem. Tamen qualescunque duces habuistis, qualescunque ipsi fuistis, omnia adhuc quantacunque petistis, obtinuistis ; seu vi, seu fortuna vestra. tempus est etiam majora conari. Experimini modo & vestram felicitatem, & me (ut spero) feliciter expertum : minore negotio, qui imperet patribus, imponetis, quam qui resisterent imperantibus, imposuistis. Solum æquandæ sunt dictaturæ consulatusque, ut caput attollere Romana plebs possit.

Proin-

Proinde adeste, prohibete jus de pecuniis dici. ego me patronum profiteor plebis, quod mihi cura mea & fides nomen induit. Vos si quo insigni magis imperii honorisve nomine vestrum appellabitis ducem, eo utemini potentiore ad obtinenda ea quæ vultis.

O R A T I O

CAMILLI AD SENATORES Tusculanorum de mittendis Romam de pace legatis.

A R G U M E N T U M.

Camillus in recensendis captivis Volscorum forte Tusculanos duos agnoscit. qui rogati quo consilio cum Volscis se conjunxissent, quum publice faterentur, ducti sunt Romam ad senatum. Ibi Camillus perfidiam Tusculanorum accusat. Placet patribus ut bellum adversus Tusculanos geratur; cui Camillum præficiunt. Tusculani cives patentibus urbis portis obviam Camillo in urbem promoven- ti frequentes procedunt: comiteus exercitui ex urbe & agris devehitur. Ingressus vero urbem, quum non secus quam in certa pace opifices suo quenque operi intentos cerneret, rei rationem admiratus, senatu eorum vocato, ita verba fecit.

SOLI adhuc Tusculani vera arma, verasque vires, quibus ab ira Romanorum vestra tueremini, invenistis. Ite Romam ad senatum. æstimabunt patres, utrum plus antè poenæ, an nunc veniæ meriti sitis. Non præripiam gratiam publici beneficii. deprecandi potestatem à me habueritis, precibus eventum vestris senatus, quum videbitur, dabit.

O R A T I O

LEGATORUM TUSCULANORUM
in senatu, qua se purgant.

A R G U M E N T U M. ●

Tusculani oratores, sicuti suaserat Camillus, Romam ad petendam pacem missi, hospitaliter vocati, causam suam ita egerunt.

QUIBUS

QUibus bellum indixistis, intulistisque, p. c. sicut nunc videris nos stantes in vestibulo curiæ vestræ, ita armati paratique obviam imperatoribus legionibusque vestris processimus. Hic noster, hic plebis nostræ habitus fuit, eritque semper, nisi si quando à vobis, proque vobis arma acceperimus. Grätias agimus & ducibus vestris & exercitibus, quòd oculis magis quàm auribus crediderunt. & ubi nihil hostile erat, ne ipsi quidem fecerunt. Pacem quam nos præstitimus, eam à vobis petimus: bellum eò, sicubi est, avertatis precamur. In nos quid arma polleant vestra, si patiendo experiundum est, inermes experiemur. Hæc mens nostra est: Dii immortales faciant, tam felix quàm pia. Quod ad crimina attinet, quibus moti bellum indixistis; etli revicta rebus, verbis confutare nihil attinet; tamen etiamsi vera sint, vel fateri nobis ea, quum tam evidenter pœnituerit, tutum censemus. Peccetur in vos, dum digni sitis, quibus ita satisfiat.

O R A T I O

Q. CINCINNATI DICTATORIS ad **A. Sempronium** magistrum equitum de belli ratione.

A R G U M E N T U M.

Iam Prænestini, quum omnis Romæ seditionibus plena perlatum esset, vastatis agris ad portam Collinam pervenerant spe urbis capiendæ; quum Romani dictatorem, ut assolebant in re trepida, T. Quintium Cincinnatum creant, à quo A. Sempronius magister equitum dictus. Hostes, quum dictatorem creatum audirent, à manibus ad Alliam flumen, ubi castra locarent, se receperant. Dictator Quintius ducto exercitu, quum hostes in conspectu instructos paratosque videret, ita de belli ratione cum magistro equitum agebat.

VIDE SNE tu Aule Semproni, loci fortuna illos fretos ad Alliam constituisse? nec illis Dii immortales certioris quicquam fiduciæ majorisve quod sit auxilii dederunt? At tu fretus armis animisque, concitatis equis invade mediam aciem: ego cum legionibus, in turbatos trepidantesque inferam signa. Adeste dii testes fœderis: & expetite pœnas debitas simul vobis violatis, nobisque per vestrum numen deceptis.

ORATIO

CAMILLI DICTATORIS, ad Quirites,
de intercessione.

ARGUMENTUM IN HANC ET IN SEQ.

Plebs, arrepta fortè occasione rerum novandarum ex magna vi aris alienæ, à quo levare non posset, nisi suis in summo imperio collocatis: tribunos plebis duos, C. Licinium & L. Sextium creat, qui sibi viam præstuerent ad ceteros honores. Li creanti promulgant leges tres adversus opes patriciorum & pro commodis plebis. Unam de ære alieno, ut deducto eo de capite quod usuris pernumeratum esset, id quod reliquum esset triennio tribus æquis portionibus persolveretur: alteram de modo agrorum, nequis amplius quam quingenta jugera agri possideret: tertiam, ne tribunorum militum comitia fierent, consulque alter ex plebe crearetur. Conterriti patres tam severis contra se legibus, collegas tribuni duobus adiungunt, qui leges per intercessionem promulgari non sinerent. Li, à duobus collegis legumlatoribus concilio ad promulgandas leges sæpe vocato, ne recitari quidem eas passi sint. Conditione deinde rerum coacti iidem legumlatores, tribunos militum creari permittunt. Ita promulgatio in reditum exercitus dilata. Interim sæpe refecti iidem tribuni, miseriam plebejorum primoribus patrum exponunt, in licentiamque maximam patriciorum invehebantur, quod attineret ad id quod leges promulgande continebant. Iam decies refecti, quam legionibus in urbem reductis, non impedirentur collegarum intercessione, patres dictatorem creant Camillum. Qui stipatus magnis patriciorum numero, quum collegarum intercessione etiam renovata nihil profici videret, proxima oratione de intercessione ad populum verba fecit. Ea concione habita, quum indictis tribunorum plebis comitiis legumlatores jam decies (ut ante dixi) refecti se abire velle magistratu per simulationem faterentur: magis accendebant plebis animos ad id quod petebant. Nam etsi in leges suas pugnatum esse commemorabant intercessione collegarum, bello

belli Veliterno & dictatoris creatione : jam tamen illa obflare posse negabant quo minus leges promulgarentur , quum magister equitum ex plebe dictus gradum fecisse ad ceteros quoque magistratus videretur . His alijs , ue plebis animos inflammarent , quum stupentibus ceteris unus App. Claudius adversus tribunos plebis legumlatores , legesque ipsas , posteriorem orationem habuit .

QUANDO QUIDEM , Quirites , jam vos tribunitia libido , non potestas regit , & intercessionem secessione quondam plebis partam vobis , eadem vi facitis irritam , qua peperistis ; non Reipub. magis universæ , quam vestra causa dictator intercessioni vestræ adero : eversumque vestrum auxilium imperio tutabor . Itaque si C. Licinius & L. Sextius intercessioni collegarum cedunt , nihil , patricium magistratum inferam concilio plebis . si adversus intercessionem , tanquam captæ civitati leges imponere tentent , vim tribunitiam à se ipsa dissolvi non patiar .

O R A T I O

APPII CLAUDII contra tribunos plebis legumlatores , & leges ipsas .

NEQVE novum , neque inopinatum mihi sit , Quirites , si quod unum familiæ nostræ semper objectum est ab seditiosis tribunis , id nunc ego quoque audiam : Claudæ genti jam inde ab initio nihil antiquius in Republica , patrum maiestate fuisse : semper plebis commodis adversatos esse . Quorum alterum neque nego , neque inficias . o : nos , ex quo asciti sumus simul in civitatem & patres , enixè operam dedisse , ut per nos aucta potius quam imminuta

minuta majestas earum gentium , inter quas nos esse voluistis, dici vere posset. Illud alterum pro me majoribusque meis contendere ausim, Quirites, (nisi quæ pro universa Republ. fiant, ea plebi tanquam aliam incolenti urbem ad-versa quis putet) nihil nos neque privatos neque in magistratibus , quod incommodum plebi esset , scientes fecisse : nec ullum factum dictumve nostrum , contra utilitatem vestram (etsi quædam contra voluntatem fuerint) vere referri posse. An hoc , si Claudia familia non sim , nec ex patricio sanguine ortus , sed unus Quiritium quilibet , qui modò me duobus ingenuis ortum, & vivere in libera civitate sciam, reticere possim? L. illum Sextium, & C. Licinium; perpetuos (si Diis placet) tribunos, tantum licentiæ novem annis quibus regnant, sumpsisse , ut vobis negent potestatem liberam suffragii, non in comitiis , non in legibus jubendis , se permissuros esse? Sub conditione, inquit, nos reficietis decimum tribunos. Quid est aliud dicere, quod petunt alii , nos adeo fastidimus , ut sine mercede magna non accipiamus. Sed quæ tandem ista merces est , qua vos semper tribunos plebis habeamus? Ut rogationes, inquit , nostras , seu placent, seu displicent, seu utiles , seu inutiles sunt , omnes conjunctim accipiatis. Obsecro vos , Tarquinii, tribuni plebis, putate me ex media concione unum civem succlamare : bona venia vestra liceat ex his rogationibus legere , quas salubres

nobis

nobis censemus esse ; antiquare alias. Non, inquit, licebit. Tu de fœnore atque agris, quod ad vos omnes pertinet, jubeas & hoc portenti non fiat in Urbe Romana, uti L. Sextium atque hunc C. Licinium consules. quod indignaris, quod abominaris, videas. Aut omnia accipe : aut nihil fero. ut si quis ei quem urgeat fames, venenum ponat cum cibo, & aut abstinere eo quod vitale sit, jubeat, aut mortiferum vitali admisceat. Ergo si esset libera hæc civitas, non tibi frequentes succlamassent, Abi hinc cum tribunatibus ac rogationibus tuis ; quid si non tuleris, quod commodum est populo accipere, nemo erit qui ferat illud ? Si quis patricius, si quis (quod illi volunt invidiosius esse) Claudius diceret, aut omnia accipite, aut nihil fero, quis vestrum Quirites, ferret ? Nunquamne vos res potius quam auctores spectabitis, sed omnia semper, quæ magistratus ille dicet, secundis auribus, quæ ab nostrum aliquo dicentur, adversis accipietis ? At, hercule, sermo minimè civilis. Quid ? rogatio qualis est, quam à vobis antiquatam indignantur ? Sermoni Quirites similima. Consules, inquit, rogo, ne, vobis, quos velitis, facere liceat. Analiter rogat, qui utique alterum ex plebe fieri consulem debet : nec duos patricios creandi potestatem vobis permittit ? Si hodie bella sint, quale Etruscum fuit, quum Porsena Janiculum insedit, quale Gallicum modo, quum præter Capitolium atque arcem
omnia

omnia hæc hostium erant , & consulatum cum hoc M. Furio , aut quolibet alio ex patribus L. ille Sextius peteret ; posset isne ferre Sextium haud procul dubio consulem esse , Camillum de repulsa dimicare ? Hoccine est in commune honores vocare , ut duos plebejos fieri consules liceat , duos patricios non liceat ? & alterum ex plebe creari necesse sit , utrumque ex patribus præterire liceat ? Quænam ista societas , quænam consortio est ? parum est , si cujus pars tua nulla adhuc fuit , in partem ejus venis , nisi partem petendo , totum traxeris ? Timeo , inquit , ne si quos licebit creari patricios , neminem creetis plebejum. Quid est dicere aliud , nisi , quia indignos vestra voluntate creaturi non estis , necessitatem vobis creandi quos non vultis , imponam ? quid sequitur , nisi ut ne beneficium quidem debeat populo , si cum duobus patriciis unus petierit plebejus , & lege se , non suffragio , creatum dicat ? Quo modo extorqueant , non quo modo petant honores , quærrent : & ita maxima sunt adepturi , ut nihil ne pro minimis quidem debeant ; & occasionibus potius quàm virtute petere honores malint. Est aliquis qui se inspicit , qui æstimari fastidiat ? qui certos sibi uni honores inter dimicantes competitores æquum censeat esse ? qui se arbitrio vestro eximat ? qui vestra necessaria suffragia pro voluntariis , & serva pro liberis faciat ? Omitto Licinium Sextiumque , quorum annos in perpetua potestate tanquam regum

gum in Capitolio numeratis ; quis est hodie in civitate tam humilis , cui non via ad consulum facilius per istius legis occasionem , quàm nobis ac liberis nostris , fiat ? siquidem nos , ne quum volueritis quidem , creare interdum poteritis , istos etiam si nolueritis , necesse sit. De indignitate satis dictum est (etenim dignitas ad homines pertinet) quid de religionibus atque auspiciis , quæ propria Deorum immortalium contemptio atque injuria est , loquar ? Auspiciis hanc urbem conditam esse , auspiciis bello ac pace domi , militiæque omnia geri , quis est qui ignoret ? Penes quos igitur sunt auspicia more majorum ? Nempe penes patres. Nam plebejus quidem magistratus nullus auspicatò creatur. Nobis adeo propria sunt auspicia , ut non solum quos populus creat patricios magistratus , non aliter quàm auspicatò creet ; sed nos quoque ipsi sine suffragio populi auspicatò interregem prodamus , & privatim auspicia habeamus , quæ isti ne in magistratibus quidem habent. Quid igitur aliud quàm tollit ex civitate auspicia , qui plebejos consules creando , à patribus , qui soli ea habere possunt , aufert ? Eludant nunc licet religiones. Quid enim est , si pulli non pascentur ? si ex cavea tardius exierint ? si occinuerit avis ? Parva sunt hæc : sed parva ista non contemnendo , majores nostri , maximam hanc rem fecerunt. Nunc nos , tanquam jam nihil pace Deorum opus sit , omnes ceremonias polluimus.

Vulgò ergo pontifices, augures, sacrificuli reges creentur: cuilibet apicem dialem, dummodo homo sit, imponamus: tradamus ancilia, penetralia, Deos Deorumque curam, quibus nefas est. Non leges auspicatò ferantur, non magistratus creentur, nec centuriatis nec curiatis comitiis patres auctores fiant: Sextius & Licinius tanquam Romulus ac Tatius in urbe Romana regnent, quia pecunias alienas, quia agros donant. Tanta dulcedo est ex alienis fortunis prædandi: nec in mentem venit, altera lege solitudines vastas in agris fieri pellendo finibus dominos: altera fidem abrogari, cum qua omnis humana societas tollitur. Omnium rerum causâ vobis antiquandas censeo istas rogationes. Quod faxitis, Deos velim fortunare.

Ex septimo libro ab Urbe condita.

O R A T I O

SERVII TULLII ad dictatorem, ut militibus pugnandi faceret potestatem.

A R G U M E N T U M.

C. Sulpitius dictator, & M. Valerius magister equitum adversus Gallos, qui jam ad Pedum confederant, exercitus duos duxerant. Dictator non ausus primo adventu se belli fortuna committere, trahebat bellum, vetando ne quis injussu suo extra ordinem in hostem pugnaret. Milites egre illud passi, multa jactabant in dictatorem, criminabanturque patres quod per dictatorem, non per consules rem geri placuisset. Tandem Servio Tullio septimo principio dunt negotium ut ab imperatore pugnandi copiam impetraret. Is apud dictatorem hac oratione rem peragit.

SCILICET Dictator, condemnatum se universus exercitus à te ignaviæ ratus, & propè ignominia causâ destitutum sine armis, oravit

vīt me ut suam causam apud te agerem. Equidem sicubi loco cessum, si terga data hosti, si signa fœdè amissa objici nobis possent, tamen hoc à te impetrari æquum censerem, ut nos virtute culpam nostram corrigere, & abolere flagitii memoriam nova gloria patereris. Etiam ad Alliam fusæ legiones, eandem quam per pavorem amiserant patriam, profectæ postea ab Vcījs virtute recuperavêre. Nobis deūm benignitate, felicitate tuâ populique Romani, & res & gloria est integra. Quamquam de gloria vix dicere ausim, si nos & hostes haud secus quàm fœminas abditos intra vallum omnibus contumeliis eludunt: & tu imperator noster, quod ægrius patimur, exercitum tuum sine animis, sine armis, sine manibus, judicas esse: & prius quàm expertus nos esses, de nobis ita desperasti, ut te mancorum ac debiliū ducem judicares esse. Quid enim aliud esse causæ credamus, cur veteranus dux, fortissimus bello, compressis, quod ajunt, manibus sed eas? Utcunque enim se habeat res, te de nostra virtute dubitasse videri, quàm nos de tua verius est. Sin autem non tuum istud sed publicum est consilium, & consensus aliquis patrum, non Gallicum bellum nos ab urbe, à penatibus nostris, ablegatos tenet; quæso, ut quæ dicam, non à militibus imperatori dicta censeas, sed à plebe patribus, quæ sicut vos vestra habeatis consilia, sic se sua habituram dicat. Quis tandem succenseat milites nos esse, non servos vestros? ad bellum,

non in exilium, missos? si quis det signum, in aciem educat, ut viris ac Romanis dignum sit pugnatorios: si nihil armis opus sit, otium Romæ potius quàm in castris acturos. Hæc dicta sint patribus. Te imperator milites tui oramus, ut nobis pugnandi copiam facias. Tum vincere cupimus, tum duce te vincere, tibi lauream insignem deferre, tecum triumphantes urbem inire. Tuum sequentes currum Jovis optimi maximi templum gratantes ovantesque adire.

O R A T I O

M. POPILII CONSULIS quâ suos milites adhortatur.

A R G U M E N T U M.

Scipione consule morbo implicito, M. Popilio collega ex plebe bellum permissum erat adversus Gallos, qui jam in agro Latino castra fixerant. Victoria belli ejus jam ad Romanos inclinata erat, quum consulis laevus humerus machæra propè trajicitur. Eo vulnere permoti languidique milites facti, jam propemodum certam victoriam amiserant; quum consul alligato vulnere ad prima signa progressus, in hæc verba militem adhortabatur.

QUId stas, miles? non cum Latino Sabinoque hoste res est, quem victum armis socium ex hoste facias. In belluas strinximus ferrum, hauriendus aut dandus est sanguis. Propulistis à castris, supina valle præcipientes egistis, stratis corporibus hostium superstitis. Complete eâdem strage campos, quâ montes replestis. Nolite expectare dum stantes vos fugiant. Inferenda sunt signa, & vadendum in hostem.

O R A -

O R A T I O

LEGATORUM CAMPANORUM in senatu, quâ
auxilium adversus Samnites petunt.

A R G U M E N T U M.

Samnites societate atque amicitia cum Romanis juncti, Sidicinis injustum bellum inferebant: quibus quum Sidicini se impares viderent, Campanos socios belli asciverant. Campani fluentes luxu, quum viribus non dimiscerent, in agrum Sidicinum petuntur. Quam rem quum Samnites animadverterent, omisiss Sidicinis, in Campanorum oppida, unde plus praele atque gloria esset, bellum convertunt. Iamque causa erat multitudo magna juvenum: qui superfueraut, intra moenia urbis Capuae pulsi: quum Romam oratores quæstum injurias mittere coguntur, qui hunc in modum causam Campanorum egerunt.

P O P U L U S nos campanus legatos ad vos, p. c. misit; amicitiam in perpetuum, auxilium præfens à vobis petitem. quam si secundis rebus nostris petissemus, sicut cœpta celerius, ita infirmiore vinculo contracta esset. Tunc enim, ut qui ex æquo nos venisse in amicitiam meminissemus, amici forsitan pariter ac nunc, subiecti atque obnoxii vobis minus essemus. Nunc misericordiâ vestrâ conciliati, auxilioque in dubiis rebus defensi, beneficium quoque acceptum colamus oportet, ne ingrati, atque omni ope divina humanaque indigni videamur. Neque hercule, quod Samnites priores amici sociique vobis facti sunt, ad id valere arbitror, ne nos in amicitiam suscipiamur: sed ut vetustate & gradu honoris nos præstent. Neque enim fœdere Samnitium, ne qua nova jungeretis fœdera, cautum est. Fuit quidem apud vos, semper satis justa causa amicitiae, velle eum vobis

ois amicum esse, qui vos appeteret. Campani, etsi fortuna præsens magnificè loqui prohibet, non urbis amplitudine, non agri ubertate ulli populo, præterquam vobis cedentes, haud parva (ut arbitror) accessio bonis rebus vestris in amicitiam venimus vestram. *Æquis* Volscisque, æternis hostibus hujus urbis, quandocunque se moverint, ab tergo erimus: & quod vos pro salute nostra priores feceritis; id nos pro imperio vestro, & gloria semper faciemus. Subactis iis gentibus, quæ inter nos vosque sunt, quod propediem futurum spondet & virtus & fortuna vestra, continens imperium usque ad nos habebitis. Acerbum & miserum est quod fateri nos fortuna nostra cogit. Eò ventum est, r. c. ut aut amicorum aut inimicorum Campani simus. si defenditis, vestri: si deseritis, Samnitium erimus, Capuam ergo, & Campaniam omnem vestris an Samnitium viribus accedere malitis, deliberate. Omnibus quidem Romani, vestram misericordiam, vestrumque auxilium æquum est patere; iis tamen maximè, qui eam implorantibus aliis, auxilium dum supra vires suas præstant, omnes ipsi in hanc necessitatem venerunt. Quanquam pugnavimus verbo pro Sidicinis, re pro nobis, quum videremus finitimum populum nefario latrocinio Samnitium peti: & ubi conflagraissent Sidicini, ad nos trajecturum illud incendium esse. Nec enim nunc, quia dolent injuriam acceptam Samnites, sed quia gaudent sibi oblatam esse causam, oppugnatum

guatum nos veniunt. An si ultio iræ hæc, & non occasio cupiditatis explendæ esset, parum fuit, quod semel in Sidicino agro, iterum in Campania ipsa legiones nostras cecidère? Quæ est ista tam infesta ira, quam per duas acies fusus sanguis explere non potuerit? Adde huc populationem agrorum, prædas hominum atque pecudum actas, incendia villarum ac ruinas, omnia ferro ignique vastata. Hiscine ita expleri non potuit? Sed cupiditas explenda est, ea ad oppugnandam Capuam rapit. Aut delere urbem pulcherrimam, aut ipsi possidere volunt. Sed vos potius, Romani beneficio vestro occupate eam, quam illos habere per maleficio finatis. Non loquor apud recusantem iusta bella populum: sed tamen si ostenderitis auxilia vestra, ne bello quidem arbitror vobis opus fore. Usque ad nos contemptus Samnitium pervenit, supra non ascendit. Itaque umbra vestri auxilii, Romani, regi possumus: quicquid deinde habuerimus; quicquid ipsi fuerimus; vestrum id omne existimaturi. Vobis arabitur ager Campanus, vobis Capua urbs frequentabitur: conditorum, parentum, deorum immortalium numero nobis eritis. Nulla colonia vestra erit, quæ nos obsequio erga vos, fideque superet. Annuite, p. c. nutum numenque vestrum invictum Campanis, & jubete sperare incolumen Capuam futuram. Quæ frequentia omnium generum multitudinis prosequente creditis nos illinc profectos? quàm omnia votorum

lachrymarumque plena reliquisse? in qua nunc expectatione fenatum populumque Campanum, conjuges, liberosque nostros esse? stare omnem multitudinem ad portas, viam hinc ferentem prospectantes, certum habeo, quid illis nos, *p. c.* sollicitis ac pendentibus animis renuntiare jubeatis. Alterum responsum salutem, victoriam, lucem ac libertatem: alterum ominari horreo, quæ ferat. Proinde ut aut de vestris futuris sociis atque amicis, aut nusquam ullis futuris nobis, consulite.

O R A T I O

ROMANORUM, quâ præcedenti Campanorum legatorum orationi respondent.

AUXILIO vos Campani, dignos censet fenatus: sed ita vobiscum amicitiam institui par est, ne qua vetustior amicitia ac societas violetur. Samnites nobiscum fœdere juncti sunt. itaque arma, Deos, prius quam homines violatura, adversus Samnites vobis negamus. Legatos, sicut fas jusque est, ad socios atque amicos precatum mittemus, ne qua vobis vis fiat.

O R A T I O

LEGATORUM CAMPANORUM, quâ præcedenti Romanorum orationi respondent.

QUANDO QUIDEM nostra tueri adversus vim atque injuriam justâ vi non vultis, vestra certè defendetis. Itaque populum Campanum urbemque Capuam, agros delubra deûm, Divina humanaque omnia in vestram, *p. c.* populi-

pulique Romani ditionem dedimus : quicquid
deinde patiemur, dedititii vestri passuri.

O R A T I O

M. VALERII CORVINI quâ suos adhortatur.

A R G U M E N T U M.

Ad Samnites Campanorum nomine Romani legati missi, quum re infecta redirent, retulerunt à Samnitibus responsum, id se bellum perfecturos: atque quum adhuc illuc essent, multis imperatum esse ut pradas ex agro Campano agerent. Senatus hic concitatus, speciali ad res repetendas, simul inlicendum bellum misso, decrevit ut Valerius & Cornelius consules eo exercitus ducerent. Valerius contra Samnites profectus, in hunc modum milites ad pugnandum adhortabatur.

FACTA mea, non dicta, vos, milites, sequi
volo: nec disciplinam modo, sed exemplum
etiam à me petere. Non factionibus modò, nec
per conciones usitatas nobilibus, sed hâc dextrâ
mihi tres consulatus summamque laudem pe-
peri. Fuit, quum hoc dici poterat: Patricius
enim eras, & à liberatoribus patriæ ortus: &
eodem anno familia ista consulatum, quo urbs
hæc consulem habuit. Nunc jam nobis patri-
bus vobisque plebejis promiscuus consulatus
patet, nec generis, ut antè, sed virtutis est præ-
mium. Proinde summum quodque spectate,
milites, decus. Non si mihi novum hoc Corvi
cognomen diis auctoribus homines dedistis,
Publicolarum vetustum familiæ nostræ cogno-
men memoriâ excessit. Semper ego plebem Ro-
manam militiæ domique, privatus in magistra-
tibus parvis magnisque, æquè tribunus ac con-
sul, eodem tenore per omnes deinceps consu-
latus,

latus, colo atque colui Nunc quod instat, Diis bene javantibus, novum atque integrum de Samnitibus triumphum mecum petite.

O R A T I O

EXHORTATORIA P. DECII tribuni militum ad
A. Cornelium consulem, quum spes elabendi
non videretur.

A R G U M E N T U M.

A. Cornelius consul exercitum in Samnium duxerat: ibi eo ipso tempore quo Valerius Corvinus collega Samnites vicit, milites incutit in saltum quandam cava valle peritum circaque ab hoste infessum induxerat, unde non prius hostem imminuentem vidit: quam jam tutò recipi signa non possent. Fum, necessitate illi territum, P. Decius trib. militum, qua esset erumpendum, ita docuit.

VIDE SNE tu, A. Corneli cacumen illud supra hostem? Arx illa est spei salutisque nostræ, si eam, quàm cæci reliquere Samnites, impigrè capimus. Nec tu mihi plus quàm unius legionis principes hastatosque dederis, cum quibus ubi evasero in summum; perge hinc omni liber metu: teque & exercitum serva. Neque enim moveri hostis subiectus nobis ad omnes ictus sine sua pernicië poterit. Nec deinde aut fortuna populi Romani, aut nostra virtus expediet.

O R A T I O

EJUSDEM P. DECII quâ suos ad erumpendum ex colle occupato adhortatur.

A R G U M E N T U M.

P. Decius tribunus militum, indicato loco consuli quo evaderet, cum prælio ad collis verticem pervenerat. Ed Samnites diu multumque progredi conari, huc atque illuc signa vertebant: modo collem circumdabant, modo viam patefaciebant. Decius spe pugnandi destitutus, primum centuriones ad se vocat, quibus hostium inertiam exponit, deinde milites ad erumpendum adhortatur.

QUÆ-

QUÆNAM illa inscitia belli ac pigritia est ? aut quonam modo isti ex Sidicinis Campanisque victoriam pepererunt ? Huc atque illuc signa moveri , ac modò in unum conferri , modo educi videtis. Opus quidem incipit nemo ; cum jam circundati vallo potuerimus esse, tum verò nos similes istorum simus, si diutius hic moremur, quam commodum sit. Agitandum , ite mecum , ut dum lucis aliquid superest , quibus locis præsidia ponant , quâ pateat hinc exitus, exploremus. *Hæc omnia, sagu'o gregali amictus , centurionibus item manipularium militum habitu ductis ne ducem circumire hostes notarent , perlustravit. Vigiliis deinde dispositis, ceteris omnibus tesseram dari jubet : ubi secunda vigilia buccinâ datum signum esset , armati cum silentio ad se venirent. Quo ubi, sicut edictum erat, taciti convenerunt ,* Hoc silentium , milites, *inquit, omisso militari assensu, in me audiendo servandum est.*

Ubi sententiam meam vobis peregero , tum quibus eadem placebunt , in dextram partem taciti transibitis : quæ pars major erit , eo stabitur consilio. Nunc quæ mente agitem, audite. Non fuga delatos , nec inertia relictos hic vos circumvenit hostis. virtute cœpistis locum, virtute hinc oportet evadatis. Veniendo huc exercitum egregium populi Romani servastis : erumpendo hinc , vosmet ipsos servate. Digni estis qui pauci pluribus opem tuleritis, ipsi nullius auxilio egueritis. Cum eo hoste res est, qui hesterno die delendi omnis exercitus fortunæ

per socordiam usus non sit, hunc tam opportunum collem imminentem capiri suo non ante viderit, quam captum à nobis: nos tam paucos tot ipse millibus hominum nec ascensu arcuerit: nec tenentes locum, quum diei tantum superesset, vallo circumdederit. Quem videntem ac vigilantem sic eluseritis, sopitum oportet fallatis, imò necesse est. In eo enim loco res sunt nostræ, ut ego vobis magis necessitatis vestræ index, quàm consilii auctor sim. Neque enim maneatis, an abeatis hinc, deliberari potest, quum, præter arma & animos armorum memores, nihil vobis fortuna reliqui fecerit. fame & siti moriendum sit, si plus quam viros ac Romanos decet, ferrum timeamus. Ergo una est salus, erumpere hinc, atq; abire. Id aut interdiu aut nocte faciàmus oportet. Ecce hoc aliud minus dubium. quippe si lux expectetur, quæ spes est, non vallo perpetuo fossaque nos septurum hostem? qui nunc corporibus suis subiectis undique cinxerit, ut videtis, collem. Atqui si nox opportuna est eruptioni, sicut est, hæc profecto noctis aptissima hora est. Signo secundæ vigiliæ convenistis, quod tempus mortales somno altissimo premit. Per corpora sopita vadetis; vel silentio incautos fallentes, vel sentientibus clamore subito pavorem injecturi. Me modò sequimini, quem sequuti estis, ego eandem, quæ duxit huc, sequar fortunam. Quibus hæc salutaria videntur, agitedum, in dextram partem pedibus transite.

O R A -

O R A T I O

M. VALERII CORVINI dictatoris ad conjuratores & seditiosos milites, quâ dehortatur à pugna contra patriam.

A R G U M E N T U M.

Delinuti milites Romani deliciis voluptatibusque quas abunde Campania administrabat, inibant consilia adimenda Campanis Capuæ. Claudius Martius Rutilius consul ea re cognita, rumorem spargit per oppida ea Campaniæ per quæ milites ad præsidia dispersi erant. Idem suos in æstiva milites quum eduxisset, aliis aliisque causis dimittendi milites consiliis Romam mittebat: quos ibi collega remorabatur. Iam cæteri quum neminem ex iis qui dimittebantur, redire ad castra viderent, emanasse sua consilia rebantur: quum cohors una militum in saltu concedit, qui eos omnes quos consul mittebat, sibi adjungebant, Cui multitudini jam valida quum nihil ad formam exercitus d. Set præter ducem, T. Quintium quendam Romanum, quem colere agrum audiverant, sibi imperatorem deligunt, renitentemque imperare cogunt. Hoc duce jam ad cætarum lapidem via progressi erant; ad inferenda Romanis arma, quum M. Valerium Corvinum dictatorem contra se venientem conspicientes, expectandum esse censent. Ad colloquium deinde ventum est: ac prior Valerius in hæc verba eos à pugna dehortatus est: T. Quintius deinde dux eorum.

DE o s immortales, milites, vestros, publicos, meosque, ab urbe proficiscens ita adoravi, veniamque supplex poposci, ut mihi de vobis concordia partæ gloriam, non victoriam darent. Satis fuit eritque unde belli decus pariatur? hinc pax petenda est. Quod deos immortales inter nuncupanda vota expoposci, ejus me compotem voti vos facere potestis; si meminisse vultis, non vos in Samnio, nec in Volscis, sed in Romano solo castra habere. si illos colles, quos cernitis, patriæ vestræ esse, si hunc exercitum civium vestrorum: si me consulem vestrum, cujus ductu auspicioque priore anno bis legiones Samnitium fudistis, bis castra

vi cepistis. Ego sum M. Valerius Corvinus, milites, cuius vos nobilitatem beneficiis erga vos non injuriis sensistis: nullius superba in vos legis, nullius crudelis senatusconsulti author: in omnibus meis impetiis in me severior quam in vos. Ac si cui genus, si cui sua virtus, si cui etiam majestas, si cui honores subdere spiritus potuerunt; is eram natus, id specimen mei dederam, ea aetate consulatum adeptus eram, ut potuerim, tres & viginti annos natus; consul patribus quoque ferox esse, non solum plebi. Quod meum factum dictumve consulis gravius quam tribuni audistis? Eodem tenore duos insequentes consulatus gessi, eodem hæc imperiosa dictatura geretur: ut neque in hos meos & patriæ meæ milites mitior, quam in vos (horreo dicere) hostes. Ergo vos prius in me strinxeritis ferrum, quam in vos ego, istinc signa canent, istinc clamor prius incipiet atque impetus, si dimicandum est. Inducite in animum, quod non induxerunt patres avique vestri: non illi, qui in Sacrum montem secesserunt, non hi, qui postea Aventinum infederunt. Expectate dum vobis singulis, ut olim Coriolano, matres, conjugisque crinibus, passis obviæ ab urbe veniant. Tum Volscorum legiones, quia Romanum habebant ducem, quieverunt: vos Romanus exercitus non destiteritis impio bello? T. Quinti, quocunque istic loco, seu volens seu invitus, constitisti, si dimicandum erit, tum tu in novissimos te recipito; fugeris etiam honestius, tergumque

que civi dederis, quam pugnaveris contra patriam. Nunc ad pacificandum bene atque honeste inter primos stabis, & colloqui hujus salutis interpretes fueris. Postulate æqua, & ferte. quanquam vel iniquis standum est potius, quam impias inter nos conferamus manus.

O R A T I O

T. QUINTII DUCIS seditiosorum, quâ eos ad concordiam exhortatur.

ME quoque, milites, si quis usus mei est, meliorem pacis quam belli habetis duces. Non enim illa modò Volscus aut Samnis sed Romanus verba fecit; vester consul, vester imperator, milites: cujus auspicia pro vobis experti nolite adversus vos velle experiri. Qui pugnarent vobiscum infestius, & alios duces senatus habuit: qui maximè vobis suis militibus parceret, cui plurimum vos imperatori vestro crederetis, eum elegit. Pacem, etiam qui vincere possunt, volunt. Quid nos velle oportet? quin, omissis ira & spe fallacibus auctoribus nos ipsos nostraque omnia cognitæ permittimus fidei?

Ex octavo libro ab urbe condita.

O R A T I O

ANNII SETTINI prætoris Latinorum, ad suos.

A R G U M E N T U M.

Latini conjuncti cum Campanis aliisque populis, Samnitibus bellum inferebant: Samnites, quum Latini etiam superiores ex Samnio forte excessissent, tempus idoneum illud esse legationibus faciendis ad petendum auxilium rati oratores Romanam mittunt: qui sociorum injurias exponerent. Latinos tum Romani timebant ne arguenda abalienarent. Itaque primo arguere non ausi, deinde ubi de defensione certius cognoverunt, decem principes mandant, quibus im-
pero-

perarent quæ vellent. Prætor tum Latinorum erat L. Annius Setinus, qui delectus ad legationem, priusquam cum reliquis novem proficisceretur ad senatum refert, quid Romanis responderi placeret, quod attineret ad ea quæ velle eos diceret. Aliud aliis sentientibus, sententia sua peracta, ita rursus loquutus est.

QUAM QUAM ipse ego retuli quid responderi placeret, tamen magis ad summam rerum nostrarum pertinere arbitror, quid agendum nobis, quàm quid loquendum sit. Facile erit, explicatis consiliis, accommodare rebus verba. Nam si etiam nunc sub umbra foederis æqui servitutem pati possumus; quid abest, quin proditis Sidicinis, non Romanorum solum, sed Samnitium quoque dicto pareamus, respondeamusque Romanis, nos, ubi innuerint, posituros arma? Sin autem tandem libertatis desiderium remordet animos, si foedus est, si societas æquatio juris est, si consanguineos nos Romanorum esse, quod olim pudebat, nunc gloriari licet, si socialis illis exercitus is est, quo adjuncto duplicent vires suas, quem secernere ab se consules bellis propriis ponendis sumendisque nolint; cur non omnia æquantur? cur non alter ab Latinis consul datur? Ubi pars virium, ibi & imperii pars est? Est quidem nobis hoc per se haud nimis amplum: quippe concedentibus Romam caput Latio esse, sed ut amplum videri posset, diuturna patientia fecimus. Atqui si quando unquam consociandi imperii, usurpandæ libertatis tempus optastis, en hoc tempus adest, & virtute vestra, & deûm benignitate vobis datum. Tentastis patientiam
negan-

negando militem : quis dubitat exarsisse eos , quum plus ducentorum annorum morem solveremus ? pertulerunt tamen hunc dolorem. Bellum nostro nomine cum Pelagnis gessimus : qui ne nostrorum quidem finium nobis per nos tuendorum jus antea dabant, nihil interceserunt. Sidicinos in fidem receptos, Campanos ab se ad nos descisse , exercitus nos parare adversus Samnites fœderatos suos audierunt , nec moverunt se ab urbe. Unde hæc illis tanta modestia, nisi à conscientia virium & nostrarum & suarum ? Idoneos auctores habeo, quærentibus de nobis Samnitibus , ita responsum ab senatu Romano esse , ut facilè appareret , ne ipsos quidem jam postulare, ut Latium sub Romano imperio sit. Usurpate modo postulando eo, quod illi vobis taciti concedunt. Si quem hoc dicere metus prohibet, en ego ipse, audiente, non populo Romano modo senatuque , sed Jove ipso qui Capitolium incolit, profiteor me dicturum, ut si nos in fœdere ac societate esse velint, consulem alterum ab nobis, senatusque partem accipiant.

O R A T I O

ANNII EJUSDEM ad P. C. Romanorum , ut alter consul ex Latinis fieret.

A R G U M E N T U M.

Latini Annio permiserant ut ogeret ac diceret quæ à Rep. Latinorum, fileque sua viderentur. Is in senatum cum cæteris legatis admissus, quum T. Manlium consulem audiret ita de ea re agentem, ut ne Samnitibus fœderatis Romanorum bellum à Latinis inferretur, confestim rem ipsam narrare in hanc formam ingressus est.

T E M -

TEMPUS erat, Tite Manli, vosque, P. C. tandem jam vos nobiscum nihil pro imperio agere, quum florentissimum deum benignitate, nunc Latium armis virisque, Samnitibus bello victis, Sidicinis Campanisque sociis, nunc etiam Volscis adjunctis videretis: Colonias quoque vestras Latinum Romano prætulisse imperium. Sed quoniam vos regno impotenti finem ut imponatis, non inducitis in animum; nos, quamquam armis possumus asserere Latium in libertatem, consanguinitati tamen hoc dabimus, ut conditiones pacis feramus æquas utrisque: quoniam vires quoque æquari Diis immortalibus placuit. Consulem alterum Roma, alterum ex Latio creati oportet: senatus partem æquam ex utraque gente esse: unum populum, unam Rempub. fieri, & ut imperii eadem sedes sit, idemque omnibus nomen: quoniam ab alterutra parte concedi necesse est, quod utriusque bene vertat, sit hæc sanè patria potior, & Romani omnes vocemur.

O R A T I O

T. MANLI CONSULIS ad legatos Latinorum.

A R G U M E N T U M.

Hoc proxima orationi coheret. Ea Annii oratione T. Manlius adeo permotus irarumque plenus fuit, ut diceret, si id ipsum illud quod petierat, approbarent patres, se palam in senatu quemcunque Latinum vidisset interfectorum. Conversus deinde ad simulachrum Iovis, ita rei atrocitatem & indignitatem referebat.

AUDITE Jupiter hæc scelera, audite jus fasque! Peregrinos consules, & peregrinum sena-

senatum in tuo Jupiter augurato templo cap-
tus, atque ipse oppressus, visurus es? Hæcine
foedera Tullus Romanus rex cum Albanis pa-
tribus vestris Latini: hæc L. Tarquinius vobis-
cum postea foedera fecit? Non venit in mentem
pugna apud Regillum lacum? adeo ad cladium
vestrarum veterum, & beneficiorum nostro-
rum erga vos obliti estis.

O R A T I O

T. MANLI CONSULIS ad T. Manliam filium,
quâ cum accusat quòd in hostem ipsius in-
jussum pugnavisset.

A R G U M E N T U M.

*Bello Latino, quod factum fuit quum Latini, non auditi de altero con-
sule ex Latio creando, in Campaniam exercitum auxerant: consu-
es hosti hostes lingua eadem, institutis, moribus uti, quibus Ro-
mani: milites item militibus, centuriones centurionibus congruere:
eduxerant nequis in hostem extra ordinem pugnaret, T. Manlius
erat T. Manlii consulis filius, qui laceffitus à Geminio quodam
Tusculano per contumeliam, congressus, equitem, à iugulo ita ut
per costas ferrum emerget, terræ affixit. Manlius consul ea re
cognita, filium pater, his verbis obiurgatum, securi percussit.*

QUANDO QUIDEM tu, Tite Manli, neque
imperium consulare, neq; majestatem pa-
triam veritus, adversus edictum nostrum extra
ordinem in hostem pugnavisti: & quantum in
te fuit, disciplinam militarem, quâ stetit ad hanc
diem Romana res, solvisti, meque in eam neces-
sitate adduxisti, ut aut Reipub. mihi, aut mei
meorumque obliviscendum sit; nos potius no-
stro delicto plectemur quàm Respub. tanto suo
damno nostra peccata luat. Triste exemplum
sed in posterum salubre juventuti erimus. Me
quidem cum ingenita charitas liberum, tum speci-

specimen istud virtutis deceptum vanâ imagine decoris in te movet: Sed quum aut morte tua fancienda sint consulum imperia, aut impunitate in perpetuum abroganda; nec te quidem, si quid in te sanguinis nostri est, recusare censeam quin disciplinam militarem culpâ tuâ prolapsam poenâ restituas. I licitor, deliga ad palum.

O R A T I O .

FURII CAMILLI CONSULIS ad patres de Latinis referentis.

A R G U M E N T U M .

L. Furius Camillus & C. Menius consules, ad Pedum Latinorum oppidum expugnandum profecti, ita rem peregerant, ut Menius ad flumen Asturam Aricinos, aliosque qui auxilio Pedanis venerant, præter spem aggressus fuderit, Camillus oppidanis intra mania compulsis, oppidum scalis cepit. Iis etiam insignibus victoriis non contenti, longius progressi non prius quieverunt, quam aut expugnando aut in deditionem accipiendâ civitates, totum Latium subegere. Camillus deinde Romam regressus, in senatu de Latinis ita retulit.

PATRES c. quod bello armisque in Latio agendum fuit, id jam Deum benignitate, ac virtute militum ad finem venit. Cæsi ad Pedum Asturamque sunt exercitus hostium, oppida Latina omnia, & Antium ex Volscis, aut vi capta, aut recepta in deditionem, præsidiis tenentur vestris. Reliqua consultatio est, quoniam rebellando sæpius nos sollicitant, quonam modo perpetuâ pace quietos obtineamus. Dii immortales, ita vos potentes hujus consilii fecerunt, ut sit Latium deinde, an non sit, in vestra manu posuerint. Itaque pacem vobis, quod ad Latinos attinet, parare in perpetuum, vel sæviendo,

viendo, vel ignoscendo, potestis. Vultis crudeliter consulere in deditos, victosque? licet delere omne Latium: vastas inde solitudines facere, unde sociali egregio exercitu per multa bella magnaue sæpe usi estis. Vultis exemplo majorum augere rem Romanam, victos in civitatem accipiendo? Materia crescendi per summam gloriam suppeditat. Certè id firmissimum longè imperium est, quo obedientes gaudent. Sed maturato opus est, quicquid statuere placeat. Tot populos inter spem metumq; suspensos animi habetis: & vestram utique de iis curam quamprimum absolvi, & illorum animos, dum expectatione stupent, seu poena, seu beneficio, præoccupari oportet. Nostrium enim fuit efficere, ut omnium rerum vobis ad consulendum potestas esset, vestrum est decernere quid optimum vobis Reique publicæ sit.

O R A T I O

L. PAPIRII DICTATORIS, quâ Fab. Maximum accusat quòd adversus edictum pugnasset.

A R G U M E N T U M.

Bellum geri adversus Samnites Romanis placebat: cui Camillus consul præficitur. Is gravi morbo redire Romam coactus, dictatorem dicit L. Papirium Cursorem, hic Q. Fabium Maximum magistrum equitum. At quum in Samnium intertis auspiciis dictator profectus, à pullario moneretur, ut Romam ad repetenda auspicia regrederetur: edixerat ne interim magister equitum pugnam occiperet. Is tamen, nactus fortè occasione bene gerende rei, acie cum hostibus confligit. Dictator non ita multo post victoriam rediens, his interrogationibus magistrum equitum increpabat, atque accusabat.

QUÆRO de te, Q. Fabi, quum summum imperium dictatoris sit, pareantque ei
Consu-

Consules, regia potestas, prætores iisdem auspiciis quibus consules creati; æquum censeas, necne, magistrum equitum dicto audientem esse? Itemque illud interrogo, quum me incertis auspiciis profectum ab domo scirem, utrum mihi turbatis religionibus Respub. in discrimen committenda fuerit, an auspicia repetenda, nequid dubiis Diis agerem? Simul illud, quæ dictatori religio impedimento ad rem gerendam fuerit, num ea magister equitum solutus ac liber potuerit esse? Sed quid ego hæc interrogo? quum si ego tacitus abissem, tamen tibi ad voluntatis interpretationem meæ dirigenda tua sententia fuerit. Quin tu respondes, vetuerimne te quicquam rei me absente agere? vetuerimne signa cum hostibus conferre? Quo tu imperio meo spreto, incertis auspiciis, turbatis religionibus, adversus morem militarem, disciplinamque majorum, & numen Deorum, ausus cum hoste configere? Ad hæc quæ interrogatus es, responde, extra ea cave vocem mittas. Accede lictor, accede.

O R A T I O

M. FABII MAXIMI pro filio ad populum provocantis à dictatore.

A R G U M E N T U M.

Hoc ad superius pertinet. Iam Papyrius dictator spoliari Q. Fabium magistrum equitum se purgantem, virgasque & secures expediri jusserat, quum implorata militum fide ad triarios recipitur, qui in omnem concionem tumultum miscebant. Alii dictatorem orabant ut parceret, alii inclementem increpabant. Postero die Fabius adesse jussus, quum ab aliis didicisset infestius dictatorem saviturum: clam ex castris Romam profugit. Quod ubi Papyrius cognovit, Romam cum lictoribus & ipse veniens, quum Fabium comprehendit

hendi juberet, primores patrum, quibus jam Fabii pater atrocitatem rei exposuerat, pro eo deprecabantur. At quum nihilo secius dictator in incepto perflaret, M. Fabius pater ita profilio ad populum se provocare, dixit.

QUANDOQUIDEM apud te nec auctoritas senatus, nec ætas mea, cui orbitatem parâs, nec virtus nobilitasque magistri equitum à te ipso nominati valet, nec preces, quæ sæpe hostem mitigavêre, quæ deorum iras placant; tribunos plebis appello, & provoco ad populum, cumque tibi fugienti exercitus tui, fugienti senatus judicium, judicem fero, qui certè unus plus quam dictatura tua potest polletque. Videbo cessurusne provocationi sis, cui rex Romanus Tullus Hostilius cessit.

O R A T I O

PAPYRII DICTATORIS, ad populum de absoluteione Q. Fabii magistri equitum.

A R G U M E N T U M.

Papyrius dictator post longam orationem, qua pater rei atrocitatem exaggerarat, etiam tum perflaturum se in cepto dicebat: quum populus Romanus orare cepit ut sibi pæna magistri equitum remitteretur: tribuni item plebis, ut veniam Q. Fabii adolescentiæ daret: pater provolutus ad genua iram deprecatus est. His atque alijs tandem motus, damnatum jam Q. Fabium his verbis populo Romano & tribunitiæ potestati se donare proficitur.

BENE habet, Quirites, vicit disciplina militaris, vicit imperii majestas, quæ in discrimine fuerunt, an ulla post hanc diem essent. Non noxæ eximitur Q. Fabius, qui contra edictum imperatoris pugnavit; sed, noxæ damnatus, donatur populo Romano, donatur tribunitiæ potestati, precarium non justum auxilium ferenti.

ti. Vive, Q. Fabi, felicior hoc consensu civitatis ad tuendum te, quam quâ paulò ante exultabas victoriâ. Vive, id facinus ausus, cujus tibi ne parens quidem, si eodem loco fuisset, quo fuit L. Papyrius, veniam dedisset. Mecum ut voles, reverteris in gratiam: populo Romano, cui vitam debes, nihil majus præstiteris, quam si hic tibi dies satis documenti dederit, ut bello ac pace pati legitima imperia possis.

Ex nono libro ab Urbe condita.

O R A T I O.

CLAUDII PONTII Samnitum imperatoris, postquam legatione nihil factum esse vidit.

A R G U M E N T U M.

Visti Samnites quum de pace Romæ per legatos agerent, annuas modo inducias impetrarant, quas auctore Brutulo Papyrio ante anni finem rumpunt. Eo prælio capti multi Romani, captæ sunt res multæ, quas non ita multo post rursus visti cum captivis remittunt, Papyriumque mortuum, induciarum videlicet ruptorem, cum bonis, spe pacis faciendæ, dedunt. Legati re infecta redeunt: quod ubi Claudius Pontius Samnitum imperator cognovisset, superbiam inhumanitatemque Romanorum ita infectatus est.

NE nihil actum hac legatione censeatis, expiatum est quicquid ex foedere rupto irarum in nos cœlestium fuit. Satis scio, quibuscunque Diis cordi fuit, subigi nos ad necessitatem dedendi res, quæ à nobis ex foedere repetitæ fuerant, iis non fuisse cordi tam superbè ab Romanis foederis expiationem spretam. Quid enim ultrà fieri ad placandos Deos mitigandosque homines potuit, quam quod nos fecimus? Res hostium in præda captas, quæ belli jure nostræ videbantur, remisimus: auctores belli, quia
VIVOS

vivos non potuimus, perfunctos jam fato dedimus: bona eorum, nequid ex contagione noxæ remaneret penes nos, Romam portavimus. Quid ultrà tibi Romane, quid fœderi, quid diis arbitris fœderis debeo? Quem tibi tuarum irarum, quem meorum suppliciorum judicem feram? Neminem neque populum neque privatum fugio. Quod si nihil cum potentiore juris humani relinquitur inopi, at ego ad Deos vindices intolerandæ superbix confugiam, & precabor, ut iras suas vertant in eos, quibus non suæ redditæ res, non alienæ accumulatæ satis sint: quorum sævitiam non mors noxiorum, non deditio exanimatorum corporum, non bona sequentia domini deditioem exsatient: placari nequeant, nisi hauriendum sanguinem, laniandaque viscera nostra præbuerimus. Justum est bellum Samnites, quibus necessarium: & pia arma, quibus nulla nisi in armis relinquitur spes. Proinde, quum rerum humanarum maximum momentum sit, quàm propitiis rem, quàm adversis agant Diis; pro certo habete, priora bella adversus Deos magis, quàm homines gessisse: hoc, quod instat, ducibus ipsis Diis gesturos.

O R A T I O

L. LENTULI PRINCIPIS legatorum Romanorum ad exercitum & consules, qua suam de deditioe sententiam exponit.

A R G U M E N T U M.

Inter duos saltus clausus erat Romanus exercitus, unde fraude hostium libere erumpere ac evadere non potuisset. Timor corporis insolitus

insolitus omnes sæpe inde elabi frustra conatos tenebat : jamque omnium rerum inopia laborabatur , quum victi necessitate legatos ad Samnites de pace mittunt. Legati conditiones tristes à Samnitibus latas referunt, pro quibus, vel contra quas, velut indignas nomine Romano, quum consules loqui non auderent, tum L. Lentulus princeps legatorum, quid censeat faciendum, in hanc sententiam exposuit.

P A T R E M meum, Consules, sæpe audiivi memorantem, se in Capitolio unum non fuisse authorem senatui redimendæ auro à Gallis civitatis, quando nec fossâ valloque ab ignavissimo ad opera ac muniendum hoste clausi essent: & erumpere se non sine periculo magno, tamen sine certa perniciæ possent. Quod si ut illis decurrere ex Capitolio armatis in hostem licuit (quo sæpe modo obsessi in obsidentes eruperunt) ita nobis a quo aut iniquo loco dimicandi tantummodò cum hoste copia esset, non mihi paterni animi indoles in consilio dando deesset. Equidem mortem pro patria præclaram esse fateor: & me vel devovere pro populo Romano legionibusque, vel in medios me immittere hostes paratus sum. Sed hic patriam video: hic quicquid Romanarum legionum est, quæ nisi pro se ipsis ad mortem ruerè volunt, quid habent quod morte suâ servant? Tecta urbis, dicat aliquis & mœnia, & eam turbam, à qua urbs incolitur. Imò hercule produntur magis omnia deletò hoc exercitu, non servantur. Quis enim ea tuebitur? imbellis videlicet atque inermis multitudo. tam hercule, quàm à Gallorum impetu defendit. An à Vejis exercitum, Camillumq; ducem implorabunt? Hic

Hic omnes spes opesque sunt : quas servando patriam servamus: dedendo ad necem, patriam deferimus, ac prodimus. At fœda atque ignominiosa deditio est. Sed ea charitas patriæ est, ut tam ignominiâ eam quam morte nostra, si opus sit, servemus. Subeatur ergo ista quantacunque est indignitas : & pareatur necessitati, quam ne Dii quidem superant. Ite consules, redimite armis civitatẽ, quam auro majores vestri redemerunt.

O R A T I O

SP. POSTHUMII CONSULIS, qui sub jugum missus erat, in senatu de pace ad Caudium facta.

A R G U M E N T U M.

Pace ad Caudium cum Samnitibus facta per sponsonem consulum, præfectorum, quæstorum, tribunorum militum, quum tempus conflictum adveniret, traditi obsides in custodiam abducti sunt. Consules deinde, lictoribus per hostes cum fascibus abire jussis, detrahisque paludamentis, prope seminudi sub jugum missi: quas sequebantur, ut quisque gradu proximus erat, singula simul legiones. Circumstant armati hostes, exprobrantes eludentesque per contumeliam. Ipsum illud tam factum spectaculum in eo ipso saltu exhibitum fuit, unde erumpere non potuerant: ex quo abire jussi, quum ante noctem Capuam pervenire possent, incerti tamen de fide sociorum, pudoreque prohibiti, humi haud procul Capua prosteruntur. Quod ubi Capuam allatum est, tum demum miseratione visi Campani, magistratibus insignia, singulis arma, equos, vestimenta, comæotus ex publico comiter impendunt: venientibus tota civitatis obviam egressa. Postero die Romam contendere placuit. Nocte ingressi habitu vultuque captorum, in sua se quisque tella taciti abdunt: unde, pudore suffusi, nec postero nec insequentibus aliquot diebus in publicum prodierunt. Omnia interim luctuosa mœstaque in urbe erant. Ita interiectis aliquot diebus, tandem eum de pace ad Caudium facta referri placuit, tum à P. Philone consule Sp. Posthumii, alter consulum eorum qui sub jugum missi fuerant, dicere jussus, ita rem exposuit.

HAUD sum ignarus, Consules, ignominie non honoris causâ me primum excitatum,

tum, jussumque dicere, non tantum senatorem, sed tanquam reum quâ infelicis belli, quâ ignominiosæ pacis. Ego tamen, quando neque de noxa nostra, neque de poena retulistis, omiſſa defensione, quæ non difficillima esset apud haud ignaros fortunarum humanarum, necessitatumque; sententiam de eo, de quo retulistis, paucis peragam. quæ sententia testis erit, mihi ne, an legionibus vestris pepercerim, quum me seu turpi seu necessaria sponsione obstrinxi. Quâ tamen, quando injussu populi facta est, non tenetur populus Romanus: nec quicquam ex eâ, præterquam corpora nostra, debentur Samnitibus. Dedamur per feciales, nudi vinctique, exsolvamus religione populum si quâ obligavimus; nequid divini humanive obſtet, quod minus justum piumque de integro ineatur bellum. Interea consules, exercitum scribere, armare, educere placet: nec prius ingredi hostium fines, quàm omnia justa in deditionem nostram perfecta erunt. Vos, Dii immortales, precor quæſoque, si vobis non fuit cordi Sp. Posthumium, T. Veturium consules cum Samnitibus prospere bellum gerere: at vos satis habeatis, vidisse nos sub jugum missos, vidisse sponsione infami obligatos, videre nudos vinctosque hostibus deditos; omnem iram hostium nostris capiribus excipientes. Novos consules legionesque Romanas ita cum Samnite gerere bellum velitis, ut omnia ante nos consules bella gesta sunt.

O R A-

O R A T I O

EJUSDEM SP. POSTHUMII contra ^{nos} tribunos plebis qui deditionem impediabant.

A R G U M E N T U M.

Hoc conjunctum cum priorē oratione. Sp. Posthumius placere dicebat, ut auctores sponsionis pacisque Coudina nudi vinisque dederentur. L. Livius & Q. Metellus tribuni pleb. erant, ad quos pars ejus deditionis pertinebat. Li itaque intercedendo contendebant, sua deditione populum Romanum religione exsolvi non posse, nisi omnia Samnitibus, qualia apud Caudium fuissent, redderentur: se item, quum sacrosancti sint, dedi hostibus violarique posse nec debere. Quæ quum ab illis jactari Sp. Posthumius audiret, ita rationes eorum confutabat.

INTEREA dedite profanos nos, quos salvâ religione potestis. Dedetis deinde & istos sacrosanctos quum primum magistratu abierint, sed, si me audiat, prius quam dedantur, hic in comitio virgis cæsos, hanc jam ut intercalatæ pœnæ usuram habeant. Nam quod deditione nostra negant exsolvi religione populum, id istos magis ne dedantur, quam quia ita se res habeat, dicere, ecquis adeò juris fœcialium expertus est, qui ignoret? Neque ego infirias eo, p.c. tam sponsiones, quam fœdera sancta esse apud eos homines, apud quos juxta divinas religiones fides humana colitur: sed injussu populi nego quicquam sanciri posse, quod populum teneat. An si eâdem superbiâ, quâ sponsionem istam expresserunt nobis Samnites, coëgissent nos verbalegitima dèdientium urbes nuncupare, deditum populum Romanum vos tribuni diceretis? & hanc urbem, templa, delubra, fines, aquas, Samnitium esse? Omitto deditionem,

specimen istud virtutis deceptum vanâ imagine decoris in te movet. Sed quum aut morte tua fancienda sint consulum imperia, aut impunitate in perpetuum abroganda; nec te quidem, si quid in te sanguinis nostri est, recusare censeam quin disciplinam militarem culpâ tuâ prolapsam poenâ restituas. I licitor, deliga ad palum.

O R A T I O

FURII CAMILLI CONSULIS ad patres de Latinis referentis.

A R G U M E N T U M.

L. Furius Camillus & C. Menius consules, ad Pedum Latinorum oppidum expugnandum profecti, ita rem peregerant, ut Menius ad flumen Asturam Aricinos, aliosque qui auxilio Pedanis venerant, præter spem aggressus fuderit, Camillus oppidanis intra mania compulsis, oppidum scalis cepit. Iis etiam insignibus victoriis non contenti, longius progressi non prius quieverunt, quàm aut expugnando aut in deditionem accipiendò civitates, totum Latium subegere. Camillus deinde Romam regressus, in senatu de Latinis ita retulit.

PATRES c. quod bello armisque in Latio agendum fuit, id jam Deum benignitate, ac virtute militum ad finem venit. Cæsi ad Pedum Asturamque sunt exercitus hostium, oppida Latina omnia, & Antium ex Volscis, aut vi capta, aut recepta in deditionem, præsidiis tenentur vestris. Reliqua consultatio est, quoniam rebellando sæpius nos sollicitant, quonam modo perpetuâ pace quietos obtineamus. Dii immortales, ita vos potentes hujus consilii fecerunt, ut sit Latium deinde, an non sit, in vestra manu posuerint. Itaque pacem vobis, quod ad Latinos attinet, parare in perpetuum, vel sæviendo,

viendo, vel ignoscendo, potestis. Vultis crudeliter consulere in deditos, victosque? licet delere omne Latium: vastas inde solitudines facere, unde sociali egregio exercitu per multa bella magnaue sæpe usi estis. Vultis exemplo majorum augere rem Romanam, victos in civitatem accipiendo? Materia crescendi per summam gloriam suppeditat. Certè id firmissimum longè imperium est, quo obedientes gaudent. Sed maturato opus est, quicquid statuere placet. Tot populos inter spem metumq; suspensos animi habetis: & vestram utique de iis curam quamprimum absolvi, & illorum animos, dum expectatione stupent, seu pœna, seu beneficio, præoccupari oportet. Nostrum enim fuit efficere, ut omnium rerum vobis ad consulendum potestas esset, vestrum est decernere quid optimum vobis Reique publicæ sit.

O R A T I O

L. PAPIRII DICTATORIS, quâ Fab. Maximum accusat quòd adversus edictum pugnasset.

A R G U M E N T U M.

Bellum geri adversus Sannites Romanis placebat: cui Camillus consul præficitur. Is gravi morbo redire Romam coactus, dictatorem dicit L. Papirium Cursorem, hic Q. Fabium Maximum magistrum equitum. At quum in Samnium incertis auspiciis dictator profectus, à pullario moneretur, ut Romam ad repetenda auspicia regrederetur: edixerat ne interim magister equitum pugnam occiperet. Is tamen, nactus fortè occasione bene gerendæ rei, acie cum hostibus confligit. Dictator non ita multo post victoriam rediens, his interrogationibus magistrum equitum increpabat, atque accusabat.

QUÆRO de te, Q. Fabi, quum summum imperium dictatoris sit, pareant que ci
Consu-

Consules, regia potestas, prætores iisdem auspiciis quibus consules creati; æquum censeas, necne, magistrum equitum dicto audientem esse? Itemque illud interrogo, quum me incertis auspiciis profectum ab domo scirem, utrum mihi turbatis religionibus Respub. in discrimen committenda fuerit, an auspicia repetenda, nequid dubiis Diis agerem? Simul illud, quæ dictatori religio impedimento ad rem gerendam fuerit, num ea magister equitum solutus ac liber potuerit esse? Sed quid ego hæc interrogo? quum si ego tacitus abissem, tamen tibi ad voluntatis interpretationem meæ dirigenda tua sententia fuerit. Quin tu respondes, vetuerimne te quicquam rei me absente agere? vetuerimne signa cum hostibus conferre? Quo tu imperio meo spreto, incertis auspiciis, turbatis religionibus, adversus morem militarem, disciplinamque majorum, & numen Deorum, ausus cum hoste configere? Ad hæc quæ interrogatus es, responde, extra ea cave vocem mittas. Accede liCTOR, accede.

O R A T I O

M. FABII MAXIMI pro filio ad populum provocantis à dictatore.

A R G U M E N T U M.

Hoc ad superius pertinet. Iam Papyrius dictator spoliari Q. Fabium magistrum equitum se purgantem, virgasque & secures expediri jusserat, quum implorata militum fide ad ersarios recipitur, qui in omnem concionem tumultum miscebant. Alii dictatorem orabant ut parceret, alii inclementem increpabant. Postero die Fabius adesse jussus, quum ab aliis didicisset infestius dictatorem satitutum: clam ex castris Romam profugit. Quod ubi Papyrius cognovit, Romam cum liCTORibus & ipse veniens, quum Fabium comprehendi

hendi juberet, primores patrum, quibus jam Fabii pater atrocitatem rei exposuerat, pro eo deprecabantur. At quum nihilo secius dictator in incepto perflaret, M. Fabius pater, isa pro filio ad populum se provocare, dixit.

QUANDO QUIDEM apud te nec auctoritas senatus, nec ætas mea, cui orbitatem parâs, nec virtus nobilitasque magistri equitum à te ipso nominati valet, nec preces, quæ sæpe hostem mitigavêre, quæ deorum iras placant; tribunos plebis appello, & provoco ad populum, cumque tibi fugienti exercitus tui, fugienti senatus judicium, judicem fero, qui certè unus plus quam dictatura tua potest polletque. Videbo cessurusne provocationi sis, cui rex Romanus Tullus Hostilius cessit.

O R A T I O

PAPYRII DICTATORIS, ad populum de absolutione Q. Fabii magistri equitum.

A R G U M E N T U M.

Papyrius dictator post longam orationem, qua pater rei atrocitatem exaggerarat, etiam sum perflaturum se in capto dicebat: quum populus Romanus orare cepit ut sibi pana magistri equitum remitteretur: tribuni item plebis, ut veniam Q. Fabii adolescentiæ daret: pater provolutus ad genua iram deprecatus est. His atque aliis tandem motus, damnatum jam Q. Fabium his verbis populo Romano & tribunitiæ potestati se donare profiteretur.

BENE habet, Quirites, vicit disciplina militaris, vicit imperii majestas, quæ in discrimine fuerunt, an ulla post hanc diem essent. Non noxæ eximitur Q. Fabius, qui contra edictum imperatoris pugnavit; sed, noxæ damnatus, donatur populo Romano, donatur tribunitiæ potestati, precarium non justum auxilium ferenti.

ti. Vive, Q. Fabi, felicior hoc consensu civitatis ad tuendum te, quam quâ paulò ante exultabas victoriâ. Vive, id facinus ausus, cujus tibi ne pareris quidem, si eodem loco fuisset, quo fuit L. Papyrius, veniam dedisset. Mecum ut voles, reverteris in gratiam: populo Romano, cui vitam debes, nihil majus præstiteris, quam si hic tibi dies satis documenti dederit, ut bello ac pace pati legitima imperia possis.

Ex nono libro ab Urbe condita.

O R A T I O.

CLAUDII PONTII Samnitum imperatoris, postquam legatione nihil factum esse vidit.

A R G U M E N T U M.

Visti Samnites quum de pace Romæ per legatos agerent, annuas modo inducias impetrarant, quas authore Brutulo Papyrio ante anni finem rumpunt. Eo prælio capti multi Romani, captæ sunt res multe, quas non ita multo post rursus visti cum captivis remittunt, Papyriumque mortuum, induciarum videlicet ruptorem, cum bonis, spe pacis faciendæ, dedunt. Legati re infecta redeunt: quod ubi Claudius Pontius Samnitum imperator cognovisset, superbiam inhumanitatemque Romanorum ita infectatus est.

NE nihil actum hac legatione censeatis, expiatum est quicquid ex foedere rupto irarum in nos cœlestium fuit. Satis scio, quibuscunque Diis cordi fuit, subigi nos ad necessitatem dedendi res, quæ à nobis ex foedere repetitæ fuerant, iis non fuisse cordi tam superbè ab Romanis foederis expiationem spretam. Quid enim ultrà fieri ad placandos Deos mitigandosque homines potuit, quam quod nos fecimus? Res hostium in præda captas, quæ belli jure nostræ videbantur, remisimus: auctores belli, quia vivos

vivos non potuimus, perfunctos jam fato dedidimus: bona eorum, nequid ex contagione noxæ remaneret penes nos, Romam portavimus. Quid ultrà tibi Romane, quid fœderi, quid diis arbitris fœderis debeo? Quem tibi tuarum irarum, quem meorum suppliciorum judicem feram? Neminem neque populum neque privatum fugio. Quod si nihil cum potentiore juris humani relinquitur inopi, at ego ad Deos vindices intolerandæ superbix confugiam, & precabor, ut iras suas vertant in eos, quibus non suæ redditæ res, non alienæ accumulatæ satis sint: quorum sævitiam non mors noxiorum, non deditio exanimatorum corporum, non bona sequentia domini deditionem exsatient: placari nequeant, nisi hauriendum sanguinem, laniandaque viscera nostra præbuerimus. Justum est bellum Samnites, quibus necessarium: & pia arma, quibus nulla nisi in armis relinquitur spes. Proinde, quum rerum humanarum maximum momentum sit, quàm propitiis rem, quàm adversis agant Diis; pro certo habete, priora bella adversus Deos magis, quàm homines gessisse: hoc, quod instat, ducibus ipsis Diis gesturos.

O R A T I O

L. LENTULI PRINCIPIS legatorum Romanorum ad exercitum & consules, qua suam de deditione sententiam exponit.

A R G U M E N T U M.

Inter duos saltus clausus erat Romanus exercitus, unde fraude hostium libere erumpere ac evadere non potuisset. Timor corporumque insolitus

insolitus omnes sæpe inde elabi frustra conatos tenebat : jamque omnium rerum inopia laborabatur , quum victi necessitate legatos ad Samnites de pace mittunt. Legati conditiones tristes à Samnitibus latas referunt, pro quibus, vel contra quas, velut indignas nomine Romano, quum consules loqui non auderent, tum L. Lentulus princeps legatorum, quid censeat faciendum, in hanc sententiam exposuit.

PA T R E M meum, Consules, sæpe audiui memorantem, se in Capitolio unum non fuisse authorem senatui redimendæ auro à Gallis civitatis, quando nec fossâ valloque ab ignavissimo ad opera ac muniendum hoste clausi essent: & erumpere se non sine periculo magno, tamen sine certa perniciæ possent. Quod si ut illis decurrere ex Capitolio armatis in hostem licuit (quo sæpe modo obsessi in obsidentes eruperunt) ita nobis à quo aut iniquo loco dimicandi tantummodò cum hoste copia esset, non mihi paterni animi indoles in consilio dando deesset. Equidem mortem pro patria præclaram esse fateor: & me vel devovere pro populo Romano legionibusque, vel in medios me immittere hostes paratus sum. Sed hic patriam video: hic quicquid Romanarum legionum est, quæ nisi pro se ipsis ad mortem ruerè volunt, quid habent quod morte suâ servant? Tecta urbis, dicat aliquis & mœnia, & eam turbam, à qua urbs incolitur. Imò hercule produntur magis omnia deletò hoc exercitu, non servantur. Quis enim ea tuebitur? imbellis videlicet atque inermis multitudo. tam hercule, quàm à Gallorum impetu defendit. An à Vejis exercitum, Camillumq; ducem implorabunt? Hic

Hic omnes spes opesque sunt : quas servando patriam servamus: dedendo ad necem, patriam deferimus, ac prodimus. At fœda atque ignominiosa deditio est. Sed ea charitas patriæ est, ut tam ignominiâ eam quam morte nostra, si opus sit, servemus. Subeatur ergo ista quantacunque est indignitas : & pareatur necessitati, quam ne Dii quidem superant. Ite consules, redimite armis civitatẽ, quam auro majores vestri redemerunt.

O R A T I O

SP. POSTHUMII CONSULIS, qui sub jugum missus erat, in senatu de pace ad Caudium facta.

A R G U M E N T U M.

Pace ad Caudium cum Samnitibus facta per sponsonem consulum, præfectorum, quæstorum, tribunorum militum, quum tempus constitutum adveniret, traditi obsides in custodiam abducti sunt. Consules deinde, lictoribus per hostes cum fascibus abire jussis, detrahitisque paludamentis, prope seminudi sub jugum missi: quas sequebantur, ut quisque gradu proximus erat, singula simul legiones. Circumstant armati hostes, exprobrantes eludentesque per contumeliã. Ipsum illud tam fœdum spectaculum in eo ipso saltu exhibitum fuit, unde erumpere non potuerant: ex quo abire jussi, quum ante noctem Capuam pervenire possent, incerti tamen de fide sociorum, pudoreque prohibiti, humi haud procul Capua prosteruntur. Quod ubi Capuam allatum est, tum demum miseratione visi Campani, magistratibus insignia, singulis arma, equos, vestimenta, comæatus ex publico comiter impendunt: venientibus tota civitatis obviam egressa. Postero die Romam contendere placuit. Nocte ingressi habitu vultuque captorum, in sua se quisque testa taciti abdunt: unde, pudore suffusi, nec postero nec insequentibus aliquot diebus in publicum prodierunt. Omnia interim luctuosa mœstaque in urbe erant. Ita interiectis aliquot diebus, tandem eum de pace ad Caudium facta referri placuit, cum à P. Philone consule Sp. Posthumius, alter consulum eorum qui sub jugum missi fuerant, dicere jussus, ita rem exposuit.

HAUD sum ignarus, Consules, ignominia non honoris causâ me primum excitatum,

tum, jussumque dicere, non tantum senatorem, sed tanquam reum quâ infelicis belli, quâ ignominiosæ pacis. Ego tamen, quando neque de noxa nostra, neque de poena retulistis, omiſſa defensione, quæ non difficillima esset apud haud ignaros fortunarum humanarum, necessitatumque; sententiam de eo, de quo retulistis, paucis peragam. quæ sententia testis erit, mihi ne, an legionibus vestris pepercerim, quum me seu turpi seu necessaria sponsione obstrinxi. Quâ tamen, quando injussu populi facta est, non tenetur populus Romanus: nec quicquam ex eâ, præterquam corpora nostra, debentur Samnitibus. Dedamur per feciales, nudi vinctique, exſolvamus religione populum si quâ obligavimus; nequid divini humanive obſtet, quod minus justum piumque de integro ineatur bellum. Interea consules, exercitum scribere, armare, educere placet: nec prius ingredi hostium fines, quàm omnia justâ in deditiorem nostram perfecta erunt. Vos, Dii immortales, precor quæſoque, si vobis non fuit cordi Sp. Posthumium, T. Veturium consules cum Samnitibus prospere bellum gerere: at vos satis habeatis, vidisse nos sub jugum missos, vidisse sponsione infami obligatos, videre nudos vinctosque hostibus deditos; omnem iram hostium nostris capiribus excipientes. Novos consules legionesque Romanas ita cum Samnite gerere bellum velitis, ut omnia ante nos consules bella gesta sunt.

O R A -

O R A T I O

EJUSDEM SP. POSTHUMII contra tribunos
plebis qui deditiōem impediebant.

A R G U M E N T U M.

Hoc conjunctum cum priorē oratione. Sp. Posthumius placere dixerat, ut auctores sponsionis patisque Coudinæ nudi vinctique dederentur. L. Livius & Q. Metellus tribuni pleb. erant, ad quos pars ejus deditiōis pertinebat. Ille itaque intercedendo contendebant, sua deditiōe populum Romanum religione exsolvi non posse, nisi omnia Samnitibus, qualia apud Caudium fuissent, redderentur: se item, quum sacrosancti sint, dedi hostibus violarique posse nec debere. Quæ quum ab illis jactari Sp. Posthumius audivet, ita rationes eorum confutabat.

INTEREA dedite profanos nos, quos salvâ religione potestis. Dedetis deinde & istos sacrosanctos quum primum magistratu abierint, sed, si me audiat, prius quam dedantur, hic in comitio virgis cæsos, hanc jam ut intercalatæ pœnæ usuram habeant. Nam quod deditiōe nostra negant exsolvi religione populum, id istos magis ne dedantur, quam quia ita se res habeat, dicere, ecquis adeò juris fœcialium expertus est, qui ignoret? Neque ego infirias eo, p. c. tam sponsiones, quam fœdera sancta esse apud eos homines, apud quos juxta divinas religiones fides humana colitur: sed injussu populi nego quicquam sanciri posse, quod populum teneat. An si eâdem superbiâ, quâ sponsionem istam expresserunt nobis Samnites, coëgissent nos verbalegitima deditium urbes nuncupare, deditum populum Romanum vos tribuni diceretis? & hanc urbem, templa, delubra, fines, aquas, Samnitium esse? Omitto deditiōem,

quoniam de sponsione agitur. Quid tandem, si spondidissemus, urbem hanc relicturum populum Romanum? si incensurum? si magistratus, si senatum, si leges non habiturum? si sub regibus futurum? Dii meliora, inquis! Atqui non indignitas rerum sponsionis vinculum levat. Si quid est, in quod obligari populus possit, in omnia potest. & ne illud quidem, quod quosdam forsitan moveat, refert consul an dictator, an prætor sponderit. & hoc ipsi etiam Samnites judicaverunt: quibus non fuit satis consules spondere, sed legatos, quæstores, tribunos militum spondere coegerunt. Nec à me nunc quisquam quæsierit, quid ita sponderim: quum id nec consulis jus esset, nec illis spondere pacem, quæ mei non erat arbitrii nec pro vobis, qui nihil mandaveratis, possem. Nihil ad Caudium, P. C. humanis consiliis gestum est. Dii immortales, & vestris & hostium imperatoribus mentem ademerunt: nec nos in bello satis cavimus; & illi malè partam victoriam malè perdiderunt: dum vix locis quibus vicerant, credunt, dum quacunque conditione arma viris in arma natis auferre festinant. An si sana mens fuisset, difficile illis fuit, dum senes ab domo ad consultandum arcessunt, mittere Romam legatos, cum senatu, cum populo de pace fœdere agere? Tridui iter expeditis erat. Interea in induciis res fuisset, donec ab Roma legati aut victoriam illis certam, aut pacem adferrent. Ea demum sponsio esset, quam populi jussu spon-

didi-

pōndissemus. Sed neque vos tulissetis, nec nos spondissemus : nec fas fuit alium rerum exitum esse, quàm ut & illi velut somnio lætiore, quàm quod mentes eorum capere possent, nequicquàm eluderentur, & nostrum exercitum eadem quæ impedierat fortuna, expediret. Vanam victoriam vanior irritam faceret pax, sponsio interponeretur, quæ neminem præter sponsorem obligaret. Quid enim vobiscum, P. C. quid cum populo Romano actum est? quis vos appellare potest? quis se à vobis dicere deceptum? Hostis? an civis? Hosti nihil spondidistis, civem neminem spondere pro vobis iussistis. Nihil ergo vobis, nec nobiscum est, quibus nihil mandastis : nec cum Samnitibus, cum quibus nihil egistis. Samnitibus sponsores nos sumus, rei satis locupletes in id, quod nostrum est, in id, quod præstare possumus, corpora nostra, & animos. In hæc sæviant, in hæc ferrum, in hæc iras acuunt. Quod ad tribunos plebis attingit, consulite, utrum præsens deditio eorum fieri possit, an in diem differatur. Nos interim, T. Veturi, vosque cæteri, vilia hæc capita luendæ sponsionis feramus, & nostro supplicio liberemus Romana arma.

O R A T I O

CORNELII ARVINÆ. fecialis ad Samnites in deditione sponsoꝝ pacis.

A R G U M E N T U M.

Consilio ac sententia Sp. Posthumii patres adducti, per feciales deditionibus sponsoꝝ jubent. Iam ventum erat in eorum Samnitium, & ad tribunal C. Pontii, quum veste deacta manibusque

post tergum vinclis, A. Cornelius Arvina fœcialis: sponsores pacis heslibus hæc verborum forma dedere cepit.

QUANDOQUE hîc homines, injussu populi Romani, Quiritum fœdus ictum iri sponsoverunt, atque ob eam rem noxa nocuerunt: ob eam rem, quo popul. Romanus scelere impio sit solutus, hosce homines vobis dedo.

O R A T I O

CLAUDII PONTII Samnitium regis, quâ fœciali respondit.

A R G U M E N T U M.

Hoc ad proximam orationem pertinet. Sp. Posthumius inter verba deditionis genu fœcialis semur quanta maxima vi potuit, pereulit, dicens se Samnitem esse civem: à se quum præter jus legatus Romanus violatus sit, eo justius bellum gesturos. Pontius verò quum hoc factum animadvertisset, deditionem se accepturum ita negavit.

NEc ego istam deditionem accipiam, nec Samnites ratam habebunt. Quin tu, Sp. Posthumi, si Deos esse censes, aut omnia irrita facis, aut pacto stas? Samniti populo omnes, quos in potestate habuit, aut pro iis pax debetur. Sed quid ego te appello, qui te nunc captum victori cum qua potes fide restituis? Populum Romanum appello, quem si sponsionis ad Furcas Caudinas factæ poenitet, restituat legiones intra saltum, quo septæ fuerunt. Nemo quemquam deceperit, omniapro infecto sint: recipiant arma, quæ per pactionem tradiderunt: redeant in castra sua. Quicquid pridie habuerunt quàm in colloquium est ventum, habeant. tum bellum & fortia consilia placeant, tunc sponsio & pax repudietur. Eâ verò fortuna, iis locis,

locis, quæ ante pacis mentionem habuimus, geramus bellum. nec populus Romanus consulum sponfionem, nec nos fidem populi Romani accusemus. Nunquamne causa deficiet, cur victi pacto non stetis? Obsides Porſenæ dedistis; furto eos ſubduxistis: Auro civitatem à Gallis redemiſtiſ: inter accipiendum aurum cæſi ſunt. Pacem nobiſcum pepigiſtiſ, ut legiones vobis captas reſtitueremus; eam pacem irritam faciſtiſ, & ſemper aliquam fraudiſ ſpeciem juris imponiſtiſ. Non probat populus Romanus ignominioſa pace legiones ſervatas? Pacem ſibi habeat, legiones captas victori reſtituat: Hoc fide, hoc ſœderibus, hoc ſœcialibus ceremoniis dignum erat, ut tu quidē quod petiſti, per pactiōnem habeas, tot cives incolumes: ego pacem, quam hoſti tibi remittendo pactus ſum, non habeam? Hoc tu, A. Corneli, hoc vos ſœciales juris gentibus dicitis? Ego verò iſtos, quos dedi ſimulatiſ, nec accipio, nec dedi arbitror, nec moror, quò minus in civitatem obligatam ſponſione commiſſa, iratiſ omnibuſ Diis, quorum eluditur numen, redeant. gerite bellum, quando Sp. Poſthumiuſ modo legatum ſœcialem genu perculit. Ita Dii credent Samnitem civem Poſthumiuſ non civem Romanum eſſe, & à Samnite legatum Romanum violatum: eo vobiſ juſtum in noſ factum eſſe bellum. Hæc ludibria religionum non pudere in lucem proferre, & vix pueriſ dignaſ ambageſ ſeneſ ac conſulareſ fallendæ fidei exquirere? I liſtor, deme

vincula Romanis. moratus sit nemo , quò minus ubi visum fuerit , abeant.

O R A T I O

Q. FABII DICTATORIS, quâ suos ad eruptionem hortatur.

A R G U M E N T U M.

*Gerebatur bellum Q. Fabio dictatore duce adversus Samnites , ad quos, post aliquot bella in Appuliagesta , Sora oppidum defecerat. Potiti oppido colonos Romanorum interficiunt. Quod ubi est perlatum in castra , tum demum Romani ad ulciscendam civium ne-
cem , recuperandamque coloniam contendunt. Ad Lautulas diu ancipiti praelio pugnatum est , donec incertos utri visli an victores essent, nox diremit. Dictator post pugnam quum suos intra vallum jam aliquot dies obsessi magis quam obsidentis modo continuisset , ad eruptionem sic adhortabatur.*

LOcis angustis, milites, deprehenfi, nisi quam victoria patefecerimus, viam nullam habemus. Stativa nostra munimento satis tuta sunt, sed inopia eadem infesta. Nam & circâ omnia defecerunt, unde subvehi commeatus poterant : & si homines juvare velint, iniqua loca sunt. Itaque non frustrabor ego vos, castra hic relinquendo, in quæ infectâ victoriâ, sicut pristino die, vos recipiatis. Armis munimenta, non munimentis arma tuta esse debent. Castra habeant repetantque, quibus operæ est trahere bellum : nos omnium rerum respectum, præterquam victoriæ, nobis abscindamus. Ferte signa in hostem : ubi extra vallum agmen excesserit, castra quibus imperatum est, incendant. damna vestra, milites, omnium circa, qui defecerunt, populorum præda sarcientur.

O R A-

O R A T I O

C. MENENII DICTATORIS, quando in eum ambitus crimen jactum est à nobilibus.

A R G U M E N T U M.

Conjuraciones principum Capue factæ, authoribus & capicibus mortuis, Romam tandem versa sunt. Quæstionibus exercendis C. Menenius dictator dictus erat, à quo quum postularentur ad dicendam causam nobiles viri, primum tribunos plebis appellabant: deinde quum ea via nihil proficerent quin nomina darent, tum demum id crimen vociferantur, non nobilium, sed novorum esse, nominibus indicatis, dictatore atque magistro equitum: quod compertum iri affirmabant, ubi magistratum abissent. Tum Menenius dictator hac oratione nihil se morari dixit quominus eo ipso die abdicato magistratu causam inter eos diceret.

ET omnes anteaactæ vitæ vos conscios habeo, Quirites, & hic ipse honos delatus ad me, testis est innocentia meæ. Neque enim quod sæpe aliàs, quia ita tempora postulabant Reipub. qui bello clarissimus esset, sed qui maximè procul ab his coitionibus vitam egisset, dictator deligendus exercendis quæstionibus fuit. Sed quoniam quidam nobiles homines (qua de causa, vos existimare, quàm me pro magistratu quicquam incompertum dicere melius est) primùm ipsas expugnare quæstiones omni ope annisi sunt, deinde, postquam ad id parum potentes erant, ne causam dicerent, in præsidia adversariorum, appellationem & tribunitium auxilium, patricii confugerunt. postremò repulsi inde (adeò omnia tutiora, quàm ut innocentiam suam purgarent, visa) in nos irruerunt, & privatis, dictatorem poscere reum verecundia non fuit: ut omnes Dii ho-

minesque sciant, ab illis, etiam quæ non possint, tentari, ne rationem vitæ reddant: me obviam ire crimini, & offerre me inimicis reum, dictaturâ me abdicō. Vos quæso, Consules, si vobis datum ab senatu negotium fuerit, in me primum & hunc M. Fossium quæstiones exerceatis, ut appareat innocentia nostra, nos non majestate honoris tutos à criminationibus istis esse.

O R A T I O

P. SEMPRONII Tribuni plebis adversus Ap. Claudium, qui se intra legitimum tempus censurâ abdicare volebat.

A R G U M E N T U M.

Appius Claudius censor erat, qui cum lege Emilia circumactis decem & octo mensibus, abire magistratu deberet, nec lege nec exemplo collegæ, nec vi ulla cogi poterat, ut se abdicaret. Cavillabatur autem, neminem ea lege tenere, qui post eam latam creatus fuisset. Ejus magistratus finiendi P. Sempronius tribunus plebis actionem susceperat, qui superbiam insipientiamque Appii apud populum ita criminatus est.

EN, Quirites, illius Appii progenies, qui decemvir in annum creatus, altero anno se ipse creavit: tertio, nec ab se, nec ab ullo creatus, privatus fasces & imperium obtinuit, nec antè continuando abstinit magistratu, quàm obruerunt eum malè parta, malè gesta, malè re-tenta imperia. Hæc est eadem familia, Quirites, cujus vi atque injuriis compulsi extorres patriâ Sacrum montem cepistis: hæc, adversus quam tribunitium auxilium vobis comparastis: hæc, propter quam duo exercitus Aventinum infestidistis: hæc, quæ scænebres leges, hæc quæ agrarias

rias semper impugnavit : hæc connubia patrum & plebis interrupit : hæc plebi ad curules magistratus iter obsepsit : hoc est nomen multo quàm Tarquiniorum , infestius vestræ libertati. Itane tandem , Appi Clandi, quum centesimus jam annus sit ab Mamercō Æmilio dictatore , tot censores fuerint nobilissimi fortissimique viri , nemo eorum duodecim tabulas legit ? nemo id jus esse , quod postremò populus jussisset , scivit ? Imò verò omnes sciverunt , & id eo Æmiliæ potius legi paruerunt quàm illi antiquæ ; quâ primum censores creati erant , quia hanc postremum jusserrat populus , & quia ubi duæ contrariæ leges sunt , semper antiquæ abrogat nova. An hoc dicis Appi , non teneri Æmiliâ lege populum , an populum teneri , te unum ex legem esse ? Tenuit Æmilia lex violentos illos censores , C. Furium & M. Geganium , qui , quid iste magistratus in Repub. malè facere posset , indicarunt , quum ira finitæ potestatis Mamercum Æmilium Principem ætatis suæ belli domique , ærarium fecerunt. Tenuit deinceps omnes censores intra centum annorum spatium , tenet C. Plautium collegam tuum , iisdem auspiciis , eodem jure creatum. An hunc non , ut qui optimo jure censor creatus esset , populus creavit ? tu unus eximius es , in quo hoc præcipuum ac singulare valeat. Quem tu regem sacrificiorum crees , amplexus regium nomen , ut qui optimo jure rex Romæ creatus sit , creatum se dicat ? quem semestri dictaturâ , quem inter-

interregno quinque dierum contemptum fore putes? quem clavi figendi, aut ludorum causâ dictatorem audacter crees? Quam isti stolidos ac socordes videri creditis eos, qui intra vicesimum diem ingentibus rebus gestis dictatura se abdicaverunt, aut qui vitio creati abierunt magistratu? quid ego antiqua repetam? Nuper intra decem annos C. Mænius dictator, quia quum quæstiones severius, quàm quibusdam potenti- bus tutum erat, exerceret, contagio ejus, quod quærebat, ipsi criminis objectata ab inimicis est: ut privatus obviam iret crimini, dictaturâ se abdicavit. Nolo ego istam in te modestiam: ne degeneraveris à familia imperiosissima & superbissima: non die, non horâ citius, quam necesse est, magistratu abieris, modo ne excedas finitum tempus. Satis est aut diem aut mensem censuræ adjicere. Triennium, inquit, & sex menses ultra quam licet Æmilia lege, censuram geram, & solus geram. Hoc quidem jam regno simile est. An collegam subrogabis, quem ne in demortui quidem locum subrogari fas est? Poenitet enim quòd antiquissimum solemne, & solum ab ipso, cui sit, institutum Deo, ab nobilissimis antistitibus ejus sacri ad servorum ministerium religiosus censor deduxisti: gens antiquior originibus urbis hujus, hospitio Deorum immortalium sacra, propter te ac tuam censuram intra annum ab stirpe extincta est; nisi universam Rempub. eo nefario obstrinxeris; quod ominari etiam reformidat animus.

Urbs

Urbs eo lustro capta est, quo, demortuo collegâ C. Julio censore L. Papirius Cursor, ne abiret magistratu, M. Cornelium Maluginensem collegam subrogavit. Et quanto modestior illius cupiditas fuit, quam tua, Appi? nec solus, nec ultra finitum lege tempus L. Papirius censuram gessit. tamen neminem invenit qui se postea authorem sequeretur. omnes deinceps censores post mortem collegæ se magistratu abdicarunt. Te nec quod dies exiit censuræ, nec quòd collega magistratu abiit, nec lex, nec pudor coërcet. Virtutem in superbia, in audacia, in contemptu Deorum hominumque ponis. Ego te, Ap. Claudii, pro istius magistratus majestate ac verecundia quem gessisti, non modò manu violatum, sed ne verbo quidem inclementiori à me appellatum vellem. Sed & hæc quæ adhuc egi, pervicacia tua & superbia coëgit me loqui: & nisi Æmiliæ legi parueris, te in vincula duci jubebo: nec quum ita comparatum à majoribus sit, ut comitiis censoris, nisi duo confecerint legitima suffragia, non renunciat altero, comitia differantur, ego te, qui solus censor creari non possis, solam censuram gerere patiar.

Ex decimo libro ab Urbe condita.

O R A T I O

P. DECI MURIS CONSULIS ad populum, quâ suadet ut ex plebe augures & pontifices fiant.

A R G U M E N T U M.

Iam ad omnes magistratus & honores plebejjs quoque exceptis sacerdotijs,

cerdotiis, aditus præbat, quum tribuni plebis rogationem promulgant, ut quum ad id tempus quatuor tantum augures, quatuor item pontifices fuissent, quinque deinceps augures, & quatuor Pontifices, & ex plebe omnes, allegarentur. Rogationem eam agrè possi patres, quatenus ex plebe allegarentur, iudabant ea sacra violari & pollui. De suadenda dissuadendaque rogatione diu inter Ap. Claudium & P. Decium Murem certatum est. Decius, multis ante de parente suo Decio consule, qui se pro legimibus deo verat commemoratis quæ ad rem pertinebant, hoc pacto rogationem suasis.

QUOD quum ita se habeat, cui deorum hominumve indignum videri potest, eis viris, quos vos sellis curulibus, toga prætexta, tunica palmata, & toga picta, & corona triumphali, laurea que honoraveritis, quorum domos spoliis hostium affixis insignes inter alias feceritis, pontificalia atque auguralia insignia adjicere? Qui Jovis optimi maximi ornatu decoratus, curru aurato per urbem vectus in Capitolium ascenderit, si conspiciatur cum capite ac lituo, capite velato victimam cædet, auguriumve ex arce capiet? Cujus imaginis titulo consulatus, censuraque & triumphus, æquo animo legetur; si auguratum aut pontificatum adjeceritis, non sustinebunt legentium oculi? Equidem (pace dixerim Deum) eos nos jam populi Romani beneficio esse spero, qui sacerdotiis non minus reddamus dignatione nostra honoris, quàm acceperimus, & Deorum magis, quam nostra causa expetamus, ut quos privatim colimus, publicè colamus. Quid autem ego sic adhuc egi, tanquam integra sit causa patriciorum de sacerdotiis, & non jam in possessione unius amplissimi simus sacerdotii? Decem viros sacris faciundis, carminum Sibyllæ
ac

ac fatorum populi hujus interpretes, antistites
 eosdem Apollinaris sacri ceremoniarumque a-
 liarum plebejos videmus? nec tum patriciis ulla
 injuria facta est, quum duumviris sacris faciun-
 dis adjectus est propter plebejos numerus : &
 nunc tribunus, vir fortis ac strenuus, quinque
 augurum loca, quatuor pontificum adjecit ; in
 quæ plebeji nominentur : non ut vos, Appii ve-
 stro loco pellant, sed ut adjuvent vos homines
 plebeji divinis quoque rebus procurandis, sicut
 in cæteris humanis pro parte virili adjuvant.
 Noli erubescere, Appi, collegam in sacerdotio
 habere, quem in censura, quem in consulatu
 collegam habere potuisti : cujus tam dictatoris
 magister equitum, quam magistri equitum di-
 ctator esse potes. Sabinum advenam principem
 nobilitatis vestræ, seu Actium Clausum, seu Ap.
 Claudium mavultis, illi antiqui patricii in suum
 numerum acceperunt. Ne fastidieris non in sa-
 cerdotum numerum accipere. Multa nobiscum
 decora adferimus, imò omnia eadem, quæ vos
 superbos fecerunt. L. Sextius primus de plebe
 consul est factus. Cajus Licinius Stolo primus
 magister equitum, C. Martius Rutilus primus
 & dictator & censor, Q. Publius Philo primus
 prætor. Semper ista audita sunt eadem, penes
 vos auspicia esse, vos solos gentes habere, vos
 solos justum imperium & auspicium domi mi-
 litiaque ; æque adhuc prosperum plebejum, ac
 patricium fuit, porroque erit. An Romæ un-
 quam *fando audistis*, patricos primò esse factos,
 non

non de cælo demissos, sed qui patrem ciere possent: id est, nihil ultra quàm ingenuos? Consullem jam patrem ciere possum, avumque jam poteris filius meus. Nihil est aliud in re, Quirites, nisi ut omnia negata adipiscamur. Certamen tantum patricii petunt, nec curant quem eventum certaminum habeant. Ego hanc legem quod bonum, faustum felixque sit vobis ac Reipub. uti rogas, iubendam censeo.

V E R B A

Q. FABII MAXIMI consulis designati ad
populum.

A R G U M E N T U M.

Ilustres fortesque viri consulatum petebant, quum omnium centuriarum consensu ad Q. Fabium primo non petentem, deinde etiam recusantem imperium deferunt. Is causatus ætatem, multosque nominant præclaros ac fortes viros, perstabat in recusando: ad postremum legem recitari iussit, qua cavebatur, ne quis consul resciceretur intra decem annos. Abduci nihilominus ubi centurias vidit non posse, quin consul declaretur, victus perseverantia, ita omnes rogabat, ut sibi liceret quem vellet collegam subrogare.

DI approbent, quod agitis, acturique estis, Quirites. Cæterum quoniam in me, quod vos vultis, facturi estis, in collega sit meæ apud vos gratiæ locus. Publium Decium expertum mihi concordi collegio virum, dignum vobis, dignum parente suo, quæso, mecum consulem faciatis.

V E R B A V I R G I N I Æ

IN DEDICATIONE aræ Pudicitæ plebejæ.

A R G U M E N T U M.

Senatus in biduum propter visa prodigia supplicationes decreverat. Quum forte in sacellum Pudicitæ supplicatum iretur, certamine

tamine orto inter matronas, Virginia A. patricii quidem filia, cæterum L. Volumnio consuli plebejo nupta, iis sacris arcebat, quod quum à patribus ad plebem transisset, nefas patriciæ matronæ ducerent, si in sanum ingressa esset, quod solis (ut iactabant) patriciis patebat. Ea ibi gloriata, quod & patricia & pudica in patriciæ Pudicitia templum ingressa esset, matrona uni viro nupta, quum esset virgo: quum non ita multo post in eo rico ubi habitabat, ex parte ædium quod satis loci esset parvo sacello exclusisset, aram ibi positam, votatis plebejis matronis, in hæc verba Pudicitia plebeja dedicavit.

HANC ego aram Pudicitia plebejæ dedico: vosque hortor, ut quod certamen virtutis viros in hac civitate tenet, hoc Pudicitia inter matronas sit, detisque operam, ut hæc ara quam illa, si quid potest, sanctioribus & castioribus coli dicatur.

Ex vicesimoprimo libro ab urbe condita.

ORATIO

HANNONIS AD CARTHAGINIENSES contra Annibalem de fœdere rupto.

ARGUMENTUM.

Factiones erant duæ inter Carthaginenses ortæ: altera Barchinorum, qui ad Annibalem imperium deferendum censebant: altera aliorum, cujus princeps Hanno erat. Is Annibali rerum summam tradendam non putabat: sed potius continendum eum domi sub legibus, decedendumque vivere cum cæteris æquo jure sub magistratibus, ne is, velut parvus ignis, incendium ingens quandoque exsuscitaret. Ac jam cum Asdrubale populus Romanus fœdus renovaverat, ut amnis Iberus imperii Romani & Carthaginensium terminus esset, Saguntinisque mediis libertas servaretur. Major jam tum pars vicerat, ut Annibal præficeretur bello. jamque ipse Saguntum summa ope oppugnabat, quum à Saguntinis legati de auxilio Romanum mittuntur. Romani oratores eo ipso nomine missi, nec admissi ab Annibale, nec auditi sunt. Ac quum Carthaginem conquestum de fœdere rupto ituros acciperet, literas nuntiosque ad principes Barchinæ factionis præmisit, quibus eos monebat ut suorum animos præpararent, nequid factio altera pro Romanis gratificaretur. Porro jam Carthaginem legati Romanorum pertraherant, quum Hannō ipse alterius factionis princeps, in senatu de re quæ contingerat, ita sententiam peregit.

JUVEN-

JUVENEM flagrantem cupidine regni, viam-
que unam ad id cernentem ; si ex bellis bella
ferendo , succinctus armis legionibusque vivat,
velut materiam igni præbentes , ad exercitus
misistis. Aluistis ergo hoc incendium quo
nunc ardetis. Saguntum vestri circumfident
exercitus, unde arcentur fœdere: mox Cartha-
ginem circumfidebunt Romanæ legiones du-
cibus iisdem Diis, per quos priore bello rupta
fœdera sunt ulti. Utrum hostem , an vós , an
fortunam utriusque populi ignoratis ? Lega-
tos à sociis , & pro sociis venientes , bonus im-
perator vester in castra non admisit , jus gen-
tium sustulit. Hi tamen, unde ne hostium qui-
dem legati arcentur, pulsi ad vos veniunt , res
ex fœdere repetunt. Publica fraus absit: autho-
rem culpæ, & reum criminis deposcunt. Quò
lenius agunt, segnius incipiunt; eò, quum cœ-
perint, vereor ne perseverantius sæviant. Ægi-
des insulam Erycemque ante oculos proponite,
quæ teriâ marique per quatuor & viginti an-
nos passi sitis : nec puer hic dux erat , sed pater
ipse Amilcar; Mars alter, ut isti volunt. Sed Ta-
rento tum in Italia non abstinueramus ex fœ-
dere : sicut nunc Sagunto non abstinemus. Vi-
cerunt ergo Dii hominesque , & id de quo ver-
bis ambigebatur , uter populus fœdus rupisset;
eventus belli , velut æquus iudex, unde jus sta-
bat , ei victoriam dedit. Carthagini nunc An-
nibal vineas turreaque admovet : Carthaginis
mœnia quatit ariete. Sagunti ruinæ (falsus uti-
nam

nam vates sim) nostris capitibus incident: susceptumque cum Saguntinis bellum, habendum cum Romanis est. Dedemus ergo Annibalem? dicet aliquis. - Scio meam levem esse in eo auctoritatem, propter paternas inimicitias. sed & Amilcarem eo periisse latatus sum, quod si ille viveret, bellum jam cum Romanis haberemus. & hunc juvenem tanquam furiam facemque hujus belli, odia ac detestor. nec dedendum solum ad piaculum rupti fœderis, sed si nemo deponat, devehendum in ultimas maris terrarumque oras: ablegandumque eò, unde nec ad nos nomen famaque ejus accedere, nec sollicitare quietæ civitatis statum possit. Ego autem ita censeo legatos extemplo Romam mittendos, qui senatui satisfaciant: alios, qui Annibali nuntient ut exercitum ab Sagunto abducatur. ipsumque Annibalem ex fœdere Romanis dedant: tertiam legationem ad res Saguntinis reddendas decerno.

O R A T I O

ALORCI HISPANI ad Saguntinos, quâ pacis conditiones quas Annibal ferebat, exponit.

A R G U M E N T U M.

In summa Saguntinorum desperatione, Alcon Saguntinus inconsensu ceteris ad Annibalem transit, sive atque consilio agendi de pace. Quæ res in causa fuit ut quum tristes conditiones referret Annibal, quas certo sciebat ille ceteros non accepturo: non ausus redire, apud hostem maneret. Tum fortè Alorcius Hispanus sub Annibale quidem militabat, ceterum Saguntinis veteri amicitia atque hospitio junctus: is pro Alcone interpretæ Saguntum ingressus, veteribus amicis in hanc sententiam conditiones exposuit.

SI civis vester Alcon, sicut ad pacem petendam ad Annibalem venit, ita pacis conditiones ab Annibale ad vos retulisset, supervacaneum hoc mihi fuisset iter, quo nec orator Annibalis, nec transfuga ad vos venissem. Quum verò ille, aut vestra aut sua culpa manserit apud hostem; si metum simulavit, sua; vestra, si periculum est apud vos, vera referentibus, ego, ne ignoraretis esse aliquas & salutis & pacis vobis conditiones, pro vetusto hospitio, quod mihi vobiscum est, ad vos veni. Vestra autem causam me, nec ullius alterius loqui, quæ loquor apud vos, vel ea fides sit, quod neque dum vestris viribus restitistis, neque dum auxilia à Romanis sperastis, pacis unquam apud vos mentionem feci. Postquam nec à Romanis vobis ulla spes est, nec vestra jam aut arma vos, aut mœnia satis defendunt, pacem afferro ad vos magis necessariam quam æquam: cujus ita aliqua spes est, si eam, quemadmodum ut victor fert Annibal, sic vos ut victi audiatis: si non id quod amittitur in damno, (quum omnia victoris sint) sed quicquid relinquitur, pro munere habituri estis, Urbem vobis, quam ex magna jam parte dirutam, captam ferè totam habet, adimit: agros relinquit; locum assignaturus in quo novum oppidum ædificetis. Aurum argentumque omne, publicum privatumque ad se jubet deferri: conjugum, vestraque corpora, ac liberorum vestrorum servat inviolata, si inermes cum binis

nis vestimentis velitis à Sagunto exire. Hæc victor hostis imperat. Hæc quamquam sint gravia atque acerba , fortuna vestra vobis suadet. Equidem aut despero , quum omnium potestas ei vobis facta sit , aliquid ex his rebus remissurum. Sed hæc patienda censeo potius, quam trucidari corpora vestra , rapi trahique ante ora vestra conjuges ac liberos belli jure sinatis.

O R A T I O

CUJUSDAM CARTHAGINIENSIS quâ Legatis Rom. de consilio oppugnationis Sagunti responderet.

A R G U M E N T U M.

Legati Romani Romam Carthagine redeuntes , quum quæ responsa à Carthaginensibus , quæque Sagunti agerentur , referrent : uno omnes consensu copias in Africam & Hispaniam ducendas esse censebant. Ut tamen omnia iusta ante bellum fierent , legatos rursus Carthaginem mitti placuit , qui percontarentur , publicone an privato consilio Saguntum Annibal oppugnasset : si faterentur , ab defenderent ; publico tum demum iustum indicerent bellum. Iam dato senatu Q. Fabius princeps legatorum percontatus erat , quum ex Carthaginensibus unus ita respondit.

VANA Romani, & prior legatio fuit, quum Annibalem tanquam suo consilio Saguntum oppugnantem deposcebatis : Cæterùm hæc legatio verbis adhuc lenior est , re asperior. Tunc enim Annibal & insimulabatur, & deposcebatur. Nunc à nobis & confessio culpæ exprimitur , & ut à confessis , res extemplo repetuntur. Ego autem , non , privato publicone consilio Saguntum oppugnatum sit , quærendum censeo : sed utrum jure , an injuriâ. Nostra enim hæc quæstio atque animadversio in civem

civem nostrum est; nostro, an suo fecerit arbitrio. vobiscum una disceptatio est, licueritne per fœdus fieri. Itaque, quoniam discerni placet, quid publico consilio, quid sua sponte imperatores faciant; nobis vobiscum fœdus est à Luctatio consule iktum, in quo cavetur de utrorumque sociis: nihil de Saguntinis (necdum enim erant socii vestri) cautum est. At enim eo fœdere, quod cum Asdrubale iktum est, Saguntini excipiuntur, adversus quod nihil ego dicturus sum, nisi quod à vobis didici. Vos enim quod C. Luctatius consul primò nobiscum fœdus icit, quia neque autoritate patrum, nec populi jussu iktum erat, negastis vos eo teneri. itaque aliud de integro fœdus publico consilio iktum est. Si vos non tenent vestra fœdera, nisi ex autoritate aut jussu vestro iktà; nec nos quidem Asdrubalis fœdus, quod nobis insciis icit, obligare potuit. Proinde omittite Sagunti atque Iberi mentionem facere, & quod diu parturit animus vester, aliquando pariat.

O R A T I O

VOLSCIANORUM quâ Legatis Romanorum respondent.

A R G U M E N T U M.

Hæc ad superius pertinet. Legatis mandatum erat, ut Carthagine in Hispaniam transfirent ad extendendos à Pœnis animos sociorum, retinendosque in fide & societate Romanorum. Iis à Bargusianis ad Volscianos transseuntibus, hoc datum est responsum.

QUÆ verecundia est, vos, Romani, postulare, ut vestram Carthaginensium præponamus

mus amicitiae, quum, qui id fecerunt, Saguntinos, crudelius quam Pœnus hostis perdidit, vos socii prodideritis? Ibi quæratissocios censeo, ubi Saguntina clades ignota est. Hispanis populis sicut lugubre, ita insigne documentum Sagunti ruinæ: ne quis fidei Romanæ aut societati confidat.

O R A T I O

ANNIBALIS ad Hispanos milites.

A R G U M E N T U M.

Annibal, Sagunto capto, Carthaginem novam in Ilyberna concesserat: ibi quum audisset quæ de se Carthagine ac Roma dicta discreta-que forent, se videlicet non ducem belli modo, sed causam: partitis ac dividitis reliquiis prædæ, ad se Hispanos milites convocavit, quibus consilium suum de transferendo bello ita exponeret.

CREDO ego vos, socii, & ipsos cernere, pacatis omnibus Hispaniæ populis, aut finiendam nobis militiam; exercitusque dimittendos esse; aut in alias terras transferendum bellum. Ita enim hæ gentes, non pacis solum, sed etiam victoriæ bonis florebunt; si ex aliis gentibus prædam & gloriam quæremus. Itaque quum longinqua ab domo instet militia, incertumque sit, quando domos vestras, & quæ cuique ibi cara sint, visuri sitis; si quis vestrum suos invadere vult, commeatum do. Primo vere edico adsitis, ut Diis bene juvantibus, bellum ingentis gloriæ prædæque futurum incipiamus.

ARGUMENTUM.

P. Scipio ad ostium Rhodani congressus cum hoste, caesis fere utrinque paribus, subito Numidorum pavore atque fuga victoriam obtinuerat. Exercitus ejus victoris maximam partem Cn. Scipioni fratri tradidit ducendam in Hispaniam adversus Asdrubalem. Profectus non multo post navibus Pisas, exercitum tironem adhuc & trepidum à Manlio Attilioque accipit, spe atque consilio cum hoste ad Padum confligendi. Itaque ubi in conspectum hostium Pœnorum ventum est, hac oratione militum animos ad egregie pugnandum adhortabatur.

SI cum exercitum, milites, educerem in a-
ciem, quem in Gallia mecum habui, super-
sedissem loqui apud vos. Quid enim adhortari
referret, aut eos equites, qui equitatū hostium
ad Rhodanum flumen egregie vicissent: aut eas
legiones, cum quibus fugientem hunc ipsum
hostem sequutus, confessionem cedentis ac de-
trectantis certamen pro victoria habui? Nunc
quia ille exercitus Hispaniæ provinciæ scriptus,
ibi cum fratre Cn. Scipione meis auspiciis rem-
gerit, ubi eum gerere senatus populusque Ro-
manus voluit; ego, ut consulem ducem ad-
versus Annibalem ac Pœnos haberetis, ipse me
huic voluntario certamini obtuli. Novo im-
peratori apud novos milites pauca verba facien-
da sunt. Ne genus belli, neve hostem ignore-
tis; cum iis est vobis, milites, pugnandum,
quos terrâ marique priore bello vicistis: à qui-
bus stipendium per viginti annos exegistis; à
quibus capta belli præmia, Siciliam ac Sardi-
niam habetis. Exit igitur in hoc certamine is
vobis

vobis illisque animus, qui victoribus & victis esse solet. Nec nunc illi, quia audent, sed quia necesse est, pugnaturi sunt: Nisi creditis, qui exercitu incolumi pugnam detrectavere, eos duabus partibus peditum equitumque in transitu Alpium amissis, (quum plures pene perierint quam supersunt) plus spei nactos esse. At enim pauci quidem sunt, sed vigentes animis corporibusque, quorum robora ac vires vix sustinere vis ulla possit. Effigies, imò umbræ hominum; fame, frigore, illuvie, squalore enecti, contusi ac debilitati inter saxa rupesque, adhuc perusti artus, nive rigentes nervi, membra torrida gelu, quassata fractaque arma: claudii ac debiles equi. Cum hoc equite, cum hoc peditate pugnaturi estis, reliquias extremas hostium, non hostes habebitis. Ac nihil magis vereor quam ne antequam vos cum hoste pugnaveritis, Alpes vicisse Annibalem videantur. Sed ita forsitan decuit, cum fœderum ruptore duce ac populo Deos ipsos, sine ulla humana ope, committere ac profligare bellum: nos autem, qui secundum Deos violati sumus, commissum ac profligatum conficere. Non vereor nequis me hoc vestri adhortandi causâ magnificè loqui existimet; ipsum aliter animo affectum esse. Licuit mihi in Hispaniam provinciam meam ire, quo jam profectus eram cum exercitu meo: ubi & fratrem consilii participem; ac periculi socium haberem, & Asdrubalem, potius quam Annibalem hostem, & minorem haud

dubiè molem belli : Tamen quum præterveh-
rer navibus Galliæ oram ; ad famam hujus ho-
stis in terram egressus , præmisso equitatu ad
Rhodanum movi castra. Equestri prælio , quâ
parte copiarum conferendi manum fortuna da-
ta est , hostem fudi , peditum agmen , quod
in modum fugientium raptim agebatur , quia
assequi terrâ non poteram , regressus ad na-
ves quanta maxima celeritate potui , tanto
maris terrarumque circuitu in radicibus Al-
pium obviis fuit. Huic timendo hosti utrum
quum declinarem certamen , improvisus vi-
deor incidisse , an occurrere in vestigiis ejus ?
laceßere , ac trahere ad decernendum ? Experiri
juvat , utrum alios certè derepente Carthagi-
nienses per viginti annos terra ediderit : an ii-
dem sint , qui ad Ægades pugnavère insulas , &
quos ab Eryce duodevicens denariis æstima-
tos tenuistis & utrum Annibal hic sit æmulus
itinerum Herculis , ut ipse fert , an vêtigalis ,
stipendiariusque & servus populi Romani à pa-
tre relictus : quem nisi Saguntinum scelus agi-
taret , respiceret profectò , si non patriam vi-
ctam , domum certè , patremque & fœdera A-
milcaris scripta manu , qui iussus à consule no-
stro , præsidium deduxit ab Eryce : qui graves
impositas victis Carthaginensibus leges fre-
mens mærensque accepit , qui decedere Sicilia,
qui stipendium populo Romano dare , pactus
est. Itaque vos , ego , milites , non eo solum ani-
mo , quo adversus alios hostes soletis , pugnare
velim :

velim : sed cum indignatione quadam atque ira; velut si servos videatis vestros arma repente contra vos ferentes. Licuit, si voluissemus, ad Erycem clausos ultimo supplicio humanorum, fame interficere : licuit classem victricem in Africam trajicere, atque intra paucos dies sine ullo certamine Carthaginem delere : veniam dedimus precantibus : emisimus ex obsidione ; pacem cum victis fecimus ; tutelæ nostræ deinde duximus , quum Africo bello urgerentur. Pro his impertitis , furiosum juvenem sequentes, oppugnatum patriam nostram veniunt. Atque utinam pro decore nobis hoc tantum , & non pro salute esset certamen. Non de possessione Siciliae ac Sardiniae , de quibus quondam agebatur, sed pro Italia nobis est pugnandum : nec est alius à tergo exercitus, qui, nisi nos vincimus , hosti obsistat : nec Alpes aliæ sunt , quas dum superat, comparari nova possint præsidia. Hic est obstandum, milites, velut si ante Romana mœnia pugnemus. Unusquisque se non corpus suum, sed conjugem ac liberos parvos armis protegere putet , nec domesticas solum agitet curas , sed identidem hoc animo reputet , nostras nunc intueri manus senatum populumque Romanum , qualis nostra vis virtusque fuerit , talem deinde fortunam illius urbis ac Romani imperii fore.

A R G U M E N T U M.

Annibal in transitu Alpium barbaros multos bellum inferre volentes ceperat, quos in vinculis habuit: adhortaturus milites ad pugnam, eorum barbarorum multa paria congregi, detroctis vinculis, armata more Gallico, in conspectu militum ex industria iuxta: quibus aliquanto post dimissis, in hæc verba suos adhortatus est.

SI quem animum in alienæ fortis exemplo paulò antè habuistis, eundem mox in æstima-
 manda fortuna vestra, habueritis; vicinus mi-
 lites: Neque enim spectaculum modo illud,
 sed quædam veluti imago vestræ conditionis
 erat. Ac nescio an majora vincula, majores-
 que necessitates vobis, quàm captivis vestris,
 fortuna circumdederit. Dextra lævaque duo
 maria claudunt; nullam ne ad effugium qui-
 dem, navem habentibus: circa Padus amnis
 major ac violentior Rhodano, à tergo Alpes ur-
 gent; vix integris vobis ac vigentibus transitæ:
 Hic vobis vincendum aut moriendum milites,
 est, ubi primum hosti occurristis, & eadem
 fortuna quæ necessitatem pugnandi imposuit,
 præmia vobis ea victoribus proponit, qui-
 bus ampliora homines ne à Diis quidem im-
 mortalibus optare solent. Si Siciliam tantum
 ac Sardiniam parentibus nostris creptas, nostra
 virtute recuperaturi essemus, satis tamen am-
 pla pretia essent. Quicquid Romani tot trium-
 phis partum congestumque possident: id omne
 nostrum cum ipsis dominis futurum est. In
 hanc

hanc tam opimam mercedem agite, cum Diis bene juvantibus arma capite. Satis adhuc in vastis Lusitaniæ Celtiberiæque montibus pecora, conſectando; nullum emolumentum tot laborum periculorumque veſtrorum vidiſtis. tempus eſt jam opulenta vos ac ditia ſtipendia facere, & magna operæ prætia mereri; tantum itineris per tot montes fluminaque, & tot armatas gentes emenſos. Hic vobis terminum laborum fortuna dedit, hic dignam mercedem emeritis ſtipendiis dabit. Nec quàm magni nominis bellum eſt, tam difficilem exiſtimaveritis victoriam fore. Sæpe & contemptus hoſtis cruentum certamen edidit, & inclyti populi regesque perlevi momento victi ſunt. Nam, dempto hoc uno fulgore nominis Romani, quid eſt, cur illi vobis comparandi ſint? Ut viginti annorum militiam veſtram cum illa virtute, cum illa fortuna taceam; ab Herculis columnis, ab Oceano, terminisque ultimis terrarum, per tot ferociſſimos Hiſpaniæ & Galliæ populos vincentes huc perveniſtis: Pugnabitis cum exercitu tyrone, hac ipſa æſtate, caſo, victo, circumſeſſo à Gallis ignoto adhuc duci ſuo, ignoranteque ducem, An me, in prætorio patris, clariffimi imperatoris, prope natum, certè educatum, domitorem Hiſpaniæ Galliæque, victorem eundem, non Alpinarum modò gentium, ſed ipſarum, quod multo majus eſt Alpium, cum ſeſttri hoc conferam duce, deſertore exercitus ſui? Cui ſi quis dem-

ptis signis Poenos Romanosque hodie ostendat, ignoraturum certum habeo, utrius exercitus sit consul. Non ego illud parvi æstimo, milites, quòd nemo vestrum est, cuius non ante oculos ipse sæpe militare aliquòd ediderim facinus: cui non idem ego virtutis spectator ac testis. Notata temporibus locisque referre sua passim decora, mecum laudatis, milites, donatisque. Alumnus prius omnium vestrum, quàm imperator, procedam acie adversus ignotos inter se, ignorantisque. Quocumque circumtuli oculos, plena omnia video animorum ac roboris: veteranum peditem, generosissimarum gentium equites frenatos & infrenatos: vos socios fidelissimos fortissimosque, vos Carthaginienses, tum ob patriam, tum ob iram justissimam pugnatueros. Inferimus bellum, infestisque signis descendimus in Italiam; tantò audacius fortiusque pugnaturi, quantò major spes majorque est animus inferentis vim quàm arcentis. Accendit prætereà animos & stimulat dolor, injuria, indignitas. Ad supplicium depoposcerunt me ducem primum; deinde vos omnes, qui Saguntum oppugnassetis, deditos ultimis crueiatibus affecturi fuerunt. Crudelissima ac superbissima gens, sua omnia sui que arbitrij facit. cum quibus bellum, cum quibus pacem habeamus, se modum imponere æquum censet: circumscribit includitque nos terminis montium fluminumque, quos ne excedamus: neque eos quos statuit.

ter-

terminos observat. Ne transieris Iberum : ne-
quid rei tibi sit cum Saguntinis. ad Iberum est
Saguntum : nusquam te vestigio moveris. Pa-
rum est, quod veterrimas provincias meas Si-
ciliam & Sardiniam adimis. etiam Hispanias ?
& inde cesserō, in Africam transcendens. Tran-
scendens autem dico ? duos consules hujus an-
ni, unum in Africam, alterum in Hispaniam
miserunt. Nihil usquam nobis relictum est,
nisi quod armis vindicaverimus. Illis timidis
& ignavis licet esse qui receptum habent,
quos suus ager, sua terra, per tuta ac pacata
itinerā fugientes accipient : vobis necesse est
fortibus viris esse, & omnibus inter victoriam
mortemve certā desperatione abruptis ; aut
vincere, aut, si fortuna dubitavit, in prælio po-
tius, quam in fuga, mortem oppetere. Si hoc
bene fixum omnibus destinatumque in animo
est ; iterum dicam, vicistis : nullum incitamen-
tum ad vincendum homini à Diis immortalibus
acrius datum est.

Ex vicesimo secundo libro, ab urbe condita.

ORATIO

M. MINUTII RUFFI magistrī equitum, quā
in Q. Fabii Maximi dictatoris cunctationem a-
criter invehitur.

ARGUMENTUM.

Q. Fabius Maximus dictator missus cum legionibus adversus Anni-
balem, per loca alta agmen ducebat, modico ab hoste intervallo, ut
nos omitteret eum, neque congrederetur. M. Minutius Ruffus
magister equitum erat, ferox rapidusque in consiliis, ac lingua
immodicus : is primum inter paucos, deinde palam consilium pru-
dentiamque dictatoris eludebat atque reprehendebat, pro cunctata-
re sœnem eum, pro cauto et timido appellans. Fortè per id tempus

Maharbalem in agrum Falernum Annibal prædatum miserat : quem , quum in castra perlatum esset populari usque ad Sinuessus aquas , tum demum Fabius per iuga montis Massici exercitum ducens , haud procul hoste castra ponit. Hinc verò quum facile testata colonorum Romanorum & domus ab hostibus incendi perurique viderentur , nec tum quidem ulla pugna mentio esset : idem Ruffus magister equitum in dictatorem hæc iactare cepit.

SPECTATUMNE huc, ut rem fruendam oculis, sociorum cædes & incendia venimus? nec si nullius alterius nos, ne civium quidem horum pudet, quos in Sinuessam colonos patres nostri miserunt, ut ab Samnite hoste tuta hæc ora esset: quam nunc non vicinus Samnis urit, sed Pœnus advena, ab extremis orbis terrarum terminis, nostra cunctatione & socordia jam huc progressus. Tantum (proh dolor!) degeneramus à parentibus nostris, ut, præterquam oram illi Punicas vagari classes dedecus esse imperii sui duxerint, eam nos nunc plenam hostium Numidarumque ac Maurorum jam factam videamus? Qui modò Saguntum oppugnari indignando, non homines tantum, sed foedera & Deos ciebamus, tendentem ad moenia Romanæ coloniae Annibalem lenti spectamus. Fumus ex incendiis villarum agrorumque in oculos atque ora venit, strepunt aures clamoribus plorantium sociorum; sæpius nos, quàm Deorum invocantium opem. Nos hic pecorum more per æstivos saltus deviasque calles exercitum ducimus; conditi nubibus sylvisque. Si hoc modo peragrando cacumina saltusque Furius recipere à Gallis urbem voluisset, quò hic novus Camillus (nobis dictator

dictator unicus in rebus afflictis quæsitus.) Italiam ab Annibale recuperare parat; Gallorum Roma esset: quam vereor, ne, sic cunctantibus nobis Annibali ac Pœnis toties servaverint majores nostri. Sed vir, ac verè Romanus, quo die dictatorem cum ex autoritate patrum jussuque populi dictum, Vejos allatum est, quum esset satis altum Janiculum, ubi sedens prospectaret hostem, descendit in æquum, atque illo ipso die media in urbe, qua nunc busta Gallica sunt, & postero die, citra Gabios, cecidit Gallorum legiones. Quid? post multos annos, quum ad furculas Caudinas ab Samnite hoste sub jugum missi sumus? utrum tandem L. Papirius Cursor, jura Samnii perlustrando, an Luceriam premendo, obsidendoque, & laessendo victorem hostem, depulsum ab Romanis cervicibus jugum superbo Samniti imposuit; Modò consuli Luctatio quæ alia res, quàm celeritas, victoriam dedit? quòd postero die quàm hostem vidit, classem gravem com meatibus, impeditam suomet ipsam instrumento atque apparatu, oppressit. Stultitia est, sedendo aut votis debellari credere posse. armari copias oportet, deducendas in æquum, ut vir cum viro congrediatur. Audendo atque agendo res Romana crevit, non his segnibus consiliis, quæ timidi cauta vocant.

ACEDUCIS HISPANI ad Hostarem pro ob-
fidibus verba.

ARGUMENTUM.

Obsides Annibal cunctis civitatibus imperabat, quos ut quemque accipiebat, Sagunti custodia tradebant. Id modo Hispanorum in populum Romanum animos remorari ratus Acedux, Hispanus quidem ceterum Romanis socius, init consilium de remittendis in suas civitates obsidibus. Hostar praefectus Saguntinis forte castra extra Saguntum in ipso littore habebat, quo Acedux ipse quum venisset, eum monebat, quum ad eam diem metus Hispanorum animos continuisset, quia procul Romani absuissent, qui tum cis Iberum erant, gratia devinciendos esse ac beneficio, Hostari verò quarenti quoniam tandem beneficio devinciendi essent, in hanc sententiam ipse respondit.

OBSIDES in civitates remitte. Id privatum parentibus, quorum maximum nomen in civitatibus est suis, & publicè populis gratum erit. Vult sibi quisque credi, & habita fides ipsam plerunque obligat fidem. Ministerium restituendorum domos obsidum mihi met deponco ipse, ut operà quoque impensâ consilium adjuvem meum, & rei suapte naturâ gratæ, quantam insuper gratiam possim, adjiciam.

FABII DICTATORIS de temeritate Minutii verba.

ARGUMENTUM.

Aequum erat plebiscito Minutii magistri equitum imperium dictatura Fabii Maximi. Quod postquam in castra Roma est allatum literis & sermone multorum, Minutius immodice gloriatus cum Fabio de imperandi ratione agebat, an per vices alter imperaret, an uterque, partitis copiis. Partiri tandem copias placuit, vir Fabio consentiente. Ita partem copiarum Minutius adversus Annibalem ducens, paulo post in eum locum pervenit, unde per insidias hostium fugere ac elabi sine magna cæde suorum non posset. Fabius eis tempore ipso auxilio veniens, ita de Minutii temeritate locutus est.

ITA

IT A est, non celerius quam timui, deprehendit fortuna temeritatem. Fabio æquatus imperio, Annibalem & virtute & fortunâ superiorem videt. Sed aliud iurgandi succensendique tempus erit. Nunc signa extra vallam proferte. victoriâ hosti extorqueamus, confessionem erroris civibus.

O R A T I O

MINUTII MAGISTRI equitum, quâ suos ad conjungenda cum Fabio castra adhortatur.

A R G U M E N T U M.

Minutius magister equitum cum exercitu periclitatus, quum se suoque Fabii virtute ac diligentia servatos esse intelligeret, temeritatem suam agnoscens, de conjungendis castris cum Fabio, ita cum suis agebat.

SÆP E ego audiui, milites, cum primum esse virum, qui ipse consulat quid in rem sit, secundum eum, qui bene monenti obediat: qui nec ipse consulere, nec alteri parere sciat eum extremi ingenii esse. Nobis quoniam prima animi ingeniique negata fors est, secundam ac mediam teneamus: & dum imperare discimus, parere prudenti in animum inducamus. Castra cum Fabio jungamus ad prætorium ejus signa quum tulerimus, ubi ego eum parentem appellavero, quod beneficio ejus erga nos ac majestate ejus dignum est; vos, milites; eos, quorum vos modo arma dextræque texerunt, patronos salutabitis; & si nihil aliud gratorum certè nobis animorum gloriam dies hæc dederit.

MINU-

MINUTII VERBA ad Fabium dictatorem.

A R G U M E N T U M.

Coniunctum hoc est cum priore. Iam milites ad dictatoris castra proficiscentes, omnium animos in admirationem converterant, quum Minutius prior Fabium patrem appellat, milites deinde patronos eos qui dictatoris imperio parebant. Minutius inde ita cum Fabio verba fecit.

PARENTIBUS meis, dictator, (quibuste modo nomine, quo fando possum, æquavi) vitam tantum debeo: tibi, quum meam salutem, tum omnium horum. Itaque plebeiscitum, quo oneratus magis quàm honoratus sum, primus antiquo, abrogoque: & quod tibi mihiq̃ue, quod exercitibusque his tuis servato ac conservatori sit felix, sub imperium auspiciumque tuum redeo, & signa hæc, legionesque restituo. Tu quæso, placatus me magistrum equitum, hos ordinibus suis quemque teneri jubeas.

O R A T I O

FABII MAXIMI ad Æmilium de Varrone, & ratione pugnandi cum hoste.

A R G U M E N T U M.

C. Terentius Varro, & L. Paulus Æmilii consules creati quum contra Annibalem copias ducere pararent, Varro concionem forte habuerat qua bellum in Italiam à nobilibus accersitum esse jactabat, quod nunquam restringendum esset, si Respub. plures Fabios imperatores haberet: se vero ipsum illud profligaturum, seu ad finem propè deducturum, quo primùm die hostem videret, Quod quum Fabius cognovisset, Paulum Æmilium ad se vocat, quem in hanc sententiam de collegæ temeritate rationeque hostem aggredienti alloquitur est.

SI aut collegam (id quod malle) tui similem, Luci Æmili, haberes aut tu collegæ
tui

tui similis esses, supervacanea esset oratio mea. nam & duo boni consules, etiam me indicente, omnia è Repub. fide vestra faceretis, & mali, nec mea verba auribus vestris, nec consilia animis acciperetis. Nunc & collegam tuum, & te talem virum intuenti mihi, tecum omnis oratio est: quem video nequicquam & virum bonum, & civem fore, si altera parte claudicet Respub. malis consiliis idem ac bonis juris & potestatis erit. Erras enim L. Paule, si tibi minus certaminis cum C. Terentio, quam cum Annibale futurum censes: nescio an infestior hic adversarius, quàm ille hostis maneat: & cum illo in acie tantum, cum hoc omnibus locis ac temporibus certaturus es: & adversum Annibalem legionesque ejus tuis equitibus ac pedibus pugnandum tibi est. Varro dux, tuis militibus te est oppugnaturus. Ominis etiam tibi causa absit C. Flaminii memoria. tamen ille consul demum, & in provincia, & ad exercitum cœpit furere: hic prius quam peteret consulatum, deinde in petendo consulatu: nunc quoque consul, prius quam castra videat, aut hostem, insanit. Et qui tantas jam nunc procellas, prælia atque acies jactando inter togatos ciet, quid inter armatam juventutem censes facturum, & ubi extemplo verba res sequitur? Atqui si hic, quod facturum se denuntiat, extemplo pugnaverit; aut ego rem militarem, belli hoc genus, hostem hunc ignoro, aut nobilior alius Thrasymeno locus nostris cladibus erit.

Nec

Nec gloriandi tempus adversus unum est? ut ego contemnendo potius quàm appetendo gloriam, modum excesserim. Sed ita res habet una ratio belli gerendi adversus Annibalem est, quàm ego gessi: nec eventus modo hoc docet, stultorum iste magister est; sed eadem ratio quæ fuit, futuraque donec eadem res manebunt, immutabilis est. In Italia bellum gerimus, in sede ac solo nostro. omnia circa plena civium ac sociorum sunt. armis, viris, equis, commeatibus juvant, juvantque, id jam fidei documentum in adversis rebus nostris dederunt. Meliores, prudentiores, constantiores nos tempus diesque facit. Annibal contrà, in alienâ, in hostili est terrâ, inter omnia inimica infestaque; procul à domo, procul à patria. neque illi terra, neque mari est pax: nullæ cum urbes accipiunt, nulla mœnia: nihil usquam sui videt: in diem rapto vivit. partem vix tertiam exercitus ejus habet, quem Iberum annum trajecit plures fames, quàm ferrum absumpsit, nec his paucis jam victum suppeditat. Dubitas ergo, quin cum sedendo superaturi simus, qui senescat indies, non commeatus, non supplementum, non pecuniam habeat? Quamdiu pro Gerionis, castelli Apuliæ inopis, tanquam pro Carthaginiis mœnibus? Sed ne adversus te quidem ego gloriabor. Cn. Servilius atque Attilius, proximi consules, vide quemadmodum eum ludificati sint. Hæc una salutis est via, L. Paulte, quam
diffici-

difficilem infestamque cives sibi magis quam hostes facient. Idem enim tui, quod hostium milites, volent: idem Varro consul Romanus, quod Annibal Pœnus imperator, cupiet. Duobus ducibus unus resistas oportet, resistes autem adversus famam rumoresque hominum si satis firmus steteris: si te neque collegæ vana gloria, neque tua falsa infamia moverit à veritate, laborare inimicitiis sæpe ajunt, extinguere nunquam Gloriam, qui spreverit, veram habebit. Sine timidum pro cauto, tardum pro considerato, imbellem pro perito belli vocent: malo te sapiens hostis metuat, quam stulti cives laudent. Omnia audentem contemnet Annibal: nil temere agentem metuet. Nec ego, ut nihil agatur, moneo, sed ut agentem te ratio ducat, non fortuna: Tuæ potestatis semper, tuaque omnia sint. Armatus intentusque sis, neque occasione tuæ desis, neque suam occasionem hosti des. Omnia non properanti clara, certa que erunt. festinatio, improvida est, & cæca.

O R A T I O

P. SEMPRONII TUDITANI tribuni militum, quâ suos ad erumpendum adhortatur.

A R G U M E N T U M.

Cannensi clade, quum mortuo paulo Emilio consule, Varro collega Venuſianam cum quinquaginta equitibus profugisset: binis in castris inermis multitudo, quæ superfuerat pugna, sine ducibus erat. Itaque eos qui in minoribus erant castris, alii monent ut nocte, dum hostis gravi somno detinetur, ad se transirent, Cannisum inde tacite ac sine mora uno agmine abituros. Fortè P. Sempronius Tuditanus tribunus militum in minoribus castris

castris erat, qui quum de transitu ab aliis aliter sentiri videret, ita suos ad erumpendum adhortatur.

CA P I ergo mavultis ab avarissimo & crudelissimo hoste, æstimarique capita vestra pretio & exquiri, ab interrogantibus, Romanus civis sis, an Latinus socius, ut ex tua contumelia & miseria alteri honos quærat non tu : Si quidem Lucii Æmilii consulis, qui se bene mori, quam turpiter vivere maluit, & tot fortissimorum virorum, qui circa eum cumulati jacent, cives estis. Sed antequam opprimit lux, majoraque hostium agmina obsepiunt iter: per hos, qui inordinati atque incompociti obstrepunt portis, erumpamus, ferro atque audacia viâ fit, quamvis per confertos hostes. Cuneo quidem hoc laxum atque solutum agmen, ac si nihil obftet, transibimus. Itaque ite mecum, qui & vosmetipsos & Rempublicam salvam vultis.

O R A T I O

CAPTIVORUM Cannensi clade Roman.
ad patres.

A R G U M E N T U M.

Hoc enim proximè præcedente conjunctum est. Milites Romani qui ex minoribus castris consilio eorum qui erant in majoribus, exhortatione insuper P. Sempronii Tuditani, cum ipso erumpere noluerant, in potestatem hostium simul cum castris venerunt. Ex iis decem paulo post jure jurando adigit Annibal, si missi Romam non redimerentur, ad hostem relicturos. Ita Romam adactos eos mittit, ut aurum in redemptionem suam impetrarent. Propositum autem fuit pretium in capita, equiti quingenti quadrigati nummi, pediti trecenti, servo centum. Profecti, ita causam suam apud patres egerunt.

P A -

PATRES conscripti, nemo vestrum ignorat, nulli unquam civitati viliores fuisse captivos, quam nostræ: cæterum nisi nobis plus justo nostra placet causa non alii unquam minus negligendi vobis, quàm nos, in hostium potestatem venerunt. Non enim in acie per timorem arma tradidimus, sed quum prope ad noctem superstantes cumulis cæsorum corporum, prælium extraxissemus, in castra recepimus nos dici reliquum ad noctem insequentem fessi labore ac vulneribus vallum sumus tutati. Postero die quum circumfessi ab exercitu victore, aquâ arceremur, nec ulla alia jam per confertos hostes erumpendi spes esset; nec esse nefas duceremus, quinquaginta millibus hominum ex acie nostra trucidatis; aliquem ex Cannensi pugna Romanum militem restare; tum demum pacti sumus pretium, quo redempti dmitteremur: arma, in quibus nihil jam auxilii erat, hosti tradidimus. Majores nostros quoque acceperamus se à Gallis auro redemis- se: & patres nostros, asperrimos illos ad conditionem pacis, legatos tamen captivorum redimendorum gratiâ Tarentum misisse. Atque in Italia cum Gallis, & ad Heracleam cum Pyrrho, utraque non tam clade infamis, quàm pavore & fuga, pugna fuit. Cannenses campos acervi Romanorum corporum tegunt: nec super sumus pugnae; nisi in quibus trucidandis & ferrum & vires hostem defecerunt. Sunt etiam de nostris quidam, qui nec in acie qui-
dem

dem refugerunt . fed præfidio castris relictæ ,
quum castra traderentur , in potestatem ho-
stium venerunt. Haud equidem ullius civis aut
commilitonis fortunæ aut conditioni invideo,
nec premendo alium , me extulisse velim : ne
illi quidem (nisi pernicitatis pedum & cursus
aliquod præmium est) qui plerique inermes ex
acie fugientes , non prius quàm Venusiæ aut
Canusii constiterunt , se nobis merito prætule-
rint , gloriatique sint in se plus quam in nobis
præsidii Reipub. esse : Sed illis ut bonis ac for-
tibus militibus utemini ; & nobis jam prom-
prioribus pro patria , quod beneficio vestro re-
dempti , atque in patriam restituti fuerimus.
Delectum ex omni ætate & fortuna habetis :
octo millia servorum armari audio : non minor
numerus noster est , nec majori pretio redimi
possumus , quam hi emuntur . Nam si conferam
nos cum illis , injuriam nomini Romano fa-
ciam . Illud etiam in tali consilio animadver-
tendum vobis censeam , *r. c.* si tamen duriores
esse velitis , quo nullo nostro merito faciatis
cui nos hosti relicturi sitis . Pyrrho videlicet , qui
nos hospitum numero habuit captivos , an bar-
baro , ac Pœno ? qui utrum avarior an crudelior
sit , vix existimari potest . Si videatis catenas ,
squalorem , deformitatemque civium vestro-
rum , non minus profectò vos ea species mo-
veat , quàm si ex altera parte cernatis stratas
Cannensibus campis legiones vestras . Intueri
potestis sollicitudinem & lachrymas in vestibulo

lo curiæ stantium cognatorum nostrorum, exspectantiumque responsum vestrum. Quum ii pro nobis, proque iis qui absunt, ita suspensi ac solliciti sint? quem censetis animum ipsorum esse, quorum in discrimine vita libertasque est? Si medius fidius ipse in nos mitis Annibal contra naturam suam esse velit, nihil tamen nobis vita opus esse censeamus, quum indigni, ut à vobis redimeremur, visi sumus. Rediére Romam quondam remissi à Pyrrho sine pretio capti: sed rediére cum legatis, primoribus civitatis ad redimendos sese missis, redeam ego in patriam, trecentis nummis non æstimatus civis? Suum quisque habet animum. P. C. scio in discrimine esse vitam corpusque meum: magis me famæ periculum movet, ne à vobis damnati ac repulsi habeamur. Neque enim vos pretio pepercisse homines credent.

O R A T I O

T. MANLI TORQUATI, ne captivi redimerentur.

A R G U M E N T U M.

Hec cum priora oratione conjunctum est. Posteaquam captivi dicendi finem fecerunt, & templo ab ea turba quæ in vestibulo curiæ stabat, clamor flebilis sublatus est, orabantque ut sibi liberos, fratres cognatos, redirent patres. Tum senatus ea de re haberi coactus. Quo quum aliis captivos redimendos de publico, alijs de privato, alijs ex arario dandam pecuniam mutuo referentibus variaretur sententiis: tum demum T. Manlius Torquatus rogatus sententiam, unus nullo pacto redimendos esse ita iussit.

SI tantummodò postulassent legati pro iis qui in hostium potestate sunt, ut redimerentur, sine ullius eorum insectatione, brevi sententiam

tiam peregissem. Quid enim aliud quàm admonendi essetis, ut morem traditum à Patribus, necessario ad rem militarem exemplo servaretis? Nunc autem cum propè gloriati sint, quòd se hostibus dediderint, præferrique non captis modò in acie ab hostibus, sed etiam iis qui Venusiam Canusiumque pervenerunt, atque ipsi C. Terentio consuli, æquum censuerint; nihil vos eorum P. C. quæ illic acta sunt, ignorare patiar. Atque utinam hæc quæ apud vos acturus sum, Canusii apud ipsum exercitum agerem; optimum testem ignaviæ cuiusque & virtutis: aut unus hic saltem adesset P. Sempronius, quem si isti ducem sequuti essent milites, hodie in castris Romanis, non captivi in hostium potestate essent, & quum fessis pugnando hostibus, tum victoriæ lætis, & ipsis plerisque regressis in castra sua, noctem ad erumpendum liberam habuissent, & septena armatorum hominum millia erumpere etiam inter confertos hostes potuissent: Neque enim per se ipsi id facere conati sunt, neque alium sequi voluerunt. Nocte propè totâ P. Sempronius Tuditanus non destitit monere, adhortarique eos, dum paucitas hostium circa castra, dum quies ac silentium esset, dum nox inceptum tegeret, se ducem sequerentur: ante lucem pervenire in tuta loca, in sociorum urbes posse. Sicut avorum memoria, P. Decius tribunus militum, in Samnio, sicut, nobis adolescentibus, priori Punico bello, Calpurnius Flam-

Flamma trecentis voluntariis, quum ad tumulum eos capiendum, situm inter medios hostes, duceret, dixit: *Moriamur, milites, & morte nostra eripiamus ex obsidione circumventas legiones.* Si hoc Sempronius diceret; nec viros quidem, nec Romanos vos duceret: si nemo tantæ virtutis extitisset comes. viam non ad gloriam magis quàm ad salutem ferentem demonstrat; reduces in patriam, ad parentes, ad conjuges ac liberos facit. Ut servemini, deest vobis animus? quid, si moriendum pro patria esset, faceretis? Quinquaginta milia civium sociorumque circa vos eo ipso die cæsa jacent: si tot exempla virtutis non moveant, nihil unquam movebit. si tanta clades vilem vitam non fecit, nulla faciet. Liberi atque incolumes desiderate patriam: imò desiderate, dum patria est, dum cives ejus, estis: serò nunc desideratis, diminuti capite, abalienati jure civium, servi Carthaginensium facti. Pretio redituri estis eò, unde ignavia ac nequitia abistis? P. Sempronium, civem vestrum, non audistis, arma capere ac se jubentem sequi; Annibalem post paulò audistis, castra prodi, & arma tradi jubentem. Quam ego ignaviam istorum accuso, quum scelus possim accusare? non enim modò sequi recusarunt bene monentem, sed obsistere ac retinere conati sunt, ni strictis gladiis viri fortissimi inertes summovissent. Prius, inquam, P. Sempronio per civium agmen, quàm per hostium

fuit

fuit erumpendum. Hos cives patria desideret ? quorum si cæteri similes fuissent, neminem hodie ex iis qui ad Cannas pugnaverunt, civem haberet. Ex millibus septem armatorum, sexcenti extiterunt qui erumpere auderent, qui in patriam liberi atque armati redirent : neque iis quadraginta millia hostium obstitere. Quam tutum iter duarum prope legionum agmini futurum censeris fuisse ? haberetis hodie viginti millia armatorum Canubii, fortia, fidelia, p. c. Nunc autem, quemadmodum hi boni fidelesque (nam fortes ne ipsi quidem dixerint) cives esse possunt : nisi quis credere potest, fuisse qui erumpentibus, quin erumperent, obistere conati sint : aut non invidere eos, cum incoluntati, cum gloriæ illorum per virtutem partæ, quum sibi timorem ignaviamque servitutis ignominiosæ causam esse sciant. Maluerunt in tentoriis latentes simul lucem atque hostem expectare, quum silentio noctis erumpendi occasio esset. Etenim ad erumpendum è castris defuit animus : ad tutanda fortiter castra animum habuerunt, Dies noctesque aliquot obsessi, vallum armis se ipsi tutati vallo sunt : tandem ultima ausi passique, quum omnia subsidia vitæ abessent, affectisque fame viribus, arma jam sustinere nequirent, necessitatibus magis humanis quàm armis victi sunt. Orto sole hostis ad vallum accessit, ante secundam horam nullam fortunam certaminis experti, tradiderunt arma ac seipsos. Hæc vobis
ipso-

ipforum per biduum militiæ fuit. Quum in acie stare ac pugnare decuerat, tum in castra refugerunt: quum pro vallo pugnandum erat, castra tradiderunt, neque in acie neque in castris utiles. Vos redimam? quum erumpere castris oportet, cunctamini ac manetis: quum manere & castra tutari armis necesse est; & castra & arma & vos ipsos traditis hosti. Ego non magis istos redimendos, p. c. censeo, quàm illos dedendos Annibali, qui per medios hostes è castris eruperunt: ac per summam virtutem se patriæ restituerunt.

Ex vicesimotertio libro ab urbe condita.

O R A T I O

PACUVII CALAVII Campani ad populum Campanum.

A R G U M E N T U M.

Pacuvius Calavius Capua in summo magistratu erat, quum res Romana male ad Thrasymenum gesta est. Is populum Campanum senatui jamdiu infestum ratus id agitare, ut senatoribus trucidatis, si venirent hostes Romanorum, Annibali Capuam traderet: hoc populi consilium senatui declarat, omnesque tandem ex duxit, ut si se in ipsius potestatem permitterent, facile ab insidiis se posse liberari arbitrarentur. Permissos in curiam claudis: convocat populum, cui rem ita exposuit.

QUOD sæpe optastis, Campani, ut supplicii sumendi vobis ex improbo ac detestabili Senatu potestas esset, eam nunc, non per tumultum expugnantes domos singulorum; quas præsidii clientium servorumque tuentur, cum summo vestro periculo, sed tutam habetis ac liberam. Clausos omnes in curiam accipite, solos, inermes: nec quicquam rap-

I

ptim;

ptim, aut forte temere egeritis. De singulorum capite vobis jus sententiæ dicendæ faciam, ut quas quisque meritus est, pœnas pendat. Sed ante omnia ita vos iræ indulgere oportet, ut potio rem irâ salutem atque utilitatem vestram habeatis. Etenim hos (ut opinor) odistis senatores nam senatum omnino non habere non vultis, quippe aut rex (quod abominandum) aut (quod unum liberæ civitatis consilium est,) senatus habendus est. Itaque duæ res simul agendæ sunt vobis, ut & veterem senatum tollatis, & novum cooptetis. Citari singulos senatores jubebo, de quorum capite vos consulam. quod de quoque censueritis, fiet. Sed prius in ejus locum virum fortem ac strenuum, novum senatorem cooptabitis, quàm de noxio supplicium sumatur.

O R A T I O.

VARRONIS CONSULIS, quâ Legatis Campanorum responderet.

A R G U M E N T U M.

Post Cænensem cladem Romani à Campanis sperni contemnique cepti sunt, ut illud ostensuri fuerint, nisi prohibiti fuissent eorum præsertim memoria qui à Romanis missi erant per Siculas urbes in præfidia, in quibus Campani erant nobilissimi. Horum igitur parentes agrè impetrant ut legati ad Varrenem consulem, Canusium, quo ipse ex fuga sese receperat, mitterentur. Profecti Venuſiam consulem cum paucis inveniunt, ubi senatum populumque Campanum agrè ferre nuntiant quod ita infelicitè ad Cannas res gesta esset: ita placere, ut quicquid bello usui esset, benigrè ac comiter subministraretur. Varro post in hanc sententiam legatis respondit.

MOREM magis loquendi cum sociis servastis, Campani; jubentes quæ opus essent,

sent, ad bellum, imperare, quàm convenienter ad præsentem fortunæ nostræ statum loquuti estis. Quid enim nobis ad Cannas relictum est, ut quasi aliquid habeamus, id quod deest, expleri à fociis velimus? pedites vobis impereamus, tanquam equites habeamus? pecuniam deesse dicamus, tanquam ea tantum desit? Nihil, ne quod suppleremus quidem, nobis reliquit fortuna. legiones, equitatus, arma, signa, equi virique, pecunia, commectus, aut in acie, aut in ruinis postero die amissis castris perierunt: itaque non juvetis nos in bello oportet, Campani, sed pene bellum pro nobis suscipiatis. Veniat in mentem, ut trepidos quondam majores vestros intra mœnia compulso, nec Samnitum modò hostem, sed etiam Fidicinum paventes, receptos in fidem apud Satriculam defenderimus, cœptumque propter vos cum Samnitibus bellum, per centum propè annos, variante fortunâ eventum, tulerimus. Adjicite adhuc, quòd fœdus æquum dedimus, quòd leges vestras, quòd ad extremum, (id quod ante Cannensem certè cladem maximum fuit) civitatem nostram magnæ parti vestrûm dedimus, communicavimusque vobiscum. Itaque communem vos hanc cladem, quæ accepta est, credere, Campani, oportet, communem patriam tuendam arbitrari esse. Non cum Samnite aut Etrusco res est, ut quod à nobis ablatum sit, in Italia tamen imperium maneat; Pœnus hostis ne

Africæ quidem indigenam, ab ultimis terrarum oris, freto Oceani, Herculisque columnis, expertem omnis juris & conditionis, & linguæ prope humanæ, militem trahit. Hunc naturâ & moribus immitem ferumque, insuper dux ipse efferavit, pontibus ac molibus ex humanorum corporum strue faciendis: & (quod proloqui etiam piget) vesci humanis corporibus docendo, hos infandis pastos epulis, quos contingere etiam nefas sit, videre atque habere dominos, & ex Africa & à Carthagine jura petere, & Italiam Numidarum ac Mauro- rum pati provinciam esse, cui non, genito modo in Italia, detestabile sit? Pulchrum erit, Campani, prolapsam clade Romanum imperium vestra fide, vestris viribus retentum ac recuperatum esse. Triginta millia peditum, quatuor equitum, arbitror ex Campania scribi posse: jam pecuniæ affatim est, frumenti- que. Qui si parem fortunæ vestræ fidem habetis, nec Annibal se vicisse sentiet, nec Roma- ni se victos esse.

O R A T I O

PEROLLÆ AD PACUVIUM Calaviūm pa- trem de interficiendo Annibale.

A R G U M E N T U M.

Annibal, autoritate atque diligentia Pacuvii Calavii, (de quo paulo antè diximus) Capuam in fidem acceperat. Is urbem ingressus, se apud Calaviūm canare velle pronuntiat: cui convivio tres mo- do Campanos adhibuit, in quibus Perolla filius Pacuvii, qui ali- quanto antè patris deprecatione ac precibus Annibali placatus erat. Hic Perolla hilariter ceteris opulantibus unus, tristis, nec dominorum invitatione vinci potuit, nec ipsius Annibalis, ut cu- ris amotis & seclusis letus convivatur. Ac quum forte ante

noctem

noctem Pacuvius ex convivio egressus, in hortum qui posticis adium partibus subiectus erat, secederet: patrem filius Parolla sequutus, ita ut sequitur, consilium suum de interficiendo. Annibale declaravit. Pater ex filio quum ea audivisset, velut si jam interesset in ligno atque detestabili facinori, filium ut deinde sequitur, ab indignitate & atrocitate facinoris flebiliter deterrebat. Filius inde precibus atque lachrymis patris victus, facinus conceptum se non editurum promisit.

CONSILIUM affero, pater, quo non veniam solum peccati, quo defecimus ad Annibalem, impetraturi ab Romanis, sed in multo majore dignitate & gratia simus Campani, quàm unquam fuimus. *Quum mirabundus pater, quidnam id esset consilii, quæreretur: togâ rejectâ ab humero, latus succinctum gladio nudat. Jam ego, inquit, sanguine Annibalis sanciam Romanum fœdus. Te id prius scire volui, si forte abesse, dum facinus patratur, malles.*

O R A T I O

PACUVII CALAVII FILIUM à facinore dehortantis.

PER ego te fili, quæcunque jura liberos jungunt parentibus, precor quæsoque, ne ante oculos patris facere & pati omnia infanda velis. Paucae horæ sunt, intra quas jurantes per quicquid Deorum est, dextræ dextras jungentes, (fidem) obstrinximus ut sacratas fide manus: digressi à colloquio extemplo in eum armaremur? Surgis ab hospitali mensa, ad quam tertius Campanorum adhibitus ab Annibale es: ut eam ipsam mensam cruentares hospitis sanguine? Annibalem pater filio meo po-

tui placare, filium Annibali non possum? Sed si nihil sancti, non fides, non religio, non pietas audeantur infanda, si non perniciem nobis cum scelere afferunt. unus aggressurus es Annibalem? Quid illa turba tot liberorum servorumque? quid in unum intenti omnium oculi? quid tot dextræ? torpescantne in amentia illa? vultum ipsius Annibalis, quem armati exercitus sustinere nequeunt; quem horret populus Romanus, tu sustinebis? Et alia auxilia desint, meipsum ferire, corpus meum opponentem pro corpore Annibalis, sustinebis? Atqui per meum pectus petendus ille tibi transfigendusque est. Deterreri hinc sine te potius, quàm illic vinci, valeant preces apud te meæ, sicut pro te hodie valuerunt.

O R A T I O

PEROLLÆ, quâ Pacuvio patri respondet.

EGO quidem, quam patriæ debeo pietatem exsolvam patri. Tuam doleo vicem, cui ter proditæ patriæ sustinendum est crimen: semel, quum defectionis ab Romanis: iterum, quum pacis cum Annibale fuisti author: tertio hodie, quum restituendæ Romanis Capuæ mora atque impedimentum es. Tu patria, ferrum, quo pro te armatus hanc arcem defendere volebam, hosti iniquè parcens, quando parens extorquet, recipe.

VERBA

V E R B A

MAGII DECII ad circumfusam multitudinem.

A R G U M E N T U M.

Magius Decius Capuæ inter alios censebat præsidium Annibalis Capuam recipiendum non esse, aut receptum ejiciendum, aut certè interficiendum, ut ita nobili facinore Romanis Campani se restituerent. Perlatum id erat in castra ad Annibalem, & jam eum in castra acciri jusserat, quum negantem eum comprehendi & ad se adduci jubet. At repente mutato consilio, priusquam adduci posset, alium præmittit, qui prætori nuntiaret, & moneret ne Decium duceret, se enim postero die Capuæ assuturum. Eo ipso die Annibali ingressuro Capuam unus Decius eum suis obviam non est egressus. Postero die senatu dato, Decium inter alia ad se adduci jubet. Comprehensus quum dicere causam jussus negaret legē fœderis ad id cogi posse: tum injectis eatenis ante lictorem duci jussus est. Ipse quoad capite aperto fuit, dum ducitur, ita ad circumfusam multitudinem vociferabatur.

HABETIS libertatem, Campani, quam petistis; foro medio, luce clara; videntibus vobis, nulli Campanorum secundus, vinctus ad mortem rapior. Quid violentius Capuā captā fieret? Ite obviam Annibali, exornate urbem, diemque adventus ejus consecrate, ut hunc triumphum de cive vestro spectetis.

O R A T I O

HIMILCONIS, BARCHINÆ factionis viri,
adversus Hannonem.

A R G U M E N T U M.

Mago Amilcaris filius Carthaginem profectus, senatu dato, quæ ad Cannas gesta erant, expositis, ob victoriam Deis sacrum, auctoritate Annibalis, haberi jusserat. Himilco ex hoc tam leto nuntio nactus occasiōnem Hannonis alterius factionis principis eludendi, & reprehendendi, ita eum aggressus est. Hanno deinde respondet.

QUI est Hanno? etiam nunc te pœnitet belli suscepti adversus Romanos? Jube dedi

Annibalem : veta in tam prosperis rebus grates
Diis immortalibus agi. audiamus Romanum
senatorem in Carthaginensium curia.

O R A T I O

HANNONIS Himilconi respondentis.

TACUISSEM hodie , P. C. ne quid in
communi omnium gaudio, minus letum
quod esset vobis , loquerer. nunc interrogante
senatore, poeniteat ne me adhuc suscepti adver-
sus Romanos belli , si reticeam , aut superbus
aut obnoxius videar : quorum alterum est ho-
minis alienæ libertatis obliti ; alterum suæ. Re-
spondeam igitur Himilconi , non desuisse poe-
nitere me belli , neque desitutum ante invi-
ctum nostrum imperatorem incusare , quàm
finitum aliquâ tolerabili conditione bellum vi-
dero : Nec mihi pacis antiquæ desiderium ulla
alia res quàm pax nova finiet. Itaque ista quæ
modo Mago jactavit , Himilconi cæterisque
Annibalis satellitibus tam læta sunt , mihi pos-
sunt læta esse , quia res bello bene gestæ , si vo-
lumus fortunâ uti , pacem nobis æquiorem da-
bunt. nam si prætermittimus hoc tempus , quo
magis dare quàm accipere possumus videri pa-
cem , vereor ne hæc quoque lætitia luxuriet
nobis , ac vana evadat. Quæ tamen nunc quo-
que qualis est ? Occidi exercitus hostium : mit-
tite milites mihi , quid aliud rogares , si esses vi-
ctus ? Hostium cepi bina castra , prædæ videli-
cet plena & commeatumum ; frumentum , &
pecu-

pecuniam date. quid aliud, si spoliatus, si exutus castris esses, peteres? Et ne omnia ipse mitter, (mihi quoque enim, quoniam respondi Himilconi, interrogare jus fasque est) velim seu Himilco seu Mago respondeat: quum ad internecionem Romani imperii pugnatum ad Cannas sit, constetque in defectione totam Italiam esse; primum, ecquis Latini nominis populus defecerit ad nos? deinde ecquis homo, ex quinque & triginta tribubus, ad Annibalem transfugerit? *Quum utrumque Mago negasset*: Hostium quidem ergo *inquit*, nimis adhuc multum superest: sed multitudo ea quid animorum, quidve spei habeat, scire velim. *Quum id nescire se, Mago diceret*: Nihil facilius scitu est, *inquit*, Ecquos legatos ad Annibalem Romani miserunt de pace? ecquam denique mentionem pacis Romæ factam esse, allatum ad vos est? *Quum id quoque negasset*: Bellum igitur, *inquit*, tam integrum habemus, quàm habuimus, quâ die Annibal in Italiam est transgressus. Quàm varia victoria priorre Punico bello fuerit, plerique qui meminerimus, supersumus. nunquam terrâ marique magis prosperæ res nostræ visæ sunt, quàm ante consules C. Lucatium & A. Posthumium fuerunt. Lucatio & Posthumio consulibus, devicti ad Ægateas insulas sumus. Quòd si (id quod Dii omen avertant) nunc quoque fortuna aliquid variaverit; tum pacem speratis quum vincemur, quam nunc, quum vincimus, dat

nemo? Ego, si quis de pace consulat, seu deferenda hostibus seu accipienda; habeo quid sententiæ dicam: si de iis quæ Mago postulat, refertis; nec victoribus mitti attinere puto; & frustrantibus nos fallâ atque inani victoriâ, multo minus censeo mittenda esse.

ORATIO

SAMNITIUM LEGATORUM ad Annibalem, quâ petunt ut opem adversus Romanos ferat.

ARGUMENTUM.

Marcellus Nolam urbem quum teneret praefiliis, in agrum Hirpinum & Samnitium Caudinorum excursiones faciendo, ferro & igne omnia vastabat. Is clauibus uterque populus adiunctus legatos ad Annibalem conquestum injurias mittit. Priores Samnites, ita injurias exposuerunt.

HOSTES Populi Romani, Annibal, fuimus primùm per nos ipsi, quoad nostra arma, nostræ vires nos tutari poterant. Posteaquam iis parum fidebamus, Pyrrho regi nos adjunximus: à quo relictî, pacem necessariam accepimus, fuimusque in ea per annos prope quinquaginta, ad id tempus quo in Italiam venisti. Tua nos non magis virtus fortunaque, quàm unica comitas ac benignitas erga cives nostros, quos captos nobis remisisti, ita conciliavit tibi, ut te salvo atque incolumi amico, non modo populum Romanum, sed ne Deos quidem iratos (si dici fas est) timeremus. At, Hercule, non solum incolumi & victore, sed præsentem te, quum ploratum propè conjugum ac liberorum nostrorum exaudire, & flagrantia recta posses conspiciere; ita sumus aliquo-
tics

ties hac æstate devaſtati, ut M. Marcellus, non Annibal viſſe ad Cannas videatur; glori-
turque Romani, te ad unum modò iſtum vi-
gentem, velut jaculo emiſſo torpere. Per cen-
tum propè annos cum populo Romano bellum
geſſimus: nullo externo adjuti nec duce, nec
exercitu: niſi quòd per biennium Pyrrhus no-
ſtro magis milite ſuas auxit vires, quàm ſuis vi-
ribus nos defendit. Non ergo ſecundis rebus
noſtris gloriabimur: duos conſules, ac duos
conſulares exercitus à nobis ſub jugum miſſos,
& ſi quæ alia aut læta aut glorioſa nobis even-
runt, quæ aſpera adverſaque tunc acciderunt,
minore indignatione referre poſſumus, quam
quæ hodie eveniunt. Magni dictatores cum ma-
giſtris equitum, bini conſules cum binis con-
ſularibus exercitibus ingrediebantur fines no-
ſtros; antè explorato & ſubſidiis poſitis, & ſub
ſignis ad populandum ducebant. nunc prope u-
nius & parvi ad tuendam Nolam præſidii præda
ſumus. Jam, ne manipulatim quidem, ſed la-
tronum modo, percuſant totis finibus noſtris
negligentius, quàm ſi in Romano vagarentur
agro. Cauſa autem hæc eſt, quòd neque tu de-
fendis, & noſtra juvenus, quæ ſi domi eſſet,
tutaretur, omnis ſub ſignis militat tuis. Nec te,
nec exercitum tuum norim: niſi à quo tot Ro-
manas acies ſuſas ſtratasque eſſe ſciam, ei facile
eſſe ducam opprimere populatores noſtros va-
gos, ſine ſignis, palatos, quòd quemque trahit,
quamvis vana, prædæ ſpes Numidarum pauco-

rum illi quidem præda erunt, præsidiumque
missum nobis & Nolę ademptum erit: si modo,
quos ut socios habere dignos duxisti, haud in-
dignos judicas, quos in fidem receptos tuearis.

Ex vicesimoquarto libro ab urbe condita.

O R A T I O

FABI MAXIMI ad populum de deligendo
imperatore.

A R G U M E N T U M.

Fabius sub finem anni Romam rediens, comitia consularia edixerat, quibus prærogativa juniorum P. Otacilium, qui ejus Fabii filiam habebat uxorem, & M. Emilium Regillum consules dixerunt. Quod ubi Fabius intellexit, hac concione suadebat, nec Otacilio rerum & imperii summam deferendam esse, nec consulem eum habendum: videndum autem cui Bellum mandari posset adversus Annibalem.

SI aut pacem in Italia aut bellum cum eo ho-
ste haberemus in quo negligentia aut erro-
ri locus esset, qui vestris studiis, quæ in cam-
pum ad mandandos, quibus velitis honores,
affertis, moram ullam offerret, is mihi parum
meminisse videretur vestrae libertatis. sed quum
in hoc bello, cum hoc hoste, nunquam ab ullo
duce sine ingenti nostra clade erratum sit, ca-
dem vos cura, quâ in aciem armati descenditis;
inire suffragium ad creandos consules decet,
& sibi sic quemque dicere; Annibali impe-
ratori parem consulem nomino. Hoc anno ad
Capuam Jubellio Taureæ Campano summo
equiti provocanti, summus Romanus eques
Asellus Claudius oppositus. Adversus Gallum
quondam provocantem in ponte Anienis,
Manlium, fidentem & animo & viribus, misè-

re majores nostri. Ob eandem causam haud multis annis post fuisse non negaverim, cur M. Valerio non diffideretur adversus similiter provocantem arma capienti Gallum ad certamen. Quemadmodum pedites equitesque optamus, ut validiores, si minus ut pares hosti habeamus; ita duci hostium parem imperatorem quæramus. Quum qui est summus in civitate dux, eum legerimus; tamen repente lectus, in annum creatus, adversus veterem ac perpetuum imperatorem comparabitur nullis neque temporis, neque juris inclusum angustiis, quò minus ita omnia gerat administretque, ut tempora postulabunt belli; nobis autem in apparatu ipso, ac tantum inchoantibus res, annus circumagitur. Quoniam quales viros creare vos Consules deceat, satis est dictum; restat ut pauca de eis, in quos prærogativæ favor inclinavit, dicam. M. Æmilius Regillus flamen est Quirinalis, quem neque mittere à sacris, neque retinere possumus, ut non Deum aut belli deferamus curam. Oracilius, sororis meæ filiam uxorem, atque ex ea liberos habet. cæterum non ea vestra in me majoresque meos merita sunt, ut non potiozem privatis necessitudinibus Rempublicam habeam. **QUI LIBET** nautarum vectorumque tranquillo mari gubernare potest: ubi sæva orta tempestas est, ac turbato mari rapitur vento navis, tum viro & gubernatore opus est. Non tranquillo navigamus, sed jam aliquot procellis submersi penè

penè sumus. Itaque quis ad gubernacula se-
deat, summa cura providendum ac præcaven-
dum vobis est. In minore re experti, T. Octa-
cili, operam tuam sumus. haud sanè, cur ad
majora tibi fidamus, documentum quicquam de-
disti. Classẽm hoc anno; cui tu præfuis-
ti, trium rerum causã paravimus: ut Africæ oram
popularetur, ut tuta nobis Italiæ littora essent,
ante omnia, ne supplementum cum stipendio
commeatuque ab Carthagine Annibali trans-
portaretur. Create consulem T. Octacilium,
non dico si omnia hæc, sed si aliquid eorum
Reipub. præstitit. Sin autem, te classẽm obti-
nente, etiam velut pacato mari quilibet An-
nibali tuta atque integra ab domo venerunt,
si ora Italiæ infestior hoc anno, quàm Africæ
fuit; quid dicere potes, cur te potissimum du-
cem Annibali hosti opponant? Si consul es-
ses, dictatorem dicendum exemplo majorum
nostrorum censeremus. nec tu id indignari
posses, aliquem in civitate Romana meliorem
bello haberi, quàm te. Magis nullius inter-
est, quàm tua, T. Octacili, non imponi cervi-
cibustuis onus, sub quo concidas. Ego ma-
gnopere suadeo, eodem animo, quo, si stanti-
bus vobis in aciem armatis, repente deligendi
duo imperatores essent, quorum ductu atque
auspicio dimicaretis, hodie quoque consules
creetis, quibus sacramenta liberi vestri dicant,
ad quorum edictum convenient, sub quorum
tutela atque cura militent. Lacus Thrasymenus

menus & Cannæ, tristis ad recordationem exempli; at ad præcavendum simile, utiles documento sunt.

O R A T I O

T. GRACCHI AD MILITES.

A R G U M E N T U M.

Ad Beneventum T. Gracchus in castris legiones magna ex parte Volonum servorum habebat, inter quos quum forte quari audiret quando libertate donarentur: missis ad senatum hac de re literis, quibus eorum fortitudinem laudabat, impetravit ut quod è Repub. videretur, faceret. Quod quum ab ipso referente audirent, liberos item se facturum qui egregiè pugnavissent, dicentem, nihil quàm in hostem pugnare malebant: adeo libertatis dulcedo eos mordebat. Quum verò eorum quatur millia segnius eum hoste congressa metu pænæ, collem qui non procul à castris aberat, cæpissent, postero tamen die inde accitos cum ceteris libertate donavit. Concione inde advocata, ita eos qui secessissent, se multaturum pronuntiavit.

PRIVS QUAM omnes jure libertatis æquassem, neminem notâ strenui aut ignavi militis notasse volui. Nunc exsoluta jam fide publica, ne discrimen omne virtutis ignaviæque pereat, nomina eorum, qui detractatæ pugnæ memores secessionem paulò ante fecerunt, referri ad me jubebo: citatosque singulos jurejurando adigam, nisi quibus morbus causa erit, non aliter, quàm stantes cibum potumque, quoad stipendia facient, capturos esse. Hanc multam ita æquo animo feretis, si reputabitis, nulla ignaviæ non a leviori vos designari potuisse.

O R A -

ORATIO

L. PINARII PRÆFECTI præsidii Romanorum Ennæ, quâ suos exhortatur.

ARGUMENTUM.

L. Pinarius Ennæ præsidii Romanorum præfectus, præsidium Murgantia ab incolis proditum oppressumque audiens, diligenter videbat, ne Ennenses quoque præsidium cuius erat præfectus, prodere atque opprimere possent. Iamque nonnihil de prodicione cum Himilcone pacta audiebat, quum, reposcentibus Ennensibus claves portarum civitatis, pertinaciter negat se daturum. Li quum nulla ratione pervincere se posse viderent ut redderentur, vindictam aliquam suæ libertatis se quasituros denuntiant. Tum Pinarius sibi consilium dari populi postulat, ut sciret utrum paucorum an universæ civitatis ea denuntiata forent. Consensu itaque omnium concio in posterum diem edisitur. Ipse ex eo colloquio in arcem receptus, ita suorum animos in diem posterum comparat.

CREDO ego vos audisse, milites, quemadmodum præsidia Romana ab Siculis circumventa & oppressa sint per hos dies. Eam vos fraudem Deum primò benignitate, dein vestra ipsi virtute dies noctesque perstando ac pervigilando in armis, vitastis. utinam reliquum tempus nec patiendo infanda, nec faciendo, traduci possit. Hæc occulta fraude cautio est: quæ, quia adhuc minus cuiquam successit, aperte ac propalam claves portarum reposcunt; quas simul tradiderimus Carthaginiensium extemplo Enna erit, fœdiusque hic trucidamur, quam Murgantiæ præsidium interfectum est. Noctem unam ægrè ad consultandum sumpsi, quâ vos certiores periculi instantis facerem. Ortâ luce concionem habituri sunt ad criminandum me concitandumque in vos populum. itaque crastino die, aut vestro,
aut

aut Ennensium sanguine Enna inundabitur. nec præoccupati, peculii, nec occupantes, periculi quicquam habebitis. qui prior strinxerit ferrum, ejus victoria erit. Intenti ergo omnes, armatique signum expectabitis. ego in concione ero: & tempus, quoad omnia instructa sint, loquendo altercandoque traham. Quum toga signum dederō, tum mihi undique clamore sublato turbam invadite, ac sternite omnia ferro: & cavete, quisquam ex iis supersit, à quibus aut vis aut fraus timeri possit. Vos, Ceres mater ac Proserpina, precor, cæteri superni infernique Dii, qui hanc urbem, hos sacratos lacus lucosque colitis, ut ita nobis volentes propitii adsitis, si vitandæ, non inferendæ fraudis causâ hoc consilii capimus. Pluribus, vos, milites, hortarer, si cum armatis dimicatio futura esset, inermes, incautos ad sanguinitatem trucidabitis. Et consulis castra in propinquo sunt, nequid ab Himilcone & Carthaginensibus timeri possit.

Ex vicesimo quinto libro ab urbe condita.

O R A T I O

RELEGATORUM MILITUM ad M. Marcellum,
de mutatione conditionis.

A R G U M E N T U M.

Milites eos qui Cannensi cladi superfuert, senatus in Siciliam ad militandum, quoad Punicum bellum finitum esset, non redituros Romam, relegaverat. Ii dum P. Lentulo militant ab eo impetrant, ut primores equitum centurionumque in hyberna ad M. Marcellum mitterentur; qui de conditione atque fortuna conquererentur. Ex iis unus, potestate dicendi factus, in hæc verba causam suam egit.

CON-

CONSULEM te, M. Marcelle, in Italiam
cadissemus, quum primum de nobis, etsi
non iniquum, certè triste senatûsconsultum fa-
ctum est: nisi hoc sperassemus, in provinciam
nos morte regum turbatam ad grave bellum
adversus Siculos simul Pœnosque mitti, & san-
guine nostro vulneribusque magistratibus sa-
tisfacturos esse: sicut patrum memoriâ qui ca-
pti à Pyrrho ad Heracleam erant, adversus Pyr-
rhum ipsum pugnantes satisfecerunt. Quan-
quam quod ob meritum nostrum succensui-
stis, P. C. nobis, aut succensetis? Ambos mihi
consules & universum senatum intueri vi-
deor, quum te, M. Marcelle, intueor: quem
si ad Cannas consulem habuissimus, melior &
Reipub. & nostra fortuna esset. Sine, quæso,
priusquam de conditione nostra queror, no-
xam, cujus arguimur, nos purgare. Si non
Deûm irâ nec fato, cujus lege immobilis re-
rum humanarum ordo feritur, sed culpâ perii-
mus ad Cannas, cujus tandem ea culpa fuit?
militum, an imperatorum? Equidem miles ni-
hil unquam dicam de imperatore meo, cui præ-
sertim gratias sciam à senatu actas, quod non
desperaverit de Repub. cui post fugam à Can-
nis per omnes annos prorogatum imperium.
Cæteros item ex reliquiis cladis ejus, quos tri-
bunos militum habuimus, honores petere &
gerere, provincias obtinere audivimus. An
vobis vestrisque liberis ignoscitis facilè P. C. in
hæc vilia capita sævitis, & consuli primoribus-
que

que aliis civitatis fugere , quum spes alia nulla esset, turpe non fuit ; milites utique morituros in aciem misistis? Ad Alliam propè omnis exercitus fugit : ad Furculas Caudinas, ne expertus quidem certamen , arma tradidit hosti , (ut alias pudendas clades exercituum taceam:) tamen tantum absuit ab eo , ut ulla ignominia iis exercitibus inureretur, ut & urbs Roma per eum exercitum , qui ab Allia Vejos transfugerat , recuperaretur , & Caudinæ legiones, quæ sine armis redierant Romam , armatæ remissæ in Samnium , eundem illum hostem sub jugum miserint , qui hâc suâ ignominiâ lætatus fuerat , Cannensem verò quisquam exercitum fugæ aut pavoris insimulare potest, ubi plus quinquaginta milia hominum ceciderunt? unde consul cum equitibus quinquaginta fugit? unde nemo superest , nisi quem hostis cædendo fessus reliquit? Quum captivis redemptio negabatur , nos vulgo homines laudabant , quod Reipub. nos reservassemus: quod ad consulem Venusiam redissemus , & speciem justî exercitus fecissemus. Nunc deteriores conditione sumus , quàm apud patres nostros fuerant captivi. quippe illis arma tantum atque ordo militandi , locusque in quo tenderent, in castris est mutatus : quem tamen , semel navatâ Reipub. ope , & uno felici prælio , recuperarunt. Nemo eorum relegatus in exilium est : nemini spes emerendi stipendia adempta est : hostis denique est datus , cum quo dimicantes ,
aut

aut vitam semel aut ignominiam finirent. Nos, quibus (nisi quod commisimus, ut quisquam ex Cannensi acie miles Romanus superesset,) nihil objici potest; non solum à patria procul Italiaque, sed ab hoste etiam relegati sumus, ubi senescamus in exilio, ne qua spes, ne qua occasio abolendæ ignominiae, ne qua placandæ civium iræ, ne qua denique benè moriendi sit. Neque ignominiae finem, nec virtutis præmii petimus; modò experiri animum, & virtutem exercere liceat. laborem & periculum petimus, ut virorum, ut militum officio fungamur. Bellum in Sicilia jam alterum annum ingenti dimicatione geritur: urbes alias Pœnus, alias Romanus expugnat: peditum & equitum acies concurrunt: Syracusæ terrâ marique res geritur: clamorem pugnantium, crepitumque armorum exaudimus resides ipsi ac segnes? tanquam nec manus nec arma habeamus. Servorum legionibus T. Sempronius Consul toties jam cum hoste signis collatis pugnavit. Operæ pretium habent, libertatem, civitatemque pro servis saltem ad hoc bellum emptis nobis simul congrédi cū hoste liceat, & pugnando quærere libertatem. Vis tu mari, vis terrâ, vis acie, vis urbibus oppugnandis experiri virtutem? Asperima quæque ad laborem periculumque deposcimus, ut quod ad Cannas faciendum fuit, quàm primùm fiat. quoniam quicquid postea viximus, id omne destinatum ignominiae est.

O R A T I O

SYRACUSANORUM ad Marcellum
de deditiōe.

A R G U M E N T U M.

Syracusani, Hippocrate interfecto, Epicide ab Syracusis intercluso, occisis item præfectis Epicidis: tempus venisse rati Romanis se reconciliandi, legatos de deditiōe ad Marcellum mittunt. Legati rem ita apud Marcellum egerunt.

NEQVE primò Syracusani à vobis defecimus, sed Hieronymus; nequaquam tam in vos impius, quàm in nos: nec postea pacem tyranni cæde compositam Syracusanus quisquam, sed satellites regii Hippocrates atque Epicides, oppressis nobis hinc metu, hinc fraude turbaverunt. nec quisquam dicere potest, aliquando nobis libertatis tempus fuisse: quod pacis vobiscum non fuerit. Nunc certe cæde eorum, qui oppressas tenebant Syracusas quum primùm arbitrii nostri esse cœpimus, exemplo venimus ad tradenda arma: dedendos nos, urbem, mœnia: nullam recusandam fortunam, quæ imposita à vobis fuerit. Gloriam capte nobilissimæ pulcherrimæque urbis Græcarum Dii tibi dederunt, Marcelle. quicquid unquam terrâ marique memorandum gessimus, id tui triumphi titulo accedit. Famae ne credi malis, quanta urbs à te capta sit, quàm posteris quoque eam spectaculo esse. quò quisquis terrâ, quisquis mari venerit, nunc nostra de Atheniensibus Carthaginiensibusque trophæa, nunc tua de nobis ostendat, incolumesque Syracusas familiæ vestræ, sub clientela nominis

Mar-

Marcellorum tutelaque habendas tradas, ne plus apud vos Hieronymi quàm Hieronis memoria momenti faciat. Diutius ille multo amicus fuit, quàm hic hostis: & illius etiam benefacta persensistis: hujus amentia ad perniciem tantum ipsius valuit.

O R A T I O

L. MARTII quâ suos milites exhortatur.

A R G U M E N T U M.

L. Martius eques Romanus erat, sub Cn. Scipionis disciplina multis annis edoctus, ad quem, caesis duobus Scipionibus, milites sine dace imperii summam detulerant. Is Asdrubalem venire ad delendas exercitus Romani reliquias quum audiret, milites alios alia voce Scipionum mortem deplorantes increpans, quod non aliter quam mulierum ritu flerent, ita inflammavit, ut armis sumptis in hostem incompotè præ fiducia venientem, velut rabie accensi incurrerent. Ac eo ipso concursu jam eorum impressiones atque impetus hostis non sustinens, fuga elabebatur, quum Martius suos insequentes remoratur, dato signo receptui. Hostes hac fuga nihilo diligentiores intentioresque, reliquias tantum duorum exercituum delictorum, rati, nec stationes in castris habebant, nec vigiliarum ordines. Quæ ubi Martio explorata fuerunt, tum nemum irit consilium noctu in castra hostium irrumpendi. vocataque concione, ita militum animos præparavit.

VE L mea erga imperatores nostros vivos mortuosque pietas, vel præsens omnium nostrum, milites, fortuna fidem cuivis facere potest, mihi hoc imperium, ut amplum iudicio vestro, ita re ipsa grave ac sollicitum esse. Quo enim tempore, nisi metus nocerorem obstupesceret, vix ita compos mei essem, ut aliqua solatia invenire ægro animo possem, cogor vestram omnium vicem (quod difficillimum in luctu est) unus consulere & ac tum quidem,
ubi

ubi quonam modo has reliquias duorum exercituum patriæ conservare possim, cogitandum est; avertere animum ab assiduo mœrore libet. Præsto est enim acerba memoria, & Scipiones me ambo dies noctesque curis insomniisque agitant: & excitant sæpe somno, neu se, neu invictos per octo annos in his terris milites suos, commilitones vestros, neu Rempub. patior inultam, & suam disciplinam suaque instituta sequi jubent. Et ut imperiis vivorum nemo obedientior me uno fuerit, ita post mortem suam, quod quaque in re facturos illos fuisse maxime censeam; id optimum ducere vos quoque velim, milites non lamentis lachrymisque tanquam extinctos prosequi, (vivunt vigentque fama rerum gestarum) sed quotiescunque occurret memoria illorum, velut si adhortantes signumque dantes videatis eos, ita prælia inire. Nec alia profectò species hesterno die oculis animisque vestris oblata, memorabile illud edidit prælium: quo documentum dedistis hostibus, non cum Scipionibus extinctum esse nomen Romanum: & cujus populi vis atque virtus non obruta sit Cannensi clade, ex omni profectò sævitia fortunæ emerguram esse. Nunc, qui tantum ausi estis sponte vestra, experiri libet, quantum audeatis duce vestro authore, non enim hesterno die quum signum receptui dedi, sequentibus effusè vobis turbatum hostem, frangere audaciam vestram, sed differre in majorem gloriam atque opportuni-

tunitatem volui : ut postmodum præparati incautos, armati inermes, atque etiam sopitos, per occasionem aggredi possetis. Nec hujus occasionis spem, milites, fortè temere, sed ex re ipsa conceptam habeo. A vobis quoque profectò si quis quærat, quonam modo pauci à multis, victi à victoribus castra tutati sitis; nihil aliud respondeatis, quam idipsum timentes vos, omnia & operibus firmata habuisse, & ipsos paratos instructosque fuisse. Et ita se res habet. ad id, quod, ne timeatur, fortuna facit, minime tuti sunt homines: quia quod neglexeris, incautum atque apertum habeas. Nihil omnium nunc minus metuunt hostes, quàm ne obsessi modo ipsi atque oppugnati, castra sua ultrò oppugnemus. Audeamus, quod credi non potest ausuros nos: eo ipso, quod difficillimum videtur, facillimum erit. Tertia vigilia noctis silenti agmine ducam vos, exploratum habeo, non vigiliarum ordinem, non stationes justas esse. Clamor in portis auditus, & primus impetus castra ceperit tum inter torpidos somno, paventisque ad nec opinatum tumultum, & inermes in cubilibus suis oppressos, illa cædes edatur, à qua vos hesterno die revocatos ægrè ferebatis. Scio audax videri consilium: sed in rebus asperis & tenui spe fortissima quæque consilia tutissima sunt. quia si in occasionis momento, cujus prætervolat oportunitas, cunctatus paulum fueris, nequicquam mox omissam quæras. Unus exercitus

in

in propinquo est : duo haud procul absunt. nunc aggredientibus aliqua spes est : & jam tentastis vestras atque illorum vires. Si diem proferimus, & hesternæ eruptionis fama contemni desierimus ; periculum est , ne omnes duces omnesque copię conveniant. Tres deinde duces, tres exercitus sustinebimus hostium : quos Cn. Scipio incolumi exercitu non sustinuit ? Ut dividendo copias perire duces nostri, ita separati ac divisi opprimi possunt hostes. alia belligerendi via nulla est. proinde nihil præter noctis proximæ opportunitatem expectemus. Ite, Diis bene juvantibus : corpora curate, ut integri vigeretisque eodem animo in castra hostium irrumpatis, quo vestra tutati estis.

Ex vicefimo sexto libro ab urbe condita.

ORATIO

VIBII VIRII CAMPANI ad Campanos, quâ ne se dedant Romanis, dissuadet.

ARGUMENTUM.

Annibal, quum nec Capuam propter obsidionem Romanorum venire posset, nec hostes congregi vellent: consilium Romæ obsidenda quod jam diu animo conceperat, perficere placuit. Interim longa obsidione defatigati Campani, maxime transfugarum supplicio, consilium inibant dedenda Romanis Capuæ, At, quum hac de re sententiam omnes rogarent, Vibius Virius, qui author fuerat defectionis ab Romanis, rogatus sententiam, ita Campanorum animos à deditioe avertere conabatur.

QUID vos eam deditioem fore censetis, qua quondam, ut adversus Sannites auxilium impetraremus, nos nostraque omnia Romanis dedimus? Jam è memoria excessit, quo tempore, & in qua fortuna à populo Ro-

mano defecerimus ? jam quemadmodum in defectione præsidium , quod poterat emitti , per cruciatum & ad contumeliam , necaverimus ? quoties in obsidenteis , quàm inimici eruperimus , castra oppugnaverimus ? Annibalem vocaverimus ad opprimendos eos ? hoc quod recentissimum est , ad oppugnandam Romam hinc eum miserimus ? Age contra , quæ illi infestè in nos fecerint , repetite : ut ex eo quid speretis , habeatis. Quum hostis alienigena in Italia esset , & Annibal hostis & cuncta bello arderent , omiſſis omnibus , omiſſo ipſo Annibale , ambos consules & duos consulares exercitus ad Capuam oppugnandam miserunt. Alterum annum circumvallatos inclusosque nos fame macerant ; & ipsi nobiscum ultima pericula , gravissimos labores perpeſſi : circa vallum ac fossas sæpe trucidati , & propè ad extremum castris exuti. Sed omitto hæc. Vetus atque usitata res est , in oppugnanda hostium urbe labores ac pericula pati. illud iræ atque odii execrabilis indicium est. Annibal ingentibus copiis peditum equitumque castra oppugnavit , & ex parte cepit : tanto periculo nihil moti sunt ab obsidione. Profectus trans Vulturum , perussit Galenum agrum : nihil tantâ sociorum elade avvocati sunt. Ad ipsam urbem Romam infesta signa ferri jussit. eam quoque tempeſtatem imminentem spreverunt. Transgressus Anienem , tria millia passuum ab urbe castra posuit : postremò ad mœnia ipsa & ad portas

portas accessit. Romam se adempturum eis, nisi omitterent Capuam, ostendit: & non omiserunt. Feras bestias cæco impetu ac rabie concitatas, si ad cubilia & catulos earum ire pergas; ad opem suis ferendam avertas. Romanos Româ circumfessâ, conjuges, liberi, quorum ploratus hic quoque propè exaudiebantur, aræ, foci, Deûm delubra, sepulchra majorum vulsa, temerata ac violata, a Capua non averterunt. tanta aviditas supplicii expectendi, tanta sanguinis nostris hauriendi est sitis. Nec injuria forsitan: nos quoque idem fecissemus, si data fortuna esset. Itaque quando aliter Diis immortalibus visum est, quum mortem ne recusare quidem debeam; cruciatus contumeliasque quas sperat hostis, dum liber, dum mei potens sum, effugere morte præterquam honesta, etiam leni possum. Non videbo App. Claudium & Q. Fulvium, victoria insolenti subnixos, neque victus per urbem Romam triumphi spectaculum trahar, ut deinde in carcere, aut ad palum deligatus, lacerato virgis tergo, cervicem securi Romanæ subjiciam: nec dirui incendiique patriam videbo: nec rapi ad stuprum matronas Campanas, virginesque, & ingenuos pueros Albam, unde ipsi oriundi erant, à fundamentis proruunt, ne stirps, ne memoria originum suarum extaret: nedum eos Capuæ parsuros credam, cui infestiores quàm Carthagini sunt. Itaque quibus vestrum ante fato cedere, quàm hæc tot & tam acerba vi-

deant, in animo est; iis apud me hodie epulæ instructæ paratæque sunt. Satiatis vino ciboque poculum idem, quod mihi datum fuerit, circumferetur: ea potio corpus à cruciatu, animum à contumeliis, oculos, aures, à videntis audiendisque omnibus acerbis indignisque, quæ manent victos, vindicabit. postea parati erunt, qui magno rogo in propatulo ædium accenso corpora exanima injiciant. Hæc una via & honesta & libera ad mortem, & ipsi virtutem mirabuntur hostes, & Annibal fortes socios sciet ab se desertos ac proditos esse.

O R A T I O

M. MARCELLI ad P. C. se adversus Syracusanos oratores defendentis.

A R G U M E N T U M.

Missi erant Romam à Syracusanis oratores, qui de injuriis illatis à Marcello, quum Syracusas cepit; conquererentur. Intromissi in senatum, inter alia etiam illud objiciebant, quod Syracusas vi & armis, quam devotione capere maluisset: principes ea causa ad se missos saepe aversatus, re infecta remisisset: captam urbem spoliasset: mania domosque diruisset: fana Deum diripuisset: bona singulis ademisset. De his quæsti Marcello presente, quum iussi abirent, à Marcello revocati sunt, quibus presentibus, ita ut sequitur, se defendit.

NON adeo majestatis populi Romani imperiique hujus oblitus sum, -p. c. ut si de meo crimine ambigeretur, consul dicturus causam, accusantibus Græcis, fuerim. Sed non quid ego fecerim, in disquisitionem venit, (nam, quicquid in hostibus feci, jus belli defendit) sed quid isti pati debuerint. qui si non fuerunt hostes, nihil interest nunc, an vivo Hiero-
ne

ne Syracusos violaverim. Sin autem desciverunt, legatos nostros ferro atque armis petierunt, urbem ac moenia clauferunt, exercitumque Carthaginiensium adversus nos tutati sunt; quis passos esse hostilia, quum fecerint, indignatur? Tradentes urbem principes Syracusanorum, averfatus sum: Sosin, & Mericum Hispanum, quibus tantam rem crederem, potiores habui. Non estis extremi Syracusanorum, quippe qui aliis humilitatem objiciatis. Quis est vestrum, qui se mihi portas aperturum, qui armatos milites meos in urbem accepturum promiserit? Odistis, & execramini eos qui fecerunt, & ne hic quidem contumeliis in eos dicendis parcitis: tantum abest, ut & ipsi tale quicquam facturi fueritis. Ipsa humilitas eorum, p. c. quam isti objiciunt, maximo argumento est, me neminem, qui navatam operam Reipublicæ nostræ velit, averfatum esse. Et antequam obsiderem Syracusas, nunc legatis mittendis, nunc ad colloquium eundo, tentavi pacem: & posteaquam neque legatos violandi verecundia erat, nec mihi ipsi congresso ad portas cum principibus responsum dabatur, multisterra marique exhaustis laboribus, tandem vi atque armis Syracusas cepi. Quæ captis acciderint, apud Annibalem & Carthaginienses, victosque justius, quam apud victoris populi Romani senatum, quererentur. Ego, p. c. Syracusas spoliatas si negaturus essem, nunquam spoliis earum urbem Romam exor-

narem. quæ autem singulis victor aut ademi aut dedi ; cum belli jure, tum ex cujusque merito, satis scio me fecisse. Ea vos rata habeatis P. C. necne, magis Reipub. interest, quàm meà. Mea quippe fides exsoluta est : ad Rempub. pertinet, ne acta mea rescindendo, alios in posterum segniores duces faciatis. Et quoniam coràm, & Sicularum, & mea verba audistis, P. C. simul templo excedemus, ut me absente liberius consuli senatus possit.

O R A T I O

P. SCIPIONIS ad veteres milites.

A R G U M E N T U M.

P. Scipio is cuius pater atque patruus in Hispania interfecti fuerant, omnium centuriarum tribuumque consensu ante quartum & vicefimum annum ad bellum Hispanicum imperator delectus erat. Iam vero ad id tempus vetus exercitus patris atque patrui in Hispania manserat : ad quem Turrocone primo vere veniens, quum Itherum trajecturus esset, ita ejus exercitus animos ad bellum præparavit.

NEMO ante me novus imperator militibus suis ; priusquam operâ eorum usus esset, gratias agere jure ac meritò potuit. Me vobis, priusquam provinciam aut castra viderem, obligavit fortuna ; primùm, quod ea pietate erga patrem patruumque meum vivos mortuosque fuistis : deinde, quod amissam tantâ clade provinciæ possessionem integram, & populo Romano, & successori mihi, virtute vestra obtinuistis. Sed quum jam benignitate Deum id paremus atque agamus, non ut ipsi maneamus in Hispania, sed ne Pœni maneant ; nec ut pro ripa Iberi stantes arceamus transi-

tum

tum hostis, sed ut ultrò transeamus, transferamusque bellum; vereor, ne cui vestrū majus id audaciusque consilium, quam aut pro memoria cladum nuper acceptarum, aut pro ætate mea videatur. Adversæ pugnæ in Hispania, nullius in animo, quàm meo, minus obliterari possunt. quippe cui pater & patruus, intra triginta dierum spatium, ut aliud super aliud cumlaretur familiæ nostræ funus, interfecti sunt. Sed ut familiaris penè orbitas ac solitudo frangit animum; ita publica quum fortuna tum virtus, desperare de summa rerum prohibet; eo fato quodam data nobis fors est, ut magnis omnibus bellis victi vicerimus. Vetera omitto, Porſenam, Gallos, Samnites: à Punicis bellis incipiam. Quot classes, quot duces, quot exercitus priore bello amissi sunt? Jam quid hoc de bello memorem? Omnibus aut ipse adfui cladibus: aut quibus absfui, maximè unus omnium eas sensi. Trebia, Thrasymenus, Cannæ, quid aliud sunt, quàm monumenta occisorum exercituum, consulumque Romanorum? Adde defectionem Italiæ, Siciliæ, majoris partis Sardinia, Adde ultimum terrorem ac pavorem, castra Punica inter Anicnem & moenia Romana posita, & visum propè in portis victorem Annibalem. In hac ruina rerum, stetit una integra atque immobilis virtus populi Romani. Hæc omnia strata humi crexit ac sustulit. Vos omnium primi, milites; post Cannensem cladem vadenti Asdrubali ad Alpes Italiamque,

qui si se cum fratre conjunxisset, nullum jam nomen esset populi Romani, ductu auspicioque patris meis obstitistis. & hæc secundæ res illas adversas sustinuerunt. Nunc benignitate Deum, omnia secunda, prospera, indies lætiora ac meliora in Italia Siciliaque geruntur. In Sicilia, Syracusæ Agrigentumque captum. pulsi tota insula hostes, receptaque provincia in ditione populi Romani est. In Italia Arpi recepti, Capua capta. Iter omne ab urbe Roma trepida fuga emensus Annibal, in extremum angulum agri Brutii compulsus, nihil jam majus precatur Deos, quàm ut incolumis cedere atque abire ex hostium territorialiceat. Quid igitur minus conveniat, milites, quàm quum aliæ super alias clades cumularentur, ac Dii prope ipsi cum Annibale starent, vos hic cum parentibus meis (æquentur enim etiam honore nominis) sustinuisse labantem fortunam populi Romani: nunc eosdem, quia illic omnia secunda lætaque sunt, animis deficere? Nuper quoque quæ acciderunt, utinam tam sine meo luctu, quam vestro transissent! Nunc Dii immortales imperii Romani præsides, qui centuriis omnibus, ut mihi imperium juberent dari, fuere auctores; iidem auguriis auspiciisque, & per nocturnos etiam visus omnia læta ac prospera portendunt. Animus quoque meus, maximus mihi ad hoc tempus vates, præsagit, nostram Hispaniam esse: brevi extorre hinc omne Punicum nomen, maria terrasque fœda fuga impleturum.

turum. Quod mens sua sponte divinat, idem subjicit ratio haud fallax. Vexati ab iis socii, nostram fidem per legatos implorant, tres duces discrepantes, propè ut defecerint alii ab aliis, trifariam exercitus in diversissimas regione distrahere. Eadem in illis ingruit fortuna, quæ nuper nos afflixit. nam & deseruntur ab sociis, ut prius ab Celtiberis nos: & diduxere exercitus; quæ patri, patruoque meo causa exitii fuit. Nec discordia intestina coire eos in unum sinet, neque singuli nobis resistere poterunt. Vos modo, milites, favete nomini Scipionum, soboli imperatorum vestrorum, velut accisis recrescenti stirpibus. Agite milites veteres, novum exercitum, novumque ducem traducite Iberum, traducite in terras cum multis fortibus factis sæpe à vobis peragratas. Brevi faciam, ut quemadmodum nunc noscitis in me patris patruique similitudinem oris vultusque, & lineamenta corporis; ita ingenii, fidei, virtutisque exemplum expressum ad effigiem vobis reddam; ut revixisse, aut renatum sibi quisque Scipionem imperatorem dicat.

O R A T I O

P. S C I P I O N I S ad milites.

A R G U M E N T U M.

Trajecto Ibero, P. Scipio Carthaginem novam oppugnare statuerat: jamque ab ea non ita longum iter aberat, quum inscius omnibus, præter unum Lalium, quo proficisci pararet, concione advocata, ad oppugnationem urbis ita milites exhortatus est.

K 5

AD

AD urbem unam oppugnandam, si quis vos adductos credit, is magis operis vestri, quàm emolumenti rationem exactam, milites, habet. Oppugnabitis enim verè moenia unius urbis, sed in una urbe universam ceperitis Hispaniam. Hic sunt obsides omnium nobilium regum populorumque: qui simul in potestate vestra erunt, extemplo omnia quæ nunc sub Carthaginensibus sunt, in ditionem nostram tradent. Hic pecunia omnis hostium, sine qua neque illi gerere bellum possunt: quippe qui mercenarios exercitus alant & quæ nobis maximo usui ad conciliandos animos barbarorum erit. Hic tormenta, arma, armamenta, & omnis apparatus belli est; qui simul & vos instruet, & hostes nudabit. Potiemur præterea quum pulcherrima opulentissimaque urbe, tum opportunissima portu egregio: unde terra marique, quæ belli usus poscunt, suppeditentur: quæ quum magna ipsi habebimus, tum dempserimus hostibus multo majora. Hæc illis arx, hæc horreum, ærarium, armamentarium, hæc omnium rerum receptaculum est. Huc rectus in Africam cursus est: hæc una inter Pyrenæum & Gades statio: hinc omni Hispaniæ imminet Africa. Sed quoniam vos instructos & ordinatorum cognosco, ad Carthaginem novam oppugnandam totis viribus & bono animo transcamus.

O R A -

O R A T I O

P. SCIPIONIS ad Lucejum Celtiberorum principem, quum ei sponsam reddidit.

A R G U M E N T U M.

Hoc ad priorem orationem pertinet. Capta Carthagine nova, quum inter recensendos obsides nomina civitatum acciperet Scipio, missis nuntiis admonebat obsidum parentes, ut ad suos quisque recipiendos Carthaginem venirent. Adducta ad eum cum fuit adulta virgo eximia atque spectata formæ: ex qua percontatus ipse patriam & parentes, quum acciperet, eam desponsatam Lucejo adolescenti Celtiberorum principi, ex templo parentes sponsumque acciri jubet. Vbi primum sponsus venit, hoc eum sermone alloquitur.

JUVENIS juvenem appello: quo minor sit inter nos hujus sermonis verecundia Ego, quum sponsa tua capta à militibus nostris ad me ducta esset, audiremque eam tibi cordi esse, & forma faceret fidem; quia ipse, si frui liceret ludo ætatis, (præsertim recto & legitimo amore) & non Respub. animum nostrum occupasset, veniam mihi dari sponsam impensius amanti vellem: tuo, cujus sponsa es, amoris faveo. Fuit sponsa tua apud me eadem, quâ apud soceros tuos parentesque suos verecundia: servata tibi est, ut inviolatum & dignum me teque dari tibi donum posset. Hanc mercedem unam pro eo munere paciscor; amicus populo Romano sis: & si me virum bonum credis esse, quales patrem patruumque meum jam ante hæc gentes norant, scias multos nostri similes in civitate Romana esse: nec ullum in terris populum hodie dici posse, quem minus tibi hostem tuisque esse velis, aut amicum malis.

Ex vigesimo septimo libro ab urbe condita.

O R A T I O

M. MARCELLI AD SUOS.

A R G U M E N T U M.

Canusios Annibal ad defectionem sollicitans, quum Marcellum adversus se contendere audiret, tum castra inde movere cepit. Marcellus cum brevi intervallo confectus, tandem nihil magis quam justum praelium decressantem, ad id quod vitabat certamen traxit. Vespere congressos, æquo Marte nox diremit. Postero die utrinque concursus est: fusi Romani primum, deinde fugati castis milibus duobus & septingentis. Ex ea pugna resisterant, in castra receptos Marcellus ita objurgavit.

DIS immortalibus ut in tali re laudes gratæque ago, quod victor hostis cum tanto pavore incidentibus vobis in vallum portasque, non ipsa castra est aggressus. Deservissetis profectò eodem terrore castra, quo omistis pugnam. Qui pavor hic, qui terror, quæ repenti, qui, & cum quibus pugnaretis, oblivio animos cepit? nempe iidem sunt ii hostes, quos vincendo & victos sequendo priorem ætatem absumpsistis: quibus dies noctesque fugientibus per hos dies institistis: quos levibus præliis fatigastis, quos hesterno die nec iter facere, nec castra ponere passi estis. Omitto ea quibus gloriari potestis: cuius & ipsius pudere ac pœnitere vos oportet, referam. nempe æquis manibus hesternæ die diremistis pugnam. Quid hæc nox, quid hæc dies attulit? vestræ his copiæ imminutæ sunt an illorum auctæ? Non equidem mihi cum exercitu meo loqui videor, nec cum Romanis militibus corpora tantum atque arma eadem sunt. An si eosdem

dem animos habuissetis, terga vestra vidisset hostis? signa alicui manipulo, aut cohorti abstulisset? non adhuc cæsis Romanis legionibus gloriabatur. vos illi hodierno die primum fugati exercitus dedistis decus.

O R A T I O

ANNIBALIS AD SUOS.

A R G U M E N T U M.

Hæc cum proximo conjunctum est. Milites, quum jure se à Marcello objugatos intelligerent, clamore subdito precabantur atque orabant, ut ejus modò pugne gratiam faceret: ita, ubi vellet, militum suorum animos experturum. Tum Marcellus in aciem eos se educturum postero die dicit, ubi victores potius quàm victi veniam impetrarent. Postero die, ut jussi erant, armati conveniunt. Quod ubi ad Annibalem ellatum est, tum in hæc verba suos præparavit.

CUM eo nimirum hoste res est, qui nec bonam nec malam ferre fortunam potest. Seu vicit, ferociter instat victis: seu victus est, instaurat cum victoribus certamen.

Ex vicesimo octavo libro ab Urbe condita.

O R A T I O

P. SCIPIONIS AD MILITES.

A R G U M E N T U M.

Suæone ad præsilium octo millia militum relicta erant: ii nimia primum licentiâ ex diutino otio collecta, deinde audita morte (incertis authoribus) Scipionis imperatoris, seditionem movent. Ac primum tribunos, quum viderent non modo in sententiam suam non descendere velle, sed iis quæ conabantur, obviam ire, ex castris fugant. Tum ad principes seditionis gregarios milites C. Albium Calenum, & C. Atrium Vabrum, communi consensu, imperii summam deferunt: qui tribunitiis ornementis non contenti summi etiam magistratus insignia, ut fasces, ut securæ, assumunt. Non ita multo post nuntii certi & vinere Scipionem, & valere offerunt quæ res ita omnium animos discredulabat ut iam imperatores ipsi sua insignia exhorrerent: vulgus tantum iacta-
ret

ret id factum esse quod non ad diem ipsum stipendia data & impensa essent. Carthaginem deinde intercessis aliquot diebus seditioni omnes ingressi postero die vocati ad concionem à Scipione, hac concione reprehensi sunt, duces & authores capitali supplicio damnati.

N U N Q U A M mihi defuturam orationem, qua exercitum meum alloquerer, credidi non quod verba unquam potius quàm res exercuerim; sed quia propè à pueritia in castris habitus, assueveram militaribus ingeniis. Ad vos quemadmodum loquar, nec consilium, nec oratio suppeditat: quos nec quo nomine quidem appellare debeam, scio. Cives? qui à patria vestra descivistis: an milites? qui imperium auspiciumque abnuistis, sacramenti religionem rupistis. Hostes? corpora, ora, vestitum, habitum civium agnosco: facta, dicta, consilia, animos hostium video. Quid enim vos, nisi quod Illergetes & Lacetani, aut optastis aliud aut sperastis? Et illi tamen Mandonium atque Indibilem, regiæ nobilitatis viros, duces furoris sequuti sunt: vos auspicium & imperium ad Umbrum Atrium, & Calenum Albium, detulistis. Negate vos id omnes fecisse, aut factum voluisse milites, paucorum cum furorem atque amentiam esse. Libenter credam negantibus. nec enim ea sunt commissa, quæ vulgata in omnem exercitum sine piaculis ingentibus expiari possunt. Invitus ea, tanquam vulnera attingo. sed nisi tacta tractataque sanari non possunt. Equidem pulsas Hispania Carthaginensibus, nullum locum in tota
pro-

provincia, nullos homines credebam esse, ubi vita invisa esset mea. sic me non solum adversus socios gesseram, sed etiam adversus hostes. In castris enim meis (quantum me opinio sefel-
lit?) fama mortis meæ non accepta solum, sed etiam expectata est. Non quod ego vulgare facinus per omnes velim (equidem si totum exercitum meum mortem mihi optasse crederem; hic statim ante oculos vestros morerer: nec me vita juvaret invisa civibus & militibus meis) sed multitudo omnis, sicut natura maris, per se immobilis est, venti & auræ cientes, ita aut tranquillum, aut procellæ in vobis sunt & causa atque origo omnis furoris penes auctores est: vos contagione insanistis. Quin mihi ne hodie quidem scire videmini, quo amentię progressi sitis: quid facinoris in me, quid in patriam, parentesque ac liberos, quid in Deos, sacramenti testes, quid adversus auspicia, sub quibus militastis, quid adversus morem militię disciplinamque majorum, quid adversus summi imperii majestatem ausi sitis. De me ipso taceo temere potius, quàm avidè credideritis. Is denique ego sim, cujus imperii tædere exercitum, minimè mirandum sit. Patria quid de vobis meruerat, quam cum Mandonio & Indibili consociando consilia prodebatis? Quid populus Romanus, cum imperium ablatum ab tribunis suffragio populi creatis, ad homines privatos detulistis? quum, eo ipso non contenti, si pro tribunis illos ha-
bere-

beretis, fasces imperatoris vestri ad eos, quibus servus, cui imperarent, nunquam fuerat Romanus exercitus detulistis. In prætorio tēderunt Albius & Atrius: classicum apud eos cecinit: signum ab iis petitum est: sederunt in tribunali P. Scipionis: lictor apparuit: Submovente eo inceserunt: fasces cum securibus prælati sunt. Lapides pluere, & fulmina jaci de cœlo, & insuetos fœtus animalia edere, vos portenta esse putatis: hoc est portentum, quod nullis hostiis, nullis supplicationibus, sine sanguine eorum, qui tantum facinus ausi sunt, expiari possit. Atque ego, (quanquam nullum scelus rationem habet) tamen ut in re nefaria, quæ mens, quod consilium vestrum fuerit, scire velim. Rhegium quondam in præsidium missa legio, interfectis per scelus principibus civitatis, urbem opulentam per decem annos tenuit, propter quod facinus tota legio, millia hominum quatuor, in foro Romano securi percussa sunt. Sed illi tamen, non Atrium Umbrum semilixam, nominis etiam abominandi ducem, sed Decium Jubbium tribunum militum sequuti sunt: nec cum Pyrrho, nec cum Samnitibus aut Lucanis, hostibus populi Romani, se conjunxerant, vos cum Mandonio & Indibili consilia communicastis, & arma consociaturi fuistis. Illi, sicut Campani Capuam Tuscis veteribus cultoribus ademptam Mamertini in Sicilia Messanam, sic Rhegium habituri perpetuam sedem erant: nec populum

Ro-

Romanum, nec socios populi Romani ultro la-
 cessituri bello. Sucronemne vos domicilium
 habituri eratis? Ubi si vos decedens confecta
 provincia imperator relinquerem, Deum ho-
 minumque fidem implorare debatis, quod
 non rediretis ad conjuges liberosque vestros.
 Sed horum quoque memoriam, sicut patriæ
 meique ejeceratis ex animis vestris. Viam con-
 sili scelerati, sed non ad ultimum dementis, ex-
 sequi volo. Mene vivo, & cætero incolumi ex-
 exercitu, cum quo ego die uno Carthaginem ce-
 pi, cum quo quatuor imperatores, quatuor ex-
 exercitus Carthaginensium fudi, fugavi, Hispa-
 nia expuli, vos octo millia hominum, majoris
 certè omnes pretii, quàm Albius & Atrius sunt,
 quibus vos subjecistis, Hispaniam provinciam
 populo Romano erepturi eratis? Amolior & a-
 moveo nomen meum. nihil ultra facile credam
 mortem meam à vobis violatus sim. Quid? si
 ego morerer, mecum expiratura Respub. me-
 cum casurum imperium populi Romani erat?
 ne istuc Jupiter Optimus Maximus scit; urbem
 auspicato Diis auctoribus in æternum condi-
 tam, fragili huic & mortali corpori æqualem
 esse. Flaminio, Paulo Æmilio Graccho, Post-
 humio Albino, M. Marcello, T. Q. Crispino, C.
 Fulvio, Scipionibus meis, tot tam præclaris im-
 peratoribus uno bello absumptis, superstes est
 populus Romanus, eritque mille aliis nunc fer-
 ro, nunc morbo morientibus; meo unius fune-
 re elata populi Romani esset Respub? Vos ipsi
 hic

ut nos cladium nostrarum non poeniteat. Bellum propter nos suscepistis: susceptum, quartum decimum annum tam pertinaciter geritis, ut sæpe ad ultimum discrimen & ipsi veneritis & populum Carthaginiensem adduxeritis. Quum in Italia tam atrox bellum & Annibalem hostem haberetis, consules cum exercitu in Hispaniam, velut ad colligendas reliquias naufragii nostri misistis. P. & Cn. Cornelii, ex quo in provinciam venerunt, nullo tempore deslitterunt, quæ nobis secunda quæque adversa hostibus nostris essent, facere. Jam omnium primum oppidum nobis restituerunt: per omnem Hispaniam cives nostros venundatos, dimissis qui conquirerent, ex servitute in libertatem restituerunt. Quum jam prope esset, ut optabilem ex miserrima fortunam haberemus; P. & Cn. Cornelii imperatores vestri luctuosius nobis prope quàm vobis perierunt. Tum verò ad hoc retracti ex distantibus locis in sedem antiquam videbamur, ut iterum periremus, & alterum excidium patriæ videremus, nec ad perniciem nostram Carthaginiensi utique aut duce aut exercitū opus esse: ab Turdulis veterrimis hostibus, qui prioris quoque excidii causa nobis fuerant, exingui posse, quum ex inspirato repente misistis nobis P. hunc Scipionem quem, fortunatissimi omnium Saguntinorum videmur, quia consulem declaratum vidimus, ac vidisse nos civibus nostris renunciatū sumus spem, opem, salutem.

salutem nostram. qui quum plurimas hostium
 vestrorum cepisset in Hispania urbes, ubique
 ex captivorum numero excretos Saguntinos
 in patriam remisit. Postremo Turdetaniam,
 adeo infestam nobis, ut illa gente incolumi
 stare Saguntum non posset, ita bello afflixit, ut
 non modo nobis, (absit verbo invidia) sed ne
 posteris quidem timenda nostris esset. Deletam
 urbem cernimuseorum, quorum in gratiam
 Saguntum deleverat Annibal. Vectigal ex agro
 eorum capimus, quod nobis non tam fructu
 jucundius est, quam ultione. Ob hæc, quibus
 majora neque sperare neque optare ab Diis
 immortalibus poteramus, gratias actum nos
 decem legatos Saguntinus Senatus populus
 que ad vos misit: simul gratulatum, quod ita
 res hos annos in Hispania atque Italia gessistis,
 ut Hispaniam non Ibero amne tenus, sed qua
 terrarum ultimus finit Oceanus, domitam ar
 mis habeatis: Italiæ, nisi quatenus vallum ca
 strorum cingit, nihil reliqueritis Pœno. Jovi
 optimo maximo, præsidi Capitoliæ arcis,
 non grates tantum ob hæc agere jussi sumus,
 sed donum hoc etiam, si vos permetteretis, co
 ronam auream in Capitolium victoriæ ergo
 ferre. Id uti permittatis, quæsumus utique si
 vobis ita videretur, quæ nobis imperatores ve
 stri commoda tribuerunt, ea rata atque perpe
 tua autoritate vestra faciatis.

O R A-

Q. FABII MAXIMI, quâ Scipioni Africam provinciam decerni dissuadet.

A R G U M E N T U M.

Quum in senatu de provinciis referretur, communis omnium fama erat Africam novam provinciam etiam extra sortem P. Scipioni destinatam esse: Ac Scipio ipse jam consulem se declaratum non ad gerendum modo, sed ad præficiendum quoque bellum jactabat, quum Q. Fabius Maximus rogatus sententiam, in hæc verba Scipioni accernendam non esse Africam persuadere cepit.

SCIPIO multis vestrum videri, p. c. rem actam hodierna die agi, & frustra habiturum orationem, qui tanquam de integra re, de Africa provincia, sententiam dixerit. Ego autem primum illud ignoro, quemadmodum jam certa provincia Africa consulis viri fortis ac strenui sit, quam nec senatus censuit in hunc annum provinciam esse, nec populus jussit. deinde, si est, consulem peccare arbitror, qui de re transacta simulando se referre, senatum ludibrio habet: non senatorem modo, qui de quo consulitur, suo loco dicit Sententiam. Atque ego certum habeo, dissentienti mihi ab ista festinatione in Africam trajiciendi, duarum rerum subeundam opinionem esse, unius insita ingenio meo cunctationis; quam metum pigritiamque homines adolescentes sanè appellent: dum me non pœniteat, adhuc aliorum speciosiora primo aspectu consilia semper visa, mea usu meliora. alterius, obtrektionis atque invidiæ adversum crescentem indies gloriam fortissimi consulis. A qua suspicione, si me neque vita acta & mores mei, neque dictatura

tura cum quinque consulatibus tantumque gloriæ belli domique partæ vindicat, ut propius fastidium ejus sim, quàm desiderium; ætas saltem liberet. quæ enim mihi æmulatio cum eo esse potest, qui ne filio quidem meo æqualis sit? Me dictatorem, quum vigerem adhuc viribus & in cursu maximarum rerum essem, recusantem nemo aut in senatu, aut ad populum audivit, quo minus insectanti me magistro equitum, quod fando nunquam antè auditum erat, imperium mecum æquaretur: rebus quàm verbis assequi malui, ut qui aliorum judicio mihi comparatus erat, sua mox confessione me sibi præferret: nedum ego perfunctus honoribus certamina mihi atque æmulationes cum adolescente florentissimo proponam, videlicet ut mihi jam vivendo, non solum rebus gerendis fesso, si huic negata fuerit, Africa provincia decernatur. cum ea gloria, quæ parta est, vivendum atque moriendum est. Vincere ego prohibui Annibalem, ut à vobis, quorum vigent nunc vires, etiam vinci posset. Illud te mihi ignoscere, P. Corneli, æquum erit, si quum in me ipso nunquam pluris famam hominum quam Rempub. fecerim, ne tuam quidem gloriam bono publico præponam. quanquam si aut bellum nullum in Italia; aut is hostis esset, ex quo victo nihil gloriæ quæreretur; qui te in Italia retineret, et si id bono publico faceret, simul cum bello materiam gloriæ tuæ ire creptum videri posset.

set. Quum verò Annibal hostis incolumi exercitu quartumdecimum annum Italiam obsideat, pœnitebit te, P. Corneli, gloriæ tuæ, si hostem eum, qui tot funerum, tot cladum nobis causâ fuit, tu consul Italia expuleris, & sicut penes C. Luctacium prioris Punici perpetrati belli titulus fuit, ita penes te hujus fuerit? Nisi aut Amilcar Annibali dux est præferendus, aut illud bellum huic, aut victoria illa major clariorque, quàm hæc (modo contingat, ut te consule vincamus) futura est. Ab Drepano atque Eryce detraxisse Amilcarem, quàm Italia expulisse Pœnos atque Annibalem, malis? ne tu quidem, etsi magis partam, quàm speratam gloriam amplecteris, Hispania potius quàm Italia bello liberata gloriatus fueris. Nondum is est, Annibal, quem non magis timuisse videatur, quàm contempsisse, qui aliud bellum maluerit. Quin igitur ad hoc accingeris, nec per istos circuitus, ut quum in Africam trajeceris, sequuturum te illic Annibalem speres, potius quàm recto hinc itinere, ubi Annibal est, eo bellum intendis? Egregiam istam palmam belli Punici patrati petis? Hoc & natura prius est, tua quum defenderis, aliena ire oppugnatum. Pax ante in Italia quam bellum in Africa sit: & nobis prius decedat timor, quam ultrò aliis inferatur. Si utrumque tuo ductu auspicioque fieri potest? Annibale hic victo, illic Carthaginem expugna. Si alterutra victoria novis, consulibus relinquenda est; prior

prior quum major clariorque, tum causa etiam insequentis fuerit. Nam nunc quidem, præterquam quòd & in Italia & in Africa duos diversos exercitus alere ærarium non potest; præterquam quòd unde classes tueamur, unde com meatibus præbendis sufficiamus, nihil reliqui est: periculi tandem, quantum adeatur, quem fallit? P. Licinius in Italia, P. Scipio bellum in Africa geret. Quid si (quod omnes Dii omen avertant, & dicere etiam reformidat animus, sed quæ acciderunt, accidere possunt) victor Annibal ire ad urbem pergat; tum deum te consulem ex Africa, sicut Q. Fulvium à Capua, arcessemus? Quid? quod in Africa quoque Mars communis belli erit. Domus tibi tua, pater patruusque, intra triginta dies cum exercitibus cæsi, documento sint; ubi per aliquot annos maximis rebus terra marique gerendis amplissimum nomen apud exteras gentes populi Romani vestræque familiæ fecerant. Dies me deficiat, si reges, imperatoresque, temere in hostium terras transgressos, cum maximis cladibus suis exercituumque suorum, numerare velim. Athenienses, prudentissima civitas, bello domi relicto, authore æquè impigro ac nobili juvene, magna classe in Siciliam transmissa, una pugna navali florentem Rempub. suam in perpetuum afflixerunt. Externa & nimis antiqua repeto. Africa eadem ista, & M. Atilius, insigne utriusque fortunæ exemplum, nobis documento

L

sint.

sint. Næ tibi, P. Corneli, quum ex alto Africam conspexeris, ludus & jocus fuisse Hispaniæ tuæ videbuntur. Quid enim simile? Pacato mari præter oram Italiæ Galliæque vectus, Emporias in urbem sociorum classem appulisti; expositos milites, per tutissima omnia ad socios & amicos populi Romani, Tarraconem duxisti: ab Tarracone deinde iter per præsidia Romana: circa Iberum exercitus patris patruique tui, post amissos imperatores ferociores calamitate ipsa dux tumultuarius quidem ille L. Marcius, & militari suffragio ad tempus lectus, cæterum si nobilitas ac justî honores adornarent, claris imperatoribus qualibet arte belli par: oppugnata per summum otium Carthago, nullo trium Punicorum exercituum socios defendente. Cætera, neque ea elevo, nullo tamen modo Africo bello comparanda; ubi non portus ullus classi nostræ apertus, non ager pacatus, non civitas socia; non rex amicus, non consistendi usquam locus, non procedendi. Quaecunque circumspexeris, hostilia omnia atque infesta. An Syphaci Numidisque credis? Satis sit semel creditum. Non semper temeritas est felix. & fraus fidem in parvis sibi præstruit, ut quum operæ pretium sit, cum mercede magna fallat. Non hostes patrem patruumque tuum armis prius, quum Celtiberi socii fraude circumvenerunt: nec tibi ipsi à Magone & Asdrubale hostium ducibus, quantum ab Indibili & Mandonio in
fidem

fidem acceptis , periculi fuit. Numidis tu credere potes , defectionem militum tuorum expertus ? Et Syphax & Masaniſſa ſe , quàm Carthaginienſes , malunt potentiffimos in Africa eſſe : Carthaginienſes , quàm quenquam alium. Nunc illos æmulatio inter ſeſe , & omnes cauſæ certaminum acuunt , quia procul externus metus eſt. Oſtende illis Romana arma , & exercitum alienigenam ; jam veluti ad commune reſtinguendum incendium concurrent. Aliter iidem illi Carthaginienſes Hispaniam defenderunt : aliter mœnia patriæ , templa-Deûm , aras , focos , defendent , quum euntes in prælium pavida proſequetur conjunx , & parvi liberi occuſabunt. Quid porro ? ſi ſatis confiſi Carthaginienſes conſenſu Africæ , fide ſociorum regum , mœnibus ſuis , quum tuo exercitusque tui præſidio nudatam Italiam viderint , ipſi ultrò novum exercitum in Italiam aut ex Africa miſerint , aut Magonem , quem à Balearibus claſſe tranſmiſſa jam præter oram Ligurum Alpinorum veſtari conſtat , Annibali ſe conjungere jufferint ? Nempe in eodem terrore erimus , in quo nuper fuimus , quum Aſdrubal in Italiam tranſcendit : quem tu , qui non ſolum Carthaginem , ſed omnem Africam exercitu tuo es clauſurus , è manibus tuis in Italiam emiſiſti. Victum à te dices : eo quidem minus vellem , & id tuâ , non Reipub. ſolum cauſâ iter datum victo in Italiam eſſe. Patere nos omnia quæ proſpera tibi ac Reipublicæ in imperio

beretis, fasces imperatoris vestri ad eos, quibus servus, cui imperarent, nunquam fuerat Romanus exercitus detulistis. In prætorio tēderunt Albius & Atrius: classicum apud eos cecinit: signum ab iis petitum est: sederunt in tribunali P. Scipionis: lictor apparuit: Submovente eo inceserunt: fasces cum securibus prælati sunt. Lapides pluerē, & fulmina jaci de cœlo, & insuetos fœtus animalia edere, vos portenta esse putatis: hoc est portentum, quod nullis hostiis, nullis supplicationibus, sine sanguine eorum, qui tantum facinus ausi sunt, expiari possit. Atque ego, (quanquam nullum scelus rationem habet) tamen ut in re nefaria, quæ mens, quod consilium vestrum fuerit, scire velim. Rhegium quondam in præsidium missa legio, interfectis per scelus principibus civitatis, urbem opulentam per decem annos tenuit, propter quod facinus tota legio, millia hominum quatuor, in foro Romano securi percussa sunt. Sed illi tamen, non Atrium Umbrum semilixam, nominis etiam abominandi ducem, sed Decium Jubellum tribunum militum sequuti sunt: nec cum Pyrrho, nec cum Samnitibus aut Lucanis, hostibus populi Romani, se conjunxerant, vos cum Mandonio & Indibili consilia communicastis, & arma consociaturi fuistis. Illi, sicut Campani Capuam Tuscis veteribus cultoribus ademptam Mamertini in Sicilia Messanam, sic Rhegium habituri perpetuam sedem erant: nec populum Ro-

Romanum, nec socios populi Romani ultro la-
 cessituri bello. Sueronemne vos domicilium
 habituri eratis? Ubi si vos decedens confecta
 provincia imperator relinquerem, Deum ho-
 minumque fidem implorare debeatis, quod
 non rediretis ad conjuges liberosque vestros.
 Sed horum quoque memoriam, sicut patriæ
 meique ejeceratis ex animis vestris. Viam con-
 siliî scelerati, sed non ad ultimum dementis, ex-
 sequi volo. Mene vivo, & cætero incolumi ex-
 exercitu, cum quo ego die uno Carthaginem ce-
 pi, cum quo quatuor imperatores, quatuor ex-
 exercitus Carthaginensium fudi, fugavi, Hispa-
 nia expuli, vos octo millia hominum, majoris
 certè omnes pretii, quàm Albius & Atrius sunt,
 quibus vos subjecistis, Hispaniam provinciam
 populo Romano erepturi eratis? Amolior & a-
 moveo nomen meum. nihil ultra facile credam
 mortem meam à vobis violatus sim. Quid? si
 ego morerer, mecum exspiratura Respub. me-
 cum casurum imperium populi Romani erat?
 ne istuc Jupiter Optimus Maximus scit; urbem
 auspicato Diis auctoribus in æternum condi-
 tam, fragili huic & mortali corpori æqualem
 esse. Flaminio, Paulo Æmilio Graccho, Post-
 humio Albino, M. Marcello, T. Q. Crispino, C.
 Fulvio, Scipionibus meis, tot tam præclaris im-
 peratoribus uno bello absumptis, superstes est
 populus Romanus, eritque mille aliis nunc fer-
 ro, nunc morbo morientibus; meo unius fune-
 re elata populi Romani esset Respub? Vos ipsi
 hic

hic in Hispania ; patre & patruo meo, duobus imperatoribus interfectis , Septimum Martium ducem vobis adversus exultantes recenti victoria Pœnos delegistis. & sic loquor , tanquam sine duce Hispaniæ futuræ fuerint. M. Sillanus eodem jure , eodem imperio mecum in provinciam missus , L. Scipio frater meus ; & C. Lælius legati , vindices majestatis imperii deessent ? Utrum exercitus exercitui, an duces ducibus , an dignitas , an causa comparari poterat ? quibus si omnibus superiores essetis , arma cum Pœnis contra patriam , contra cives vestros ferretis ? Africam Italiæ, Carthaginem urbi Romæ imperare velletis ? Quam ob noxam patriæ ? Coriolanum quondam damnatio injusta , miserum & indignum exilium, ut iret ad oppugnandam patriam, impulit : revocavit tamen à publico parricidio privata pietas. Vos qui dolor , quæ ira incitavit ? Stipendiumne diebus paucis imperatore ægro serius numeratum , satis digna causa fuit , cur patriæ indiceretis bellum ? cur ad Illergetes descisceretis à populo Romano ? cur nihil divinarum humanarumve rerum inviolatum vobis esset ? Infanistis profectò milites : nec major in corpus meum vis morbi , quàm in vestras mentes invasit. Horret animus referre, quid crediderint homines , quid speraverint , quid optaverint. Auferat omnia irrita oblivio, si potest : si non, utcunque silentium tegat. Non negaverim, tristem atrocemq; vobis visam orationem meam;

quantò

quantò creditis facta vestra atrociora esse, quàm dicta mea? & me ea quæ fecistis, pati æquum censetis: vos ne dici quidem omnia æquo animo ferretis? Sed ne ea quidem ipsa ultrà exprobrabuntur. utinam tam facilè vos obliviscamini eorum, quàm ego obliviscar. Itaque quod ad vos universos attinet, si erroris pœnitet, satis superque pœnarum habeo. Albius Calenus, & Atrius UMBER, & cæteri nefariæ seditionis auctores, sanguine luent quod admiserunt. Vobis supplicii eorum spectaculum non modò non acerbum, sed letum etiam, si sana mens rediit, debet esse. de nullis enim quam de vobis infestius, aut iniquius consulerunt.

O R A T I O

SAGUNTINORUM ad P. C. in senatu.

A R G U M E N T U M.

Secundum bellum Punicum susceptum erat nomine Saguntinorum. Quorum oppidum quum Annibal summa vi oppugnaret, missis Romam oratoribus auxilium socii adversus Pœnos petiverunt. Annibali verò, quum legationibus factis eo nomine multis, nihilominus in oppugnando perflaret, auctoritate senatus bellum fuit indictum. Ita quicquid gestum, quantumcunque cladum & incommodorum acceptum erat, nomine ac causa ipsorum acceptum. Itaque ne ingrati merito ac jure videri dicique possent, in secundis rebus suis & Romanorum, Legatos Romam mittunt, qui pro tot beneficiis gratias agerent, gratularenturque bellum illud feliciter tandem successisse. Ii in senatum introducti, sic loquuti sunt.

ET si nihil ultra malorum est, P. C. quàm Equod passi sumus, ut ad ultimum fidem vobis præstaremus; tamen ea vestra merita imperatorumque vestrorum erga nos fuerunt,
ut

ut nos cladium nostrarum non poeniteat. Bellum propter nos suscepistis : susceptum , quartum decimum annum tam pertinaciter geritis , ut sæpe ad ultimum discrimen & ipsi veneritis & populum Carthaginiensem adduxeritis. Quum in Italia tam atrox bellum & Annibalem hostem haberetis , consules cum exercitu in Hispaniam , velut ad colligendas reliquias naufragii nostri misistis. P. & Cn. Cornelii , ex quo in provinciam venerunt , nullo tempore destiterunt , quæ nobis secunda quæque adversa hostibus nostris essent , facere. Jam omnium primum oppidum nobis restituerunt : per omnem Hispaniam cives nostros venundatos , dimissis qui conquirerent , ex servitute in libertatem restituerunt. Quum jam prope esset , ut optabilem ex miserrima fortunam haberemus ; P. & Cn. Cornelii imperatores vestri luctuosius nobis prope quàm vobis perierunt. Tum verò ad hoc retracti ex distantibus locis in sedem antiquam videbamur , ut iterum periremus , & alterum excidium patriæ videremus , nec ad perniciem nostram Carthaginiensi utique aut duce aut exercitu opus esse : ab Turdulis veterrimis hostibus , qui prioris quoque excidii causi nobis fuerant , extinguì posse , quum ex inspirato repente misistis nobis P. hunc Scipionem quem , fortunatissimi omnium Saguntinorum videmur , quia consulem declaratum vidimus , ac vidisse nos civibus nostris renunciaturi sumus spem , opem ,
salu-

salutem nostram. qui quum plurimas hostium vestrorum cepisset in Hispania urbes, ubique ex captivorum numero excretos Saguntinos in patriam remisit. Postremo Turdetaniam, adeo infestam nobis, ut illa gente incolumi stare Saguntum non posset, ita bello afflixit, ut non modo nobis, (absit verbo invidia) sed ne posteris quidem timenda nostris esset. Deletam urbem cernimus eorum, quorum in gratiam Saguntum deleverat Annibal. Vectigal ex agro eorum capimus, quod nobis non tam fructu jucundius est, quam ultione. Ob hæc, quibus majora neque sperare neque optare ab Diis immortalibus poteramus, gratias actum nos decem legatos Saguntinus Senatus populusque ad vos misit: simul gratulatum, quod ita res hos annos in Hispania atque Italia gessistis, ut Hispaniam non Ibero amne tenus, sed qua terrarum ultimus finit Oceanus, domitam armis habeatis: Italiae, nisi quatenus vallum castrorum cingit, nihil reliqueritis Pœno. Jovi optimo maximo, præsidi Capitolinæ arcis, non grates tantum ob hæc agere jussi sumus, sed donum hoc etiam, si vos permetteretis, coronam auream in Capitolium victoriæ ergo ferre. Id uti permittatis, quæsumus utique si vobis ita videretur, quæ nobis imperatores vestri commoda tribuerunt, ea rata atque perpetua autoritate vestra faciatis.

O R A -

Q. FABII MAXIMI, quâ Scipioni Africam provinciam decerni dissuadet.

A R G U M E N T U M.

Quum in senatu de provinciis referretur, communis omnium fama erat Africam novam provinciam etiam extra sortem P. Scipioni destinatam esse. Ac Scipio ipse jam consulem se declaratum non ad gerendum modo, sed ad perficiendum quoque bellum jactabat. quum Q. Fabius Maximus rogatus sententiam, in hæc verba Scipioni decernendam non esse Africam persuadere cepit.

SCIPIO multis vestrum videri, P. C. rem actam hodierna die agi, & frustra habiturum orationem, qui tanquam de integrare, de Africa provincia, sententiam dixerit. Ego autem primum illud ignoro, quemadmodum jam certa provincia Africa consulis viri fortis ac strenui sit, quam nec senatus censuit in hunc annum provinciam esse, nec populus jussit. deinde, si est, consulem peccare arbitror, qui de re transacta simulando se referre, senatum ludibrio habet: non senatorem modo, quide quo consulitur, suo loco dicit Sententiam. Atque ego certum habeo, dissentienti mihi ab ista festinatione in Africam trajiciendi, duarum rerum subeundam opinionem esse, unius insita ingenio meo cunctationis; quam metum pigritiamque homines adolescentes sanè appellent: dum me non poeniteat, adhuc aliorum speciosiora primo adspectu consilia semper visa, mea usu meliora. alterius, obrectationis atque invidiæ adversum crescentem indies gloriam fortissimi consulis. A qua suspicione, si me neque vita acta & mores mei, neque dictatura

tura cum quinque consulatibus tantumque gloriæ belli domique partæ vindicat, ut propius fastidium ejus sim, quàm desiderium; ætas saltem liberet. quæ enim mihi æmulatio cum eo esse potest, qui ne filio quidem meo æqualis sit? Me dictatorem, quum vigerem adhuc viribus & in cursu maximarum rerum essem, recusantem nemo aut in senatu, aut ad populum audivit, quo minus insectanti me magistro equitum, quod fando nunquam antè auditum erat, imperium mecum æquaretur: rebus quàm verbis assequi malui, ut qui aliorum judicio mihi comparatus erat, sua mox confessione me sibi præferret: nedum ego perfunctus honoribus certamina mihi atque æmulationes cum adolescente florentissimo proponam, videlicet ut mihi jam vivendo, non solum rebus gerendis fesso, si huic negata fuerit, Africa provincia decernatur. cum ea gloria, quæ parta est, vivendum atque moriendum est. Vincere ego prohibui Annibalem, ut à vobis, quorum vigent nunc vires, etiam vinci posset. Illud te mihi ignoscere, P. Corneli, æquum erit, si quum in me ipso nunquam pluris famam hominum quam Rempub. fecerim, ne tuam quidem gloriam bono publico præponam. quanquam si aut bellum nullum in Italia; aut is hostis esset, ex quo victo nihil gloriæ quæreretur; qui te in Italia retineret, et si id bono publico faceret, simul cum bello materiam gloriæ tuæ ire creptum videri posset.

set. Quum verò Annibal hostis incolumi exercitu quartumdecimum annum Italiam obsideat, poenitebit te, P. Corneli, gloriæ tuæ, si hostem eum, qui tot funerum, tot cladum nobis causa fuit, tu consul Italia expuleris, & sicut penes C. Lucretium prioris Punici perpetrati belli titulus fuit, ita penes te hujus fuerit? Nisi aut Amilcar Annibali dux est præferendus, aut illud bellum huic, aut victoria illa major clariorque, quàm hæc (modo contingat, ut te consule vincamus) futura est. Ab Drepano atque Eryce detraxisse Amilcarem, quam Italia expulisse Pœnos atque Annibalem, malis? ne tu quidem, etsi magis partam, quàm speratam gloriam amplecteris, Hispania potius quàm Italia bello liberata gloriatu fueris. Nondum is est, Annibal, quem non magis timuisse videatur, quàm contempsisse, qui aliud bellum maluerit. Quin igitur ad hoc accingere, nec per istos circuitus, ut quum in Africam trajeceris, sequuturum te illic Annibalem speres, potius quàm recto hinc itinere, ubi Annibal est, eo bellum intendis? Egregiam istam palmam belli Punici patrati petis? Hoc & natura prius est, tua quum defenderis, aliena ire oppugnatum. Pax ante in Italia quam bellum in Africa sit: & nobis prius decedat timor, quam ultrò aliis inferatur. Si utrumque tuo ductu auspicioque fieri potest? Annibale hic victo, illic Carthaginem expugna. Si alterutra victoria novis consulibus relinquenda est; prior

prior quum major clariorque, tum causa etiam insequentis fuerit. Nam nunc quidem, præterquam quòd & in Italia & in Africa duos diversos exercitus alere ærarium non potest; præterquam quòd unde classes tueamur, unde com meatibus præbendis sufficiamus, nihil reliqui est: periculi tandem, quantum adeatur, quem fallit? P. Licinius in Italia, P. Scipio bellum in Africa geret. Quid si (quod omnes Dii omen avertant, & dicere etiam reformidat animus, sed quæ acciderunt, accidere possunt) victor Annibal ire ad urbem pergat; tum deum te consulem ex Africa, sicut Q. Fulvium à Capua, arcessemus? Quid? quod in Africa quoque Mars communis belli erit. Domus tibi tua, pater patruusque, intra triginta dies cum exercitibus cæsi, documento sint; ubi per aliquot annos maximis rebus terra marique gerendis amplissimum nomen apud exteras gentes populi Romani vestræque familiæ fecerant. Dies me deficiat, si reges, imperatoresque, temere in hostium terras transgressos, cum maximis cladibus suis exercituumque suorum; numerare velim. Athenienses, prudentissima civitas, bello domi relicto, authore æquè impigro ac nobili juvene, magna classe in Siciliam transmissa, una pugna navali florentem Rempub. suam in perpetuum affligerunt. Externa & nimis antiqua repeto. Africa eadem ista, & M. Atilius, insigne utriusque fortunæ exemplum, nobis documento

L

sint.

sint. Næ tibi, P. Corneli, quum ex alto Africam conspexeris, ludus & jocus fuisse Hispaniæ tuæ videbuntur. Quid enim simile? Pacato mari præter oram Italiæ Galliæque vēctus, Emporias in urbem sociorum classem appulisti; expositos milites, per tutissima omnia ad socios & amicos populi Romani, Tarraconem duxisti: ab Tarracone deinde iter per præsidia Romana: circa Iberum exercitus patris patruique tui, post amissos imperatores ferociores calamitate ipsa dux tumultuarius quidem ille L. Marcius, & militari suffragio ad tempus lectus, cæterum si nobilitas ac justī honores adornarent, claris imperatoribus qualibet arte belli par: oppugnata per summum otium Carthago, nullo trium Punicorum exercituum socios defendente. Cætera, neque ea elevo, nullo tamen modo Africo bello comparanda; ubi non portus ullus classi nostræ apertus, non ager pacatus, non civitas socia; non rex amicus, non consistendi usquam locus, non procedendi. Quaecunque circumspexeris, hostilia omnia atque infesta. An Syphaci Numidisque credis? Satis sit semel creditum. Non semper temeritas est felix. & fraus fidem in parvis sibi præstruit, ut quum operæ pretium sit, cum mercede magna fallat. Non hostes patrem patruumque tuum armis prius, quum Celtiberi socii fraude circumvenerunt: nec tibi ipsi à Magone & Asdrubale hostium ducibus, quantum ab Indibili & Mandonio in
fidem

fidem acceptis, periculi fuit. Numidis tu credere potes, defectionem militum tuorum expertus? Et Syphax & Masaniſſa ſe, quàm Carthaginienſes, malunt potentiffimos in Africa eſſe: Carthaginienſes, quàm quenquam alium. Nunc illos æmulatio inter ſeſe, & omnes cauſæ certaminum acuunt, quia procul externus metus eſt. Oſtende illis Romana arma, & exercitum alienigenam; jam veluti ad commune reſtinguendum incendium concurrent. Aliter iidem illi Carthaginienſes Hiſpaniam defenderunt: aliter mœnia patriæ, templa Deum, aras, focos, defendent, quum euntes in prælium pavida proſequetur conjunx, & parvi liberi occuſabunt. Quid porro? ſi ſatis confiſi Carthaginienſes conſenſu Africæ, fide ſociorum regum, mœnibus ſuis, quum tuo exercituſque tui præſidio nudatam Italiam viderint, ipſi ultrò novum exercitum in Italiam aut ex Africa miſerint, aut Magonem, quem à Balearibus claſſe tranſmiſſa jam præter oram Ligurum Alpinorum vectari conſtat, Annibali ſe conjungere jufferint? Nempe in eodem terrore erimus, in quo nuper fuimus, quum Aſdrubal in Italiam tranſcendit: quem tu, qui non ſolum Carthaginem, ſed omnem Africam exercitu tuo es clauſurus, è manibus tuis in Italiam emiſiſti. Victum à te dices: eo quidem minus vellem, & id tuâ, non Reipub. ſolum cauſâ iter datum victo in Italiam eſſe. Patere nos omnia quæ proſpera tibi ac Reipublicæ in imperio.

evenere, tuo consilio assignare: adversa casibus incertis belli & fortunæ delegare. Quo melior fortiorque es, eo magis talem præsidem sibi patria atque universa Italia retinet. Non potes ne ipse quidem dissimulare, ubi Annibal sit, ibi caput atque arcem hujus belli esse; quippe qui præ te feras, eam tibi causam trajiciendi in Africam esse, ut Annibalem eò trahas. Sive igitur hic, sive illic, cum Annibale est tibi futura res. Utrum ergo tandem firmior eris in Africa solus, an hic tuo collegæque exercitu conjuncto? Ne Claudius quidem & Livius consules tam recenti exemplo, quantum id intersit documento sunt? Quid? Annibalem, utrum tandem extremus angulus agri Bruttii frustra jam diu poscentem ab domo auxilia, an propinqua Carthago, & tota socia Africa potentior armis virisque faciet? Quod istud consilium est, ibi malle decernere, ubi tuæ dimidio minores copiae sint, hostium multo majores quàm ubi duobus exercitibus adversus unum tot præliis & tam diurna & gravi militia fessum, pugnandum sit? Quam compar consilium tuum parentis tui consilio sit, reputa. Ille consul profectus in Hispaniam, ut Annibali ab Alpibus descendenti occurreret, in Italiam ex provincia rediit: tu, quum Annibal in Italia sit, relinquere Italiam paras, non quia Reipub. id utile, sed quia tibi amplum & gloriosum censes esse: sicut quum provincia & exercitu relicto sine lege, sine senatusconsulto,

sulto, duabus navibus populi Romani imperator fortunam publicam & majestatem imperii, quæ tum in tuo capite periclitabantur, commisisti. Ego, P. Cornelium, p. c. Reipub. nobisque, non sibi ipsi privatim creatum consulem existimo: exercitusque ad custodiam urbis atque Italiæ scriptos esse, non quos regio more per superbiam consules, quo terrarum velint, trajiciant.

O R A T I O

P. CORNELII Scipionis, orationi præcedenti Q. Fabii respondens.

QUINTUS Fabius principio orationis p. c. commemoravit, in sententia sua posse obrectationem suspectam esse. cujus ego rei non tam ipse ausim tantum virum insimulare, quam ea suspicio, vitio orationis an rei, haud sane purgata est. Sic enim honores suos & famam rerum gestarum extulit verbis, ad extinguendum invidiæ crimen, tanquam mihi ab infimo quoque periculum sit, ne mecum æmuletur: & non ab eo, qui quia super cæteros excellat, quo me quoque niti non dissimulo me sibi æquari nolit. Sic senem se perfunctum honoribus, & me infra ætatem filii etiam sui posuit; tanquam non longius quam quantum vitæ humanæ spatium est, cupiditas gloriæ extendatur, maximaque pars ejus in memoriam ac posteritatem promineat. Maximo cuique id accidere animo certum habeo, ut se non eum

præsentibus modo, sed cum omnis ævi claris viris comparet. Equidem haud dissimulo, me tuas Q. Fabi laudes non assequi solum velle, sed (bona veniâ tuâ dixerim) si possim, etiam exsuperare. Illud nec tibi in me, neu mihi in minores natu animi sit, ut nolimus quemquam nostri similem evadere civem. Id enim non eorum modò, quibus inviderimus, sed Reipub. & penè omnis generis humani detrimentum sit. Commemoravit, quantum essem periculi aditurus, si in Africam trajicerem: ut meam quoque non solum Reipub. & exercitus vicem videretur sollicitus. Unde hæc repente de me cura exorta? Quum pater patruusque meus interfecti, quum duo exercitus eorum prope occidione occisi essent. quum amissæ Hispaniæ, quum quatuor exercitus Pœnorum, quatuor duces omnia metu armisque tenerent, quum quæsitus ad id bellum imperator nemo se ostenderet, præter me, nemo profiteri nomen ausus esset, quum mihi quatuor & viginti annos nato detulisset imperium populus Romanus; quid ita tum nemo ætatem meam, vim hostium, difficultatem belli, patris patruisque recentem cladem commemorabat? Utrum major aliqua nunc in Africa calamitas accepta est, quàm tunc in Hispania erat? An majores nunc sunt exercitus in Africa, duces plures melioresque, quàm tunc in Hispania fuerunt? an ætas mea tunc maturior bello gerendo fuit quàm nunc est? An cum Carthaginiensi hoste

in

in Hispania , quam in Africa bellum geri aptius est ? Facile est post fusos fugatosque quatuor exercitus Punicos , post tot urbes vi captas , aut metu subactas in ditionem , post perdomita omnia usque ad Oceanum , tot regulos , tot sævas gentes , post receptam totam Hispaniam , ita ut vestigium nullum belli reliquum sit , elevare meas res gestas : tam Hercule quàm si victor ex Africa redierim , ea ipsa elevare , quæ nunc retinendi mei causa , ut terribilia eadem videantur , verbis extolluntur. Negat aditum esse in Africam , negat ullos patere portus , M. Attilium captum in Africa commemorat ; tanquam M. Attilius primo accessu ad Africam offenderit. neque recordatur , illi ipsi tam infelici imperatori patuisse tamen portus Africæ , & res egregias primo anno gessisse : & quantum ad Carthaginenses duces attinet , invictum ad ultimum permansisse. Nihil igitur me isto exemplo terrueris : si hoc bello , non priore , si nuper , non annis ante quadraginta , ista clades accepta foret ; qui ego minus in Africam regulo capto , quàm Scipionibus occisis in Hispaniam , trajicerem ? Nec felicius Xantippum Lacedæmonium Carthagini , quàm me patriæ meæ sinerem natum esse. cresceretque mihi ex eo ipso fiducia , quòd possit in hominis unius virtute , tantum momenti esse. At etiam Athenienses audiendi sunt , temete in Siciliam , omisso domi bello , transgressi. Cui ergo ; quoniam Græcas fabulas narrare vacat ,

non Agathoclem potius Syracusanum regem ,
quum diu Sicilia Punico bello ureretur , trans-
gressum in hanc eandem Africam , avertisse eò
bellum unde venerat , refers ? Sed quid ultro
metum inferre hosti , & ab se remoto periculo
aliud in discrimen adducere , quale sit , veteri-
bus externisque exemplis admonere opus est ?
Majus præsentiusque ullum exemplum esse
quàm Annibal potest ? multum interèst , alie-
nos populere fines , an tuos uri exscindique vi-
deas , plus animi est inferenti periculum , quàm
propulsanti. Ad hoc major ignotarum rerum
est terror : bona malaque hostium ex propin-
quo ingressus fines adspicias. Non speraverat
Annibal fore , ut tot in Italia populi ad se defi-
cerent , quot defecerunt post Cannensem cla-
dem ; quanto minus quicquam in Africa Car-
thaginensibus firmum ac stabile est , infidis so-
ciis , gravibus ac superbis dominis ? Ad hoc nos
etiam deserti ab sociis , viribus nostris , milite
Romano , stetimus. Carthagine nihil civilis
roboris est. mercede paratos milites habent ,
Afros , Numidasque ; levissima fidei mutandæ
ingenia. Hic modo nihil moræ sit. una & tra-
jecisse me audietis , & ardere bello Africam , &
molientem hinc Annibalem ; & obsideri Car-
thaginem : lætiores , & frequentiores ex Afri-
ca expectate nuntios , quàm ex Hispania acci-
piebatis. Has mihi spes subjicit fortuna populi
Romani , Dii fœderis ab hoste violati testes ,
Syphax & Masaniſſa reges : quorum ego fidei
ita

ita innitar, ut bene tutus à perfidia sim. Multa quæ nunc ex intervallo non apparent, bellum aperiet. Et, Id est viri & ducis, non deesse fortunæ præbenti se, & oblata casu flectere ad consilium. Habebo, Quinte Fabi, parem quem das Annibalem; sed illum potius ego traham, quàm ille me retineat. In sua terra cogam pugnare eum, & Carthago potius præmium victoriæ erit, quàm semiruta Bruttiorum castella. Nequid interim, dum trajicio, dum expono exercitum in Africa, dum castra ad Carthaginem promoveo, Respublica hic detrimenti capiat; quod tu, Q. Fabi, quum victor tota Italia volitaret Annibal, potuisti præstare; hoc vide ne contumeliosum sit, concusso jam & pene fracto Annibale, negare, posse P. Licinium consulem virum fortissimum præstare. qui ne à sacris absit pontifex maximus, ideo in fortem tam longinquæ provinciæ non veni. Si, hercule, nihilo maturius hoc, quo ego censeo, modo perficeretur bellum: tamen ad dignitatem populi Romani, famamque apud reges gentesque externas pertinebat; non ad defendendam modo Italiam sed ad inferenda etiam Africæ arma, videri nobis animum esse; nec hoc credi vulgarique, quod Annibal ausus sit, neminem ducem Romanorum audere & priore Punico bello, tum quum de Sicilia certaretur, toties Africam nostris exercitibus & clasibus oppugnatam, nunc quum de Italia certatur, Africam pacatam esse. Requiescat ali-

quando vexata tamdiu Italia: uratur, evasteturque invicem Africa. Castra Romana potius Carthaginis portis immineant, quam nos iterum vallum hostium ex mœnibus nostris videamus. Africa sit reliqui belli sedes illuc terror fugaque, populatio agrorum, defectio sociorum, cæteræ belli clades, quæ in nos per xiv. annos ingruerunt, versentur. Quæ ad Rempub. pertinent, & bellum quod instat, & provincias de quibus agitur, dixisse satis est. Illa longa oratio nec ad vos pertinens sit, si quemadmodum Q. Fabius meas res gestas in Hispania elevavit, sic & ego contra gloriam ejus eludere, & meam verbis extollere velim. Neutrum faciam, p. c. & si ulla aliare, modestia certe, & temperando linguæ adolescens senem vicero. Ita & vixi & res gessi, ut tacitus eâ opinione, quam vestrâ sponte conceptam animis haberetis, facile contentus essem.

Ex trigesimo libro ab urbe condita.

O R A T I O

SOPHRONISBÆ uxoris Syphacis ad Masanissam.

A R G U M E N T U M.

Capto Syphace Masanissa Cirtham, caput regni Syphacis, quo ex fuga magna vis hominum se receperat, ire destinabat: ac vocatis ad colloquium primoribus civitatis, non impetrare ante posuit ut urbem dederent, quam Syphacem regem vincitum in conspectum dari jussit. Ingressus deinde Cirtham, praefidiis ad portas dimissis ne cui puteret egressus, ipse citato equo ad regiam ire pergebat, cum Sophronisba Syphacis uxor in regia vestibulo occurrent ita cum ipso loquuta est.

OMNIA quidem ut posses in nos, Dii tibi dederunt, virtusque & felicitas tua. sed si

captivæ apud dominum vitæ necisque suæ vocem supplicem mittere licet, si genua, si victricem attingere dextram, precor quæsoque per majestatem regiam in qua paulò ante nos quoque fuimus, perque gentis Numidarum nomen, quod tibi cum Syphace commune fuit, per hujusce regis Deos, qui te melioribus omnibus accipiant, quam Syphacem hinc miserunt: hanc veniam supplici des, ut ipse quodcunque fert animus, de captiva statuas, neque me in cujusquam Romani superbum ac crudele arbitrium venire sinas. Si nihil aliud quam Syphacis uxor fuisset, tamen Numidæ atque in eadem mecum Africa geniti, quàm alienigenæ & externi fidem experiri mallet. Quid Carthaginienſi ab Romano, quid filiæ Asdrubalis timendum sit, vides. Si nulla aliâ re potes, morte me ut vindices ab Romanorum arbitrio, oro obtestorque.

O R A T I O

P. SCIPIONIS ad Masaniſſam.

A R G U M E N T U M.

Introducitur ad Scipionem Syphax, quum interrogaretur, quid ita se movisset ad sumenda arma contra Romanos, responderat; Vxoris meæ perfidia. Quæ vox in causa fuit, ut P. Scipio plura de hac ipsa re cognoscere cuperet. Itaque jactis ulro citroque multis quæ ad eam rem pertinerent, eo tandem ventum est ut Syphax ipse uxorem suam predicaret à Masaniſſa sic amari, ut jacti inter eos de matrimonio conventum esset. Egredere tulit ipse illud Scipio ac per occasionem in hac verba à fæda libidine Masaniſſum deterrebat.

ALiqua te existimo, Masaniſſa, intuentem in me bona, & principio in Hispania, ad jungendam mecum amicitiam venisse, & post-

quando vexata tamdiu Italia: uratur, evasteturque invicem Africa. Castra Romana potius Carthaginis portis immineant, quam nos iterum vallum hostium ex mœnibus nostris videamus. Africa sit reliqui belli sedes illuc terror fugaque, populatio agrorum, defectio sociorum, cæteræ belli clades, quæ in nos per xiv. annos ingruerunt, versentur. Quæ ad Rempub. pertinent, & bellum quod instat, & provincias de quibus agitur, dixisse satis est. Illa longa oratio nec ad vos pertinens sit, si quemadmodum Q. Fabius meas res gestas in Hispania elevavit, sic & ego contra gloriam ejus eludere, & meam verbis extollere velim. Neutrum faciam, p. c. & si ulla alia re, modestia certe, & temperando linguæ adolescens senem vicero. Ita & vixi & res gessi, ut tacitus eâ opinione, quam vestrâ sponte conceptam animis haberetis, facile contentus essem.

Ex trigesimo libro ab urbe condita.

O R A T I O

SOPHRONISBÆ uxoris Syphacis ad Masanissam.

A R G U M E N T U M.

Capto Syphace Masanissa Cirtham, caput regni Syphacis, quo ex fuga magna vis hominum se receperat, ire destinabat: ac vocatis ad colloquium primoribus civitatis, non impetrare ante posuit ut urbem dederent, quàm Syphacem regem vinclum in conspectum dari jussit. Ingressus deinde Cirtham, prasidiis ad portas dimissis, ne cui pateret egressus, ipse citato equo ad regiam ire pergebat, quum Sophronisba Syphacis uxor in regia vestibulo occurrens ita cum ipso loquuta est.

OMNIA quidem ut posses in nos, Dii tibi dederunt, virtusque & felicitas tua. sed si
ca;

captivæ apud dominum vitæ necisque suæ vocem supplicem mittere licet, si genua, si victri-
cem attingere dextram, precor quæsoque per
majestatem regiam in qua paulò ante nos quo-
que fuimus, perque gentis Numidarum nomen,
quod tibi cum Syphace commune fuit, per hu-
jusce regiæ Deos, qui te melioribus omnibus
accipiant, quam Syphacem hinc miserunt: hanc
veniam supplicis des, ut ipse quodcunque fert
animus, de captiva statuas, neque me in cujus-
quam Romani superbum ac crudele arbitrium
venire sinas. Si nihil aliud quam Syphacis uxor
fuissèm, tamen Numidæ atque in eadem me-
cum Africa geniti, quàm alienigenæ & externi
fidem experiri malle. Quid Carthaginien-
si ab Romano, quid filiæ Asdrubalis timendum sit,
vides. Si nulla aliâ re potes, morte me ut vindi-
ces ab Romanorum arbitrio, oro obtestorque.

O R A T I O

P. SCIPIONIS ad Masanißam.

A R G U M E N T U M.

*Introducitur ad Scipionem Syphax, quum interrogaretur, quid ita
se movisset ad sumenda arma contra Romanos, responderat: Vxoris
meæ perfidia. Quæ vox in causa fuit, ut P. Scipio plura de hac
ipsa re cognoscere cuperet. Itaque jactis utro utroque multis
que ad eam rem pertinerent, eo tandem ventum est ut Syphax
ipse uxorem suam predicaret à Masanißa sic amari, ut jactu inter
eos de matrimonio conventum esset. Agre tulit ipsu n illud Scipio
ac per occasionem in hac verba à fæda libidine Masanißam deter-
rebat.*

AL I Q U A te exillimo, Masanißa, intuentem
in me bona, & principio in Hispania, ad
jungendam mecum amicitiam venisse, & post-

câ in Africa teipsum, spesque omnes tuas in fidem meam commisisse. Atque nulla earum virtus est, propter quas appetendus tibi visus sim, quâ ego æquè atque temperantia & continentia libidinum gloriatus fuerim. Hanc te quoque ad cæteras tuas eximias virtutes, Massanissa, adjecisse velim; non est, non, (mihi crede) tantum ab hostibus armatis ætati nostræ periculi, quantum ab circumfusus undique voluptatibus. Qui eas suâ temperantiâ frenavit ac domuit, næ multo majus decus majoremque victoriam sibi peperit, quàm nos Syphace victo habemus. Qua me absente strenuè ac fortiter fecisti, libenter & commémoravi, & memini. cætera ipsum reputare tecum quàm, me dicente, erubescere malo. Syphax Populi Romani auspiciis victus captusque est. Itaque ipse, conjunx, regnum, ager, oppida, homines qui incolunt, quicquid denique Syphacis fuit, præda populi Romani est: Et regem, conjugemque ejus, etiamsi non civis Carthaginienſis esset, etiamsi non patrem ejus imperatorem hostium videremus, Romam oporteret mitti, ac senatus populiſque Romani de ea judicium atque arbitrium esse: quæ regem nobis socium alienasse, atque in arma egiſſe præcipitem dicatur. Vince animum, cave deformes multa bona uno vitio, & tot meritorum gratiam majore culpa, quàm causa culpæ est, corrumpas.

O R A T I O

ANNIBALIS, ad P. Scipionem de pace.

A R G U M E N T U M.

Digressus ex Italia Annibal; quum Africam repetens, Zamam quæ quinque tantum dierum iter Carthagine abest, pervenisset, præmisit exploratores, qui cognoscerent quonam in statu res illis Romanorum essent. Speculatores à custodibus in castra deducti, omisso metu visere omnia & contemplari jussi. Regressi quum lata omnia non secus quam in certa victoria nuntiarent tum demum de pace Annibal cogitare cepit: ac per suos Scipioni occito ad colloquium, conditiones pacis ferendas esse ita suavit.

SI hoc ita fato datum erat, ut qui primus bellum intuli populo Romano, quique toties propè in manibus victoriam habui, is ultrò ad pacem petendam venirem, lætor te mihi sorte potissimum datum, à quo peterem. Tibi quoque inter multa egregia non in ultimis laudum hoc fuerit, Annibalem, cui de tot Romanis ducibus victoriam Dii dedissent, tibi cecidisse: teque huic bello, vestris prius quam nostris cladibus insigni, finem imposuisse. Hoc quoque ludibrium fortunæ casus ediderit, ut cum patre tuo consule ceperim arma, cum eodem primum Romano imperatore signa contulerim; ad filium ejus inermis ad pacem petendam veniam. Optimum quidem fuerat, cum patribus nostris mentem datam ab Diis esse, ut & vos Italiæ, & nos Africæ imperio contenti essemus: neque enim ne vobis quidem Sicilia atque Sardinia satis digna prætia sunt pro tot classibus, tot exercitibus, tot tamque egregiis amissis ducibus. Sed præterita magis reprehendi possunt, quam corrigi. Ita
aliena

aliena appetivimus, ut de nostris dimicaremus, nec in Italia solum vobis bellum, nobis in Africa esset. sed & vos in portis vestris propè ac mœnibus signa armaque hostium vicistis; & nos ab Carthagine fremitum castrorum Romanorum exaudimus. Quòd igitur nos maximè abominaremur, vos ante omnia optaretis; in meliore vestra fortuna de pace agitur; agimus ii, quorum & maxime interest pacem esse, & qui quodcunque egerimus, ratum civitates nostræ habituræ sint. animo tantum nobis opus est non abhorrente à quietis consiliis. Quod ad me attinet; jam ætas, senem in patriam revertentem unde puer profectus sum; jam secundæ, jam adversæ res, ita erudierunt, ut rationem sequi quàm fortunam malim. Tuam & adolescentiam, & perpetuam felicitatem, ferociora utraque, quam quietis opus est consiliis, metuo. Non temere incerta casuum reputat quem fortuna nunquam decepit. Quod ego fui ad Thrasimenum, ad Cannas, id tu hodie es. vixdum militari ætate imperio accepto omnia audacissimè incipientem nusquam fefellit fortuna. Patris & patruï persecutus mortem, ab calamitate vestræ domus decus insigne virtutis pietatisque eximiæ cepisti, amissas Hispanias recuperasti, quatuor inde Punici exercitibus pulsus, Consul creatus, quum cæteris ad tutandam Italiam parum animi esset, transgressus in Africam, duobus hic exercitibus cæsis, binis eadem horâ captis simul

mul incensisque castris, Syphace potentissimo rege capto, tot urbibus regni ejus, tot nostri imperii ereptis, me sextumdecimum jam annum hærentem in possessione Italiæ detraxisti. Potest victoriam malle, quam pacem, animus. Novi vobis spiritus magnos magis quàm utiles. & mihi talis aliquando fortuna affulsit. Quòd si in secundis rebus, bonam quoque mentem darent Dii, non ea solum quæ evenissent, sed etiam ea, quæ evenire possent, reputaremus. Ut omnium obliviscaris aliorum, satis ego documentum in omnes casus sum. Quem modo castris inter Anienem atque urbem vestram positis, ac jam prope scandentem mœnia Romana videras; hic cernis, duobus, fortissimis viris fratribus clarissimis imperatoribus orbatum, ante mœnia propè obsessæ patriæ, quibus terrui vestram urbem, ea pro mea deprecantem. **MAXIMÆ** cuiq; fortunæ minime credendum est. In bonis tuis rebus, nostris dubiis, tibi ampla ac speciosa danti est pax. nobis perentibus magis necessaria quàm honesta: Melior tutiorque est certa pax, quàm sperata victoria. hæc in tua, illa in Deorum manu est. Ne tot annorum felicitatem, in unius horæ dedetis discrimen. Cum tuas vires, tum vim fortunæ, Martemque belli communem, propone animo. Utrumque ferrum, corpora humana erunt. nusquam minus quàm in bello eventus respondent. Non tantum ad id quod data pace jam habere potes, si prælio vincas, gloriæ adjeccris;

ris; quantum ademeris, siquid adversi eveniat. Simul parta ac sperata decora unius horæ fortuna evertere potest. Omnia in pace jungenda tuæ potestatis sunt P. Corneli: tunc ea habenda fortuna erit, quam Dii dederint. Inter pauca felicitatis virtutisque exempla M. Attilius quondam in hac eadem terra fuisset, si victor pacem petentibus dedisset patribus nostris: sed non statuendo tandem felicitati modum, nec cohibendo efferentem se fortunam, quanto altius elatus erat, eo cædius corruit. Est quidem ejus, qui dat, non qui petit, conditiones dicere pacis: sed forsitan non indignissimus, qui nobismet ipsis multam irrogemus. Non recusamus, quin omnia propter quæ bellum initum est, vestra sint; Sicilia, Sardinia, Hispania; quicquid insularum toto inter Africam Italiamque continetur mari. Carthaginienses, inclusi Africæ litoribus, vos (quando ita Diis placuit) externa etiam terra marique videamus regentes imperia. Haud negaverim propter non nimis sincere petitam aut expectatam nuper pacem, suspectam esse vobis Punicam fidem. Multum per quos petita sit, ad fidem tuendæ pacis pertinet Scipio. Vestri quoque (ut audio) patres nonnihil etiam ob hoc, quia parum dignitatis in legatione erat, negaverunt pacem. Annibal peto pacem: qui neque peterem nisi utilem crederem: & propter eandem utilitatem tuebor eam, propter quam petii. Et quemadmodum, quia à me bellum
lum

lum cœptum est, ne quem ejus pœniteret, quo-
ad ipsi invidere Dei, præstiti : ita annitar ; ne
quem pacis per me partæ pœniteat.

O R A T I O

S C I P I O N I S ad Annibalem.

A R G U M E N T U M.

NON me fallebat, Annibal, adventus tui
spe Carthaginenses & præsentem indu-
ciarum fidem, & spem pacis turbasse, neque tu
insane dissimulas, qui de conditionibus supe-
rioribus pacis omnia subtrahas, præter ea, quæ
jampridem in nostra potestate sunt. Cæterum,
sicut tibi curæ est, sentire cives tuos, quanto
per te onere leventur : sic mihi laborandum
est, ne quæ tunc pepigerunt, hodie subtrahantur
ex conditionibus pacis præmia perfidiæ ha-
beant, indigni, quibus eadem pateat conditio,
ut etiam prosit vobis fraus, petitis. Neque patres
nostri priores de Sicilia, neque nos de Hispania
fecimus bellum. & tunc Mamertinorum socio-
rum periculum, & nunc Sagunti excidium no-
bis pia ac justa induerunt arma. Vos laceffisse,
& tu ipse fateris, & Dii testes sunt : qui & illius
belli exitum secundum jus fasque dederunt ; &
hujus dant & dabunt. Quod ad me attinet, &
humanæ infirmitatis memini, & vim fortunæ
reputo, & omnia quæcunque agimus, subje-
cta esse mille casibus scio. Cæterum quemad-
modum superbè & violenter me faterer face-
re, si priusquam in Africam trajecissem, te tua

VO-

voluntate cedentem Italiæ, & imposito in naves exercitu ipsum venientem ad pacem petendam aspernarer: sic nunc, quum prope manu conferta resstantem ac tergiversantem in Africam attraxerim, nullâ sum tibi verecundiâ obstrictus. Proinde si quid ad ea, in qua tum pax conventura videbatur (quæ sint, nosti:) multæ navium cum commeatu per inducias expugnatarum, legatorumque violatorum adjicitur; est quod referam ad concilium. Sin illa quoque gravia videntur, bellum parate, quoniam pacem pati non potuistis.

O R A T I O

ANNIBALIS AD CARTHAGINIENSES, qui reprehenderant quod risisset in communi fletu.

A R G U M E N T U M.

Inter alias pacis condiciones Carthaginiensibus petentibus pacem à Scipione auctoritate senatus datas, id etiam propositum erat, ut in annos quinquaginta decem millia talentum argenti pensionibus aquis solverent. Prima collatio pecunie longo bello exhaustis difficilis videbatur: itaque quum ob eam ipsam ceteris in curia Carthaginiensi moerentibus atque flentibus unus Annibal rideret, tum Asdrubal Hædus ridentem in publico fletu atque luctu increpavit, quum præsertim earum lacrymarum ipse causa esset. Tum Annibal in hanc sententiam respondit objurganti atque ceteris.

SI quemadmodum oris habitus cernitur oculis, sic & animus intus cerni posset, facile vobis appareret, non læti, sed prope amentis malis cordis hunc, quem increpatis, risum esse. qui tamen nequaquam adeo est intempestivus, quàm vestræ istæ absurdæ atque abhorrentes lachrymæ sunt. Tunc flecte decuit, quum adempta nobis arma, incensæ naves, interdictum externis bellis. Illo enim vulnere concidi-

cidimus. Nec esse in vos odio vestro consultum ab Romanis credatis. **N**ULLA magna civitas diu quiescere potest. Si fortis hostem non habet, domi invenit, Ut prævalida corpora ab externis causis tuta videntur, sed suis ipsa viribus onerantur. Tantum nimirum ex publicis malis sentimus, quantum ad privatas res pertinet: nec in eis quicquam acrius, quàm pecuniæ damnum stimulat. Itaque quum spolia victæ Carthagini detrahebantur, quum inermem jam ac nudam destitui inter tot armatas gentes Africæ cerneretis, nemo ingemuit. nunc quia tributum ex privato conferendum est, tanquam in publico funere comploratis. Quam vereor, ne propediem sentiat levissimo in malo vos hodie lachrymasse.

Ex tricesimosecundo libro ab urbē condita.

O R A T I O

ARISTHENI PRÆTORIS Achæorum, quā eos objurgat.

A R G U M E N T U M.

T. Quintius in obsidione Elatie, ratus, Cycliade principe factionis adversa expulso, Achæorum animos à Philippo averti posse, legatos ad Achæos hac de re misit. Aristhenus erat prætor Achæorum qui ea in causa Romanis favebat. Is itaque qua die legati mandata exposuerant, quum propter imminentem noctem nihil transigi ac desiniri posse videret, jus ferendi sententiam, dimisso senatu in posterum diem differt. Postero die potestate facta à magistratibus si quis vellet suadendi, nemo prodibat, quum Aristhenus ne tacitum senatum rursus dimitteret, ita Achæos ipse increpare cepit.

VBi illa certamina animorum, Achæi, sunt, quibus in conviviis & circulis quum de Philippo & Romanis mentio incidit, vix manibus temperabatis. Nunc in concilio ad eam

eam rem unam indicto quum legatorum utrinque verba audieritis, quum referant magistratus, quum præco ad suadendum vocet, obmutuistis. Si non cura communis salutis; ne studia quidem, quæ in hanc aut in illam partem animos vestros inclinarunt, vocem cuiquam possunt exprimere? quum præsertim nemo tam hebes sit, qui ignorare possit, dicendi ac suadendi quod quisque aut velit, aut optimum putet, nunc occasionem esse priusquam quicquam decernamus. Ubi semel decretum erit, omnibus id, etiam quibus antè displicuerit, pro bono atque utili fœdere defendendum.

Ex tricesimoquarto libro ab urbe condita.

O R A T I O

M. CATONIS CONSULIS, pro lege Oppia contra mulierum luxuriam.

A R G U M E N T U M.

M. Oppius & T. Romulejus tribuni plebis inter procellas belli Punicæ, Q. Fabio & T. Sempronio consulibus legem tulerant nequa mulier, plus semuncia auri haberet, neu vestimento versicolori uteretur, neu iuncto vehiculo in urbe oppidove aut propius inde mille passus, nisi sacrorum publicorum causa, veheretur. Ea lex ab altero latere Oppia dicta. Matronæ nobiles omnes homines ad legis abrogationem sollicitabant: nec jam ulla authoritate, verecundia imperiove primorum patrum à limine senatus contineri atque arceri poterant. Nunc ad forum frequentes conveniebant, nunc per vias urbis discurrebant, orantes viros ut in tam secunda fortuna sibi ornatus adversis rebus negatus atque ademptus redderetur. Lex ipsa, præter tribunospl. duos, M. quoque Porcium Catonem consulem defensorem habebat: ceteri ferè impugnabant. Is itaque Porcius Cato matronarum conciliabul. tota urbe totis diebus frequentia præter morem fieri cernens, quum quidita convenirent, intellexisset, advocata concione ita pro lege adversus luxuriam mulierum disseruit. L. Valerius tribunuspl. is qui tulerat de lege abroganda, post Catonem, ut sequitur, pro mulieribus adversus legem Catoni respondit.

SI in sua quisque nostrum matrefamilias, Quirites, jus & majestatem viri retinere instituisse, minus cum universis foeminis negotii haberemus. nunc domi victa libertas nostra impotentia muliebri, hic quoque in foro obteritur & calcatur: & quia singulas sustinere non potuimus, universas horremus. Equidem fabulam & fictam rem ducebam esse, virorum omne genus in aliqua insula conjuratione muliebri à stirpe sublatum esse. Ab nullo genere non æque summum periculum est; si coetus & concilia, & secretas consultationes esse sinas. Atque ego vix statuere apud animum meum possum, utrum peior ipsa res, an pejore exemplo agatur. Quorum alterum ad nos consules, reliquosque magistratus; alterum ad vos Quirites magis pertinet. Nam utrum è Republica sit, necnè, id quod ad vos fertur, vestra existimatio est, qui in suffragium ituri estis. Hæc consternatio muliebris, sive sua sponte, sive authoribus vobis, M. Fundani, & L. Valeri facta est, haud dubio ad culpam magistratuum pertinens, nescio vobis, Tribuni an consulibus magis sit deformis. vobis, si foeminas ad concitandas tribunicias seditiones jam adduxistis: nobis, si ut plebis quondam, sic nunc mulierum secessione leges accipiendæ sunt. Equidem non sine rubore quodam paulò ante per medium agmen mulierum in forum pervedi. quod nisi me verecundia singularum magis majestatis & pudoris, quam universarum

te-

tenuisset, ne compellatæ à consule viderentur, dixissem: Qui hic mos est in publicum procurrendi, & obsidendi vias, & viros alienos appellandi? Istud ipsum suos quæque domi rogare non potuistis? An blandiores in publico quàm in privato, & alienis quàm vestris estis? quanquam nec domi quidem vos, si sui jûris finibus matronas contineret pudor, quæ leges hic rogarentur abrogarenturve, curare decuit. Majores nostri, nullam ne privatam quidem rem agere fœminas sine auctore voluerunt: in manu esse parentum, fratrum, virorum. nos (si Diis placet) jam etiam Rempubl. capessere eas patimur, & foro quoque, & concionibus, & comitiis immisceri. Quid enim nunc aliud per vias & compita faciunt, quàm quòd aliæ rogationes tribunorum plebis suadent, aliæ legem abrogandam censent? Date frænos impotenti naturæ, & indomito animali, & sperate ipsas modum licentiæ facturas, nisi vos faciatis. Minimum hoc eorum est, quæ iniquo animo fœminæ sibi, aut moribus aut legibus injunctum patiuntur. omnium rerum libertatem imò licentiam (si vera dicere volumus,) desiderant. Quid enim si hoc expugnaverint, non tentabunt? Recensete omnia muliebria jura, quibus licentiam eorum alligaverint majores nostri, per quæque subjecerint vitis: quibus omnibus constrictas vix tamen continere potestis. Quid si carpere singula & extorquere, & exæquari ad extremum viris patiimini; tolerabi-

rabiles vobis eas fore creditis? extemplo simul pares esse cœperint, superiores erunt. At, Hercule, nequid novum in eas rogetur, recusant. non jus, sed injuriam deprecantur. Imò ut quam accepistis, jussistis suffragiis vestris legem, quam usu tot annorum & experiendo comprobastis, hanc ut abrogetis: id est, ut unam tollendo legem cæteras infirmetis. Nulla lex satis commoda omnibus est: id modò quæritur, si majori parti, & in summam prodest. si quod cuiquam privatim officiet jus, id destruet ac demolietur, quid attinebit universos rogare leges, quas mox abrogare, in quos latæ sunt, possint? Volo tamen audire quid sit, propter quod matronæ consternaræ procurrant in publicum. ac vix foro se & concione abstineant. Ut captivi ab Annibale redimantur, parentes, viri, liberi, fratres earum? Procul abest, absitque semper talis fortuna Reipublicæ: sed tamen quum fuit, negastis hoc piis precibus earum. At non pietas, nec sollicitudo pro suis, sed religio congregavit eas. Matrem Idæam Pessinunte ex Phrygia venientem accepturæ sunt. Quid honestum dictu saltem seditioni prætenditur muliebri? Ut auro & purpura fulgeamus, inquiunt: ut carpentis festis profestisq; diebus, velut triumphantes de lege victa & abrogata, & captis & ereptis suffragiis vestris, per urbem vectemur: ne ullus modus sumptibus, nec luxuriæ sit. Sæpe me querentem de foëminarum, sæpe de virorum, nec de privatorum modò
sed

sed etiam magistratuum sumptibus audistis; diversisque duobus vitiis, avaritiâ & luxuriâ civitatem laborare: quæ pestes omnia magna imperia evertunt. Hæc ego quo melior lætiorque in dies fortuna Reipub. est, imperiumque crescit:& jam in Græciam Asiamque transcendimus, omnibus libidinum illecebris repletas, & regias etiam attrectamus gazas: copius horreo, ne illæ magis res nos ceperint, quàm nos illas. Infesta, mihi credite, signa ab Syracusis illata sunt huic urbi. jam nimis multos audio Corinthi & Athenarum ornamenta laudanteis miranteisque& antefixa fœtalia Deorum Romanorum ridenteis. Ego hos malo propitios Deos, & ita spero futuros, si in suis manere sedibus patiemur. Patrum nostrorum memoria per legatum Cyneam Pyrrhus, non virorum modo, sed etiam mulierum animos donis tentavit. nondum lex Oppia ad coercendam luxuriam muliebrem lata erat: tamen nulla accepit. Quam causam fuisse censetis? Eadem fuit, quæ majoribus nostris, nihil de hac re lege sancienti. nulla erat luxuria, quæ coerceretur. S I C U T ante morbos necesse est cognitos esse, quàm remedia eorum: sic cupiditates prius natæ sunt quàm leges, quæ iis modum facerent. Quid legem Liciniam excitavit de quingentis jugeribus, nisi ingens cupido agros continuandi? Quid legem Cinciam de donis & muneribus, nisi quia vectigalis jam & stipendiaria plebs esse Senatui cœperat? Itaque

que minime mirum est, nec Oppiam, nec aliam ullam tum legem desideratam esse, quæ modum sumptibus mulierum faceret; quum aurum & purpuram data & oblata ultrò non accipiebant. Si nunc cum illis donis Cyneas urbem circumiret; stantes in publico invenisset quæ acciperent. Atque ego nonnullarum cupiditatum ne causam quidem aut rationem inire possum. Nam ut quod alii liceat, tibi non licere, aliquid fortasse naturalis aut pudoris, aut indignationis habeat: sic æquato omnium cultu, quid unaquæque vestrum veretur, ne in se conspiciatur? Pessimus quidem pudor est vel parsimonix, vel paupertatis: sed utrumque lex vobis demit, quum id quod habere non licet non habetis. Hanc, inquit, ipsam exæquationem non fero, illa locuples. cur non insignis auro & purpura conspicior? cur paupertas aliarum sub hac legis specie latet, ut quod habere non possunt, habituræ, si liceret, fuisse viderentur? Vultis hoc certamen uxoribus vestris injicere, Quirites, ut divites id habere velint, quod nulla alia possit; pauperes, ne ob hoc ipsum contemnantur, supra vires se extendant? Næ, simul pudere, quod non oportet cœperit; quod oportet, non pudebit. quæ de suo poterit, parabit: quæ non poterit, virum rogabit. Miserum illum virum; & qui exoratus & qui non exoratus erit! quum quod ipse non dederit, datum ab alio videbit. Nunc vulgò alienos viros rogant, & quod majus est, le-

gem & suffragia rogant ; & à quibusdam impetrant , adversus te & rem tuam & liberos tuos inexorabiles. simul lex modum sumptibus uxoris tuæ facere desierit , tu nunquam facies. Nolite eodem loco existimare , Quirites, futuram rem quo fuit , antequam lex de hoc ferretur. Et hominem improbum non accusari tutius est , quàm absolvi : & luxuria non mota tolerabilior esset , quàm erit nunc ; ipsis vinculis , sicut fera bestia , irritata , deinde emissa. Ego nullo modo abrogandam legem Oppiam censeo. vos quod faxitis, Deos omnes fortunare velim.

O R A T I O

L. VALERII TRIBUNI PLEBIS pro mulieribus contra legem Oppiam.

SI privati tantummodo ad suadendum dissuadendumque id quod à nobis rogatur, processissent , ego quoque quum satis dictum pro utraque parte existimarem , tacitus suffragia vestra expectassem. nunc quum vir gravissimus consul M Porcius, non autoritate solum, quæ tacita satis momenti habuisset , sed oratione etiam longa & accurata insectatus sit rogationem nostram ; necesse est paucis respondere : qui tamen plura verba in castigandis matronis, quàm in rogatione nostra dissuadenda consumpsit & quidem ut in dubio poneret, utrum id quod reprehenderet, matronæ sua sponte, an nobis auctoribus fecissent. Rem defendam, non nos : in quos

quos jecit magis hæc consul verbotenus, quàm ut re insimularet. Cœtum & seditiones, & interdum secessionem muliebrem appellavit, quod matronæ in publico vos rogassent, ut legem in se latam per bellum temporibus duris, in pace & florente ac beata Repub. abrogaretis. Verba magna, quæ rei augendæ causa conquirantur, & hæc & alia esse scio: & Catonem oratorem non solùm gravem, sed interdum etiam trucem esse scimus omnes, quum ingenio sit mitis. Nam quid tandē novi matronæ fecerunt, quòd frequentes in causa ad se pertinente in publicum processerunt? Nunquam ante hoc tempus in publico apparuerunt? Tuas adversus te Origines revolvam. Accipe quoties id fecerint, & quidem semper bono publico. Jam à principio, regnante Romulo, quum Capitolio à Sabinis capto, medio in foro signis collatis dimicaretur? nonne intercursum matronarum inter acies duas prælium sedatum est? Quid? regibus exactis, quum Coriolano Martio duce legiones Volscorum castra ad quintum lapidem posuissent; nonne id agmen, quo obrutahæc urbs esset, matronæ averterunt? Jam urbe capta à Gallis aurum, quo redempta urbs est, nempe matronæ consensu omnium in publicum contulerunt. Proximo bello (ne antiqua repetam) nonne & quum pecunia opus fuit, viduarum pecuniæ adjuverunt ærarium, & quum Dii quoque novi ad opem ferendam dubiis rebus arcesserentur, matronæ univer-

ſæ ad mare profectæ ſunt , ad matrem Idæam, accipiendam ? Diſſimiles , inquit , cauſæ ſunt. nec mihi cauſas æquare propoſitum eſt. nihil novi factum , purgare ſatis eſt. Cæterum , quod in rebus ad omnes pariter viros ſcœminasque pertinentibus feciſſe eas nemo miratus eſt , in cauſa propriè ad ipſas pertinente miramur feciſſe ? Quid autem fecerunt ? ſuperbas mediufidius aures habemus , ſi quum domini ſervorum non ſaſtidiant preces , nos rogari ab honeſtis ſcœminis indignamur. Venio nunc ad id de quo agitur , in quo duplex conſulis oratio fuit. Nam & legem ullam omnino abrogari eſt indignatus : & eam præcipuè legem quæ luxuriæ muliebris coërcendæ cauſa lata eſſet. Et illa communis pro legibus , viſa conſularis oratio eſt : & hæc adverſus luxuriam , ſeveriſſimis moribus conveniebat. Itaque periculum eſt , niſi quid in utraq; re vani ſit , docuerimus , ne quis error vobis offundatur. Ego enim , quemadmodum ex his legibus , quæ non in tempus aliquod , ſed perpetuæ utilitatis cauſa in æternum latæ ſunt , nullam abrogari debere fateor , niſi quam aut uſus coarguit , aut ſtatus aliquis Reipublicæ inutilem fecit ; ſic quas tempora aliqua deſiderarunt leges , mortales (ut ita dicam) & temporibus ipſis mutabiles eſſe video. Quæ in pace latæ ſunt , plerumque bellum abrogat. quæ in bello , pax : ut in navis adminiſtratione alia in ſecunda , alia in adverſa tempeſtate uſui ſunt. Hæc quum ita natura diſtin-

cta

ita sint, ex utro tandem genere ea lex esse videtur, quam abrogamus? An vetus regia lex, simul cum ipsa urbe nata? An (quod secundum est) à decemviris ad condenda jura creatis in duodecim tabulis scripta? Sine qua quum majores nostri non existimarint matronale decus servari posse, nobis quoque verendum sit, ne cum ea pudorem sanctitatemque foeminarum abrogemus? Quis igitur nescit, novam istam legem esse, Q. Fabio, T. Sempronio consulibus viginti annis antè latam? sine qua quum per tot annos matronæ optimis moribus vixerint, quod tandem, ne abrogata ea effundantur ad luxuriam, periculum est? Nam si ista lex ideo lata esset, ut finiret libidinem muliebrem; verendum foret, ne abrogata incitaret: cur sit autem lata, ipsum indicavit tempus. Annibal in Italia erat victor ad Cannas: jam Tarentum, jam Arpos, jam Capuam habebat: ad urbem Romam adnoturus exercitum videbatur. Defecerant socii, non milites in supplementum, non socios navales ad classem tuendam, non pecuniam in ærario habebamus: servi, quibus arma darentur, ita ut pretium pro iis bello perfecto dominis solveretur, emebantur: In eandem diem pecuniæ, frumentum & cætera quæ belli usus postulabant, præbenda publicani se conducturos professi erant: servos ad remum, numero ex censu constituto, cum stipendio nostro dabamus: aurum & argentum omne, à senatoribus ejus rei initio orto, in pu-

blicum conferebamus : viduæ & pupilli pecunias suas in ærarium deferrebant. cautum erat , quò ne plus auri & argenti facti , quò ne plus signati argenti & æris domi haberemus. Tali tempore in luxuria & ornatu matronæ occupatæ erant , ut ad eam coërcendam lex Oppia desiderata sit : quum , quia Cereris sacrificium lugentibus omnibus matronis intermissum erat , senatus finire luctum triginta diebus iussit. Cui non apparet , inopiam & miseriam civitatis , quia omnium privatorum pecuniæ in usum publicum vertendæ erant , istam legem scripsisse , tamdiu mansuram . quamdiu causa scribendæ legis mansisset ? Nam si quæ tunc temporis causa aut decrevit senatus , aut populus iussit , in perpetuum servari oportet , cur pecunias reddimus privatis ? cur publica præsentì pecunia locamus ? cur servi , qui militent , non emuntur ? cur privati non damus remiges , sicut tunc dedimus ? Omnes alii ordines , omnes homines mutationem in meliorem statum Reipub. sentient : ad conjuges tantum nostras , pacis & tranquillitatis publicæ fructus non perveniet ? Purpura viri utemur , prætextati in magistratibus , in sacerdotiis : liberi nostri prætextis purpura togis utentur , magistratibus in coloniis municipiisque , hic Romæ infimo generi magistris vicorum togæ prætextæ habendæ jus permittemus ; nec id ut vivi solum habeant tantum insigne , sed etiam ut cum eo crementur mortui ; foeminis duntaxat purpuræ
usum

usum interdicemus, & quum tibi viro liceat purpura in veste stragula uti, matremfamiliaë tuam purpureum amiculum habere non sines? & equus tuus speciosius instratus erit, quam uxor vestita? Sed in purpura, quæ teritur, assumitur, injustam quidem, sed aliquam tamen causam tenacitatis video: in auro verò, in quo præter manuspretium nihil intertrimenti fit, quæ malignitas est? Præsidium potius in eo est & ad publicos & ad privatos usus, sicuti experti estis. Nullam æmulationem inter se singularem, quando nulla haberet, esse aiebat. At, Hercule, universis dolor & indignatio est, quum sociorum Latini nominis uxoribus vident ea concessa ornamenta, quæ sibi adempta sint: quum insignes eas esse auro & purpura, quum illas vehi per urbem, se pedibus sequi: tanquam in illarum civitatibus non in sua imperium sit. Virorum hoc animos vulnerare posset: quid muliercularum censetis, quas etiam parva movent? Non magistratus, nec sacerdotia, nec triumphi, nec insignia, nec dona aut spolia bellica his contingere possunt. Mundiciæ & ornatus, & cultus, hæc fœminarum insignia sunt: his gaudent & gloriantur, hunc mundum muliebre appellarunt majores nostri. Quid aliud in luctu, quàm purpuram atque aurum deponunt? quid quum cluxerunt, sumunt? quid in gratulationibus supplicationibusque, nisi excellentiorem ornatum adjiciunt? Scilicet si legem Oppiam abrogaveritis,

tis, non vestri arbitrii erit, si quid ejus vetare volueritis, quod nunc lex vetat. minus filia, uxores, sorores etiam quibusdam in manu erunt. Nunquam salvis suis exiit servitus muliebris, & ipsa libertatem, quam viduitas & orbitas facit, detestantur. In vestro arbitrio suum ornatum, quem in legis, malunt esse. & vos in manu & tutela, non in servitio debetis habere eas: & malle patres vos aut viros, quam dominos dici. Invidiosis nominibus utebatur modo consul; seditionem muliebrem & secessionem appellando. Id enim periculum est, ne Sacrum montem; Sicut quondam irata plebs aut Aventinum capiant. Patiendum huic infirmitati est, quodcunque vos censueritis, quo plus potestis, eo moderatius imperio uti debetis.

O R A T I O

M. PORCII Catonis consulis ad suos

A R G U M E N T U M.

*Abrogata lege Oppia, Porcius Cato consul ex templo in Hispaniam cum copiis profectus est. Hic, ut hostium suorumque animos ex-
periretur, milites exercebat agendis pradis ex hostium agro. Quod
ubi satis explorasset, convocari omnes jussit: quos in hunc modum
ad legitimum certamen adhortari capit.*

T E M P U S quod saepe optastis, venit: quo vobis potestas fieret virtutem vestram ostendendi. Adhuc praedonum magis quam bellantium militastis more: nunc justa pugna hostes cum hostibus conferetis manus. Non agros inde populari, sed urbium opes haurire licebit. Patres nostri, quum in Hispania Cartha-

thaginiensium, & imperatores ibi & exercitus essent, ipsi nullum imperatorem, nullos in ea milites haberent; tamen addere hoc in fœdere voluerunt, ut imperii sui Iberus fluvius esset finis. Nunc, quum duo prætores, quum consul, quum tres exercitus Romani Hispaniam obtineant, Carthaginiensium jam prope decem annis nemo in his provinciis sit; imperium nobis citra Iberum amissum est. Hoc armis & virtute recuperetis oportet: & nationem rebellantem magis temere, quam constanter bellantem, jugum quo se exuit, accipere rursus cogatis.

O R A T I O

T. QUINTII in conventu Græciæ.

A R G U M E N T U M.

Jam in pace & libertate universa Græcia præter Aetolos erat, quum T. Quintio senatusconsultum de suscipiendo bello adversus Nabin Lacedæmoniam, qui Argos occupabat, esset. Eo itaque lecto, Corinthum in constitutum diem conventum omnium sociorum civitatum Græciæ edixit. Ad diem quum frequentes convenissent, ita de bello adversus Nabin gerendo retulit.

BELLUM adversus Philippum non magis communi animo consilioque Romani & Græci gesserunt, quam utrique suas causas belli habuerunt. Nam & Romanorum amicitiam, nunc Carthaginenses hostes eorum juvando, nunc hic sociis nostris oopugnandis violaverat; & in vos talis fuit, ut nobis, etiamsi nostrarum oblivisceremur injuriarum, vestræ injuriæ satis digna causa belli fuerint. Hodierna

consulatio tota ex vobis pendet. Refero enim ad vos, utrum Argos, sicut scitis ipsi, ab Nabide occupatos pati velitis sub ditione ejus esse: an æquum censeatis nobilissimam vetustissimamque civitatem, in media Græcia sitam, repeti in libertatem, & eodem statu, quo cæteras urbes Peloponnesi & Græciæ esse. Hæc consultatio, ut videtis, tota de re pertinente ad vos est. Romanos nihil contingit, nisi quatenus liberatæ Græciæ unius civitatis servitus, non plenam nec integram gloriam esse sinit. Cæterum si vos nec cura ejus civitatis nec exemplum, nec periculum movet, ne serpat latius contagio ejus mali; nos æqui bonique facimus. De hac re vos consulo, staturus eo quod plures censueritis.

O R A T I O

ARISTHENI PRÆTORIS Achæorum de
Ætolis & Nabide.

A R G U M E N T U M.

Hoc ad proximum pertinet: Etoli ad concilium Græciæ conveniant, quorum princeps Alexander quum audiret placere Atheniensibus ut Argi recuperarentur, ipse inter alia dixerat, quod ad eam deliberationem attinebat, deportandum esse in Italiam exercitum. Nam ipsum Nabin polliceri aut conditione, aut sua ipsius voluntate præsidium Argis deduflurum. Quod nisi faceret, Etolæ vi armisque facile coacturos deduci. Hæc prætor audiebat Aristhenus, qui ea vaniloquentia motus, exemplo in hæc verba prorupit.

NE istuc Jupiter optimus maximus siverit, Junoque regina, cujus in tutela Argi sunt, ut illa civitas inter tyrannum Lacedæmonium & latrones Etolos præmium sit posita in eo disci-

cri-

crimine, ut miserius à nobis recipiatur, quam ab illo capta est. Mare interjectum ab istis prædonibus non tuetur nos, T. Quinti. Quid, si in media Peloponneso arcem sibi fecerint, futurum nobis est? Linguam tantum Græcorum habent, sicut speciem hominum. Moribus ritibusque efferatioribus quàm ulli barbari, immanes belluæ vivunt. Itaque vos rogamus, Romani, ut & ab Nabide Argos recuperetis; & ita res Græciæ constituatis, ut ab latrocinio quoque Ætolorum satis pacata hæc relinquatis.

O R A T I O

NABIDIS TYRANNI Lacedæmoniorum
ad T. Quintium.

A R G U M E N T U M.

Nabis tyrannus Lacedæmonius quum maritimas omnes civitates à Romanis receptas primo statim adventu cognovit, cedendum fortunæ ratus, L. Quintium ad colloquium vocari jubet. Ad præstitutum diem prior ipse de tyrannide, aliisque quæ de ipso jactabantur, in hunc modum disseruit.

SI ipse per me T. Quinti, vosque qui adestis, scausam excogitare, cur mihi aut indixissetis bellum, aut inferretis, possem; tacitus eventum fortunæ meæ expectassem, nunc imperare animo nequivi, quin priusquam perirem, cur periturus essem scirem. Et, hercule, si tales essetis, quales esse Carthaginienfes fama est, apud quos nihil societatis fides sancti haberet; in me quoque vobis quid faceretis, minus pensi esse, non mirarer. Nunc vos quum intueor, Romanos esse video, qui rerum divinarum

foedera, humanarum fidem socialem sanctissimam habeatis. Quum me ipse respexi, cum esse spero, cui & publice, sicut cæteris Lacedæmoniis, vobiscum vetustissimum foedus sit: & meo nomine privatim amicitia ac societas, nuper Philippi bello renovata. At enim ego eam violavi & everti, quod Argivorum civitatem teneo. Quomodo hoc tuear? Re, an tempore? Res mihi duplicem defensionem præbet. nam & ipsis vocantibus ac tradentibus urbem eam accepi, non occupavi: & accepi, quum Philippi partium, non in vestra societate esset. Tempus autem eo me liberat, quòd quum jam Argos haberem, societas mihi vobiscum convenit: & ut vobis mitterem ad bellum auxilia, non ut Argis præsidium deducerem, pepigistis. At, hercle, in ea controversia, quæ de Argis est, superior sum; & æquitate rei, quòd non vestram urbem, sed hostium: quòd volentem, non vi coactam accepi: & vestra confessione, quòd in conditionibus societatis mihi Argos reliquistis. Cæterum nomen tyranni & facta me præmunt, quòd servos ad libertatem voco, quòd in agros inopem plebem deduco. De nomine hoc respondere possum: me qualiscunque sum, eundem esse, qui fui quum tu ipse mecum T. Quinti societatem pepigisti. Tum me regem appellari à vobis memini: nunc tyrannum vocari video. Itaque si ego nomen imperii mutassẽm, mihi meæ inconstantiae; quum vos mutetis, vobis vestræ reddenda ratio

tio est. Quod ad multitudinem servis liberandis auctam, & egentibus divisum agrum attinet; possum quidem & in hoc me jure temporis tutari. Jam feceram hæc, qualiacunque sunt, quum societatem mecum pepigissis, & auxilia in bello adversum Philippum accepistis. Sed si nunc ea fecissem, non dico quid in eo vos laxissem, aut vestram amicitiam violassem: sed illud, me more atque instituto majorum fecisse. Nolite ad vestras leges atque instituta exigere ea, quæ Lacedæmone fiunt. Nihil comparare singula necesse est. vos à censu equitem, à censu peditem legitis: & paucos excellere opibus, plebem subjectam esse illis vultis. Noster legumlator non in paucorum manu Rempub. esse voluit, quem vos senatum appellatis: nec excellere unum aut alterum ordinem in civitate: sed per æquationem fortunæ ac dignitatis fore credidit, ut multi essent, qui arma pro patriâ ferrent. Pluribus me peregissem, quam pro patriæ sermone brevitatis, fateor. & breviter peroratum esse potuit, Nihil me, posteaquam vobiscum amicitiam institui, cur ejus vos pœniteret, commisisse.

O R A T I O

T. QUINTII, quâ Nabidi respondet.

AMICITIA & societas nobis nulla tecum, sed cum Pelope rege Lacedæmoniorum justo ac legitimo facta est. Cujus jus tyranni quoque, qui postea per vim tenuerunt Lacedæmo-

dæmone imperium (quia nos bella nunc Punica, nunc Gallica, nunc alia ex aliis occupaverant) usurparunt; sicut tu quoque hoc Macedonico bello fecisti. Nam quid minus conveniret, quam nos qui pro libertate Græciæ adversus Philippum gereremus bellum, cum tyranno instituere amicitiam? & eo tyranno, quam qui unquam fuit, sævissimo & violentissimo in suos? Nobis verò, etiam si Argos nec cepisses per fraudem nec teneres; liberantibus omnem Græciam, Lacedæmon quoque vindicanda in antiquam libertatem erat, atque in leges suas: quarum modo, tanquam æmulus Lycurgi, mentionem fecisti. An ut ab Jaso & Bargillis præsidia Philippi deducantur, curæ erit nobis: Argos & Lacedæmonem, duas clarissimas urbes, lumina quondam Græciæ, sub pedibus tuis relinquemus, quæ titulum nobis liberatæ Græciæ servientes deforment? At enim cum Philippo Argivi senserunt. Remittimus hoc tibi, ne nostram vicem irascaris. Satis compertum habemus, duorum, aut ad summum trium in ea re, non civitatis culpam esse: tam hercle, quàm in te quoque præsidio arcessendo accipiendoque in arcem, nihil sit publico consilio actum, Thessalos & Phocenses, & Locrenses, consensu omnium scimus partium Philippi fuisse. tamen quum cæteram liberaverimus Græciam, quid tandem censes in Argivis, qui insontes publici consilii sint, facturos? Servorum ad libertatem vocatorum, & egentibus hominibus
agri

agri divisi crimina tibi objici dicebas. non quidem nec ipsa mediocria : sed quid ista sunt præ iis quæ à te tuisque quotidie alia super alia facinora eduntur ? Exhibe liberam concionem vel Argis, vel Lacedæmone, si audire juvat vera dominationis impotentissimæ crimina. Ut omnia alia vetustiora omittam, quam cædem Argis Pythagoras iste gener tuus penè in oculis meis edidit ? quam tu ipse, quum jam propè in finibus Lacedæmoniorum essem ? Agedum, quos in concione comprehensos, omnibus audientibus civibus tuis, in custodia te habiturum esse pronuntiasti ; jube vinctos produci, ut miseri parentes, quos falso lugent, vivere sciant. At enim ut jam ita sint hæc, quid ad vos Romani ? Hoc tu dicas liberantibus Græciam ? hoc iis, qui ut liberare possent, mare trajecerunt, terra marique gesserunt bellum ? Vos tamen, inquis, vestramque amicitiam ac societatem præprie non violavi. Quoties vis te id arguam fecisse ? Sed nolo pluribus : summam rem complectar. Quibus igitur rebus amicitia violatur ? Nempe his duabus rebus maxime, si socios meos pro hostibus habeas : si cum hostibus te conjungas. Utrum non à te factum est ? nam & Messenem uno atque eodem jure fœderis, quo & Lacedæmonem, in amicitiam nostram acceptam, socius ipse sociam nobis urbem vi atque armis cepisti : & cum Philippo hoste nostro, non societatem solum, sed, si Diis placet, affinitatem etiam

etiam per Philoclem præfectum ejus pepigisti : & bellum adversum nos gerens , mare circa Maleam infestum navibus piraticis fecisti ; & plures propè cives Romanos, quàm Philippus, cepisti atque occidisti : tutiorque Macedoniæ ora, quam promontorium Maleæ , commeatus ad exercitus nostros portantibus navibus fuit. Proinde parce sic fidem ac jura societatis jactare : & omiſſa populari oratione, tanquam tyrannus & hostis loquere.

O R A T I O

T. QUINTII, QUA SUOS AD obsidionem Lacedæmonis adhortatur.

A R G U M E N T U M.

Hoc cum prioribus duobus concionibus conjunctum est. Quum ita colloquuti essent , Nabis, Aristheno, ut dum liceret, suis rebus consuleres, orante , postero die se deducturum Argis (quando ita Romanis placeret) præsilium sponderat, simul & pertugas & captivos redditurum, ac si quid aliud vellent, facturum. Interim ad bellum tantum. Quintius animum intendebat : ac nihil dum eorum, quæ receperat Nabis, apparebat, quum sentientibus omnibus continuandum esse bellum, ipse unus per simulationem difficultatem obsidionis Lacedæmonis, quo se Nabis ex colloquio receperat, causando, etiam tum à bello militum animos avertere conabatur. Vbi si relatione illa indices militum animos (quod unum agebat) magis accendi ac crescere vidit, repente in hæc verba ad obsidionem adhortatus est.

BENE veritat! obsideamus Lacedæmonem, quando ita placet. Cæterum quum res tam lenta, quam ipsi scitis: oppugnatio urbium sit, & obsidentibus prius sæpe quàm obſeſſis tædium afferat ; jam nunc hoc ita proponere vos animis oportet ; hybernandum circa Lacedæmonis mœnia esse. Quæ mora si laborem tantum

tum ac periculum haberet, ut & animis & corporibus ad sustinenda ea parati essetis, hortarer vos. Nunc impensa quoque magna eget in opera, in machinationes, & tormenta, quibus tanta urbs oppugnanda est; in commeatus nobis vobisque in hyemem expediendos. Itaque ne aut repente trepidetis, aut rem inchoatam turpiter destituatis, scribendum ante vestris civitatibus censeo, explorandumque, quid quæque animi, quid virium habeat. Auxiliorum satis superque habeo: sed quo plures sumus, pluribus rebus egebimus. Nihil jam præter nudum solum ager hostium habet. Ad hoc hyems accedit, ad comportandum ex longinquo difficilis.

Ex tricesimoquinto libro ab urbe condita.

ORATIO

MINIONIS, ad Legatos Romanorum.

ARGUMENTUM.

Legati Romani P. Sulpitius & P. Julius missi ad Eumenem primum deinde ad Antiochum. Ii expositis senatus mandatis Eumeni, Euphesum ad Antiochum veniunt. Fortè per eos dies filii Antiochi morte primum nuntiata factum erat ut clausa regia, omnes in luctu essent. Legatus alter (nam Sulpitius ager Pergami substiterat) eo publico luctu, non fore ratus ut lætis animis audiretur, Pergamum avertit iter. Faucis diebus luctu finito, Antiochus jam satis doctus quid ad se venirent legati, cum uno Minione principe amicorum consilia communicabat. Fugiebat atque detrectabat modis omnibus cum legatis colloquium; ac futurum erat ut nec admitteret legatos, si redirent ultro, nec accerferet diutius commoratos, nisi Minio ipse causam totam susceptam ejus commodo cum legatis se acturum recepisset. Actis itaque legatis, Minio ipse absente Antiocho ita loquitur est. Legati deinde responderunt.

P P P -

SP E C I O S O titulo uti vos, Romani, Græcarum civitatum liberandarum video: sed facta vestra orationi non conveniunt, & aliud Antiocho juris statuistis, alio ipsi utimini. Qui enim magis Smyrnæi, Lampsacenique Græci sunt, quam Neapolitani & Rhegini & Tarentini, à quibus stipendium, à quibus naves ex foedere exigitis? Cur Syracusas atque in alias Siciliae Græcas urbes prætorem quotannis cum imperio & virgis & securibus mittitis? Nihil aliud profectò dicatis, quàm armis superatis vos iis has leges imposuisse. Eandem de Smyrna & Lampsaco, civitatibusque quæ Joniæ aut Æolidis sunt, causam ab Antiocho accipite. Bello superatas à majoribus, & stipendiarias ac vectigales factas, in antiquum jus repetit. Ita que ad hæc ei responderi velim, si ex æquo disceptatur; & non belli causa quæritur.

O R A T I O

S U L P I T I I L E G A T I R O M A N O R U M ,
quæ ad præcedentem responder.

FE C I T verecundè Antiochus, qui, si alia pro causa ejus non erant quæ dicerentur, quemlibet ista quàm se dicere maluit. Quid enim simile habet civitatum earum quas comparasti causa? Ab Rheginis, & Neapolitanis, & Tarentinis, ex quo in nostram venerunt potestatem, uno & perpetuo tenore juris semper usurpato, nunquam intromisso, quæ ex foedere debent, exigimus. Potestne tandem dicere, ut ii populi non per se, non per alium quemquam

quam fœdus mutaverint; sic & Asiæ civitates, ut semel venerunt in majorum Antiochi potestatem, in perpetua possessione regni vestri permanuisse? & non alias earum in Philippi, alias in Ptolomæi fuisse potestate? alias per multos annos nullo ambigente libertatem usurpare? Nam si, quod aliquando servierunt temporum iniquitate pressi, jus post tot secula asserendi eos in servitutem faciet; quid abest quin actum nobis nihil sit, quod à Philippo liberavimus Græciam, & repetant posteri ejus Corinthum, Chalcidem, Demetriadem, & Thessalorum totam gentem? Sed quid ego causam civitatum ago, quam ipsis agentibus & nos, & regem ipsum cognoscere æquius est?

O R A T I O

ANNIBALIS ad Antiochum, quâ se purgat.

A R G U M E N T U M.

Pertinet hoc ad conciones superiores duas. His invicem jactis, legati earum ipsarum civitatum de quibus Sulpitius meminerat, quum introducti nunc suas quisque querelas, nunc expostulationes intarsererent, re infecta dimissi sunt. Exinde consilium inibat Antiochus belli adversus Romanos suscipiendi. In id consilium forte Annibal adhibitus non erat, propter colloquia cum Julio, legato altero Romanorum, suspectus. Percontatus itaque alienationis, & iracundiæ regis in se causam, quum ex colloquiis id natum acciperet occasionem modo se regi purgandi querebat. Ac eam tandem nactus, ita se regi purgavit.

PATER Amilcar, Antioche, parvum admodum me, quum sacrificaret, altaribus admotum jurejurando adegit, nunquam amicum fore populi Romani. Sub hoc sacramento sex & triginta annos militavi: hoc me in
pacc

pace patria mea expulit : hoc patria extorrem in tuam regiam adduxit : hoc duce , si tu spem meam destitueris , ubicunque vires , ubi arma esse sciam , huc veniam toto orbe terrarum quærens aliquos Romanis hostes. Itaque si quibus tuorum meis criminibus apud te crescere libet , aliam materiam crescendi quam ex me quærant. Odi odioque sum Romanis. Id me verum dicere pater Amilcar & Dii testes sunt. Proinde quum de bello Romano cogitabis , inter primos amicos Annibalem habeto. si qua res te ad pacem compellet , in id consilium alium cum quo deliberes quærito.

Ex trigesimosexto libro ab urbe condita.

O R A T I O

ANNIBALIS in consilio Antiochi , de totius belli ratione & Macedonibus sententia.

A R G U M E N T U M.

Antiochus Annibalem in consilium adhibere non seledat , etiam oratio de ea qua se Annibal purgavit , regem sibi reconcilioffet. Fuit in id adhibitus quo de Thessalis consultabatur , quum aliud alii sentirent , nominatim rogatus sententiam , ita consiliarius suum de Macedonibus & Philippo in amicitiam deinceps , totiusque belli ratione , exposuit.

SI ex quo trajecimus in Græciam , adhibitus essem in consilium , quum de Eubœa , de Achæis , de Bœotia agebatur ; eam sententiam dixissem , quam hodie quum de Thessalis agitur , dicam. Ante omnia Philippum & Macedonas in societatem belli quacunque ratione censeo deducendos esse. Nam quod ad Eubœam Bœotosque & Thessalos attinet , cui dubium est,

est, quin ut quibus nullæ suæ vires sint, præsentibus adulando semper, quem metum in consilio habeant, eodem ad impetrandam veniam utantur, simul ac Romanum exercitum in Græcia viderint, ad consuetum imperium se avertant? nec iis noxæ futurum sit, quod quum Romani procul abessent, vim tuam præsentis exercitusque tui experiri noluerint? Quanto igitur prius potiusque est, Philippum nobis conjungere, quam hos; cui si semel in causam descenderit, nihil integri futurum sit, quique eas vires afferat, quæ non accessio tantum ad Romanum esse bellum, sed per se ipsæ nuper sustinere potuerint Romanos? Hoc ego adjuncto (absit verbo invidia) qui dubitare de eventu possim? quum, quibus adversus Philippum valuerint Romani, iis nunc fore videam ut ipsi oppugnentur. Ætoli, qui Philippum (quod inter omnes constat) vicerunt, cum Philippo adversus Romanos pugnabunt. Amynander atque Athamanum gens; quorum secundum Ætolos plurima fuit opera in eo bello, nobiscum stabunt: Philippus tum, te quieto, totam molem sustinebat belli: nunc duo maximi reges Asiæ Europæque, viribus adversus unum populum (ut meam utramque fortunam taceam) patrum certe ætate ne uni quidem Epirotarum regi parem, quicquid tandem erit vobiscum comparatus, geretis bellum. Quæ igitur res mihi fiduciam præbet conjungi nobis Philippum posse? Una, commu-
nis

nis utilitas , quæ societatis maximum vinculum est : altera , auctores vos *Ætoli*. Vester enim legatus hic *Thoas* inter cætera , quæ ad exciendum in Græciam *Antiochum* dicere est solitus, ante omnia hoc semper affirmavit; fremere *Philippum* , & ægrè pati , sub specie pacis leges servitutis sibi impositas. Ille quidem ut feræ bestię vincitæ aut clausæ , & refringere claustra cupientes , regis iram verbis æquabat. cujus si talis animus est , solvamus nos ejus vincula , & claustra refringamus ! ut erumpere diu coërcita ira in hostes communes possit. Quod si nihil eum legatio nostra moverit : at nos, quoniam nobis eum adjungere non possumus , ne hostibus nostris ille adjungi possit , caveamus. *Seleucus* filius tuus *Lyfimachię* est : qui si co exercitu , quem secum habet , per *Thraciam* proxima *Macedonię* cœperit depopulari ; facile ab auxilio ferendo Romanis *Philippum* ad sua potissimum tuenda avertet. De *Philippo* meam sententiam habes. De ratione universi belli quid sentirem, jam ab initio non ignorasti. quod si tum auditus forem , non in *Eubœa* *Chalcidem* captam , & castellum *Euripi* expugnatum Romani , sed *Etruriam* *Ligurumque* & *Gallię* *Cisalpinę* oram bello ardere , & qui maximus iis terror est , *Annibalem* in Italia esse audirent. Nunc quoque arceffas censeo omnes navales terrestresque copias. Sequantur classem onerarię cum com meatibus. nam hic sicut ad belli munera pauci sumus , sic nimis multi pro
inopia

inopia commeatuum. Quum omnes tuas contraxeris vires ; divisam classem partim Corcyræ in statione habebis , ne transitus Romanis liber ac tutus pateat : partim ad littus Italiæ , quod Sardiniam Africamque spectat , trajicies : ipse cum omnibus terrestribus copiis in Billinum agrum procedes. Inde Græciæ præsidebis , & speciem Romanis trajecturum te præbens , & si res poposcerit , trajecturus. Hæc suadeo , qui , ut non omnis peritissimus sim belli ; cum Romanis certè bellare bonis malisque meis didici. In quæ consilium dedi , in eadem nec infidelem , nec segnem operam polliceor. Dii approbent eam sententiam , quæ tibi optima visa fuerit.

O R A T I O

ATTILII consulis ad suos.

A R G U M E N T U M.

Attilius consul depopulatus Hypatensem Heracleensemque agrum , in faucibus ad Thermopylas , ubi rex Antiochus erat , castra locaverat. Quod ubi regi allatum est , veritus ipse ne quam viam per juga imminetia Romani ad transitum invenirent , Etolis Heracleum mandat , occuparent ea ipsa cacumina , ne qua Romanus transire posset. Ita ut jusserat rex , Etoli ad occupandum contendunt. Consul ea re cognita , eodem adversus Etolos missis legionibus , ipse priusquam in hostem copias educeret , ita militum animos confirmavit.

PLEROSQUE omnium ordinum milites inter vos esse video , qui in hac eadem provincia T. Quintii ductu auspicioque militaveritis , Macedonico bello inexsuperabilis magis saltus ad amnem Aoum fuit , quam hic : quippe portæ sunt hæ , & unus inter duo maria clau-

clausis omnibus , velut naturalis transitus est. Munitiones & locis opportunioribus tunc fuerunt , & validiores impositæ : exercitus hostium ille & numero major , & militum genere aliquanto melior. Quippe illic Macedones Thracæque & Illyrii erant , ferocissimæ omnes gentes. hic & Syri & Asiatici Græci sunt ; levissima genera hominum , & servituti nata. Rex ille bellicosissimus , exercitatus jam inde à juvenia finitimis Thracum atque Illyriorum & circa omnium accolarum bellis : hic ut aliam omnem vitam sileam, id est ; qui quum ad inferendum populo Romano bellum ex Asia in Europam transisset , nihil memorabilius toto tempore hybernorum gesserit , quàm quòd amoris causa , ex domo privata & obscuri etiam inter populares generis uxorem duxit , & novus maritus , velut saginatus nuptialibus cœnis , ad pugnam processit. Summa virium speique ejus in Ætolis fuit ; gente vanissima & ingratiissima ; ut vos prius experti estis, nunc Antiochus experitur. Nam nec convenerunt frequentes , nec contineri in castris potuerunt , & in seditione ipsi inter se sunt : & quum Hypatam tuendam Heracleamque depoposcissent, neutram tutati , refugerunt in juga montium, pars Heracleæ inleuserunt sese. Rex ipse confessus , nusquam æquo campo non modò congregi se ad pugnam audere , sed ne castra quidem in aperto ponere , relicta omni ante se regione ea , quam se nobis ac Philippo ad-

misse

miſſe gloriabatur, condidit ſe intra rupes: ne ante fauces quidem ſaltus, ut quondam Lacedæmonios fama eſt, ſed intra penitus retractis caſtris. Quod quantum intereſt, ad timorem oſtendendum, an muris alicujus urbis obſidendum ſeſe incluſerit? Sed neque Antiochum tuebuntur anguſtiæ: nec Ætolos vertices illi, quos ceperunt. ſatis undique proviſum atque præcautum eſt, ne quid adverſus vos in pugna præter hoſtes eſſet. Illud proponere animo veſtro debetis; non vos pro Græciæ libertate tantum dimicare, (quanquam is quoque egregius titulus eſſet, liberatam à Philippo antè, nunc ab Ætolis & ab Antiocho liberare) neque ea tantum in præmium veſtrum ceſſura quæ nunc in regiis caſtris ſunt? ſed illum quoque omnem apparatus, qui in dies ab Epheso exſpectatur, prædæ futurum: Aſiam deinde Syriamque, & omnia uſque ad ortus ſolis diſtiſſima regna imperio Romano aperturos. Quid deinde aberit, quin ab Gadibus ad mare rubrum oceano fines terminemus, qui orbem terrarum amplexu finit: & omne humanum genus ſecundum Deos nomen Romanum veneretur? In hæc tanta præmia dignos parate animos, ut craſtino die bene juvantibus Diis acie decernamus.

O R A T I O

T. QUINTII ad Achæos de Zacyntho.

A R G U M E N T U M.

Zacynthus inſula erat, quam Hiero Agrigentinus, Animandri, cujus in poſſeſſione erat, præſectus, poſteaquam dominum à Phi-

N

lip-

lippe Megalopolitano Athamania pulsum audivit pecunia pactam Achæis tradiderat. T. Quintius hac re cognita concilium Achæorum edicit, ubi de Zacyntho ageretur. Ad diem præstitum Romani insulam ut suam refetebant. Diaphanes contra, prætor Achæorum, suas ditiones esse jureque à se possideri contendebat. Achæi multi eam iam ab initio se aspernatos esse testabantur: quo magis prætoris pertinaciam admirari non desistebant. In tanta opinionum varietate res tota T. Quintii permissa est arbitrio, qui quod velis, nunc exponit.

SI utilem possessionem ejus insulæ censerem Achæis esse, autor essem senatui populoque Romano, ut eam vos habere sinerent. Cæterum sicut testudinem, ubi collecta in suum tegumen est, tutam ad omnes ictus video esse; ubi exerit partes aliquas, quocunque nudavit, obnoxium atque infirmum habere; haud dissimiliter vos Achæi clausos undique mari, quæ intra Peloponnesi sint terminos, ea & jungere vobis, & juncta tueri facilè. simul aviditate plura amplectendi hinc excedatis; nuda vobis omnia, quæ extra sint, & exposita ad omnes ictus esse.

O R A T I O

QUINTII AD M. ACILIUM consulem
pro Ætolis.

A R G U M E N T U M.

M. Acilius, quum delatis pacis conditionibus, Ætolos Naupactum ad sustinendam totam belli molem confugisse comperisset, tum demum vi atque armis agendum esse cum eis ratus, urbem ipsam obsidere capit. In castra eo ipso tempore T. Quintius ex concilio Achæico redierat: qui quum ex composito muros obambulare, ut ab Ætolis ipsis nosceretur, omnes extemplo nomine eum inclamabant, orabantque ut se servare vellet. Movit ea vox Quintium: qui in castra descendens, ita M. Acilium monuit, ut soluta obsidione alio transferret bellum.

VT R U M fallit te M. Acili, quid agatur?
an quum satis provideas, nihil id magnopere

pere ad summam Reipub. pertinere censes? *Erexerat exspectatione consulem.* Et, quin expro-
mis, *inquit Acilius*, quid rei sit? *Tum Quintius*:
Ecquid vides te devicto Antiocho in duabus ur-
bibus oppugnandis tempus terere, quum jam
prope annus circumactus sit imperii tui. Philip-
pum autem, qui non aciem, non signa hostium
vidit, non solum urbes, sed tot jam gentes, A-
thamaniam, Perræbiam, Aperantiam, Dola-
pnam sibi adjunxisse? Atqui non tantum inter-
est nostra, Ætolorum opes ac vires minui,
quantum, non supra modum Philippum cre-
scere: & victoriæ tuæ præmium te militesque
tuos nondum tot urbes, quot Philippum gen-
tes Græciæ habere.

O R A T I O

T. QUINTII ad Ætolorum principes de re-
conciliatione.

A R G U M E N T U M.

*Cognitio hujus à superiore petenda oratione. M. Acilius consul ver-
bis T. Quintii motus, totam ipsi rem permiserat. Itaque rursus
ambulare circa eandem partem muri, circa quam paulo ante vo-
ciferati erant Ætoli, pergit. Ubi quum eum rursus Ætoli anim-
advertenterent, impensius orabant ut sui miseretur. Tum egredi
aliquot ad se jubet, quibus ad pedes provolutis, quid ipse vellet, ita
exposuit.*

FORTUNA vestra facit, ut & iræ meæ &
orationi temperem. Evenerunt quæ prædi-
xi eventura. & ne hoc quidem reliqui vobis est,
ut indignis accidisse ea videantur. Ego tamen
forte quadam nutriendæ Græciæ datus, ne in-
gratis quidem benefacere absistam. Mittite o-

ratores ad Cos. qui inducias tantum temporis petant, ut mittere legatos Romam possitis, per quos senatui de vobis permittatis. Ego apud Cos. deprecator defensorque vobis adero.

Ex trigesimo septimo libro ab urbe condita.

O R A T I O

EUMENIS IN CONCILIO.

A R G U M E N T U M.

Y. Emilio pratori inter provincias decernendas classis Romana decreta erat. Eum quum Samo Eleam, ut regi Eumeni opem ferret, cum classe Romana venisse Antiochus audiret, Publiumque Scipionem consulem jam in Macedonia cum exercitu esse: de pace agendi tempus venisse ratus, caduceatorem ad Æmilium misit, qui de pace se agere velle nuntiaret. Tum concilium hac de re Æmilius edixit in quo quum de re ipsa referret, Rhodii quidem rogati sententiam censebant pacem esse faciendam: ceterum Eumenes contra sentiebat; quam sententiam ita peregit,

QUI enim aut honestè inclusi mœnibus, & obsessi, velut leges pacis accipiemus? aut cui rata ista pax erit, quam sine consule, non ex autoritate senatus, non jussu populi Romani peregerimus? Quæro enim, pace per te facta, rediturusne ex templo in Italiam sis, classem exercitumque deducturus? an expectaturus, quid de ea re consuli placeat, quid senatus censcat, quid populus jubeat? Restat ergo, ut maneat in Asia, & rursus in Hiberna copiæ reductæ, omisso ubi bello, exhauriant com meatibus præbendis socios: deinde (si ita visum sit iis penes quos potestas fuerit) instauremus novum de integro bellum. quod possumus, si ex hoc impetu rerum nihil prolatando remittimur, ante hyemem Diis volentibus perfecisse.

ORA-

O R A T I O

SCIPIONIS, qua legatis Antiochi respondet.

A R G U M E N T U M.

Heraclides Byzantius ab Antiocho missus de pace legatus, P. Scipioni inter ceteras conditiones eam quoque derulerat, Antiochum paratum esse restituere Romanis quascunque in Asia teneret urbes, dimidiamque partem impensarum in bellum factarum prestare: Eas Romanis non placere videns, privatim Scipionem alloquitur, sicuti mandatum ipsi erat, fore, si conditiones acciperet, ut Antiochus ipsi filium etiam sine pretio redderet. Magnam deinde auripondus pollicitus in societatem regni eum venturum professus est. si pacem fecisset. Nunc Scipio respondet.

QUOD Romanos omneis, quod me ad quem missus es, ignoras, minus miror, quum te fortunam ejus à quo venis, ignorare cernam. Lyfimachia tenenda erat, ne Chersonesum intraremus: aut ad Hellespontum obfistendum, ne in Asiam trajiceremus; si pacem tanquam à sollicitis de belli eventu petitori eratis. Concesso verò in Asiam transitu, & non solum frænis, sed etiam jugo accepto, quæ disceptatio ex æquo, quum imperium patiendum sit, relicta est? Ego ex munificentia regia maximum donum filium habebo: alias Deos precor, ne unquam fortuna egeat mea, animus certè non egebit. Pro tanto in me munere gratum me esse in se sentiet, si privatam gratiam pro privato beneficio desiderabit. sed publicè nec habebo quicquam ab illo, nec dabo. Quod in præsentia dare possim, fidele consilium est. Abi, nuntia meis verbis, bello absistat: pacis conditionem nullam recuset.

ORATIO

ZEUSIS LEGATI ANTIOCHI ad Romanos de pace.

ARGUMENTUM.

Antiochus eo praelio quod adversus Romanos ad Phrygium flumen commisit, fuga sibi salutem querere coactus erat. Ex ea fuga nocte Sardis primum, deinde Apameam se recepit: ubi, de pace agendum esse, ut in tam adversis rebus, in animum inducent, legatos ad consulem de eorummittit. Dato consilio Zeusis legatorum princeps ita causam egit.

NON tam quid ipsi dicamus, habemus, quàm ut à vobis quæramus Romani, quo piaculo expiare errorem regis, pacem veniamque impetrare à victoribus possimus. Maximo semper animo victis regibus populisque ignovistis. quanto id majore & placatiore animo decet vos facere in hac victoria, quæ vos dominos orbis terrarum fecit; Positis jam adversus omnes mortales certaminibus, haud secus quàm Deos consulere & parcere vos generi humano oportet.

ORATIO

SCIPIONIS ad ea respondentis.

ROMANI ex iis quæ in Deum immortalium potestate erant, ea habemus, quæ Dii dederunt: animos qui nostræ mentis sunt, eosdem in omni fortuna gessimus, gerimusque: neque eos secundæ res extulerunt, nec adversæ minuerunt. Ejus rei ut alios omittam; Annibalem vestrum vobis darem testem, nisi vos ipsos dare possem. Posteaquàm Hellespontum trajecimus; priusquam castra regia, priusquam aciem

aciem videremus, quum communis Mars & incertus belli eventus esset, de pace vobis agentibus, quas paces paribus ferebamus conditiones, easdem nunc victores victis ferimus. Europa abstinete, Asiaque omni, quæ cis Taurum montem est, decedite. Pro impensis deinde in bellum factis xv millia talentum Euboicorum dabitur; quingenta præsentia, duo millia & quingenta, quum senatus populusque Romanus pacem comprobaverint. millia deinde talentum per xi i. annos. Eumeni quoque reddi xl. talenta, & quod frumenti reliquum ex eo, quod patri debitum est, placet. Hæc quum pepigerimus, facturos vos ut pro certo habeamus, erit quidem aliquod pignus, si obsides viginti nostro arbitratu dabitur: sed nusquam satis liquebit nobis, ibi pacem esse populo Romano, ubi Annibal erit; cum ante omnia deposcimus. Thoantem quoque Ætolium, concitorem Ætolici belli, qui & illorum fiducia vos, & vestra illos in nos armavit, deditis, & cum eo Mnasimachum Acarnana, & Chalcidenses, Philonem & Eubulidam. In deteriore sua fortuna pacem faciet rex, quia ferius facit quàm facere potuit. Si nunc moratus fuerit, sciat, regum majestatem difficilius ab summo fastigio ad medium detrahi, quàm à mediis ad ima præcipitari.

Ex trigesimo octavo libro ab urbe condita.

ORATIO

P. S C I P I O N I S Africani rei, ad Quirites.

ARGUMENTUM.

Suprà ostensum est, quum Antiochus pacem cum Scipione Africano atque Romanis pacisci vellet, ab ipso datum legato negotium ut si publice impetrare non posset, privatim cum Scipione ageret; ita regi placere ut filius sine pretio reddatur, ingensque auri pondus datur, si per ipsam pacem impetraret. Inde ambo Q. Plaminii Scipionis criminandi occasionem se nactos esse rati, ei diem dicunt, Is vero quum postero die citatus reus magna multitudine amicorum septus in rostra subisset, in hac verba populum Romanum admonerat, ut secum Diis actum gratias irent, quod eorum auspiciis tali die de Carthaginiensibus triumphasset: ne videlicet in ea civitate quam paulo antè ab hostium infestissimorum impetu atque armis vindicaverat, causam diceret.

Hoc Die, tribuni plebis, vosque Quirites, cum Annibale & Carthaginiensibus signis collatis in Africa bene ac feliciter pugnavi. Itaque quum hodie litibus & iurgiis superfedere aequum sit, ego hinc extemplo in Capitolium ad Jovem optimum maximum, Junonemque & Minervam, cæterosque Deos, qui Capitolio atque arcu præsident, salutandos ibo: hisque gratias agam, quòd mihi & hoc ipso die, & sæpè alias egregiè Reipub. gerendæ mentem facultatemque dederunt! Vestrum quoque, quibus commodum est, ite mecum Quirites; & orate Deos, ut mei similes principes habeatis. Ita, si ab annis septemdecim ad senectutem semper vos ætatem meam honoribus vestris anteistis, ego vestros honores rebus gerendis præcessi.

Ex

Extrigesimonono libro ab urbe condita.

ORATIO

M. PORCII CATONIS CONSULIS, ad
populum, in fœdum Bacchanalium ritum.

ARGUMENTUM.

Sacra Bacchi, quæ Bacchanalia dicuntur, ex Græcia in Etruriam prius, deinde velut contagione quædam ex Etruria Romam inuenta erant. Qui sacris iis initiabantur, seu mares seu fœmina, noctu cæcis conciliabulisque faciebant tota urbe: fœmina facies ardentes præferabant, quas in aquam demissas, magia quadam, flumina integra efferebant: mares velut capta mente, cum iactatione fœnatica vaticinabantur. Inde permixti viri fœminis nullum genus libidinis reliquum faciebant, postremo & virorum inter se & fœminarum passim concubitus fiebant. Hinc rixæ, hinc conjurationes, hinc cædes, hinc nullum non malignus serpebat. Sed nihil non revelat dies, quanquam diu celatum atque abstrusum. Tandem iudicio cujusdam Ebutii primum, deinde Hispæ, quam Ebutius manumiserat, ad Posthumium consulem res tota deferunt. Is primo quoque tempore ad senatum quicquid acceperat deferit: cui ab id ipsum habitæ à senatu gratiæ. Patres quæstionem de Bacchanalibus, sacrisque nocturnis, consulibus decernunt. Tum verò & ne qui cætus nocturni fierent decretum & datum negotium ut sacerdotibus qui sacris iis præerant, conquirere utur. Jam suum cuique magistratus officium de iis sacris tollendis injunctum erat, quum M. Porcius Cato consul, in Rostra concione advocata conscendit. Unde comprecatur primum deos, sicuti assolèt quoties ad populum magistraturæ verba facturus est, in hæc verba de tollendis Bacchanalibus disseruit.

NULLI unquam concioni, Quirites, tam non solum apta, sed etiam necessaria hæc solennis Deorum comprecatio fuit, quæ vos admoneret; hos esse Deos, quos colere, venerari, precarique majores vestri instituissent: non illos, qui pravis & externis religionibus captas mentes velut furialibus stimulis, ad omne scelus & ad omnem libidinem agerent. Equidem nec quid taceam, nec quatenus proloquar, invenio; si aliquid ignorabitis, ne locum

negligentiæ dem : si omnia nudavero, ne nimium terroris offundam vobis, vereor. Quicquid dixero, minus quàm pro atrocitate & magnitudine rei dictum scitote esse. ut ad cavendum satis sit, dabitur opera à nobis. Bacchanalia tota jampridem Italia, & nunc per urbem etià multis locis esse, non fantà modò accepisse vos, sed crepitibus etiam ululatibusque nocturnis, qui personant tota urbe, certum habeo : cæterum quæ ea res sit, ignorare : alios Deorum aliquem cultum, alios concessum ludum & lasciviam esse credere : & qualecumque sit, ad paucos pertinere. Quod ad multitudinem eorum attinet, si dixero multa millia hominum esse, illico necesse est exterremini, nisi adjunxero qui qualesque sint. Primum igitur mulierum magna pars est, & is fons mali hujusce fuit : deinde simillimi foeminis mares, stuprati & constupratores, fanatici vigilantes, vino, strepitibus, clamoribusque nocturnis attoniti. Nullas adhuc vires conjuratio, cæterum incrementum ingens virium habet, quod indies pluris fiunt. Majores vestri, ne vos quidem, nisi quum aut vexillo in arce posito comitiorum causa exercitus edictus esset, aut plebi consilium tribuni edixissent, aut aliquis ex magistratibus ad concionem vocasset, forte temere coire voluerunt & ubicunque multitudo esset, ibi & legitimum rectorem multitudes censebant debere esse. Quales primum nocturnos coetus, deinde promiscuos mulierum ac virorum esse creditis ? Si quibus ætatibus initien-

tur

tur mares sciatis; non misereat vos eorum solum sed etiam pudeat. Hoc sacramento initiatos juvenes milites faciendos censetis Quirites? iis ex obsceno sacrario eductis arma committenda? hi cooperti stupris suis alienisque, pro pudicitia conjugum ac liberorum vestrorum ferro decernerent? Minus tamen esset, si flagitiis tantum effœminati forent, (ipsorum id magna ex parte dedecus erat) à facinoribus manus, mentem à fraudibus abstinuissent. Nunquam tantum malum in Repub. fuit, nec ad plures, nec ad plura pertinens. Quicquid his annis libidine, quicquid fraude, quicquid scelere peccatum est, ex illo uno sacrario scitote ortum esse. Necdum omnia in quæ conjuraverunt, edita facinora habent. adhuc privatis noxiis, (quia nondum ad Rempublicam opprimendam satis virium est) conjuratio sese impia tenet: Crescit & serpit quotidie malum. jam majus est, quàm ut capere id privata fortuna possit, ad summam Reipub. spectat. nisi præcaveris, Quirites, Jam huic diurnæ legitimè ab consule vocatæ, par nocturna concio esse poterit. Nunc illi vos singuli universos concionantes timent: jam ubi vos dilapsi domos & in rura vestra eritis, illi coierint; consultabunt de sua salute simul, ac vestra pernicië. tum singulis vobis universi timendi erunt. Optare igitur unusquisque vestrum debet, ut bona mens suis omnibus fuerit: si quem libido, si furor in illum gurgitem abripuit, illorum cum, cum

quibus in omne flagitium & facinus conjuravit, non suum judicet esse. Nequis etiam errore labatur vestrum quoque, non sum securus. Nihil enim in speciem fallacius est, quam prava religio. Ubi Deorum numen prætenditur sceleribus, subit animum timor, ne fraudibus humanis vindicandis, divini juris aliquid immixtum violemus. Hac vos religione innumerabilia decreta pontificum, senatusconsulta, aruspicum denique responsa liberant. Quoties hoc patrum avorumque ætate negotium est magistratibus datum, ut sacra externa fieri vetarent, sacrificulos vatesque foro, circo, urbe prohiberent? vaticinos libros conquirerent, comburerentque, omnem disciplinam sacrificandi, præterquam more Romano, abolerent? Judicabant enim prudentissimi viri omnis divini humanique juris, nihil æquè dissolvendæ religionis esse, quam ubi non patrio, sed externo ritu sacrificaretur. Hæc vobis prædicenda ratus sum, ne qua superstitio agitare animos vestros, quum demolientes nos Bacchanalia, discutientesque nefarios cœtus cerneretis. Omnia Diis propitiis, volentibusque ea faciemus: qui, quia suum numen sceleribus libidinibusque contaminari indigne ferebant, ex occultis ea tenebris in lucem extraxerunt: nec patefieri, ut impunita essent, sed ut vindicarentur & opprimerentur, voluerunt. Senatus quaestionem extra ordinem de ea re mihi collegæque meo mandavit: nos, quæ ipsis, nobis agenda

da sunt, impigrè exsequemur : vigiliarum nocturnarum curam, per urbem minoribus magistratibus mandavimus. Vos quoque æquum est, quæ vestra munia sunt, quo quisque loco posituserit, quod imperabitur, impigrè præstare, & dare operam, nè quid fraude noxiarum periculi aut tumultus oriatur.

O R A T I O

PHILIPPI MACEDONIS ad legatos
Romanorum.

A R G U M E N T U M

Philippus Macedo multa oppida Thessalorum, Perrhæbiorum, Martitarum, aliorumque populorum, sua ditionis fecerat : quæ quum repetita permissu se Romanorum occupare diceret, communi voluntate atque uno consensu eam rem ii populi ad senatum deferunt. Senatusconsulto legati tres (in quibus Q. Cecilius Metellus fuit) ad disceptationem finiendam missi: quorum primo statim adventu de ea ipsa re concilium indictum est : ad quod etiam Philippus convenit. Cognita causa legati decernunt ut præfida Macedonum ex urbibus Thessalorum & Perrhæbiorum deducerentur. Inde in Thraciam profecti, de urbibus ejus gentis cognoscunt. Philippus indignè ferebat, omnia non ex animi sui sententia & jure fieri. Itaque injurias suas in hanc sententiam legatis exposuit.

NON cum Maronitis mihi aut cum Eumene dilceptatio est ; sed etiam vobiscum Romani. à quibus nihil æqui me impetrare jamdiu animadverto. Civitates Macedonum quæ à me inter inducias defecerant, reddi mihi æquum censebam ; non quia magna accessio ea regni futura esset (sunt enim & parva oppida, & in finibus extremis posita) sed quia multum ad reliquos Macedonas continendos exemplum pertinebat, negatum est mihi. Bello Ætolico Lamiam oppugnare jussus à consule

eademque fecissent eorum qui missi fuerant à Philopœmene, cum Lycortas prætor eorum ita objectis respondit.

DIFFICILIOR nobis Appi Claudii apud vos oratio est, quam Romæ nuper apud senatum fuit. Tunc enim Lacedæmoniis accusantibus respondendum erat: nunc à vobis ipsis accusati sumus, apud quos causa dicenda est. quam iniquitatem conditionis subimus quod illa spe decidimus, iudicis animo te auditurum esse, posita contentione, qua paulo antè egisti. Ego certè, quum ea, quæ& hic antea apud Q. Cæcilium, & postea Romæ questi sunt Lacedæmonii, à te paulo antè relata sint, non tibi sed illis me apud te respondere credam. Eadem obijcitis eorum, qui à Philopœmene prætore evocati ad causam dicendam, interfecti sunt. Hoc ego crimen non modò à vobis Romani, sed ne apud vos quidem nobis obijciendum fuisse arbitror. Quid ita? quia in vestro fœdere erat, ut maritimis urbibus abstinerent Lacedæmonii. Quo tempore armis captis urbes, à quibus abstinere jussi erant, nocturno impetu occupaverunt; si T. Quintius, si exercitus Romanus, sicut antea in Peloponneso fuisset, eo nimirum capti & oppressi confugissent. quum vos procul essetis, quò aliò, nisi ad nos socios vestros, quos antea Gytheo opem ferentis, quos Lacedæmonem vobiscum simili de causa oppugnantis viderant, confugerent? Pro vobis igitur justum piumque bellum suscepimus. Quod quum alii laudent; reprehendere ne

Lace.

Lacedæmonii quidem possint, Dii quoque ipsi comprobaverint, qui nobis victoriam dederunt; quonam modo ea quæ belli jure acta sunt, in disceptationem veniunt? quorum tamen maxima pars nihil pertinet ad nos. Nostrium est, quod evocavimus eos ad causam dicendam, qui ad atma multitudinem exciverant, qui expugnaverant maritima oppida, qui diriperant, qui cædem principum fecerant? Quod verò illi venientes in castra interfecti sunt; vestrum est. Areu & Alcibiade, qui nunc nos, si Diis placet, accusatis, non nostrum. Exules Lacedæmoniorum, quo in numero ii quoque duo fuerunt, & tunc nobiscum erant, quod domicilio sibi delegerant maritima oppida, se petitos credentes; in eos quorum opera patria extorres, ne in tuto quidem exilio posse consensescere se indignabantur, impetum fecerunt. Lacedæmonii igitur Lacedæmonios, non Achæi interfecerunt; nec jure, an injuria cæsi sint, argumentari refert. At enim illa certè vestra sunt, Achæi, quod leges disciplinamque vetustissimam Lycurgi sustulistis, quod muros diruistis. Quæ utraque ab iisdem objici quidem possunt; Quum muri Lacedæmoniis non à Lycurgo, sed paucos ante annos ad dissolvendam Lycurgi disciplinam extructi sint? Tyranni enim nuper eos arcem & munimentum sibi, non civitati paraverunt. Et si existat hodie ab inferis Lycurgus, gaudeat ruinis eorum, & nunc se patriam & Spartam antiquam agno

agnoscere dicat. Non Philopœmenem expectare, nec Achæos, sed vos ipsi Lacedæmonii vestris manibus amoliri & diruere omnia tyrannidis vestigia. debuistis. Vestræ enim illæ deformes veluti cicatrices servitutis erant : & quum sine muris per octingentos prope annos liberi, aliquando etiam principes Græciæ fuissetis, muris velut compedibus circumdati, vincti per centum annos serviistis. Quod ad leges ademptas attinet: ego antiquas Lacedæmoniis leges tyrannos ademisse arbitror. nos non suas ademisse, quas non habebant, sed nostras leges dedisse : nec male consuluisse civitati, quum concilii nostri eam fecerimus, & nobis miscuerimus, ut corpus unum & concilium totius Peloponesi esset. Tunc, opinor, si aliis ipsi legibus viveremus, alias istis injunxissemus, queri se iniquo jure esse, & indignari possent. Scio ego, Appi Claudii, hanc orationem, quam adhuc usus, neque sociorum apud socios neque liberæ gentis esse : sed servorum verius disceptantium apud dominos. Nam si non vana vox illa præconis fuit, qua liberos esse omnium primos Achæos jussistis, si fœdus ratum est, si societas & amicitia ex æquo observatur; cur ego quid Capua capta feceritis Romani, non quero, vos rationem reposcitis, quid Achæi Lacedæmoniis bello victis fecerimus? Interfecti aliqui sunt, finge à nobis Quid? vos senatores Campanos securi non percussistis? Muros diruimus, vos non muros tan-

tantum, sed urbem & agros ademistis. Specie, inquis, æquum est foedus apud Achæos, re precarialibertas: apud Romanos etiam imperium est. Sentio, Appi, & si non oportet, non indignor, sed oro vos, quantumlibet intersit inter Romanos & Achæos, modo ne in æquo hostes vestri nostrique apud vos sint, ac nos socii: imo ne meliore jure sint. Nam ut in æquo essent, nos fecimus, quum leges iis nostras dedimus, quum ut Achæi concilii essent, effecimus. Parum est victis, quod victoribus satis est. plus postulant hostes, quàm socii habent. Quæ jurejurando, quæ monumentis literarum in lapide insculptis in æternam memoriam sancta atque sacrata sunt, ea cum perjurio nostro tollere parant. Veremur quidem vos, Romani, & si ita vultis, etiam timemus: sed plus & veremur & timemus Deos immortales.

Ex quadragesimo libro ab Urbe condita.

O R A T I O

PHILIPPI MACEDONIS de sua liberorumque inter
felici conditione.

A R G U M E N T U M.

Philippo regi Macedonum filii erant duo, Perseus & Demetrius, minor Demetrius multitudinis favorem emeruerat, gratus jam ab initio Romanis, legationum, quas pro patre impigre exequutus erat, nomine, aliisque praeclaris rebus quæ in eo prælucbant. Hoc ipsum Perseus agere forebat, quod eo patto imperii summum mortuo patre ad eum deferendum esse facile appareret. Itaque ubi adseiscit Macedonum magnum numerum, qui secum patrem regem juxta naturam in Romanos odio atque ira conitatum, ad bellum incitarent. Nacti ejus rei occasionem alii alia in Romanos
jactant.

jaciebant, etiam praesente Demetrio. Impatiens irarum juvenis, amoris videlicet sui erga Romanos velut igniculis agitatus, quaecunque in Romanos dicebant, exemplo dictis refellebat, ita patri se suspectum faciens. Inde in concilium adhibebatur quoties de Romanis erat consultandum, Ex eo vero colloquio Perseus viam sibi ad augendam eam suspicionem factam esse ratus, nunquam non eius consilii sui perficiendi opportunitatem quarebat. Fortè Rasterna quidam regis sanguinis ejus gentis, in Macedoniam venientes, sororem suam alteri liberorum Philippi se velle dare in matrimonium dixerant: quo nuntio Philippo supra modum letanti; Quid haec, inquit Perseus, profutura sunt nobis, quum fraudè domestica plus immineat periculi quam praesidi ab externis auxiliis? Praeterea post conditum lustrum, quum pro more juvenes regii, his quisque copiis stipati concurrerent, ita tamen ut Persei praesertim furore nihil ad justam praelii speciem praeter ferrum deesset, eo certamine tandem longe superior Demetrii acies apparuit. Quod indignè passus Perseus quum ad convivium à fratre vocaretur, se adfuturum acerrimè negat. Festo deinde die jactatis de ludicro utrinque sermonibus, speculator ex convivio Persei ad audiendum quajactarentur, forte Persei jussu egreditur: qui à juvenibus ex triclinio itidem Demetrii egressis, vulneratus abscessit. Ejus rei ignarus Demetrius, mor, Quin commessutum, inquit, ad fratrem amus? & iram, si quae foris ex certamine resolet, nostra hilaritate lenimus? Conclamant omnes qui aderant, praeter eos qui ausi erant facinus, eundem esse. Ita quum soli abnuerunt, à Demetrio ire coguntur: ac facti sui non obliti, gladios sub veste occultant, quibus se, si qua vis forte oriretur, defenderent. Speculatores in vestibulo adium Persei stabant, qui extemplo ingressi ad Perseum, nuntiant Demetrium venire inter multos gladios cinctos. Hoc nuntio permotus Perseus velut in re trepida, claudi quem primum januam jubet. Ita nequicquam pulsatis foribus domum suam totius ejus rei ignarus Demetrius ad convivium redit. Postero die quum primum licuit, in regiam ad patrem Perseus ire pergit: quem quum solito tristorem Philippus animadverteret, quid ea maestitia protenderet rogat. Perseus ordine rem totam exponit. Tum pater & Demetrium vocari & amicos aliquos jubet. Quibus miseriam suam & liberorum conditionem ita ut sequitur indicavit. Post patrem Perseus pejor Demetrium parricidii accusat: sequuta est deinde rei defensio.

SED E O miserrimus pater iudex inter duos filios, accusatorem parricidii, & reum; aut confecti, aut admissi criminis labem apud meos inventurus, Jampridem quidem hanc procellam imminentem timebam, quum vultus inter

^{iove deus riuon presenon da palle}
 vos minime fraternos cernerem, quum voces
^{si forte} ^{adrua}
 quasdam exaudirem. Sed interdum spes ani-
^{intra pueri de} ^{pingue}
 mum subibat; deflagrate iras vestras, purgari
^{et de deo de}
 suspiciones posse. etiam hostes armis positis
^{pace} ^{seque}
 fœdus icille, & priuatas multorum similitates
^{significat, et a quod ego, lacy, bualce hunc a mania}
 finitas. subitufam vobis aliquando germani-
^{la fraa claua}
 tatis memoriam. puerilis quondam simplici-
^{comu rima} ^{vosna}
 tatis consuetudinisque inter vos, meorum de-
^{a pueri pueri}
 nique præceptorum: quæ vereor, ne vana sur-
^{in gordo}
 dis auribus cecinerim. Quoties ego audienti-
^{cora} ^{in h. h. h. h.}
 bus vobis, detestatus exempla discordiarum
 fraternarum, horrendos eventus eorum retu-
^{la}
 li, quibus se stirpemque suam, domos, re-
^{a pueri pueri}
 gna, funditus evertissent? Meliora quoque ex-
^{clae pueri} ^{corde}
 empla parte altera posui; sociabilem confortio-
^{la pueri}
 nem inter binos Lacedæmoniorum reges, sa-
 lutarem per multa secula ipsis patriæque. Ean-
^{la pueri} ^{a pueri}
 dem civitatem, posteaquam mos sibi cuique
^{la pueri} ^{a pueri}
 rapiendi tyrannidem exortus sit, eversam. Jam
^{la pueri} ^{a pueri}
 hos Eumenem Attalumque fratres, a quam
^{la pueri} ^{a pueri}
 exiguis rebus, prope ut puderet regii nominis,
^{la pueri} ^{a pueri}
 mihi, Antiocho, & cuilibet regum hujus æ-
^{la pueri} ^{a pueri}
 tatis, nulla re magis, quàm fraterna unanimi-
 tate regnum æquasse. Ne Romanis quidem
 exemplis abstinui, quæ aut visa, aut audita ha-
^{la pueri} ^{a pueri}
 beam: T. & L. Quintiorum, qui bellum me-
^{la pueri} ^{a pueri}
 cum gesserunt, P. & L. Scipionem, qui An-
 tiochum devicerunt: patris patruique eo-
^{la pueri} ^{a pueri}
 rum; quorum perpetuam vitæ concordiam
^{la pueri} ^{a pueri}
 mors quoque miscuit. Neque vos illorum sce-
^{la pueri} ^{a pueri}
 lus, similisque sceleri eventus detertere a ve-
 cordi

cordi discordia potuit: Neque horum bona
mens, bona fortuna, ad sanitatem flectere, Vi-
vo, & spirante me hæreditatem meam ambo
& spe & cupiditate improba crevitis. Eouque
me vivere vultis, donec alterius, vestrum su-
perstes, haud ambiguum regem alterum mea
morte faciam. Nec fratrem, Nec patrem pote-
ritis pati. nihil chari, nihil sancti est: in omnium
vicem regni unius insatiabilis amor succellit.
Agite! concelerate aures paternas: decernite
criminibus, mox ferro decreturi: dicite pa-
lam, quicquid aut veri potestis, aut communi-
sci libet. Reclatæ aures sunt, quæ posthac se cre-
tis alterius ab altero criminibus claudentur.

O R A T I O

PERSEI ACCUSATORIS in Demetrium
fratrem parricidii reum.

APERIENDA nimirum nocte janua fuit,
& armati commellatores accipiendi, præ-
bendumque ferro jugulum, quando non cre-
ditur, nisi perpetratum facinus: & eadem pe-
titus insidiis audio, quæ latro atque insidiator.
Non nequicquam isti unum Demetrium filium
te habere, me subditum & pellice genitum ap-
pellant. nam si gradum, si charitatem filii a-
pud te haberem, non in me querentem depre-
hensas insidias, sed in eum, qui fecisset, sæ-
vires. Nec adeo tibi vilis vita esset nostra, ut
nec præterito periculo meo movereris, neque
futuro, si insidiantibus sit impune. Itaque si
mori tacitum oportet, taceamus, præcati tan-
tum

tum Deos, ut à me cœptum scelus in me finem
 habeat, nec per meum latus tu petaris. Sin au-
 tem, quod circumventis in solitudine natura
 ipsa subiecit, ut hominum quos nunquam vi-
 derint, fidem tamen implorent; mihi quoque
 ferrum in me strictum cernenti, vocem mit-
 tere liceat. Per te patriumque nomen, quod u-
 tri nostrum sanctius sit, jam pridem sentis, ita
 me audias, precor; tanquam si voce & com-
 ploratione nocturna excitus mihi quiritanti
 intervenisses, Demetrium cum armatis nocte
 intempesta in vestibulo meo deprehendisses.
 Quod tunc vociferarer in re presenti pavidus,
 hoc nunc postero die queror, Frater, non co-
 messantium in vicem jamdiu vivimus inter
 nos: regnare utique vis: huic spei tuæ obstat
 ætas mea, obstat gentium jus, obstat vetustus
 Macedoniae mos, obstat verò etiam patris ju-
 dicium. Huc transire, nisi per meum
 sanguinem, non potes, omnia moliris, & ten-
 tas adhuc seu cura mea, seu fortuna, restitit
 parricidio tuo. Hesternæ die in lustratione, &
 decursu, & simulacro ludicro pugnae, fune-
 stum prope prælium fecisti: nec me aliud à
 morte vindicavit, quàm quod me ac meos
 vinci passus sum. Ab hostili prælio, tanquam
 fraterno lusu, pertrahere me ad cœnam volui-
 sti. Credis me, pater, inter inermes convivas
 cœnaturum fuisse, ad quem armati cômef-
 satum venerunt? credis nihil à gladiis nocte
 periculum fuisse, quem sudibus te in inspectante
 propè

quibus in omne flagitium & facinus conjuravit, non suum judicet esse. Nequis etiam errore labatur vestrum quoque, non sum securus. Nihil enim in speciem fallacius est, quam prava religio. Ubi Deorum numen prætenditur sceleribus, subit animum timor, ne fraudibus humanis vindicandis, divini juris aliquid immixtum violemus. Hac vos religione innumerabilia decreta pontificum, senatusconsulta, aruspicum denique responsa liberant. Quoties hoc patrum avorumque ætate negotium est magistratibus datum, ut sacra externa fieri vetarent, sacrificulos vatesque foro, circo, urbe prohiberent? vaticanos libros conquirerent, comburerentque, omnem disciplinam sacrificandi, præterquam more Romano, abolerent? Judicabant enim prudentissimi viri omnis divini humanique juris, nihil æquè dissolvendæ religionis esse, quàm ubi non patrio, sed externo ritu sacrificaretur. Hæc vobis prædicenda ratus sum, ne qua superstitio agitare animos vestros, quum demolientes nos Bacchanalia, discutientesque nefarios cœtus cerneretis. Omnia Diis propitiis, volentibusque ea faciemus: qui, quia suum numen sceleribus libidinibusque contaminari indigne ferebant, ex occultis ea tenebris in lucem extraxerunt: nec patefieri, ut impunita essent, sed ut vindicarentur & opprimerentur, voluerunt. Senatus questionem extra ordinem de ea re mihi collegæque meo mandavit: nos, quæ ipsis, nobis agenda

da sunt, impigrè exsequemur: vigiliarum nocturnarum curam, per urbem minoribus magistratibus mandavimus. Vos quoque æquum est, quæ vestra munia sunt, quo quisque loco positus erit, quod imperabitur, impigrè præstare, & dare operam, ne quid fraude noxiorum periculi aut tumultus oriatur.

O R A T I O .

PHILIPPI MACEDONIS ad legatos
Romanorum.

A R G U M E N T U M

Philippus Macedo multa oppida Thessalorum, Perrhabiorum, Maronitarum, aliorumque populorum, suæ ditionis fecerat: quæ quum repetita permissu se Romanorum occupare diceret, communi voluntate atque uno consensu eam rem ii populi ad senatum deferunt. Senatus consulto legati tres (in quibus Q. Cæcilius Metellus fuit) ad disceptationem finiendam missi: quorum primo statim adventu de ea ipsa re concilium indictum est: ad quod etiam Philippus convenit. Cognita causa legati decernunt ut præfida Macedonum ex urbibus Thessalorum & Perrhabiorum deducerentur. Inde in Thraciam profecti, de urbibus ejus gentis cognoscunt. Philippus indignè ferebat, omnia non ex animi sui sententia & jure fieri. Itaque injurias suas in hanc sententiam legatis exposuit.

NON cum Maronitis mihi aut cum Eumene dilceptatio est; sed etiam vobiscum Romani. à quibus nihil æqui me impetrare jamdiu animadverto. Civitates Macedonum quæ à me inter inducias defecerant, reddi mihi æquum censebam; non quia magna accessio ea regni futura esset (sunt enim & parva oppida, & in finibus extremis posita) sed quia multum ad reliquos Macedonas continendos exemplum pertinebat, negatum est mihi. Bello Ætolico Lamiam oppugnare jussus à consule

sule M. Acilio, quum diu fatigatusibi præliis operibusque essem; transcendentem me jam muros, à capta prope urbe revocavit consul, & abducere inde copias coëgit. Ad hujus solatium injuriæ permissum est, ut Thessaliæ Berthæbiæque & Athamanum, reciperem quædam castella magis quàm urbes. ea quoque ipsa vos mihi, Q. Cæcili, paucos ante dies admistis. Pro non dubio paulo ante, si Diis placeat, legati Eumenis sumebant, quæ Antiochi fuerunt. Eumenem æquius esse quam me habere. id ego aliter longè judico esse. Eumenes enim non nisi vicissent Romani, sed nisi bellum gessissent, manere in regno suo non potuit. Itaque ille vestrum meritum habet, non vos illius; mei autem regni tantum aberat ut nulla pars in discrimine fuerit, ut tria millia talentum, & quinquaginta testas naves, & omnes Græciæ civitates, quas antea tenuissem, pollicentem ultro Antiochum in mercedem societatis, sim aspernatus. hostemque ei me esse prius etiàm quam M. Acilius exercitum in Græciam trajiceret, præmetuli: & cum eo consule belli partem quamcunque mihi delegavit, gessi: & insequenti consuli, L. Scipioni, quum terra statuisset ducere exercitum ad Hellespontum, non iter tantum per regnum nostrum dedi, sed vias etiàm munivi; pontes feci, com meatus præbui: nec per Macedoniam tantum, sed per Thraciam, ubi etiàm inter cætera pax quoque præstanda à barbaris erat. Pro
hoc

hoc studio meo erga vos, ne dicam merito; utrum adjicere vos Romani aliquid, & amplificare & augere regnum meum munificentia vestra oportebat, an quæ haberem aut meo jure, aut beneficio vestro, eripere? id quod nunc facitis. Macedonum civitates, quas regni mei fuisse fatemini, non restituuntur, Eumenes, tanquam ad Antiochum, ad spoliandum me venit. & si Diis placet decem legatorum detretum speciem calumniæ impudentissimæ prætendit; quo maximè & refelli & coargui potest. Discretissimè enim planissimeque in eo scriptum est; Chersonesum & Lysimachiam Eumeni dari. Ubi tandem Æneus, & Maronea, & Thraciæ civitates adscriptæ sunt? quod ab illis ne postulare quidem est ausus, id apud vos tanquam ab illis impetraverit, obtinebit? Quo in numero me apud vos esse velitis, referte. Si tanquam inimicum & hostem insectari propositum est; pergite ut cœpistis, facite. Sin aliquis respectus est mei, ut socii atque amici regis, deprecor, ne me tanta injuria dignum judicetis.

O R A T I O

LYCORTÆ PRÆTORIS ACHÆORUM.
qua legatis Roman. Respondet.

A R G U M E N T U M.

Lacedæmonii apud Q. Cæcilium legatum primum, deinde Romæ apud senatum de injuriis suis, quas ab Achæis acceperant, conquesti sunt. Inter cetera id quoque eriminabantur, mania Lacedæmonis ab iis diricta esse, abductam plebem venditam, Lycurgi leges ademptas. Legatio deinde decreta, cujus Appius Claudius princeps erat. Is quum dato consilio exposuisset Achæis, agrè ferre senatum quod Lacedæmonii tot tamque graves eludes intulissent.
eadem

eademque fecissent eorum qui missi fuerant à Philopœmene , cum Lycortas prætor eorum ita obiectis respondit.

DIFFICILIOR nobis Appi Claudii apud vos oratio est , quam Romæ nuper apud senatum fuit. Tunc enim Lacedæmoniis accusantibus respondendum erat : nunc à vobis ipsis accusati sumus , apud quos causa dicenda est. quam iniquitatem conditionis subimus quod illa spe decidimus , iudicis animo te auditurum esse , posita contentione , qua paulo antè egisti. Ego certè , quum ea , quæ & hic antea apud Q. Cæcilium , & postea Romæ questi sunt Lacedæmonii , à te paulo antè relata sint , non tibi sed illis me apud te respondere credam. Eadem obiectis eorum , qui à Philopœmene prætor evocati ad causam dicendam , interfecti sunt. Hoc ego crimen non modò à vobis Romani , sed ne apud vos quidem nobis obijciendum fuisse arbitror. Quid ita ? quia in vestro fœdere erat , ut maritimis urbibus abstinerent Lacedæmonii. Quo tempore armis captis urbes , à quibus abstinere jussi erant , nocturno impetu occupaverunt ; si T. Quintius , si exercitus Romanus , sicut antea in Peloponneso fuisset , eo nimirum capti & oppressi confugissent. quum vos procul essetis , quò aliò , nisi ad nos socios vestros , quos antea Gytheo opem ferentis , quos Lacedæmonem vobiscum simili de causa oppugnantis viderant , confugerent ? Pro vobis igitur justum piumque bellum suscepimus. Quod quum alii laudent ; reprehendere ne

Lace.

Lacedæmonii quidem possint, Dii quoque ipsi comprobaverint, qui nobis victoriam dederunt; quonam modo ea quę belli jure acta sunt, in disceptationem veniunt? quorum tamen maxima pars nihil pertinet ad nos. Nostrium est, quod evocavimus eos ad causam dicendam, qui ad arma multitudinem exciverant, qui expugnaverant maritima oppida, qui diriperant, qui cædem principum fecerant? Quod verò illi venientes in castra interfecti sunt; vestrum est. Arcu & Alcibiade, qui nunc nos, si Diis placet, accusatis, non nostrum. Exules Lacedæmoniorum, quo in numero ii quoque duo fuerunt, & tunc nobiscum erant, quod domicilio sibi delegerant maritima oppida, se petitos credentes; in eos quorum opera patria extorres, ne in tuto quidem exilio posse consensescere se indignabantur, impetum fecerunt. Lacedæmonii igitur Lacedæmonios, non Achæi interfecerunt, nec jure, an injuria cæsi sint, argumentari refert. At enim illa certè vestra sunt, Achæi, quod leges disciplinamque vetustissimam Lycurgi sustulistis, quod muros diruistis. Quæ utraque ab iisdem objici quidem possunt; Quum muri Lacedæmoniis non à Lycurgo, sed paucos ante annos ad dissolvendam Lycurgi disciplinam extructi sint? Tyranni enim nuper eos arcem & munimentum sibi, non civitati paraverunt. Et si existat hodie ab inferis Lycurgus, gaudeat ruinis eorum, & nunc se patriam & Spartam antiquam agno

agnoscere dicat. Non Philopœmenem expectare, nec Achæos, sed vos ipsi Lacedæmonii vestris manibus amoliri & diruere omnia tyrannidis vestigia. debuistis. Vestræ enim illæ deformes veluti cicatrices servitutis erant : & quum sine muris per octingentos prope annos liberi, aliquando etiam principes Græciæ fuissetis, muris velut compedibus circumdati, vincti per centum annos serviistis. Quod ad leges ademptas attinet: ego antiquas Lacedæmoniis leges tyrannos ademisse arbitror. nos non suas ademisse, quas non habebant, sed nostras leges dedisse : nec male consuluisse civitati, quum concilii nostri eam fecerimus, & nobis miscuerimus, ut corpus unum & concilium totius Peloponesi esset. Tunc, opinor, si aliis ipsi legibus viveremus, alias istis injunxissemus, queri se iniquo jure esse, & indignari possent. Scio ego, Appi Claudii, hanc orationem, quam adhuc usus, neque sociorum apud socios neque liberæ gentis esse : sed servorum verius disceptantium apud dominos. Nam si non vana vox illa præconis fuit, qua liberos esse omnium primos Achæos jussistis, si foedus ratum est, si societas & amicitia ex æquo observatur ; cur ego quid Capua capta feceritis Romani, non quæro, vos rationem reposcitis, quid Achæi Lacedæmoniis bello victis fecerimus ? Interfecti aliqui sunt, finge à nobis Quid ? vos senatores Campanos securi non percussistis ? Muros diruimus, vos non muros tan-

tan-

tantum, sed urbem & agros ademistis. Specie, inquis, æquum est foedus apud Achæos, re precaria libertas: apud Romanos etiam imperium est. Sentio, Appi, & si non oportet, non indignor, sed oro vos, quantumlibet intersit inter Romanos & Achæos, modo ne in æquo hostes vestri nostrique apud vos sint, ac nos socii: imo ne meliore jure sint. Nam ut in æquo essent, nos fecimus, quum leges iis nostras dedimus, quum ut Achæi concilii essent, effecimus. Parum est victis, quod victoribus satis est. plus postulant hostes, quam socii habent. Quæ jurejurando, quæ monumentis literarum in lapide insculptis in æternam memoriam sancta atque sacrata sunt, ea cum perjurio nostro tollere parant. Veremur quidem vos, Romani, & si ita vultis, etiam timemus: sed plus & veremur & timemus Deos immortales.

Ex quadragésimo libro ab Urbe condita.

O R A T I O

PHILIPPI MACEDONIS de sua liberorumque infelici conditione.

A R G U M E N T U M.

Philippo regi Macedonum filii erant duo, Perseus & Demetrius, minor Demetrius multitudinis favorem emeruerat, gratus jam ab initio Romanis, legationum, quas pro patre impigre exequutus erat, nomine, aliisque praeclaris rebus quæ in eo prælucebant. Hoc ipsum Perseus agere ferebat, quod eo pacto imperii summum mortuo patre ad eum deferendam esse facile appareret. Itaque sibi ad seiscit Macedonum magnam numerum, qui secum patrem regem juapte natura in Romanos odio atque ira concitatum, ad bellum incitarent. Nati ejus rei occasionem alii alia in Romanos jacit.

jaciebant, etiam praesente Demetrio. Impatiens irarum juvenis, amoris videlicet sui erga Romanos velut igniculis agitatus, quaecumque in Romanos dicebant, extemplo dictis refellebat, ita patris se suspectum faciens. Inde in concilium adhibebatur quoties de Romanis erat consultandum, Ex eo vero colloquio Perseus viam sibi ad augendam eam suspicionem factam esse ratus, nunquam non eius consilii sui perficiendi opportunitatem querebat. Forte Basterna quidam regii sanguinis ejus gentis, in Macedoniam venientes, sororem suam alteri liberorum Philippi se velle dare in matrimonium dixerant: quo nuntio Philippo supra modum letanti; Quid haec, inquit Perseus, profutura sunt nobis, quum fraude domestica plus immineat periculi quam praesulii ab externis auxiliis? Praeterea post conditum lustrum, quum pro more juvenes regii, suis quisque copiis stipati concurrerent, ita tamen ut Persei praesertim furore nihil ad justam praelii speciem praeter ferrum deesset, eo certamine tandem longe superior Demetrii acies apparuit. Quod indignum passus Perseus quum ad convivium a fratre vocaretur, se adfuturum acerrime negat. Festo deinde die jactant de ludero utrinque sermonibus, speculator ex convivio Persei ad audiendum quae jactarentur, forte Persei jussu egreditur: qui a juvenibus ex triclinio itidem Demetrii egressus, vulneratus abscessit. Ejus rei ignarus Demetrius, mox, Quin comestum, inquit, ad fratremimus? & iram, si qua foris ex certamine refolet, nostra hilaritas lenimus? Conclamantur omnes qui aderant, praeter eos qui ausi erant facinus, eundum esse. Ita quum soli abnuerunt, a Demetrio ire coguntur: ac facti sui non obliti, gladios sub veste occultant, quibus se, si qua vis forte oriretur, defenderent. Speculatores in vestibulo adium Persei stabant, qui extemplo ingressi ad Perseum, nuntiant Demetrium venire inter multos gladios cinctos. Hoc nuntio perterritus Perseus velut in re trepida, claudi quam primum januam jubet. Ita nequicquam pulsatis foribus domum suam totius ejus rei ignarus Demetrius ad convivium relict. Postero die quum primum licuit, in regiam ad patrem Perseus ire pergit; quem quum solito tristiores Philippus animadverteret, quid ea molestia protenderet rogat. Perseus ordine rem totam exponit. Tum pater & Demetrium vocari & amicos aliquos jubet. Quibus miseriam suam & liberorum conditionem ita ut sequitur indicavit. Post patrem Perseus prior Demetrium parricidii accusat: sequuta est deinde rei defensio.

SEDEO miserrimus pater iudex inter duos filios, accusatorem parricidii, & reum; aut conficti, aut admissi criminis labem apud meos inventurus, Jampridem quidem hanc procellam imminentem timebam, quum vultus inter

VOS

vos minime fraternos cernerem, quum voces
 quasdam exaudirem. Sed interdum spes ani-
 mum subibat; deflagrare iras vestras, purgari
 suspiciones posse. etiam hostes armis positis
 foedus icisse, & priyatas multorum similitates
 finitas. subitum vobis aliquando germani-
 tatis memoriam. puerilis quondam simplici-
 tatis consuetudinisque inter vos, meorum de-
 niq[ue] præceptorum: quæ vereor, ne vana sur-
 dis auribus cecinerim. Quoties ego audienti-
 bus vobis, detestatus exempla discordiarum
 fraternarum, horrendos eventus eorum retu-
 li, quibus se stirpemque suam, domos, re-
 gna, funditus evertissent? Meliora quoque ex-
 empla parte altera posui; sociabilem consortio-
 nem inter binos Lacedæmoniorum reges, sa-
 lutarem per multa secula ipsis patriæque. Ean-
 dem civitatem, posteaquam mos sibi cuique
 rapiendi tyrannidem exortus sit, eversam. Jam
 hos Eumenem Attalumque fratres, à quam
 exiguis sebus, prope ut puderet regii nominis,
 mihi, Antiocho, & cuilibet regum hujus æ-
 tatis, nulla re magis, quàm fraterna unanimi-
 tate regnum æquasse. Ne Romanis quidem
 exemplis abstinui, quæ aut visa, aut audita ha-
 beam: T. & L. Quintiorum, qui bellum me-
 cum gesserunt, P. & L. Scipionem, qui An-
 tiochum devicerunt: patris patruisque co-
 rum; quorum perpetuam vitæ concordiam
 mors quoque miscuit. Neque vos illorum sce-
 lus, similisque sceleri eventus detertere a ve-
 cordi

cordi discordia potuit: Neque horum bona
mens, bona fortuna, ad sanitatem flectere, Vi-
vo, & spirante me hæreditatem meam ambo
& spe & cupiditate improba crevitis. Eouique
me vivere vultis, donec alterius, vestrum su-
perstes, haud ambiguum regem alterum, mea
morte faciam. Nec fratrem, Nec patrem pote-
ritis pati, nihil chari, nihil sancti est: in omni-
um vicem regni unius insatiabilis amor succellit.
Agite: concelerate aures paternas: decernite
criminibus, mox ferro decreturi: dicite pa-
lam, quicquid aut veri potestis, aut communi-
sci liber. Reclatæ aures sunt, quæ posthac se cre-
tis alterius ab altero criminibus claudentur.

O R A T I O

PERSEI ACCUSATORIS in Demetrium
fratrem parricidii reum.

APERIENDA nimirum nocte janua fuit,
& armati commellatores accipiendi, præ-
bendumque ferro jugulum, quando non cre-
ditur, nisi perpetratum facinus: & eadem pe-
titus insidiis audio, quæ latro atque insidiator.
Non nequicquam isti unum Demetrium filium
te habere, me subditum & pellice genitum ap-
pellant. nam si gradum, si charitatem filii a-
pud te haberem, non in me querentem depre-
hensas insidias, sed in eum, qui fecisset, læ-
vires. Nec adeo tibi vilis vita esset nostra, ut
nec præterito periculo meo movereris, neque
futuro, si insidiantibus sit impune. Itaque si
mori taciturnum oportet, taceamus, præcati tan-
tum

tum Deos, ut à me coëptum scelus in me finem
 habeat, nec per meum latus tu petaris. Sin au-
 tem, quod circumventis in solitudine natura
 ipsa subiecit, ut hominum quos nunquam vi-
 detint, fidem tamen implorent; mihi quoque
 ferrum in me strictum cernenti, vocem mit-
 tere liceat. Per te patriumque nomen, quod u-
 tri nostrum sanctius sit, jampridem sentis, ita
 me audias, precor; tanquam li voce & com-
 ploratione nocturna excitus mihi quiritanti
 intervenisses, Demetrium cum armatis nocte
 intempesta in vestibulo meo deprehendisses.
 Quod tum vociferarer in re præsentis pavidus,
 hoc nunc postero die queror, Frater, non co-
 messantium in vicem jamdiu vivimus inter
 nos: regnare utique vis: huic spei tuæ obstat
 ætas mea, obstat gentium jus, obstat vetustus
 Macedoniae mos, obstat verò etiam patris ju-
 dicium. Huc transcendere, nisi per meum
 sanguinem, non potes, omnia moliris, & ten-
 tas adhuc seu cura mea, seu fortuna, restitit
 parricidio tuo. Hæsterna die in lustratione, &
 decursu, & simulacro ludicro pugnae, fune-
 stum prope prælium fecisti: nec me aliud à
 morte vindicavit, quàm quod me ac meos
 vinci passus sum. Ab hostili prælio, tanquam
 fraterno lusu, pertrahere me ad cœnam volui-
 sti. Credis me, pater, inter inermes convivas
 cœnaturum fuisse, ad quem armati comel-
 satum venerunt? credis nihil à gladiis nocte
 periculum fuisse, quem sudibus te in inspectante
 propè

^{prope} prope occiderunt? Quid hoc noctis? quid in-
^{amicus ad iratum} micus ad iratum, quid cum ferro succinctis
^{juvenibus venis} juvenibus venis? Convivam me tibi commit-
^{tere ausus non sum} tere ausus non sum, comessatorem te cum ar-
^{matis venientem recipiam} matis venientem recipiam? Si aperta janua fu-
^{isset} isset, funus meum parares hoc tempore, pater,
^{quo querentem audis} quo querentem audis. Nihil ego, tanquam
^{accusator criminose} accusator criminose, nec dubia argumentis
^{colligendo ago} colligendo ago. Quid enim? negat se cum
^{multitudine venisse ad januam meam} multitudine venisse ad januam meam? an fer-
^{ro succinctos secum fuisse} ro succinctos secum fuisse? Quos nominave-
^{ro, accersere possunt quidem omnia audere} ro, accersere possunt quidem omnia audere,
^{qui hoc ausi sunt} qui hoc ausi sunt, non tamen audebunt nega-
^{re} re. Si deprehenso intra limen meum cum ferro
^{ad te deducerem} ad te deducerem, rem pro manifesto haberes;
^{fatentes pro deprehenso habe} fatentes pro deprehenso habe. Execrare nunc
^{cupiditatem regni} cupiditatem regni, & furias fraternas concita!
^{sed ne sint cæcæ pater execrationes tuæ} sed ne sint cæcæ pater execrationes tuæ, di-
^{scerne & dispice insidiatorem} scerne & dispice insidiatorem, & petitem insi-
^{diis} diis: noxium huic esse caput. Qui occisurus
^{fratrem fuit} fratrem fuit, habeat etiam iratos paternos
^{Deos qui periturus fraterno scelere fuit} Deos qui periturus fraterno scelere fuit, perfu-
^{gium in patris misericordia & justitia habeat} gium in patris misericordia & justitia habeat.
^{Quò enim alio confugiam} Quò enim alio confugiam, cui non solemne
^{lustrale exercitus tui} lustrale exercitus tui, non decursus militum,
^{non domus} non domus, non epulæ? non nox ad quie-
^{tem data naturæ beneficio mortalibus} tem data naturæ beneficio mortalibus, tuta
^{est} est? Si iero ad fratrem invitatus, moriendum
^{est} est: Si recepero intra januam commessatum fra-
^{tre} tre, moriendum est. nec eundo, nec manen-
^{do insidias evito} do insidias evito. Quò me conferam? nihil præ-
^{ter} ter

ter Deos, pater, & te colui. non Romanos habeo, ad quos confugiam; perisse expetunt, quia tuis injuriis doleo: quia tibi ademptas tot urbes, tot gentes, modò Thraciæ maritimam oram, indignor: nec me, nec te incolumi, Macedoniam suam futuram sperant. Si me scelus fratris, te senectus, absumpserit, aut nec ea quidem expectata fuerit; regem regnumque Macedoniæ sua futura sciunt. Si quid extra Macedoniam tibi Romani reliquissent, mihi quoque id relictum crederem receptaculum. At in Macedonibus satis præsidii est. Vidisti hesternodie impetum in me militum. Quid illis defuit, nisi ferrum? quod illis defuit interdiu, convivæ fratris noctu assumpserunt. Quid de magna parte principum loquar, qui in Romanis spem omnem dignitatis & fortunæ posuerunt, & in eo, qui omnia apud Romanos potest: neque hercule istum mihi tantum patri majori, sed propè est, ut tibi quoque ipsi regi & patri præferant. Iste enim est, cujus beneficio poenam tibi senatus remisit, qui nunc te ab armis Romanis protegit, qui tuam senectutem obligatam & obnoxiam adolescentiæ suæ esse æquum censet. Pro isto Romani stant, pro isto omnes urbes tuo imperio liberatæ, pro isto Macedones, qui pace Romana gaudent. Mihi præter te, pater, quid usquam aut spei, aut præsidii est? Quo spectare illas literas ad te nunc missas T. Quintii credis, quibus benè te consuluisse rebus tuis ait, quòd Demetrium Romam mi-

O

feris,

feris. & hortatur, ut iterum & cum pluribus legatis, & primoribus quoque Macedonum, remittas eum? T. Quintius, nunc est auctor omnium rerum isti, & magister. Eum sibi, te abdicatione patre, in locum tuum substituit: illinc ante omnia clandestina concocta sunt consilia. Quæruntur adjutores consiliis, quum te plures, & principes Macedonum cum isto mittere jubet. qui hinc integri & sinceri Romam eunt, Philippum regem se habere credentes, imbuti illic & infecti Romanis delinimentis redeunt. Demetrius iis unus omnia est: cum jam regem vivo patre appellant. Hæc si indignor, audiendum est statim, non ab aliis solum, sed etiam à te, pater, cupiditatis regni crimen. Ego verò, si in medio ponitur, non agnosco. quem enim suo loco moveo, ut ipse in ejus locum succedam? Unus ante me pater est: & ut diu sit, Deos rogo. Superstes (& ita sim, si merebor, ut ipse me esse velit) hæreditatem regni, si pater tradet, accipiam. Cupit regnum, & quidem scelerate cupit, qui transcendere festinat ordinem ætatis, naturæ, moris Macedonum, juris gentium. Obstat frater major, ad quem jure, voluntate etiam patris, regnum pertinet. Tollatur: non primus regnum fraterna cæde petiero. Pater senex, & filio solus orbatus, de se magis timebit, quàm ut filii necem ulciscatur. Romani lætabuntur, probabunt, defendent factum. Hæ spes incertæ, pater, sed non inanes sunt. Ita enim res se ha-

se habet : periculum vitæ propellere à me potes , puniendo eos , qui ad me interficiendum ferrum sumpserunt : si facinorosi eorum succederit , mortem meam idem tu persequi non poteris.

O R A T I O

D E M E T R I I , parricidii rei.

OMNIA, quæ reorum antea fuerant auxilia, pater præoccupavit accusator. Simulatis lacrymis in alterius perniciem, veras meas lacrymas suspectas tibi fecit. quum ipse, ex quo ab Roma redii, per occulta cum suis colloquia dies noctesque insidietur ultrò mihi; non insidiatoris modò, sed latronis manifesti & percussoris speciem induit. Periculo suo te exteret, ut innoxio fratri per eundem te maturet perniciem. Perfugium sibi nusquam gentium esse ait, ut ego ne apud te quidem quicquam spei reliquæ habeam. Circumventum, solum, inopem, invidia gratiæ externæ, quæ obest potius, quàm prodest, onerat. Jam illud quàm accusatoriè, quod noctis hujus crimen miscuit cum cætera insectatione vitæ meæ? Ut & hoc, quod jam quäle sit, scies, suspectum alio vitæ nostræ tenore faceret; & illam vanam criminationem spei, voluntatis, consiliorum meorum, nocturno hoc ficto & composito argumento fulciret. Simul & illud quæsit, ut repentina & minimè præparata accusatio videretur: quippe ex noctis hujus metu & tu-

multu repentino exorta. Oportuit autem Perseu, si proditor ego patris regnique eram, si cum Romanis, si cum aliis inimicis patris inieram consilia, non expectatam fabulam noctis hujus esse, sed proditionis meae ante me accusatum: si illa separata ab hac vana accusatio erat, invidiamque tuam adversus me magis, quam crimen meum indicatura, hodie quoque eam aut praetermitti, aut in aliud tempus differri: ut perspiceretur, utrum ego tibi, an tu mihi novo quidem & singulari genere odii, insidias fecisses. Ego tamen, quantum in hac subita perturbatione potero, separabo ea quae tu confudisti: & noctis hujus insidias aut tuas aut meas detegam. Occidendi sui consilium me iniisse, videri vult: ut scilicet majore fratre sublato, cujus jure gentium, more Macedonum, tuo etiam, ut ait, judicio regnum est futurum; ego minor in ejus quem occidissem, succederem locum. Quid ergo illa sibi vult pars altera orationis, qua Romanos à me cultos ait, atque eorum fiducia in spem regni me venisse? Nam si & in Romanis tantum momenti esse credebam, ut quem vellent, imponerent Macedoniae regem, & meae tantum apud eos gratiae confidebam; quid opus parricidio fuit? An ut cruentum fraterna caede diadema gererem? ut illis ipsis, apud quos aut vera aut certe simulata probitate partam gratiam habeo, si quam fortè habeo, execrabilis & invisus essem? nisi T. Quintium credis, cujus vir-

tute

tute & consiliis me nunc arguis regi, quum & ipse tali pietate vivat cum fratre, mihi fraternæ cædis fuisse auctorem. Idem non Romanorum solum gratiam, sed Macedonum judicia, ac penè omnium Deorum hominumque consensum collegit, per quæ omnia se mihi parem in certamine non futurum crediderit, idem tanquam in aliis omnibus rebus inferior essem, ad sceleris spem ultimam confugisse me insinulat. Vis hanc formulam cognitionis esse, ut uter timuerit, ne alter dignior videretur regno, is consilium opprimendi fratris cepisse judicetur? Exequamur tamen quocunque modo conficti ordinem criminis. Pluribus modis se petatum criminatus est, & omnes insidiarum vias in unum diem contulit. Volui interdiu cum post lustrationem, quum concurrimus, & quidem, si Diis placet, lustrationum die occidere: volui, quum ad cœnam invitari, veneno scilicet tollere: volui, quum comessatum gladiis accincti me sequuti sunt, ferro interficere. Tempora quidem qualia sint ad parricidium electa, vides; lusus, convivii, comessionis. Quis dies? qualis? quo lustratus exercitus, quo inter divisam victimam prælatis omnium qui unquam fuere Macedoniae regum armis regiis, duo soli tua tegentes latera, pater prævecti sumus, & sequutum est Macedonum agmen, Hoc ego etiam siquid antè admissem piaculo dignum, lustratus, & expiatus sacro, tum quum maximè in hostiam itineri nostro

circumdatam intuens, parricidium, venena, gladios, in comessationem præparatos, volutabam in animo. Ut quibus aliis deinde sacris contaminatam omni scelere mentem expiarem? Sed cæcus criminandi cupiditate animus, dum omnia suspecta efficere vult, aliud alio confundit. Nam si veneno te inter cœnam tollere volui, quid minus aptum fuit, quàm pertinaci certamine & concursu iratum te efficere? Ut meritò, sicut fecisti, invitatus ad cœnam abnueres? quum autem iratus negassès, utrum ut placarem te danda opera fuit, ut aliam quærerem occasionem, quoniam semel venenum paraveram: an ab illo consilio velut transiendum ad aliud fuit, ut ferro te, & quidem eodieg per speciem comessationis occiderem? Quo deinde modo, si te metu mortis credebam cœnam evitasse meam, non ab eodem metu comessationem quoque evitaturum existimabam? Non est res, qua erubescam, pater, si die festo inter æquales largiore vino sum usus. Tu quoque velim inquiras, qua lætitia, quo lusu apud me celebratum hesternum convivium sit, illo etiam (pravo forsitan) gaudio provehente quod in juvenili armorum certamine pars nostra non inferior fuerat. miseria hæc & metus crapulam facilè excusserunt, quæ si non intervenissent, insidiatores nos sopiti jaceremus. Si domum tuam expugnaturus, capta domo dominum interfeciturus eram, non temperassem vino in unum diem?

non

non milites abstinuissem meos? Et ne ego me solus nimia simplicitate tuear, ipse quoque minimè malus ac suspicax frater, nihil aliud scio, inquit, nihil arguo, nisi quòd cum ferro comessatum venerunt. Si quæram, unde id ipsum scieris; necesse erit te fateri, aut speculatorum tuorum plenam domum fuisse meam, aut illos ita apertè sumpsisse ferrum, ut omnes viderent. Et ne quid ipse aut prius inquisisse, aut nunc criminose argumentari videretur, te quærere ex iis quos nominasset, jubebat, an ferrum habuissent? ut tanquam in re dubia quum id quæsissem, quod ipsi fatentur, pro convictis haberentur. Quin tu illud quæri jubes, num tui occidendi causa ferrum sumpserint? num me auctore & sciente? Hoc enim videri vis non illud quod fatentur & palam est, & sui se tuendi causa sumpsisse dicunt. Rectè an perperam fecerint, ipsi sui facti rationem reddent. Meam causam, quæ nihil eo facto contingitur, ne miscueris; aut explica, utrum apertè an clam te aggressuri fuerimus. Si aperte, cur non omnes ferrum habuimus? cur nemo præter eos qui tuum speculatorem pulsarunt? si clàm, quis ordo consilii fuit? Convivio soluto, quum comessator ego discessissem, quatuor substitissent, ut sopitum te aggredirentur? quomodo fecerint, & alieni, & mei, & maximè suspecti, quia paulo ante in rixa fuerant? quomodo autem trucidato te ipsi evasuri fuerint? quatuor gladiis domus tua capi &

expugnari potuit. Quin tu omiſſa iſta nocturna fabula, ad id quod doles, quod invidiam uxit, reverteris? Cur uſquam regni tui mentio ſit, Demetri? cur dignior patris fortunæ ſucceſſor quibuſdam videris, quàm ego? cur ſpem meam, quæ ſi tu non eſſes, certo erat, dubiam & ſolicitam facis? Hæc ſentit Perſeus, et ſi non dicit: hæc iſtum inimicum, hæc accuſatorem faciunt: hæc domum, hæc regnum tuum criminibus & ſuſpicionibus replent. Ego autem, pater, quemadmodum nec nunc ſperare regnum, nec ambigere unquam de eo forſitan debeam, quia minor ſum, quia tu me majori cedere viſ; ſic illud nec debui facere, nec debeo, ut indignuſte patre, indignuſ omnibus videar. Id enim vitiis meis, non cedendo cui juſ faſque eſt, hoc modèſtia conſequar. Romanos objicis mihi: & ea quæ gloriæ eſſe debent, in crimen vertis. Ego nec obſes Romanis ut traderer, nec ut legatus mitterer Romam, petii, à te miſſus, ire non reuſavi: utroque tempore ita me geſſi, ne tibi pudori, ne regno tuo, ne genti Macedonum eſſem. Itaque mihi cum Romanis amicitia causa tu fuiſti pater: quoad tecum illis pax manebit, mecum quoque gratia erit; ſi bellum eſſe cœperit, qui obſes, qui legatus pro patre non inutilis fui; idem hoſtis illis acerrimus ero. Nec hodie ut proſit mihi gratia Romanorum, poſtulo: ne obſit, tantum deprecor, nec in bello cœpit, nec ad bellum reſervatur. Pacis pignuſ fui, ad pacem retinen-

tinendam legatus missus sum. neutra res mihi nec gloriæ nec crimini sit. Ego si quid impiè in te, pater, si quid sceleratè in fratrem admisi, nullam deprecor pœnam, si innocens sum, ne invidia conflagrem, quum crimine non possim, deprecor. Non hodie me primum frater accusat: sed hodie primum apertè, nullo meo in se merito. Si mihi pater succensere, te majorem fratrem pro minori deprecari oportebat, te adolescentiæ, te errori veniam impetrare. In eo ubi præsidium esse oportebat, ibi exitium est. E convivio & comessationibus propè semisomnus raptus sum ad causam parricidii dicendam, sine advocatis, sine patronis, ipse pro me dicere cogor. Si pro alio dicendum esset, tempus ad meditandum & ad componendam orationem sumpsissem, quum quid aliud quàm ingenii fama periclitarer? Ignarus quid arcessitus essem, te iratum & jubentem dicere causam, fratrem accusantem audiui. Ille diu ante præparata, meditata in me oratione est usus: ego id tantum temporis, quo accusatus sum, ad cognoscendum quid ageretur habui. Utrum momento illo horæ accusatorem audirem? an defensionem meditarer? Attonitus repentino atque inopinato malo, vix quid objiceretur, intelligere potui: nedum satis sciam quo modo me tuear. Quid mihi spei esset, nisi patrem judicem haberem? apud quem etiam si charitate à fratre majore vincor, misericordia certè reus vinci non debeo. Ego

enim ut me mihi tibiue serves, precor : ille ut me in severitatem suam occidas, postulat. Quid cum quum regnum ei tradideris, facturum credis in me esse , qui jam nunc sanguine meo sibi indulgeri æquum censet.

O R A T I O

T. SEMPRONII PRÆTORIS ad L. Minucium legatum.

A R G U M E N T U M.

L. Minutius legatus, & duo tribuni militum regressi Romam ex Hispania, nuntiant senatui quæ prospere ac feliciter illic gesta erant, inter cetera duo secunda prælia, Celtiberorum deditionem, confectam provinciam esse. Id tamen postulant, ut Q. Fulvius inde exercitum deducere liceret: milites enim jam ultra in ea provincia retineri non posse, alioqui injussu abituros esse, aut certe seditionem moturos. T. erat Sempronius prætor cui ea provincia decreta erat. Is, ne quid faceret quod è Repub. non videretur, jam ex Minutio ipso quarit quidnam sentiat ea in re faciundum.

QUÆRO de te L. Minuti, quum confectam provinciam nunties, existimesne Celtiberos perpetuo in fide mansuros ita ut sine exercitu ea provincia obtineri possit? Si neque de fide barbarorum quisquam recipere aut affirmare nobis potes, & habendum illic utique exercitum censes; utrum tandè auctori senatui sis supplementum in Hispaniam mittendi? ut ii modo, quibus emerita stipendia sint, milites dimittantur veteribus militibus tiroes immisceantur? An deductis de provincia veteribus legionibus novas conscribendi & mittendi: quum contemptum tyrocinium etiam mitiores barbaros excitare ad rebellandum possit? Dictu, quàm re facilius sit, provinciam ingenio

nio ferocem rebellatricem confecisse. Paucae civitates, ut quidem ego audio, quas vicina maxime hyberna premebant, in jus ditionemque venerunt; ultiores in armis sunt, quæ quum ita sint, ego jam hinc prædico, P. C. me exercitu eo, qui nunc est, Rempub. administraturum: si deducat secum Flaccus legiones, loca pacata me ad hybernacula electurum, neque novum militem ferocissimo hosti objecturum.

O R A T I O

Q. CÆCILII METELLI, ad M. Lepidum & M. Fulvium censores declaratos, de reconciliatione.

A R G U M E N T U M.

M. Æmilius Lepidus, pontifex maximus, & M. Fulvius, graves jam sæpe ac diu ante invicem exercuerant inimicitias, quum omnium tribuum consensu creati censores fuere. Declarati quum nihilo magis redirent in gratiam, quam ante communem magistratum: id agrè passi primores senatorum, ad eos, ad aram Martis dimissis comitiis pro more consilientes, veniunt: inter quos Q. Metellus pro omnibus unus in hæc verba ad reconciliationem eos deducere ac revocare conabatur.

NON obliti sumus, censores, vos paulo ante ab universo populo Romano moribus nostris præpositos esse: & nos à vobis & admoneri & regi, non vos à nobis debere. Indican- dum tamen est, quid omnes bonos in vobis aut offendat, aut certè mutatum malint. Singulos quum intuemur, M. Æmilii, M. Fulvi, neminem hodie in civitate habemus, quem, si revocemur in suffragium, velimus vobis prælatum esse. Ambo quum simul aspicimus,

non possumus non vereri, ne malè comparati sitis, nec tantum Reipub. pro sit, quod omnibus nobis egregiè placetis, quàm quod alter alteri displicetis, noceat. Inimicitias per annos multos vobis ipsis graves & atroces geritis: quæ, periculum est, ne ex hac die nobis & Reipub. quam vobis graviores fiant. De quibus causis hoc timeamus, multa succurrunt quæ dicerentur; nisi fortè implacabiles vestræ iræ implicaverint animos vestros. Has ut hodie, ut in isto templo finiatis similtates, quæsumus vos; universi & quos conjunxit suffragiis suis populus Romanus, hac etiam reconciliatione gratiæ conjungi à nobis sinatis. Uno animo, uno consilio legatis senatum, equites recensetis, agatis censum, lustrum condatis. quod omnibus ferè precationibus nuncupatis verbis: Ut ea res mihi collegæque meo bene & feliciter eveniat, ita ut vere, ut ex animo velitis evenire: efficiatisque, ut quod Deos precati eritis, id vos velle etiam homines credamus. T. Tatius & Romulus, in cujus urbis medio foro acie hostes concurrerant, ibi concordes regnarunt. Non modo similtates, sed bella quoque finiuntur: ex infestis hostibus plerumque socii fideles, interdum etiam cives fiunt. Albani diruta Alba Romam traducti sunt: Latini Sabini in civitatem accepti. Vulgatum illud quia verum erat, in proverbium venit: *Amicitias immortales, inimicitias mortales debere esse.*

O R A T I O

PHILIPPI REGIS MACEDONUM ad
Antigonum de regni hereditate.

A R G U M E N T U M.

Perseus, major Philippi liberorum, non æquo animo ferens, auaritia invicem accusatione ac defensione parricidii, à patre de ea re iudicium in aliud tempus dilatum esse, ubi disquisitionibus atque inquisitionibus in vitam & mores utriusque compertum esset, uter culpandus foret: nec die nec nocte quicquam prætermittebat quod ad augendam suspicionem, finiendamque quam primum disceptationem pertineret. Ac ejus (puto) importunitate ac quærelis pater rex victus, Romam legatos duos, quos in neutram partem inclinare putabat, re vera Persei fautores, mittit, qui de iis ipsis quæ in Demetrium congesta crimina erant, cognoscerent. Ii erant Philoctes & Apelles, qui Roma in Macedoniam regressi, literas falsas adulterino T. Quintii signo notatas, Regi reddiderunt, quibus facile apparebat, crimina Persei in fratrem iacta, vera esse. Tum vero Perseus jam victoriam propè in manibus cernens, rursus fratrem apud patrem accusat: quo quidem iudicio nihil palam contra reum pronuntiatum, ut dolo potius interficeretur. Itaque ab Thessalonica Demetriadem profecturus Philippus, Dida quodam prætoris, qui Persei partium erat, comitè, Demetrium ad Astreum Pæonia oppidum mittit. Nec absit suspicio quin ei Dida digredienti de filio occidendo mandata pater dederit. Profecti ab Astreo Hefæcleam, cum aliis etiam illic hilariter celebrant: quo in convivio epoto veneno, non ita multo post & patris crudelitatem, & fratris parricidium, & Dida scelus conquirens innoxius juvenis absumptus est. Exinde pater rex comperta morte, conscientia scelerum premente, vitam tristem ac miserabilem egit. Iam Antigonus erat Antigoni alterius (Philippi tutor fuerat) nepos, qui amicus Philippi permauserat. Is per invidiam legatorum supra nominatorum, qui literis falsis confirmabant crimina Persei in fratrem Demetrio occiso, animo suo proponens, mortuo quoque patre magnum sibi à Perseo periculum fore, Philippum quotidie sollicitabat ad veritatem criminis explorandam. Ac sorte Nychus consilii particeps, quum ipsi obvius egredienti à Philippo foret, ejus indicio ad Philippum ut conscius defertur. Adductus, parvo metu injecto ordinem omnem facinoris exponit. De legatis sumptum supplicium. Detectas esse fraudes audiens Perseus, non temere se patri committere ausus, procul inde absuit. Philippus deinde per occasionem Antigono voluntatem suam de regni hereditate, quam ad eum se mortuo venturam destinabat, in hæc verba declaravit.

QUAN-

QUANDO in eam fortunam veni Antigone, ut orbitas mihi, quam alii detestantur parentes, optabilis esse debeat; regnum, quod à patruo tuo forti, non solum fidei tutela ejus custoditum & auctum etiam accepi, id tibi tradere in animo est. Te unum habeo, quem dignum regno judicem si neminem haberem, perire & extinguere id mallet, quàm Perseo sceleratæ fraudis præmium esse. Demetrium excitatum ab inferis, restitutumque credam mihi, si te, qui morti innocentis, qui meo infelici errori unus inlachrymasti, in locum ejus substitutum relinquam.

O R A T I O N E S

Ex CORN. TACITO collectæ.

O R A T I O VIBULENI.

Ex libro 1. Annal.

A R G U M E N T U M.

Ineunte Tiberii imperio, Pannonicus Romanorum exercitus gratissimos motus & seditiones concitavit. Tumultuose flagitabat miles missionem ad id tempus quod multitudo definiret: stipendia vero liberaliora, & remissius in se jus centurionum. Pro se quisque tumultum augebat: sed præter ceteros Vibulenus, ex infima facie miles gregarius, seditiones & falsas voces jollavit, quas in orationem hanc conclusit Tacitus. Hic ut ardentem jam imperatoris Blæsi invidiam etiam inflammaret, falsum crimen commentus, in eum debacchatus est adstante militum furiosa multitudine. Cædem fratris sui, & fratrem ipsum ementitus, in eum conjecit.

Vos quidem, inquit, his innocentibus & miserrimis lucem & spiritum reddidistis: sed

sed quis fratri meo vitam , quis fratrem mihi reddit ? quem missum ad vos à Germanico exercitu de communibus commodis , nocte proxima jugulavit per gladiatores suos, quos in exitium militum habet atque armat. Responde Blæse, ubi cadaver abjeceris ? ne hostes quidem sepulturam invident. Cum osculis , cum lacrymis dolorem meum implevero, me quoque trucidari jube ; dum interfectus nullum ob scelus , sed quia utilitati legionum consulebamus, hi sepeliant.

O R A T I O

CLEMENTIS CENTURIONIS.

Ex eodem libro.

A R G U M E N T U M.

Improvise Luna defectu sevientis antea & seditione astantis exercitus animi sunt territi. Qua occasione Drusus sibi utendum ad restringendam seditionem ratus , summis aliquot sanioris mentis milites , in his Clementem centurionem ad commonendos , inieclis de industria sermonibus , milites. Hic possum quum in cætus aliquis incidisset , conciunculam hanc habebat , qua in furorem tumultuantium militum invehedatur.

QUOUSQUE filium imperatoris obsidebimus ? quis certaminum finis ? Percennione & Vibuleno sacramentum dicturi sumus ? Percennius & Vibulenus stipendia militibus , agros emeritis largientur ? Denique pro Neronibus & Drusis , imperium populi Romani capeissent ? Quin potius ut novissimi in culpam, ita primi ad poenitentiam sumus ? Tarda sunt quæ in commune expostulantur: Privatam gratiam statim mereare , statim recipias.

O R A -

ARGUMENTUM.

Præerat Germanicus Cæsar duobus exercitibus, qui in Germania propter Rhenum erant. Eorum inferior qui dicebatur, Pannonicum illum imitatus, graviores etiam motus ciere cepit: dein ad omnem audaciam & furorem prorupit. Causas seditioni prætexuit easdem quas & Pannonicus ille quem diximus. Sed eadem illa postulabat multo imperiosius multoque ferocius. Manus à centurionibus, tribunis, legatis, qui à senatu missi erant, non abstinuit: sed vix ab ipso Germanico. Qui uxori tum grvida & filiolo suo meruens, quos in iis castris secum habebat, decrevit eos in Treviros mittere. Legiones magnam sibi ignominia notam inuri, si id fieret, judicarunt. Quamobrem deprecatum ad Germanicum, ne id faceret, venerunt. Hac ille arrepta occasione usus est ad increpandam exercitus amentiam; itaque hac oratione graviter eos objurgat. Facti indignitatem exemplis aliorum, & malefactorum per seditionem hanc perpetratorum commemoratione, demonstrat Indignos tantis imperatoribus dicit quorum auspiciis militarunt.

NON mihi uxor, aut filius, patre & Republ. chariores sunt: sed illum quidem sua majestas, imperium Romanum cæteri exercitus defendent: Conjugem & liberos meos, quos pro gloria vestra libens ad exitium offerrem, nunc procul à furentibus summoveo, ut quidquid istuc sceleris imminet, meo tantum sanguine pietur; neve occisus Augusti pronepos, interfecta Tyberii nurus, nocentiores vos faciat. Quid enim per hos dies inausum, intermeratumve vobis? Quod nomen huic coetui dabo? Militesne appellem? qui filium imperatoris vestri vallo & armis circumfediatis. an cives? quibus tam projecta senatus authoritas. Hostium quoque jus, & sacra legationis, & fas gentium rupistis. Divus Julius seditionem exercitus

exercitus verbo uno compescuit, Quirites vocando, qui sacramentum ejus detrectabant. Divus Augustus vultu & adspectu Aetiacas legiones exterruit. Nos, ut nondum eosdem, ita ex illis ortos, si Hispaniæ Syriæve miles aspernaretur, tamen mirum & indignum erat. Primane, & vicesima legiones, illa signis à Tiberio acceptis, tu tot præliorum socia, tot præmiis aucta, egregiam duci vestro gratiam refertis? Hunc ego nuntium patri, læta omnia aliis è provinciis audienti, feram? ipsius tyrones, ipsius veteranos, non missione, non pecunia satiatos: Hic tantum interfici centuriones, ejici tribunos, includi legatos: infecta sanguine castra, flumina: meque precariam animam inter infensos trahere? Cur enim primò concionis die ferrum illud quod pectori meo infingere parabam, detraxistis? O improvidi amici! melius & amantius ille qui gladium offerebat: Cecidissem certè nondum tot flagitiorum exercitui meo conscius: Legissetis ducem, qui meam quidem mortem impunitam sinneret, Vari tamen & trium legionum ulcisceretur. Neque enim Dii sinant ut Belgarum, quamquam offerentium, decus istud & claritudo sit, subvenisse Romano nomini, compressisse Germaniæ populos. Tua, dive Auguste, cœlo recepta mens, tua pater Druse, imago, tui memoria, iisdem istis cum militibus, quos jam pudor & gloria intrat, eluant hanc maculam, irasque civiles in exitium hostibus vertant. Vos quoque

quoq; quorum alia nunc ora, alia pectora contueor : Si legatos senatui, obsequium imperatori, si mihi conjugem ac filium redditis, discedite à contractu, ac dividite turbidos. Id stabile ad poenitentiam, id fidei vinculum erit.

O R A T I O .

S E G E S T I S Ex eodem libro.

A R G U M E N T U M .

Chatti erant populi trans Rhenum, vicinos habebant Ubios. In his populis erant potentissimi duo, Arminius & Segestes : ille gener, hic pater. Sed Segestes in Romanorum fidem se contulerat: Arminius cruentum bellum adversus Romanos gesserat, & tres legiones, quibus praeerat Varus, ceciderat. Aliquot post annis redintegrato bello à Germanico Caesare perstitit in Romanorum fide Segestes : Arminius inveteratas inimicitias eo bello in Romanos exprompsit, & se ducem Germanis praeiit. Obsessus Segestes à suis popularibus, Romanorum auxilium imploravit, liberatus ad eos confugit. Sed filiam habebat secum, quae gravida erat ex Arminio : & filium qui ancipiti fide erga Romanos fuerat, itaque ad Germanicum quum venisset, deprecator fuit non suae tantum, sed filii & filiae suae salutis : sibi quae auxilium calamitatis, filio erroris veniam, filiae scelerati mariti impunitatem postulavit.

NON hic mihi primus erga populum Romanum fidei & constantiae dies : ex quo à divo Augusto civitate donatus sum, amicos inimicosque ex vestris utilitatibus delegi : neque odio patriae (quippe proditores, etiam iis quos anteponunt, invisi sunt) verum quia Romanis Germanisque idem conducere ; & pacem, quam bellum probabam. Ergo raptorem filiae meae, violatorem foederis vestri Arminium, apud Varum, qui tum exercitui praesidebat, reum feci. dilatus segnitia ducis, quia parum praesidii in legibus erat; ut me, & Arminium, & conscios vinciret, flagitavi. testis illa

illa nox, mihi utinam potius novissima! quæ sequuta sunt, defleri magis, quàm defendi possunt. Caterùm & injeci catenas Arminio, & à factione ejus injectas perpeffus sum. Atque ubi primum tui copia; vetera novis, & qujeta turbidis antehabeo: neque ob præmium, sed ut me perfidia exsolvam: simul genti Germanorum idoneus conciliator, si pœnitentiam quàm perniciem maluerit. Pro juvena & errore filii veniam precor: filiam necessitate huc adductam fateor. tuum erit consultare, utrùm prævaleat, quòd ex Arminio concepit, an quòd ex me genita est.

O R A T I O

M. HORTALI. Ex libro II. Annal.

A R G U M E N T U M.

M. Hortalus erat senator, & nepos Q. Hortensii clarissimi oratoris, ex nobilissima Hortensiorum familia. Sed hic rei familiaris angustia gravissimè premebatur, ut vix per inopiam ordinem suum obtinere posset. Emerferat antea penè ex summa paupertate Augusti Cesaris liberalitate. Acceperat enim ab eo satis grandem pecuniam, & jussus erat prolem suscipere, ne ea stirps interiret. Verùm quum copiosam sobolem procreasset, non satis se sustentare poterat. Itaque quum senatus haberetur, jussis filius pro foribus curiæ assistere, ipse Tiberium Cæsarem rogavit ut se suosque nova liberalitate juvare vellet.

P. c. hos quorum numerum & pueritiam videtis, non sponte sustuli, sed quia princeps monebat: simul majores mei meruerant, ut posteros haberent. Nam ego, qui non pecuniam, non studia populi, neque eloquentiam gentile domus nostræ bonum varietate temporum accipere vel parare potuissem, satis ha-

habebam, si tenues res meæ nec mihi pudori, nec cuiquam oneri forent. Jussus ab imperatore, uxorem duxi. En stirps & progenies tot consulum, tot dictatorum. Nec ad invidiam ista, sed conciliandæ misericordiæ refero. Adsequentur florente te Cæsar, quos dederis honores; Interim Q. Hortensii pronepotes, divi Augusti alumnos, ab inopia defende.

R E S P O N S I O

TIBERII CÆSARIS Ex eodem libro.

A R G U M E N T U M.

Respondet ad Hortali illius postulationem Tiberius. Nihil se in ejus inopiam quam prædicet erogare posse. Causas quæ obrem repudiet rogantem, offert has. Intempestivam esse postulationem beneficii in senatu: largitionibus nimis exhaustum ararium: benignitate illa foveri hominum inertiam: multos à principum liberalitate petere suæ paupertatis subsidium; qui si allaborent, non egeant.

SI quantum pauperum est, venire huc, & liberis suis petere pecunias cœperint; singuli nunquam exsatiabuntur. Respublica deficiet. Nec sane ideo à majoribus concessum est egredi aliquando relationem, & quod in commune conducat, loco sententiæ proferre, ut privata negotia, & res familiares nostras hinc augeamus; cum invidia senatus & principum, sive indulserint largitionem, sive abnuerint. Non enim preces sunt istuc, sed efflagitatio intempestiva quidem & improvisa, cum aliis de rebus convenerint patres, consurgere, & numero atque ætate liberum suorum urgere modestiam senatus, eandem vim in me transmittere, ac velut per-

perfringere ærarium quod si ambitione exhaurimus, per scelera supplendum erit. Dedit tibi Hortale divus Augustus pecuniam, sed non compellatus, nec ea lege ut semper daretur. Languescet alioqui industria, intendetur discordia, si nullus ex se metus aut spes; & securi omnes aliena subsidia expectabunt, sibi ignavi, nobis graves.

O R A T I O

GERMANICI Ex eodem libro.

A R G U M E N T U M.

Germanicus Caesar peragrata Ægypto in morbum incidit: quo levatus alio repente fuit correptus, quo graviter confectus est: & suberat suspicio oblato à Tifone præfide Syria veneni. Desperata valetudine, sic apud amicos qui tum frequentes aderant moribundus loquutus est. Rogat ne impune tantum scelus patiantur esset Tifoni & Plancinae ejus uxori, quæ particeps sceleris credebatur. Rationem pænarum persequendarum aperit.

SI fato concederem, justus mihi dolor etiam adversus Deos esset, quod me parentibus, liberis, patriæ, intra juventam præmaturo exitu raperent. nunc scelere Pisonis & Plancinae interceptus, ultimas preces pectoribus vestris relinquo, referatis patri ac fratri, quibus acerbitatibus dilaceratus, quibus insidiis circumventus, miserrimam vitam pessima morte finierim. Si quos spes meæ, si quos propinquus sanguis, etiam quos invidia erga viventem movebat; inlacrymabunt, quondam florentem, & tot bellorum superstitem, muliebri fraude cecidisse. Erit vobis locus querendi apud senatum, invocandi leges. Non hoc præcipuum amicorum
munu

munus est, prosequi defunctum ignavo questu, sed quæ voluerit meminisse, quæ mandaverit exsequi. Flebunt Germanicum etiam ignoti: Vindicabitis vos, si me potius quàm fortunam meam fovebatis. Ostendite pop, Roman, divi Augusti neptem, eandemque conjugem meam: numerate sex liberos. Misericordia cum accusantibus erit: fingentibusque scelestamandata, aut non credent homines, aut non ignoscent.

O R A T I O

TIBERII IN SENATU. Ex libro III. Annal.

A R G U M E N T U M.

Piso ille quem diximus in suspicionem venisse porrecti Germanici veneni, reus illius criminis ab amicis Germanici factus est. Tiberius ejus causa disceptationem à se ad senatum reiecit. Die constituta causa dictionis præsto sunt accusatores. Ibi Tiberius, in quem multi aliquam ejus ædis culpam conferebant, eos hortatur ut ad accusandum sincerum & vacuum ab omni cupiditate animam offerant. Daturum operam ut ne Piso, si certis criminibus teneatur, impunitatem tanti sceleris consequatur, tantum illi æquitatis vindicandæ studio ad causam agendam descendant.

DIE senatus Cæsar orationem habuit meditato temperamento: Patris sui legatum atque amicum Pisonem fuisse, adiutoremque Germanico datum à se, auctore senatu, rebus apud Orientem administrandis. Illic contumacia & certaminibus asperasset juvenem, exituque ejus latatus esset, an scelere exstinxisset, integris animis dijudicandum. Nam si legatus officii terminos, obsequium erga imperatorem exuit, ejusdemque morte, & luctu meo latatus est; odero, seponamque à domo

domo mea, & privatas inimicitias novi Principis ulciscar : Sin facinus in cujuscunque mortaliū nece vindicandum detegitur ; vos verò & liberos Germanici, & nos parentes juvat solatiis adficite, simulque illud reputate, turbidè & seditiose tractaverit exercitus Piso ; quæsitæ sint per ambitionem studia militum ; armis repetita provincia, an falsa hæc in majus vulgaverint accusatores, quorum ego nimis studiis jure succenseo. Nam quo pertinuit nudare corpus, & contrectandum vulgi oculis permittere, differrique etiam per externos, tanquam veneno interceptus esset, si incerta adhuc ista & scrutanda sunt ? Desleo equidem filium meum, semperque deslebo : sed neque reum prohibeo, quominus cuncta proferat, quibus innocentia ejus sublevari, aut si qua fuit iniquitas Germanici, coargui possit : Vosque oro, ne, quia dolori meo causa connexa est, objecta crimina pro approbatis accipiatis. Si quos propinquus sanguis, aut fides sua patronos dedit, quantum quisque eloquentia & cura valet, juvate periclitantem : ad eundem laborem, eandem constantiam accusatores hortor. Id solum Germanico super leges præstiterimus, quòd in curia potius quàm in foro, apud senatum quàm apud judices de morte ejus anquiritur. Cætera pari modestiâ tractentur. Nemo Drusi lachrymas, nemo mœstitiam meam spectet, nec si qua in nos adversa finguntur.

ORA.

ORATIO

SEVERI CÆCINÆ, quâ uxores à Provinciis arceri debere statuit.

ARGUMENTUM.

Post missum in Asiam Lepidum, de Africa decretum est, ut Cæsar eligeret cui mandanda foret. Ilac occasione Severus Cæcina censens, ne quem magistratum, cui Provincia obvenisset, uxor comitaretur, in hunc modum disseruit.

HAUD frustra placitum olim, ne fœminæ in socios aut gentes externas traherentur. Inesse mulierum comitatu, quæ pacem luxu, bellum formidine morentur, & Romanum agmen ad similitudinem barbari incessus convertant. Non imbecillum tantum, & imparem laboribus sexum; sed si licentia adsit, sævum, ambitiosum, potestatis avidum: Incedere inter milites, habere ad manum centuriones: præsedisse nuper fœminam exercitio cohortium, decursu legionum. Cogitarent ipsi, quoties repetundarum aliqui arguerentur, plura uxoribus objectari. His statim adhærescere deterrimum quemque provincialium: ab his negotia suscipi, transigi: duorum egressus coli, duo esse prætoria; pervicacibus magis & impotentibus mulierum jussis, quæ Oppiis quondam aliisque legibus constrictæ, nunc vinclis exsolutis, domos, fora, jam & exercitus regerent.

ORA-

O R A T I O

V A L E R I I M E S S A L I N I, quæ Cæcinæ
rêspôndet.

A R G U M E N T U M.

*Verba Cæcinæ paucorum adfensu audita, plures obturbabant: cum
mox Valerius Messalinus, cui parens Messala, eratque imago pa-
ternæ facundia, dixit.*

MU L T A duritiæ veterum melius & lætius
mutata. Neque enim ut olim, obsideri
urbem bellis, aut provincias hostileis esse, &
pauca fœminarum necessitatibus concedi, quæ
ne conjugum quidem Penates, adeò socios non
onerent. Cætera promiscua cum marito, nec
ullum in eo pacis impedimentum. Bella planè
accinctis obeunda: sed revertentibus post la-
borem, quod honestius quàm uxorum leva-
mentum? at quasdam in ambitionem aut avaritiam
prolapsas. Quid ipsorum magistratuum? nonne
plerosque variis libidinibus obnoxios? non tamen
ideò neminem in provinciam mitti. Corruptos sæpe
pravitatibus uxorum maritos: num ergo omnes
cælibes integros? placuisse quondam Oppias
leges, sic temporibus Reipub. postulantis: remissum
aliquid postea & mitigatum, quia expedierit. Frustra
nostram ignaviam alia ad vocabula transferri:
Nam viri in eo culpam, si fœmina modum
excedat. Porro ob unius aut alterius imbecillum
animum, malè eripi maritis consortia rerum
secundarum adversarumque. simul sexum
natura invalidum deferri, & exponi suo
luxu,

luxu, cupidinibus alienis. Vix præfenti custodia manere illæfa conjugia : quid fore, fi per plures annos in modum diffidii oblitterentur? fic obviam irent iis quæ alibi peccarentur, ut flagitiorum urbis meminiffent.

O R A T I O

M. LEPIDI IN SENATU. Ex eodem libro.

A R G U M E N T U M.

Lutorius Prifcus eques Romanus, lugubre carmen Germanico cecinerat, fed fpeciofo tamen quefito Germanici demortui nomine. Nam compertum eft, in Drufum tum decumbentem confcriptum fuiffe carmen, quod majore mercede vellet edere, fi is exceffiffet. Dictæ funt in eum fententiæ frequentes in fenatu, ut id ei fraudi capitali effet. Unus & alter mitioris fententiæ autor fuit, quorum hic eft unius oratio. Is erat M. Lepidus, qui clementius de eo ftatuendum cenfuit, ut bona ejus publicarentur, ipfe exilio muldaretur.

SI P. C. unum id fpectamus, quam nefaria voce Lutorius Prifcus mentem fuam & aures hominum polluerit: neque carcer, neque laqueus, ne ferviles quidem cruciatus in eum fuffecerint. Sin flagitia & facinora fine modo funt; fuppliciiis ac remediis, principis moderatio, majorumque & veftra exempla temperant; & vana à fceleftis, dicta à maleficiis differunt: Eft locus fententiæ per quam neque huic delictum impune fit, & nos clementiæ fimul ac feveritatis non pœniteat. Sæpe audiivi principem noftrum conquerentem, fi quis fumpta morte mifericordiam ejus præveniffet. Vita Lutorii in integro eft, qui neque fervatus in periculum Reipub. neque interfectus in exemplum ibit. Studia illi, ut plena vecordiæ,
ita

ita inania & fluxa sunt : nec quicquam grave ac serium ex eo metuas , qui suorum ipse flagitiorum proditor , non virorum animis , sed muliercularum adrepit. Cedat tamen urbe, & bonis amissis , aqua & igni arceatur. Quod perinde censeo, ac si lege majestatis teneretur.

O R A T I O

TIBERII AD SENATUM. Ex libro iv. Annal.

A R G U M E N T U M.

Drusum Sejanus homo ambitiosus, veneno necavit. Illius mortui liberos patris sui Iulii primum commisit Tiberius : deinde hac oratione senatui commendavit, rogavitque per Augusti & Drusi memoriam, ut eos complecteretur.

P. c. Hos, *inquit*, orbatos parente, tradidi patruo ipsorum precatumque sum (quamquam esset illi propria soboles) ne secus quam suum sanguinem foveret ac tolleretur, sibi & posteris conformaret. Erepto Druso, preces ad vos converto , Diisque & patria coram , obtestor Augusti pronepotcs , clarissimis majoribus genitos, suscipite, regite, vestram meamque vicem explete. Hi vobis Nero & Druse parentum loco Ita nati estis , ut bona malaque vestra ad Rempub. pertineant.

D E F E N S I O

CREMUTII IN SENATU. Ex eodem libro.

A R G U M E N T U M.

Cremutius Cordus annales Romanos conscripserat. In iis magnis laudibus ornaverat Brutum & Cassium percussores Iulii Cesaris, quorum inhisa erat memoria Cesaribus , quibus ille impetum,

id est oppressum à se civitatem, quasi hereditarium proculderat. Itaque hoc solo nomine postuiatus est ille Majestatis. Causa in senatu disceptata est sedente & cognoscente Tiberio. Is ad causam dicendam quum venisset, tamen si salute desperata, hanc tamen pro se defensionem habuit. Probat tum recentibus, tum ex vetustate repetitis exemplis, nemini fraudi esse capitali in Repub. Romana scribendi licentiam. Aliter coerceri solita, aliter dicta. Quicquid est culpa, id eo levare quod laus illa sit collata in homines jam è vita egressos.

VERBA mea P. C. arguuntur: adeo factorum innocens sum. Sed neque hæc in principem, aut principis parentem, quos lex majestatis amplectitur: Brutum & Cassium laudavisse dicor. quorum res gestas, cum plurimi composuerint, nemo sine honore memoravit. Titus Livius eloquentiæ ac fidei præclarus imprimis, Cn. Pompejum tantis laudibus tulit, ut Pompejanum eum Augustus appellaret. Neque id amicitiae eorum offecit. Scipionem, Afranium, hunc ipsum Cassium, hunc Brutum, nusquam latrones & parricidas, quæ nunc vocabula imponuntur, sæpe ut insignes viros nominat. Asinii Pollionis scripta, egregiam eorundem memoriam tradunt. Messalla Corvinus, imperatorem suum Cassium prædicabat: Et uterque opibus atque honoribus pervigere. Marci Ciceronis libro, quo Catonem coelo æquavit, quid aliud dictator Cæsar, quàm rescripta oratione, velut apud iudices respondit? Antonii epistolæ, Brutii conciones, falsa quidem in Augustum probra, sed multa cum acerbitate habent. Carmina Bibaculi & Catulli, repleta contumeliis Cæsarum leguntur. Sed ipse divus Julius, ipse divus Augustus, & tulere

tulere ista & reliquere ; haud facile dixerim ,
 moderatione magis an sapientia. Namque spre-
 ta exoleſcunt : ſi irasceſcere , agnita videntur.
 Non attingo Græcos , quorum non modo li-
 bertas , etiam libido impunita : aut ſi quis ad-
 vertit , dictis dicta ultus eſt. Sed maximè ſo-
 lutum, & ſine obſectatore fuit , prodere de iis
 quos mors odio aut gratia exemiſſet. Num
 cum armatis Caſſio & Bruto , ac Philippienſes
 campos obtinentibus , belli civilis cauſa popu-
 lum per conciones incendio ? An illi quidem
 ſeptuageſimum ante annum perempti , quo-
 modo imaginibus ſuis noſcuntur , quas nec vi-
 ctor quidem abolevit , ſic partem memoriæ a-
 pud ſcriptores retinent ? Suum cuique decus
 poſteritas rependit. Nec deerunt , ſi damnatio
 ingruit , qui non modo Caſſii & Bruti, ſed et-
 jam mei meminerint.

O R A T I O

TIBERII IN SENATU. Ex eodem
 libro.

A R G U M E N T U M.

*Oppreſſa libertate , omnes provincie in aſſentationem Caſarum con-
 ſenſerant : & certatim eos honoribus quam ampliſſimis uſſicie-
 bant. Itaque Hiſpania ulterior delubrum Tiberio & matri eius
 conſecrare decrevit , & de eo honore legationem Romam miſit.
 Tiberius etſi alienum non putabat à potentia ſua conſtituenda ,
 ſi honoribus quam maximis circumſuereſet , tamen ne per inoprem
 conſtaret invidiam , hunc honorem repulſavit , cauſamque cur
 id faceret expoſuit in ſenatu. Neque enim abs re id cum facere
 mirabantur homines , quippe quum non ita multo ante eun-
 dem honorem , offerente Aſia , acceperat. Ejus orationis hac eſt
 ſerè ſumma. Se, quem in omni vita imitando exprimeret, propo-
 ſuiſſe ſibi Auguſtum ; ſcire id illum ſuſtituiſſe , mortalem ſortem*

se agnoscere : immortalitati non posse melius consecrari quam si honeste cetera à se vita in senatus memoria haberet.

SCIO P. C. constatiā meam à plerisque desideratā , quod Asiæ civitatibus nuper idem istud petentibus, non sim adversatus. Ergo & prioris silentii defensionem ; & quid in futurum statuerim , simul aperiam. Quum divus Augustus sibi atque urbi Romæ templum apud Pergamum sisti non prohibuisset ; qui omnia facta dictaque ejus vice legis observem , placitum jam exemplum promptius sequutus sum , quia cultui meo veneratio senatus adjungebatur. Cæterum , ut semel recepiſſe , veniam habuerit ; ita per omnes provincias effigie numinum sacrari ambitiosum , superbum : & vanescet Augusti honor , si promiscuis adulationibus vulgatur. Ego me , P. C. mortalem esse, & hominum officio fungi satisque habere, si locum principem impleam , & vos testor , & meminisse posteros volo : qui satis superque memoriæ meæ tribuent , ut majoribus meis dignum , rerum vestrarum providum ; constantem in periculis ; offensionum pro utilitate publica non pavidum credant. Hæc mihi in animis vestris templa , hæ pulcherrimæ effigies, & mansuræ. Nam quæ saxo struuntur, si judicium posterorum in odium vertit , pro sepulchris spernuntur. Proinde socios , cives, & Deos & Deas ipsas precor : hos , ut mihi ad finem usque vitæ, quiescam & intelligentem humani divinique juris mentem duint ; illos , ut, quan-

quandocunque concessero, cum laude & bonis recordationibus facta atque famam nominis mei prosequantur.

O R A T I O

T. I. B E R I I. Ex eodem libro.

A R G U M E N T U M.

Ambibat nuptias Livie, quæ C. Casari, & post eum Druso collocata fuerat, Sejanus, homo equestri loco ortus. Qui; quæ magna erat apud Tiberium gratia, per eum confici posse negotium putavit: cumque hac de re rogavit. Tiberius, qui Casarem splendore indignum hoc matrimonium judicabat, ei dissuadet: atque in eam sententiam hæc cum eo loquitur. Monet ut invidiam fugiat, quæ haud dubiè erat inde exeritura, si hic in tantum honorum gradum homo obscurus processus esset. Illud quoque verendum esse, ne Livie parum hæc conditio cordi sit. Exemplum Augusti refellit quo erat usus Sejanus.

A Dea Tiberius, laudata pietate Sejani, suisque in eum beneficiis modicè percursis, quum tempus tanquam ad integram consultationem petivisset, adjunxit: Cateris mortalibus in eo stare consilia, quid sibi conducere putent: principum diversam esse sortem, quibus præcipua rerum ad famam dirigenda. Ideo se non illuc decurrere, quod promptum rescriptu; posse ipsam Liviam statuere, nubendum post Drusum, an in penatibus iisdem tolerandum haberet: esse illi matrem & aviam, propiora consilia. Simplicius acturum, de inimiciis primum Agrippinæ: quas longe acrius arsuras, si matrimonium Livie, velut in partes, domum Casarum distraxisset. Sic quoque erumpere emulationem feminarum, eaque discordia nepotes suos convelli. Quid si intendatur certamen tali conjugio?

Falleris enim Sejane, si te mansurum in eodem ordine putas, & Liviam quæ C. Cæsari, mox Druso nupta fuerit, ea mente acturam, ut cum equite Romano senescat. Ego ut finam, credisne passuros, qui fratrem ejus, qui patrem majoresque nostros, in summis imperiis videre? Vis tu quidem istum intra locum sistere: sed illi magistratus & primores qui te invito perumpunt, omnibusque de rebus consulunt, excessisse jam pridem equestre fastigium, longeque antisse patris mei amicitias, non occulti ferunt, perque invidiam tui me quoque incusant. At enim Augustus filiam suam equiti Romano tradere meditatus est. Mirum hercule, si quum in omneis curas distraheretur, immensumque attolli provideret, quem conjunctione tali super alios extulisset, C. Proculejum & quosdam in sermonibus habuit, insigni tranquillitate vitæ, nullis Reipub. negotiis permixtos. Sed si dubitatione Augusti movemur, quanto validius est quod Mar. Agrippæ, mox mihi conlocavit. Atque ego hæc pro amicitia, non occultavi: Cæterum neque tuis neque Liviae destinatis adversabor. Ipse quid intra animum volutaverim, quibus adhuc necessitudinibus immiscere te mihi parem, omittam ad præsens referre: Id tantum aperiam, nihil esse tam excelsum, quod non virtutes istæ, tuusque in me animus mereantur; Datoque tempore, vel in senatu, vel in concione non reticebo.

ORATIO

M. TERENCEII EQUITIS ROM. Ex
libro VI. Annal.

ARGUMENTUM.

*Ælius Sejanus eques Roman. ex tenui conditione ad magnas oper
pervenerat, maxime per Liviam nuptias; sed abusus erat potentia
ad multorum perniciem, & adversus imperatorem insidias. Itaque
gravissima accusatione ad vitæ exitum vocatus est. Quo mortuo,
multis fraudi fuit illius amicitia, unde factum est ut pro se quisque
illam abjuraret, invidiamque à se depelleret. M. Terentius eques
Roman. eam, laborantibus & tacentibus multis qui in eadem cau-
sa erant ingenuè confessus est, factamque suam, non Sejanum
ipsum, defendit. Ejus igitur hoc in senatu oratio fuit, qua docet,
caruisse crimine suam primam cum Sejano conjunctionem: quia
nulla dum scelerata consilia ejus; aut comperta jam, aut in homi-
num suspitione, erant.*

FORTUNÆ quidem meæ fortasse minus
expediat agnoscere crimen, quàm abnuere.
Sed utcunque casura res est; fatebor & fuisse
me Sejano amicum, & ut essem expetisse; &
postquam adeptus eram, lætatum. Videram
collegam patris regendis prætoriis cohortibus;
mox urbis & militiæ munia simul obeuntem.
Illius propinqui & adfines honoribus auge-
bantur; Ut quisque Sejano intimus, ita ad Cæ-
saris amicitiam validus: contra quibus infen-
sus esset, metu ac sordibus conflictabantur
Nec quemquam exemplo adsumo: cunctos
qui novissimi consilii expertes fuimus, meo
unius discrimine defendam. Non enim Seja-
num Vulsiniensem, sed Claudię & Julię do-
mus partem, quas adfinitate occupaverat, tuum
Cæsar generum, tui consulatus socium, tua
officia in Repub. capeissentem colebamus. Non
est nostrum æstimare, quem supra cæteros, &

quibus de causis extollas. Tibi summum rerum iudicium Dii dedere: nobis obsequii gloria relicta est. Spectamus porrò quæ coram habentur, cui ex te opes, honores, quis plurima iuvandi nocendive potentia, quæ Sejano fuisse, nemo negaverit. Abditos principis sensus, & si quid occultius parat, exquirere illicitum, anceps: nec ideo assequare. Ne p. c. ultimum Sejani diem, sed sexdecim annos cogitaveritis. Etiam Satrium atque Pomponium venerabamur: libertis quoque ac janitoribus ejus notescere; pro magnifico accipiebatur. Quid ergo? Indistincta hæc defensio & promiscua dabitur? Imò justis terminis dividatur. Insidiæ in Rempub. consilia cædis adversum imperatorem, puniantur: de amicitia & officiis idem finis & te Cæsar & nos absolverit.

O R A T I O

NERONIS CÆSARIS IN SENATU.

Ex libro xi. Annal.

A R G U M E N T U M.

Relatum est ad senatum de explendo senatorum numero. Ambibant eum honorem, simul & alios, primarii Gallia Comata viri; de quibus legendis quum ageretur in senatu, bona pars patrum summo studio reclamavit, & in contrariam sententiam varie disservit. Cæsar Nero respondit hac oratione, qua conatus est probare non esse alienum aut ab incolumitate aut à dignitate Reipub. honores civitatis ad peregrinos deferri. Nititur potissimum exemplis ab antiquitate civitatis repetitis, qui peregrini ad honores aspirassent, quos enumerat non paucos, cum singulos homines, cum populos universos qui in civitatem adscripti essent: quos tamen habuisse cives, & honores in eos contulisse, populum Rom. non pariteret. Antiquissimum quemque patrum fuisse à vicinis populis oriundum, quin fuisse usque ex Hispania cooptator. Exemplum quoque Græcorum civitatum memorat. Ad extremum refellit

Itē quod de ejus rei, si fieret, insolentia objiciebatur. Oratio est suaſoria, à jure, cōſuetudine, utilitatē.

MAJORES mei (quorum antiquiſſimus Clauſus origine Sabina, ſimul in civitatem Romanam & in familias patriciorum adſcitus eſt) hortantur, uti paribus cōſiliis Rempub. capeſſam, transferendo huc quod uſquam egregium fuerit. Neque enim ignoro, Julios Alba, Coruncanos Camerio, Porcios Tuſculo: & ne vetera ſcrutemur, Etruria Lucaniaque & omni Italia in ſenatum accitos, poſtre mo ipſam ad Alpes promotam, ut non modo ſinguli viritim, ſed terræ gentesque in nomen noſtrum coaleſcerent. Tunc ſolida domi quies, & ad verſus externa floruiſmus, quum Tranſpadani in civitatem recepti, quum ſpecie deductarum per orbem terræ legionum, additis provincialium validiſſimis, feſſo imperio ſubventum eſt. Num poenitet Balbos, ex Hispania, nec minus inſignes viros è Gallia Narbonenſi tranſiſſe? Manent poſteri eorum, nec amore in hanc patriam nobis concedunt. Quid aliud exitio Lacedæmoniis & Athenienſibus fuit, quanquam armis pollerent, niſi quod victos pro alienigenis arcebant? At conditor noſter Romulus tantum ſapientia valuit: ut pleroſque populos eodem die hoſtes, dein cives habuerit. Advenæ in nos regnāverunt. Libertinorum filiis magiſtratus mandati, non ut plerique falluntur, recens, ſed priori populo factitatum eſt. At cum Senonibus pugnavimus: ſci-

.....

licet Volsci & Æqui, nunquam adversam nobis aciem struxêre. Capti à Gallis sumus, sed & Tuscis obsides dedimus, & Samnitum jugum subivimus. Attamen si cuncta bella recenseas, nullum breviorè spatio quàm adversus Gallos confectum. Continua inde ac fida pax. Jam moribus, artibus, affinitatibus nostris misti, aurum & opes suas inferant potius, quàm separati habeant. Omnia p. c. quæ nunc vetustissima creduntur, nova fuêre. Plebeji magistratus post patricios; Latini post plebejos; cæterarum Italiæ gentium post Latinos. Inveterasset hoc quoque: & quod hodie exemplis tue-mur, inter exempla erit.

O R A T I O

C. C A S S I I. Ex libro XIV. Annal.

A R G U M E N T U M.

Pedanius Secundus, præfexus urbis, servi sui in filiis domi oppressus est. Re comperta non de percussore modo, sed etiam de universa familia quæ erat ad quadringentos servos, supplicium sumi oportebat. Sic enim more majorum erat comparatum, ut si quod eiusmodi minus intestinum facinus extitisset, conservi omnes plecterentur. M. Serva servorum plebs Romana voluit eos eripere supplicio: sed bona pars senatus acriter resistit. Quo in numero fuit C. Cassius, qui sententiam rogatus, gravissimè morem majorum defendit. Ejus est hæc oratio, quæ & majorum auctoritate & ratione ipsa nixus, supplicium in totam familiam decernit. Præfatur à constantia sua, in defendendo instituto majorum. Docet severitate suppliciorum in servos, consulendum esse omnium dominorum salutem. Esse illud hominum genus & ab suscipiendi audacia & à perpetrati sceleris occultatione deterrendum: vix dominum ita paucorum recto scelere posse interimì, quin id aliis innotescat. Postremo satius esse ostendit ut pauci innocenter pænas luant quàm ut eorum impunitate sceleratorum alatur audacia. Summa est à jure & necessitate.

SÆPE NUMERO P. C. in hoc ordine interfui, cum contra instituta & leges majorum

rum nova senatus decreta postularentur: Neque sum adversatus. Non quia dubitarem, super omnibus negotiis melius atque rectius olim provisum, & quæ converterentur, in deterius mutari, sed ne nimio amore antiqui moris studium meum extollere viderer, simul quicquid hoc in nobis auctoritatis est, crebris contradictionibus destruendum non existimabam, ut maneret integrum, si quando Respub. consiliis eguisset. Quod hodie evenit, consulari viro domi suæ interfecto, per insidias serviles, quas nemo prohibuit, aut prodidit, quamvis nondum concusso senatusconsulto, quod supplicium toti familiæ minitabatur. Decernite hercule impunitatem. At quem dignitas sua defendet, cum præfectura urbis non profuerit? Quem numerus servorum tuebitur, quum Pedanium Secundum quadringenti non protexerint? Cui familia opem feret, quæ ne in metu quidem pericula nostra avertit? An. (ut quidam fingere non erubescunt,) injurias suas ultus est interfecto? quia de paterna pecunia transegerat, aut avitum mancipium detrahebatur? Pronuntiemus ultrò, dominum jure cæsum videri. Libet argumenta conquirere in eo, quod sapientioribus deliberatum est? Sed etsi nunc primum statuendum haberemus, creditisne servum interficiendi domini animum sumpsisse, ut non vox minax excideret? nihil per temeritatem proloqueretur? Sane consilium occultuit, telum inter ignaros paravit.

id est oppressam à se civitatem, quasi hereditarium prodiderat. Itaque hoc solo nomine postulatus est ille Majestatis. Causa in senatu disceptata est sedente & cognoscente Tiberio. Is ad causam dicendam quum venisset, tametsi salute desperata, hanc tamen pro se defensionem habuit. Probat tum recentibus, tum ex vetustate repetitis exemplis, nemini fraudi esse capitali in Repub. Romana scribendi licentiam. Aliter coerceri facta, aliter dicta. Quicquid est culpa, id eo leviori quod laus illa sit collata in homines jam e vita egressos.

VERBA mea P. C. arguuntur: adeo factorum innocens sum. Sed neque hæc in principem, aut principis parentem, quos lex majestatis amplectitur: Brutum & Cassium laudavisse dicor. quorum res gestas, cum plurimi composuerint, nemo sine honore memoravit. Titus Livius eloquentiæ ac fidei præclarus imprimis, Cn. Pompejum tantis laudibus tulit, ut Pompejanum eum Augustus appellaret. Neque id amicitiae eorum offecit. Scipionem, Afranium, hunc ipsum Cassium, hunc Brutum, nusquam latrones & parricidas, quæ nunc vocabula imponuntur, sæpe ut insignes viros nominat. Asinii Pollionis scripta, egregiam eorundem memoriam tradunt. Messalla Corvinus, imperatorem suum Cassium prædicabat: Et uterque opibus atque honoribus pervigere. Marci Ciceronis libro, quo Catonem cælo æquavit, quid aliud dictator Cæsar, quàm rescripta oratione, velut apud judices respondit? Antonii epistolæ, Brutii conciones, falsa quidem in Augustum probra, sed multa cum acerbitate habent. Carmina Bibaculi & Catulli, repleta contumeliis Cæsarum leguntur. Sed ipse divus Julius, ipse divus Augustus, & tulere

tulere ista & reliquere ; haud facile dixerim ,
 moderatione magis an sapientia. Namque spre-
 ta exolefcunt : si irascere , agnita videntur.
 Non attingo Græcos , quorum non modo li-
 bertas , etiam libido impunita : aut si quis ad-
 vertit , dictis dicta ultus est. Sed maximè so-
 lutum , & sine obtrektatore fuit , prodere de iis
 quos mors odio aut gratia exemisset. Num
 cum armatis Cassio & Bruto , ac Philippenses
 campos obtinentibus , belli civilis causa popu-
 lum per conciones incendio ? An illi quidem
 septuagesimum ante annum perempti , quo-
 modo imaginibus suis noscuntur , quas nec vi-
 ctor quidem abolevit , sic partem memoriæ a-
 pud scriptores retinent ? Suum cuique decus
 posteritas rependit. Nec deerunt , si damnatio
 ingruit , qui non modo Cassii & Bruti , sed et-
 jam mei meminerint.

O R A T I O

TIBERII IN SENATU. Ex eodem
 libro.

A R G U M E N T U M.

*Oppressa libertate , omnes provincie in assentionem Caesarum con-
 senferant : & certatim eos honoribus quam amplissimis afficie-
 bant. Itaque Hispania ulterior delubrum Tiberio & matri eius
 consecrare decrevit , & de eo honore legationem Romam misit.
 Tiberius etsi alienum non putabat à potentia sua constituenda ,
 si honoribus quam maximis circumfunderet , tamen ne per magnam
 constaret invidiam , hunc honorem respuharit , causamque cur
 id faceret exposuit in senatu. Neque enim abs re id cum facere
 mirabantur homines , quippe quum non ita multo antè eun-
 dem honorem , offerente Asia , acceperat. Eius orationis hac est
 ferè summa. Se , quem in omni vita imitandò exprimeret , pro-
 fuisse sibi Augustum ; scire id illum fecitasse , mortalem sortem*

se agnoscere : immortalitati non posse melius consecrari quam si honeste illa à se vita in senatus memoria haberet.

SCIO P. C. constatiā meam à plerisque desideratā , quod Asiæ civitatibus nuper idem istud petentibus, non sim adversatus. Ergo & prioris silentii defensionem ; & quid in futurum statuerim , simul aperiam. Quum divus Augustus sibi atque urbi Romæ templum apud Pergamum sisti non prohibuisset ; qui omnia facta dictaque ejus vice legis observem , placitum jam exemplum promptius sequutus sum , quia cultui meo veneratio senatus adjungebatur. Cæterum , ut semel recepisse , veniam habuerit ; ita per omnes provincias effigie numinum sacrari ambitiosum , superbum : & vaneſcet Augusti honor , si promiscuis adulationibus vulgatur. Ego me , P. C. mortalem esse , & hominum officio fungi satisque habere , si locum principem impleam , & vos testor , & meminisse posteros volo : qui satis superque memoriæ meæ tribuent , ut majoribus meis dignum , rerum vestrarum providum ; constantem in periculis ; offensionum pro utilitate publica non pavidum credant. Hæc mihi in animis vestris templa , hæ pulcherrimæ effigies , & mansuræ. Nam quæ saxo struuntur , si judicium posterorum in odium vertit , pro sepulchris spernuntur. Proinde socios , cives , & Deos & Deas ipsas precor : hos , ut mihi ad finem usque vitæ , quietam & intelligentem humani divinique juris mentem duint ; illos , ut,
quan-

quandocunque concessero, cum laude & bonis recordationibus facta atque famam nominis mei prosequantur.

O R A T I O

T I B E R I I. Ex eodem libro.

A R G U M E N T U M.

Ambibat nuptias Livie, quæ C. Casari, & post eum Druso collocata fuerat, Sejanus, homo equestris loco ortus. Qui; quæ magna erat apud Tiberium gratia, per eum confici posse negotium putavit: eumque hæc de re rogavit. Tiberius, qui Casarem splendore indignum hoc matrimonium judicabat, ei dissuadet: atque in eam sententiam hæc cum eo loquitur. Manet ut invidiam fugiat, quæ haud dubiè erat inde exeritura, si hic in tantum honorum gradum homo obscurus proventus esset. Illud quoque verendum esse, ne Livie parum hæc conditio cordi sit. Exemplum Augusti refellit quo erat usus Sejanus.

AD ea Tiberius, laudata pietate Sejani, suisque in eum beneficiis modicè percursis, quum tempus tanquam ad integram consultationem petivisset, adjunxit: Cateris mortalibus in eo stare consilia, quid sibi conducere putent: principum diversam esse sortem, quibus præcipua rerum ad famam dirigenda. Ideo se non illuc decurrere, quod promptum rescriptum; posse ipsam Liviam statuere, nubendum post Drusum, an in penetibus iisdem tolerandum haberet: esse illi matrem & aviam, propiora consilia. Simplicius acturum, de inimiciis primum Agrippinæ: quas longe acrius arsuras, si matrimonium Livie, velut in partes, domum Casarum distraxisset. Sic quoque erumpere emulationem feminarum, eaque discordia nepotes suos convelli. Quid si intendatur certamen tali conjugio?

Falleris enim Sejane, si te mansurum in eodem ordine putas, & Liviam quæ C. Cæsari, mox Druso nupta fuerit, ea mente acturam, ut cum equite Romano senescat. Ego ut finam, credisne passuros, qui fratrem ejus, qui patrem majoresque nostros, in summis imperiis videre? Vis tu quidem istum intra locum sistere: sed illi magistratus & primores qui te invito perimpunt, omnibusque de rebus consulunt, excessisse jam pridem equestre fastigium, longeque antisse patris mei amicitias, non occulti ferunt, perque invidiam tui me quoque incusant. At enim Augustus filiam suam equiti Romano tradere meditatus est. Mirum hercule, si quum in omneis curas distraheretur, immensumque attolli provideret, quem conjunctione tali super alios extulisset, C. Proculum & quosdam in sermonibus habuit, insigni tranquillitate vitæ, nullis Reipub. negotiis permixtos. Sed si dubitatione Augusti movemur, quanto validius est quod Mar. Agrippæ, mox mihi collocavit. Atque ego hæc pro amicitia, non occultavi: Cæterum neque tuis neque Liviae destinatis adversabor. Ipse quid intra animum volutaverim, quibus adhuc necessitudinibus immiscere te mihi parem, omittam ad præsens referre: Id tantum aperiā, nihil esse tam excelsum, quod non virtutes istæ, tuusque in me animus mereantur; Datoque tempore, vel in senatu, vel in concione non reticebo.

O R A T I O

M. TERENTII *EQUITIS ROM.* Ex
libro VI. *Annal.*

A R G U M E N T U M.

*Ælius Sejanus eques Roman. ex tenui conditione ad magnas oper
pervenerat, maxime per Livie nuptias: sed abusus erat potentia
ad multorum perniciem, & adversus imperatorem insidias. Itaque
gravissima accusatione ad vitæ exitum vocatus est. Quo mortuo,
multis fraudi fuit illius amicitia, unde factum est ut pro se quisque
illam abjuraret, invidiamque à se depelleret. M. Terentius eques
Roman. eum, laborantibus & tacentibus multis qui in eadem cau-
sa erant ingenuè confessus est, factamque suam, non Sejanum
ipsum, defendit. Ejus igitur hoc in senatu oratio fuit, qua docet,
caruisse crimine suam primam cum Sejano conjunctionem: quia
nulla dum scelerata consilia ejus; aut comperta jam, aut in homi-
num suspitione, erant.*

FORTUNÆ quidem meæ fortasse minus
expediat agnoscere crimen, quàm abnuere.
Sed utcunque casura res est; fatebor & fuisse
me Sejano amicum, & ut essem expetisse; &
postquam adeptus eram, lætatum. Videram
collegam patris regendis prætoriiis cohortibus;
mox urbis & militiæ munia simul obeuntem.
Illius propinqui & adfines honoribus auge-
bantur; Ut quisque Sejano intimus, ita ad Cæ-
saris amicitiam validus: contra quibus infen-
sus esset, metu ac sordibus conflictabantur
Nec quemquam exemplo adsumo: cunctos
qui novissimi consilii expertes fuimus, meo
unius discrimine defendam. Non enim Seja-
num Vulsiniensem, sed Claudię & Juliæ do-
mus partem, quas adfinitate occupaverat, tuum
Cæsar generum, tui consulatus socium, tua
officia in Repub. capeissentem colebamus. Non
est nostrum æstimare, quem supra cæteros, &

quibus de causis extollas. Tibi summum rerum iudicium Dii dedere: nobis obsequii gloria relicta est. Spectamus porrò quæ coram habentur, cui ex te opes, honores, quis plurima iuvandi nocendive potentia, quæ Sejano fuisse, nemo negaverit. Abditos principis sensus, & si quid occultius parat, exquirere illicitum, anceps: nec ideo assequare. Ne p. c. ultimum Sejani diem, sed sexdecim annos cogitaveritis. Etiam Satrium atque Pomponium venerabamur: libertis quoque ac janitoribus ejus notescere; pro magnifico accipiebatur. Quid ergo? Indistincta hæc defensio & promiscua dabitur? Imò justis terminis dividatur. Insidiæ in Rempub. consilia cædis adversum imperatorem, puniantur: de amicitia & officiis idem finis & te Cæsar & nos absolverit.

O R A T I O

NERONIS CÆSARIS IN SENATU.

Ex libro xi. Annal.

A R G U M E N T U M.

Relatum est ad senatum de explendo senatorum numero. Ambibant eum honorem, simul & alios, primarii Gallia Comata viri; de quibus legendis quum ageretur in senatu, bona pars patrum summo studio reclamavit, & in contrariam sententiam varie dissevit. Cæsar Nero respondit hac oratione, qua conatus est probare non esse alienum aut ab incolumitate aut à dignitate Reipub. honores civitatis ad peregrinos deferri. Nittur potissimum exemplis ab antiquitate civitatis repetitis, qui peregrini ad honores aspirassent, quos enumerat non paucos, tum singulos homines, tum populos universos qui in civitatem adscripti essent: quos tamen habuisse cives, & honores in eos contulisse, populum Rom. non pœniteret. Antiquissimum quemque patrum fuisse à vicinis populis oriundum, quin fuisse usque ex Illisania cooptatos. Exemplis quoque Græcorum civitatum memorat. Ad extremum refel-

lit quod de ejus rei, si fieret, insolentia objiciebatur. Oratio est suaseria, à jure, consuetudine, utilitate.

MAJORES mei (quorum antiquissimus Clausus origine Sabina, simul in civitatem Romanam & in familias patriciorum adscitus est) hortantur, uti paribus consiliis Rempub. capeſſam, transferendo huc quod usquam egregium fuerit. Neque enim ignoro, Julios Alba, Coruncanos Camerio, Porcios Tusculo: & ne vetera scrutemur, Etruria Lucaniaque & omni Italia in senatum accitos, postremo ipsam ad Alpes promotam, ut non modo singuli viritim, sed terræ gentesque in nomen nostrum coalescerent. Tunc solida domi quies, & adversus externa floruiſſimus, quum Transpadani in civitatem recepti, quum specie deductarum per orbem terræ legionum, additis provincialium validissimis, fesso imperio subventum est. Num poenitet Balbos, ex Hispania, nec minus insignes viros è Gallia Narbonensi transivisse? Manent posteriores eorum, nec amore in hanc patriam nobis concedunt. Quid aliud exitio Lacedæmoniis & Atheniensibus fuit, quanquam armis pollerent, nisi quod victos pro alienigenis arcebant? At conditor noster Romulus tantum sapientia valuit: ut plerosque populos eodem die hostes, dein cives habuerit. Advenæ in nos regnaverunt. Libertinorum filiis magistratus mandati, non ut plerique falluntur, recens, sed priori populo factitatum est. At cum Senonibus pugnavimus: sci-

...

P 6

licet

rum nova senatus decreta postularentur: Neque sum adversatus. Non quia dubitarem, super omnibus negotiis melius atque rectius olim provisum, & quæ converterentur, in deterius mutari, sed ne nimio amore antiqui moris studium meum extollere viderer, simul quicquid hoc in nobis auctoritatis est, crebris contradictionibus destruendum non existimabam, ut maneret integrum, si quando Respub. consiliis eguisset. Quod hodie evenit, consulari viro domi suæ interfecto, per insidias serviles, quas nemo prohibuit, aut prodidit, quamvis nondum concussio senatusconsulto, quod supplicium toti familiæ minitabatur. Decernite hercule impunitatem. At quem dignitas sua defendet, cum præfectura urbis non profuerit? Quem numerus servorum tuebitur, quum Pedanium Secundum quadringenti non protexerint? Cui familia opem feret, quæ ne in metu quidem pericula nostra avertit? An. (ut quidam fingere non erubescunt,) injurias suas ultus est intersector? quia de paterna pecunia transegerat, aut avitum mancipium detrahebatur? Pronuntiemus ultrò, dominum jure cæsum videri. Libet argumenta conquirere in eo, quod sapientioribus deliberatum est? Sed etsi nunc primum statuendum haberemus, creditisne servum interficiendi domini animum sumpsisse, ut non vox minax excideret? nihil per temeritatem proloqueretur? Sane consilium occultuit, telum inter ignaros paravit.

licet Volsci & Æqui, nunquam adversam nobis aciem struxêre. Capti à Gallis sumus, sed & Tuscis obsides dedimus, & Samnitum jugum subivimus. Attamen si cuncta bella recenseas, nullum brevioris spatio quàm adversus Gallos confectum. Continua inde ac fida pax. Jam moribus, artibus, affinitatibus nostris misti, aurum & opes suas inferant potius, quàm separati habeant. Omnia *p. c.* quæ nunc vetustissima creduntur, nova fuêre. Plebeji magistratus post patricos; Latini post plebejos; cæterarum Italiæ gentium post Latinos. Inveterascet hoc quoque: & quod hodie exemplis tue-mur, inter exempla erit.

O R A T I O

C. C A S S I I. Ex libro XIV. Annal.

A R G U M E N T U M.

Pedanius Secundus, præfexus urbis, servi sui in filiis domi oppressus est. Re comperta non de percussore modo, sed etiam de universa familia quæ erat ad quadringentos servos, supplicium sumi oportebat. Sic enim more majorum erat comparatum, ut si quod ejusmodi unius intestinum facinus extitisset, conservi omnes plecterentur. Miserta servorum plebs Romana voluit eos eripere supplicio: sed bona pars senatus acriter resistit. Quo in numero fuit C. Cassius, qui sententiam rogatur, gravissime morem majorum defendit. Ejus est hæc oratio, qua & majorum autoritate & ratione ipsa nixus, supplicium in totam familiam decernit. Præfatur à constantia sua, in defendendo insituto majorum. Docet severitate suppliciorum in servos, consulendum esse omnium dominorum saluti. Esse illud hominum genus & ab suscipiendi audacia & à perpetrati sceleris occultatione deterrendum: vix dominum ita paucorum tecto scelero posse interim, quin id aliis innorescat. Postremo satius esse ostendit ut pauci innocenter pœnas luant, quàm ut eorum impunitate sceleratorum alatur audacia. Suavis est à jure & necessitate.

SÆPENUMERO *p. c.* in hoc ordine interfui, cum contra instituta & leges majorum

rum nova senatus decreta postularentur: Neque sum adversatus. Non quia dubitarem, super omnibus negotiis melius atque rectius olim provisum, & quæ converterentur, in deterius mutari, sed ne nimio amore antiqui moris studium meum extollere viderer, simul quicquid hoc in nobis auctoritatis est, crebris contradictionibus destruendum non existimabam, ut maneret integrum, si quando Respub. consiliis eguisset. Quod hodie evenit, consulari viro domi suæ intersecto, per insidias serviles, quas nemo prohibuit, aut prodidit, quamvis nondum concusso senatusconsulto, quod supplicium toti familiæ minitabatur. Decernite hercule impunitatem. At quem dignitas sua defendet, cum præfectura urbis non profuerit? Quem numerus servorum tuebitur, quum Pedanium Secundum quadringenti non protexerint? Cui familia opem feret, quæ ne in metu quidem pericula nostra avertit? An. (ut quidam fingere non erubescunt,) injurias suas ultus est interfector? quia de paterna pecunia transegerat, aut avitum mancipium detrahebatur? Pronuntiemus ultrò, dominum jure cæsum videri. Libet argumenta conquirere in eo, quod sapientioribus deliberatum est? Sed etsi nunc primum statuendum haberemus, creditisne servum interficiendi domini animum sumpsisse, ut non vox minax excideret? nihil per temeritatem proloqueretur? Sane consilium occultuit, telum inter ignaros paravit.

licet Volsci & Æqui, nunquam adversam nobis aciem struxêre. Capti à Gallis sumus, sed & Tuscis obsides dedimus, & Samnitum jugum subivimus. Attamen si cuncta bella recenseas, nullum breviori spatio quàm adversus Gallos confectum. Continua inde ac fida pax. Jam moribus, artibus, affinitatibus nostris misti, aurum & opes suas inferant potius, quàm separati habeant. Omnia p. c. quæ nunc vetustissima creduntur, nova fuêre. Plebeji magistratus post patricos; Latini post plebejos; cæterarum Italiæ gentium post Latinos. Inveterasset hoc quoque: & quod hodie exemplis tuemur, inter exempla erit.

O R A T I O

C. C A S S I I. Ex libro XIV. Annal.

A R G U M E N T U M.

Pelanius Secundus, præfessus urbis, servi sui in filiis domi oppressus est. Sic comperta non de percussore modo, sed etiam de universa familia quæ erat ad quadringentos servos, supplicium sumi oportebat. Sic enim more majorum erat comparatum, ut si quod ejusmodi unius incestinum facinus extitisset, conservi omnes plecterentur. Miserta servorum plebs Romana voluit eos eripere supplicio: sed bona pars senatus acriter restitit. Quo in numero fuit C. Cassius, qui sententiam rogatus, gravissime morem majorum defendit. Ejus est hæc oratio, qua & majorum autoritate & ratione ipsa nixus, supplicium in totam familiam decernit. Præfatur à constantia sua, in defendendo insituto majorum. Docet severitate suppliciorum in servos, consulendum esse omnium dominorum saluti. Esse illud hominum genus & ab suscipiendi aulacia & à perpetrati sceleris occultatione deterrendum: vix dominum ita paucorum scelero posse interimiri, quin id aliis innotescat. Postremo satius esse ostendit ut pauci innocenter pœnas luant, quàm ut eorum impunitate sceleratorum alatur audacia. Suavis est à jure & necessitate.

SÆPENUMERO P. C. in hoc ordine interfui, cum contra instituta & leges majorum

rum nova senatus decreta postularentur: Neque sum adversatus. Non quia dubitarem, super omnibus negotiis melius atque rectius olim provisum, & quæ converterentur, in deterius mutari, sed ne nimio amore antiqui moris studium meum extollere viderer, simul quicquid hoc in nobis auctoritatis est, crebris contradictionibus destruendum non existimabam, ut maneret integrum, si quando Respub. consiliis eguisset. Quod hodie evenit, consulari viro domi suæ interfecto, per insidias serviles, quas nemo prohibuit, aut prodidit, quamvis nondum concusso senatusconsulto, quod supplicium toti familiæ minitabatur. Decernite hercule impunitatem. At quem dignitas sua defendet, cum præfectura urbis non profuerit? Quem numerus servorum tuebitur, quum Pedanium Secundum quadringenti non protexerint? Cui familia opem feret, quæ ne in metu quidem pericula nostra avertit? An, (ut quidam fingere non erubescunt,) injurias suas ultus est interfecto? quia de paterna pecunia transegerat, aut avitum mancipium detrahebatur? Pronuntiemus ultrò, dominum jure cæsum videri. Libet argumenta conquirere in eo, quod sapientioribus deliberatum est? Sed etsi nunc primum statuendum haberemus, creditisne servum interficiendi domini animum sumpsisse, ut non vox minax excideret? nihil per temeritatem proloqueretur? Sane consilium occuluit, telum inter ignaros paravit.

ravit. Num excubias transiret, cubiculi fores recluderet, lumen inferret, eadem patraret, omnibus nesciis? Multa sceleris indicia præveniunt servi: si prodant, possumus singuli inter plures, tuti inter anxios; postremo si pereundum sit, non inulti inter nocentes, agere. Suspecta majoribus nostris fuisse ingenia servorum, etiam cum in agris aut domibus iisdem nascerentur, charitatemque dominorum statim acciperent. Postquam vero nationes in familiis habemus, quibus diversi ritus, externa sacra, aut nulla sunt, colluviem istam non nisi metu coercueris. At quidam insontes peribunt. Nam & ex fuso exercitu, cum dicimus quisque fuisse feritur, etiam strenui non sortiuntur? Habet aliquid ex iniquo omne magnum exemplum, quod contra singulos, utilitate publica rependitur.

O R A T I O

SENECÆ AD CÆSAREM NERONEM. Ex
eodem libro.

A R G U M E N T U M.

Caesar Nero fuerat educatus & institutus à Seneca, homine bonis artibus erudito: etiamque ipso eo nomine observabat. Sed, ut sunt inouitæ ætatis avidæ cupiditates, nec unquam deficiunt principes pestiferi assentatores, habebat suarum libidinum ministros Nero: in his Tigellinum quendam, qui rei suæ augendæ gratia voluptuarium hominem vehementius etiam incendebat, Assentatores, quia videbant obstare suis conatibus, tum à Nerone perceptæ disciplinæ reliquias, tum ipsius Senecæ severitatem, hunc sibi ab imperatore summovendum putant. Itaque eum criminantur apud Neronem. Opes ejus immodicas ostendunt, auctoritatem carpunt, dotes animi (ut eloquentiam) in deteriorem partem trahunt: præsidia esse potentia interpretantur: gravem esse dicunt Neroni magistræ severitatem. Senecam nihil horum fugiebat: Neronem convenit,
& hac

Et hac oratione omnes conjectas calumnias diluit. Beneficia imperatoris & præmia accepta commemorat: iis se usum ad vitæ mediocritatem, non ad fastum, ostendit. Dedit operam ut Nernem suæ disciplinæ alumnum quam optimis præceptis imbueret. Opes nullas quassisse. Quia nulla sua culpa, sed invidorum malevolentia male audit, rogat ut bona sua alicui tradantur administranda: sibi verò nihil nisi quod ad honestæ degendam vitam requiratur, fruendum concedatur.

QUARTUS DECIMUS annus est Cæsar, ex quo spei tuæ admotus sum, octavus ut imperium obtines: Medio temporis tantum honorum atque opum in me cumulasti, ut nihil felicitati meæ desit, nisi moderatio ejus. Utar magnis exemplis, nec meæ fortunæ, sed tuæ. Atavus tuus Augustus, M. Agrippæ Mitylenense secretum; C. Mæcenati, urbe in ipsa, velut peregrinum otium permisit: Quorum alter bellorum socius, alter Romæ pluribus laboribus jactatus, ampla quidem, sed pro ingentibus meritis præmia acceperant Ego quid aliud munificentiae adhibere potui quam studia, ut sic dixerim, in umbra educata? è quibus claritudo venit, quod juventæ tuæ rudimentis affuisse videor, grande hujus rei pretium At tu gratiam immensam, innumeram pecuniam circumdediti, adeo ut plerumque intra meipsum volvam: Egone equestri & provinciali loco ortus, proceribus civitatis annumeror? Inter nobiles & longa decora præferentes, novitas mea enituit? Ubi est animus ille modicis contentus? Tales hortos instruit & per hæc suburbana incedit, & tantis agrorum spatiis, tam lato fœnore exuberat? Una de-
fen-

fensio occurrit, quòd muneribus tuis obniti
 non debui. Sed uterque mensuram implevi-
 mus, & tu quantum princeps tribuere amico
 posset, & ego quantum amicus à principe acci-
 pere. Cætera invidiam augent. quæ quidem, ut
 omnia mortalia, infra tuam magnitudinem ja-
 cent; sed mihi incumbunt: mihi subvenien-
 dum est. Quo modo in militia aut via fessus ad-
 miniculum orarem; ita in hoc itinere vitæ,
 senex, & levissimis quoque curis impar, cum
 opes meas ultrà sustinere non possim, præsi-
 dium peto. Jube eas per procuratores tuos ad-
 ministrari, in tuam fortunam recipi. Nec me in
 paupertatem ipse detrudam, sed traditis quo-
 rum fulgore perstringor: quod temporis hor-
 torum aut villarum curæ seponitur, in ani-
 mum revocabo. Superest tibi robur, & tot per
 annos nixum fastigii regimen: possumus se-
 niores amici, quiete respondere. Hoc quoque
 in tuam gloriam cedit, eos ad summa vexisse,
 qui & modica tolerarent.

R E S P O N S I O

NERONIS AD SENECA. Ex eodem libro.

A R G U M E N T U M.

*Respondet præceptoris defensionem Nero, singula ab illo proposita ca-
 pita persequens. Institutionis gratam memoriam testatur. Illius
 causas affert, & consequuta commoda prædicat: beneficentiam
 suam erga illum extenuat. Invidiæ causas, quæ captabantur, re-
 movet. Parcius etiam donatum illum à se quam pro meritis. Ut
 vero ipsi bonorum administratione interdicatur, neutri honestum
 esse ostendit: sibi multo etiam ignominiosius. Pro eo enim habitum
 iri ac si beneficia collata reposceret.*

AVUS

AVus meus Augustus Agrippæ & Mæcenati usurpare otium post labores concessit; sed in ea ipsa ætate, cujus autoritas tuetur, quicquid illud & qualecunque tribuisset. Attamen neutrum datis à se præmiis exuit. Bello & periculis meruerant! in his enim juvena Augusti versata est. Nec mihi tela & manus tuæ defuissent, in armis agenti: sed quod præsens conditio poscebat, ratione, consilio, præceptis pueritiam, dein juventam meam fovisti. Et tua quidem erga me munera, dum vita suppetet, æterna erunt: Quæ à me habes, hortus, & foenus, & villæ, casibus obnoxia sunt; ac licet multa videantur, plerique haudquaquam artibus tuis pares, plura tenuerunt. Pudet referre libertinos, qui ditiores spectantur. Unde etiam rubori mihi est, quòd præcipuos charitate, nondum omnes fortuna antecellis. Verum & tibi valida ætas, rebusque & fructui rerum sufficiens, & nos prima imperii spatia ingredimus: nisi forte aut te Vitellio ter consuli, aut me Claudio præponis. Sed quantum Volusio longa parsimonia quæsit, tantum in te mea liberalitas explere non potest. Quin si qua in parte lubricum adolescentiæ nostræ declinas, revocas; ornatumque robur subsidio impensius regis. Non tua moderatio, si reddideris pecuniam; nec quies, si reliqueris principem; sed mea avaritia; meæ crudelitatis meus in ore omnium versabitur. Quod si maxime continentia tua laudetur; non tamen sapienti

pienti viro decorum fuerit , unde amico infamiam parat, inde gloriam sibi recipere.

O R A T I O

P Æ T I T H R A S E Æ. Ex libro xv. Annal.

A R G U M E N T U M.

Funestus fuit immensis suppliciis Neronis principatus : quippe tyrannidem nisi per crudelitatem retineri posse diffidebat. Per ea tempora reus factus est injuriarum Claudius Timarchus Cretensis. Cui invidiam constavit apud populares præstantia quadam dignitatis, & paulo major potentia : apud senatum vero Romanum datum quiddam ab eo confidentius (sic enim ipsi interpretabantur) in auctoritatem Romanorum. Constabat, dixisse eum, in sua esse potestate ut nulle agerentur de more gratiæ Cretensi proconsuli. Eum Thræsea his damnavit sua sententia exilii: dixitque de eadem re deinde copiosius & acerbius, censuitque ut auctoritas non senatus modo, sed etiam singulorum qui ad obtinendas provincias mittuntur severitate constitueretur & retineretur. Peregrinorum licentiam esse coercendam, ut jus imperii sacrosanctum conservetur.

VSu probatum est, P. C. leges egregias, exempla honesta, apud bonos ex delictis aliorum gigni. Sic oratorum licentia, Cinciam rogationem; candidatorum ambitus, Julias leges: Magistratum avaritia, Calpurnia scita, pepererunt. Nam culpa quàm poena tempore prior, emendari quàm peccare posterius est. Ergo adversus novam provinciarum superbiam dignum fide constantiaque Romana capiamus consilium, quo tutelæ sociorum nihil derogetur, nobis opinio decedat, qualis quisque habeatur, alibi quam in civium judicio esse. Olim quidem non modo prætor aut consul, sed privati etiam mittebantur, qui provincias viderent, & quid de cujusque obsequio videretur, referrent, trepidabantque gentes de æstimatione singulorum. At nunc colimus externos
& adul-

& adulamur, & quomodo ad nutum alicujus grates, ita promptius accusatio decernitur: Decernaturque, & maneat provincialibus, potentiam suam tali modo ostentandi: sed laus falsa & precibus expressa, perinde cohibeantur, quam malitia, quàm crudelitas. Plura saepe peccantur dum demeremur, quam dum offendimus. Quædam imò virtutes odio sunt, severitas obstinata, invictus adversus gratiam animus. Inde initia magistratuum nostrorum meliora fermè, & finis inclinatur, dum in modum candidatorum suffragia conquirimus, quæ si arceantur, æqualius atque constantius provinciæ regentur. Nam ut metu repetundarum infracta avaritia est, ita vetita gratiarum actione ambitio cohibetur.

O R A T I O

CAPITONIS COSSUTIANI. ad Neronem Cæsarem. Ex lib. xvi. Annal.

A R G U M E N T U M.

Nero, quæ erat crudelitate imbutus, cædem optimi cujusque anhelabat, & illustrissimis de medio sublatiis favire in duos singularem virtute spectatos decreverat Thraseam, Bæream Soranum. Habebat ministros suarum cupiditatum pestiferos homines, paratos ad illius scelera exequenda: in his Capitonem quendam Cossutianum, qui suo etiam nomine insensus erat Thraseæ. Is commedum sibi ad ulciscendum inimicum, & ad augendam suam apud Neronem gratiam, offerri ratus, sua sponte incensum animum Neronis in hominem innocentem incitavit, multis invidiose commemoratis, quæ à Thraseæ fortiter & severe fiebant in improbanda Neronis libidine & importunitate. Criminatur eum callidus tyranni assentator, quod, per speciem libertatis defendenda, Cæsari esset inimicus, ejusque auctoritatem atque adeo majestatem minueret.

VT quondam C. Cæsarem, inquit, & M. Catonem, ita nunc te Nero & Thraseam
ayida

avida discordiarum civitas loquitur. Et habet sectatores, vel potius satellites, qui nondum contumaciam sententiarum, sed habitum vultumque ejus sectantur rigidi & tristes, qui tibi lasciviam exprobrent. Huic uni incolumitas tua sine arte, sine honore. Prosperas principis res spernit: etiam ne luctibus & doloribus non satiatur? Eiusdem animi est, Poppæam divam non credere, cujus in acta divi Augusti & divi Julii non jurare. Spernit religiones, abrogat leges: Diurna populi Romani per Provincias, per exercitus, accuratius leguntur, ut noscatur quid Thrasea non fecerit. Aut transeamus ad illa instituta, si potiora sunt: aut nova cupientibus auferatur dux & auctor. Ista secta Tuberos & Favonios, veteri quoque Reipub. ingrata nomina genuit. Ut imperium evertant, libertatem præferunt: si perverterint, libertatem ipsam aggredientur. Frustra Cassium amovisti, si gliscere & vigere Brutorum æmulos passurus es. Denique nihil ipse de Thrasea scripseris, disceptatorem senatum nobis relinque.

O R A T I O

GALBÆ IMP. AD PISONEM. Ex primo libro Historiarum.

A R G U M E N T U M.

Sergius Galba cæso Nerone imperium occupavit: sed affectu jam erat ætate, & liberos habebat nullos. Ea res despicatur erat non invidis tantum, sed etiam vulgo. Itaque statuit vindicare se ab hoc hominum contemptu, adoptato nobili aliquo & honesto adolescente in spem imperii. Placuit autem illi Piso Licininus cognomento Frugi, adolescens ab omni laude perfectus. Hunc sibi adoptione adscivit: exposuitque adolescenti beneficium suum, & de eo iudicium.

Cu-

Cujus sermonis summam complectitur hæc oratione Tacitus : quæ Pisoni jus omne & causas adoptionis, rationem & consilium suum exponit. Galba beneficii magnitudinem ostendit : & quid vicissim ab eo ipse postulet & expectet. Hortatur ut hanc de se expectationem virtute & honestate omni sustineat atque expleat. Illecebras desciscendi ab officio, quæ sæpe offerantur, ei aperit. Monet ut se adversus eas muniat, integrumque ab omni labe præset.

SI te privatus, lege Curiata apud Pontifices, ut moris est, adoptarem; & mihi egregium erat tunc, Pompeji & M. Crassi sobolem in penates meos adsciscere; & tibi insigne, Sulpitiæ ac Lulatiæ decora, nobilitati tuæ adiecisse. Nunc me deorum hominumque consensu ad imperium vocatum, præclara indoles tua, & amor patriæ impulit, ut principatum, de quo majores nostri armis certabant, bello adeptus, quiescenti offeram, exemplo divi Augusti, qui sororis filium Marcellum, dein generum Agrippam, mox nepotes suos, postremo Tiberium Neronem privignum, in proximo sibi fastigio collocavit. Sed Augustus in domo successorem quæsit; ego, in Repub. non quia propinquos aut socios belli non habeam: Sed neque ipse imperium ambitione accepi, ut iudicii mei documentum sit, non meæ tantum necessitudines, quas tibi postposui, sed & tuæ. Est tibi frater pari nobilitate, natu major, dignus hac fortuna, nisi tu potior esses. Ea ætas tua, quæ cupiditates adolescentiæ jam effugerit: ea vita, in qua nihil præteritum excusandum habeas. Fortunâ adhuc tantum adversam tulisti. Secundæ res acrioribus stimulis animum explorant: quia miseriæ tolerantur, felicitate

avida discordiarum civitas loquitur. Et habet sectatores, vel potius satellites, qui nondum contumaciam sententiarum, sed habitum vultumque ejus sectantur rigidi & tristes, qui tibi lasciviam exprobrent. Huius uni incolumitas tua sine arte, sine honore. Prosperas principis res spernit: etiam ne luctibus & doloribus non satiatur? Eiusdem animi est, Poppæam divam non credere, cujus in acta divi Augusti & divi Julii non jurare. Spernit religiones, abrogat leges: Diurna populi Romani per Provincias, per exercitus, accuratius leguntur, ut noscatur quid Thrasea non fecerit. Aut transeamus ad illa instituta, si potiora sunt: aut nova cupientibus auferatur dux & auctor. Ista secta Tuberos & Favonios, veteri quoque Reipub. ingrata nomina genuit. Ut imperium evertant, libertatem præferunt: si perverterint, libertatem ipsam aggredientur. Frustra Cassium amovisti, si gliscere & vigere Brutorum æmulos passurus es. Denique nihil ipse de Thrasea scripseris, disceptatorem senatum nobis relinque.

O R A T I O

GALBÆ IMP. AD PISONEM. Ex primo libro Historiarum.

A R G U M E N T U M.

Sergius Galba cæso Nerone imperium occupavit: sed affecta jam erat ætate, & liberos habebat nullos. Ea res despiciatui erat non indignis tantum, sed etiam vulgo. Itaque statuit vendicare se ab hoc hominum contemptu, adoptato nobili aliquo & honesto adolescente in spem imperii. Placuit autem illi Piso Licininus cognomento Frugi, adolescens ab omni laude perfectus. Hunc sibi adoptione adscivit: exposuitque adolescenti beneficium suum, & de eo iudicium.

Cu-

Cujus sermonis summam complectitur hac oratione Tacitus : qua Pisoni jus omne & causas adoptionis, rationem & consilium suum exponit. Galba beneficii magnitudinem ostendit : & quid vicissim ab eo ipse postulet & exspectet. Hortatur ut hanc de se expectationem virtute & honestate omni sustineat atque expleat. Illecebras desciscendi ab officio, quæ sæpe offerantur, ei aperit. Monet ut se adversus eas muniat, integrumque ab omni labe præstet.

SI te privatus, lege Curiata apud Pontifices, ut moris est, adoptarem; & mihi egregium erat tunc, Pompeji & M. Crassi sobolem in penates meos adsciscere; & tibi insigne, Sulpitiæ ac Luctatiæ decora, nobilitati tuæ adjecisse. Nunc me deorum hominumque consensu ad imperium vocatum, præclara indoles tua, & amor patriæ impulit, ut principatum, de quo majores nostri armis certabant, bello adeptus, quiescenti offeram, exemplo divi Augusti, qui sororis filium Marcellum, dein generum Agrippam, mox nepotes suos, postremo Tiberium Neronem privignum, in proximo sibi fastigio collocavit. Sed Augustus in domo successorem quæsit; ego, in Repub. non quia propinquos aut socios belli non habeam: Sed neque ipse imperium ambitione accepi, ut judicii mei documentum sit, non meæ tantum necessitudines, quas tibi postposui, sed & tuæ. Est tibi frater pari nobilitate; natu major, dignus hac fortuna, nisi tu potior esses. Ea ætas tua, quæ cupiditates adolescentiæ jam effugerit: ea vita, in qua nihil præteritum excusandum habeas. Fortunâ adhuc tantum adversam tulisti. Secundæ res acrioribus stimulis animum explorant: quia miseriæ tolerantur, felicitate

te corrumpimur. Fidem, libertatem, amicitiam, præcipua humani animi bona, tu quidem eadem constantia retinebis; sed alii per obsequium imminuent. Irrumpet adulatio, blanditiæ (pessimum veri affectus venenum) sua cuique utilitas. Etiam ego ac tu simplicissime inter nos hodie loquimur; cæteri libentius cum fortuna nostra, quàm nobiscum. Nam suadere principi quod oporteat, multi laboris: Assentatio erga principem quemcunque, sine affectu peragitur. Si immensum imperii corpus stare ac liberari sine rectore posset, dignus eram à quo Respub. inciperet. Nunc eò necessitatis jam pridem ventum est, ut nec mea senectus conferre plus populo Romano possit, quam bonum successorem, nec tua plus iuventa quàm bonum principem, Sub Tiberio, & Cajo & Claudio, unius familiæ quasi hæreditas fuimus: Loco libertatis erit, quod eligi cœpimus. Et finita Juliorum Claudiorumque domo, optimum quenque adoptio inveniet. Nam generari & nasci à principibus fortuitum, nec ultrà æstimatur: adoptandi iudicium integrum; & si velis eligere, consensu monstratur. Sit ante oculos Nero, quem longa Cæsarum serie tumentum, non vindex cum incriminatis provinciis, aut ego cum una legione, sed sua immanitas, sua luxuria cervicibus publicis depulserit. Neque erat adhuc damnati principis exemplum. Nos bello, & ab æstimantibus adsciti, cum invidia, quamvis egregii erimus. Ne tamen

men territus fueris, si duæ legiones in hoc concussi orbis motu nondum quiescunt. Ne ipse quidem ad securas res accessi: & audita adoptione, desinam videri senex, quod nunc mihi unum objicitur. Nero à pessimo quoque semper desiderabitur: mihi ac tibi providendum est, ne etiam à bonis desideretur. Monere diutius neque temporis hujus, & impletum est omne consilium, si te bene elegi. Utilissimus quidem ac brevissimus bonarum malarumque rerum delectus est, cogitare quid aut volueris sub alio principe, aut nolueris. Neque enim hic, ut in cæteris gentibus quæ regnantur certa dominorum domus, & cæteri servi: sed imperaturus ex hominibus qui nec totam servitutem pati possunt, nec totam libertatem.

O R A T I O

P I S O N I S. Ex eodem libro.

A R G U M E N T U M.

Quem indies invalesceret Othonis fallio, qui Galbæ adversabatur, & occupare imperium cogitabat: Galba vera se gratia & potentia infringeret, ut jam apertè ab eo populus Romanus deficeret, & ejus adversario imperium traderet, & ut imperatorem crearet, in castra eum raperet, omniæque in civitate tumultuosa gererentur: Piso, quem in spem imperii Galba adoptaverat, stationariam cohortem, quæ in palatio erat præsidii causa collocata, sibi conciliandam & confirmandam putavit, & de consilii sententia hac oratione eam est affatus. Hic militem demulcere & retinere conatur: idcirco imperatoris & suam dignitatem offert in medium. Cui opponit sordes & intemperantiam Othonis. Agi ipsorum quoque militum salutem, & plurimum eorum interesse quo principe utantur: nec florere eos posse in tanta importunitate adversariorum.

SEx t u s dies agitur commilitones, ex quo Signarus futuri, & siye optandum hoc nomen

men sive timendum erat , Cæsar ascitus sum : quo domus nostræ aut Reipub. fato in vestra manu positum est , non quia, meo nomine , tristiore casum paveam , ut qui adversa expertus cum maximè , ducam ne secunda quidem minus discriminis habere : Patris, & senatus , & ipsius imperii vicem doleo , si nobis aut perire hodie necesse est ; aut , quod æque apud bonos miserum est , occidere. Solatium proximi motus habebamus , incruentam urbem & res sine discordia translatas. Provisum adoptione videbatur , ut ne post Galbam quidem bello locus esset. Nihil arrogabo mihi nobilitatis aut modestiæ. Neque enim relatu virtutum, in comparatione Othonis opus est. Vicia, quibus solis gloriatur , evertere imperium ; etiam quum amicum imperatoris ageret. Habitune & incessu , an illo muliebri ornatu, mereretur imperium ? Falluntur , quibus luxuria specie liberalitatis imponit. Perdere iste sciet , donare nesciet. Stupra nunc , & comessationes & scæminarum cœtus , volvit animo. Hæc principatus præmia putat , quorum libido ac voluptas , penes ipsum sit ; rubor ac dedecus , penes omnes. Nemo enim unquam imperium flagitio quæsitum bonis artibus exercuit, Galbam consensus generis humani ? me Galba, consentientibus vobis , Cæsarem dixit. Si Respub. & senatus , & populus, vana nomina sunt : vestra , commilitones , interest, ne imperatorem pessimi faciant, Legionum seditio.

ditio adversus duces suos audita est aliquando : vestra fides famaue , illæsa ad hunc diem mansit. Et Nero quoque vos destituit , non vos Neronem. Minus xxx.transfugæ & desertores, quos Centurionem aut tribunum sibi eligentes nemo ferret , imperium assignabunt ? Admittitis exemplum ? & quiescendo commune crimen facitis ? Transcendet hæc licentia in provincias : & ad nos scelerum exitus , bellorum ad vos pertinebunt. Nec est plus quod pro cæde principis, quàm quod innocentibus datur. Sed proinde à nobis donativum ob fidem , quàm ab aliis pro facinore accipietis.

O R A T I O

OTHONIS AD MILITES. Ex eodem libro.

A R G U M E N T U M.

Mortuo Nerone Cæsare duæ erant Romæ factiones de imperatore subregando : Galbam alii , alii Othonem nominabant. Galba positus est imperio, stante adhuc in integro adversario Othone , quem exercitus erat complexus , & ad eum imperium detulerat. Itaque res in summam contentionem est adiecta. Sed quum aliquando falsus nuntius interfectum Othonem Romam attulisset , exceptusque esset summo plausu & gratulatione multitudinis & totius populi , qui Galbam tuebatur , caput vehementius sibi timere Otho. Itaque ut sibi exercitum conciliaret & fidem illius confirmaret , hanc habuit orationem , qua primum commemorat voluntatem & auctoritatem exercitus, qua fuerat ab eo creatus & nominatus imperator. Deinde conqueritur injurias , audaciam , crudelitatem , superbiam adversarii. Invehitur in illius fautores. Commune esse periculum , & in eadem eos esse navim ostendit. Postremo ad auctoritatem suam retinendam & salutem vindicandam hortatur , & in hostes acuit.

QUis ad vos processerim , commilitones , dicere non possum : quia nec privatum me vocari sustinco , princeps à vobis nominatus,

tus, nec principem, alio imperante. Vestrum quoque nomen in incerto erit, donec dubitabitur, imperatorem populi Romani in castris, an hostem habeatis. Auditisne, ut pœna mea, & supplicium vestrum simul postulentur? adeo manifestum est, neque perire nos, neque salvos esse, nisi unà, posse. Et cujus levitatis est Galba. jam fortasse promisit: ut qui nullo exposcente, tot millia innocentissimorum militum trucidaverit. Horror animum subit, quoties recordor feralem introitum, & hanc solam Galbæ victoriam, cum in oculis urbis decumari deditos juberet, quos deprecantes in fidem acceperat. His auspiciis orbem ingressus, quam gloriam ad principatum attulit, nisi occisi Obultronii Sabini, & Cornelii Marcelli in Hispania, Vettii Chilonis in Gallia, Fonteii Capitonis in Germania, Clodii Macri in Africa, Cingonii in via, Turpiliani in urbe, Nymphidii in castris? Quæ usquam provincia, quæ castra sunt, nisi aut cruenta & maculata? aut, ut ipse prædicat, emendata & correctæ? Nam quæ alii scelera, hic remedia vocat, dum falsis nominibus, severitatem pro sævitia, parsimoniam pro avaritia, supplicia & contumelias vestras, disciplinam appellat. Septem à Neronis fine menses sunt, & jam plus rapuit Icelus, quàm quod Polycreti, & Vatinii & Elii, paraverunt. Minore avaritia ac licentia grassatus esset T. Vinius, si ipse imperasset. Nunc & subjectos nos habuit tanquam suos: & viles ut alienos. Una illa domus

mus sufficit donativo, quod vobis nunquam datur, & quotidie exprobratur. Ac ne qua saltem in successore Galbæ spes esset, accersit ab exilio, quem tristitia & avaritia sui simillimum judicabat. Vidistis, commilitones, notabili tempestate, etiam Deos infausam adoptionem adversantes. Idem senatus, idem populi Romani animus est. Vestra virtus expectatur, apud quos omne honestis consiliis robur, & sine quibus, quamvis egregia, invalida sunt. Non ad bellum vos, nec ad periculum voco: omnium militum arma nobiscum sunt: nec una cohors togata defendit nunc Galbam, sed detinet. Quum vos aspexerit, quum signum meum acceperit, hoc solum erit certamen, quis mihi plurimum imputet. Nullus cunctationi locus est in eo consilio, quod non potest laudari nisi peractum.

O R A T I O

OTHONIS AD MILITES. Ex eodem libro.

A R G U M E N T U M.

Paucis diebus quam rerum potitus erat in Romano imperio Otho Sylvius, paucorum militum errore, quos inanis suspicio insidiarum terruerat, atrocissima erat in urbe conflata de nocte seditio. Quæ vis, ut re ipsa pro salute imperatoris suscepta erat, cujus vitæ illi metuebant, ita in senatum, à quo vim timebant, intendi putabatur: vel maxime quod armati impetum fecerant in palatium, ubi Otho cum clarissimis senatoribus epulabatur. Qui plurimum sua interesse judicans, ut abesset ab omni injuriâ omni que metu senatus, seditionem & in præsentia sedare, & postridie severius coercere conatus est, quum nondum ille ardor penitus deferbuisset. Convocatam igitur multitudinem increpat, sed lenius, quod intelligebat non ad suam perniciem sed ad incolumitatem capta esse

ab illis arma. Docet igitur, quanta sit culpa in illo militari motu levissima de causa concitato. Esse enim id hominum qui omnium eorum quæ fiunt velint causas nosse, & ad se revocare. Jura militum ostendit, & quanta ab illis requiratur modestia. Sanctitatem senatus inculcat, quæ hoc furore militari attentata est. Docet, illius incolumitate imperii stabilitatem contineri. Paucos ad penam deposcit, quorum præcipue fuerat in eo motu audacia.

NEUQUE ut affectus vestros in amorem mei accenderem, commilitones; neque ut animum ad virtutem cohortarer (utraque enim egregiè supersunt) sed veni postulaturus à vobis temperamentum vestræ fortitudinis, & erga me modum charitatis. Tumultus proximi initium, non cupidine vel odio (quæ multos exercitus in discordiam egere) ac ne detractatione quidem aut formidine periculorum, nimia pietas vestra acrius quàm consideratius excitavit. Nam sæpe honestas rerum causas, ni judicium adhibeas, perniciosi exitus consequuntur. Imus ad bellum. Non omnes nuntios palàm audiri, omnia consilia cunctis præsentibus tractari, ratio rerum, aut occasionum velocitas patitur: Tam nescire quædam milites, quàm scire oportet. Ita se ducum autoritas, sic rigor disciplinæ habet, ut multa etiam per centuriones tribunosq; tantùm juberi expediat. Si ubi jubeantur, quærere singulis liceat; percunte obsequio, etiam imperium intercidit. An & illic nocte intempesta rapiuntur arma? Unus alterve perditus ac temulentus (neque enim plures consternatione proxima insanisse crediderim) centurionis ac tribuni sanguine manus imbuet?

imbuet? Imperatoris sui tentorium irrumpet? Vos quidem istud pro me. Sed in discursu ac tenebris, & rerum omnium confusione, patefieri occasio etiam adversus me potest. Si Vitellio & satellitibus ejus eligendi facultas detur, quem nobis animum, quas mentes imprecentur: quid aliud quàm seditionem & discordiam optabunt? ne miles centurioni, ne centurio tribuno obsequatur. hinc confusi pedites equitesque, in exitium ruamus. Parendo potius, commilitones, quam imperia ducum sciscitando, res militares continentur. Et fortissimus in ipso discrimine exercitus est, qui ante discrimen quietissimus. Vobis arma & animus sit: mihi consilium, & virtutis vestræ regimen relinquit. Paucorum culpa fuit, duorum poena erit. cæteri abolete memoriā fœdissimæ noctis, nec illas adversus senatum voces ullus unquam exercitus audiat. Caput imperii, & decora omnium provinciarum ad poenam vocare, non hercle illi, quos nunc maxime Vitellius in nos ciet, Germani audeant. Ulline Italiæ alumni, & Romana verè juvenus, ad sanguinem & cædem deposcerent ordinem, cujus splendore & gloria, sordes & obscuritatem Vitellianarum partium perstringimus? Nationes aliquas occupavit Vitellius, imaginem quandam exercitus habet: senatus nobiscum est. Sic fit, ut hinc Resp. inde hostes Reip. constiterint. Quid? vos pulcherrimam hanc urbem, domibus & testis & congestu lapidum stare

creditis? Mutâ ista & inania intercidere ac reparari promiscuè possunt: Æternitas rerum, & pax gentium, & mea cum vestra salus, incolumitate senatus firmatur. Hunc auspicato à parente & conditore urbis nostræ institutum, & à regibus usque ad principes continuum & immortalem, sicut à majoribus accepimus sic posteris tradamus. Nam ut ex vobis senatores, ita ex senatoribus principes nascuntur.

O R A T I O

O T H O N I S. Ex libro II. Hist.

A R G U M E N T U M.

Certabant de imperio Otho & Vitellius, ille de retinendo, hic de occupando. Ad manus ventum est, Victoria penes Vitellium fuit, sed ea minime incruenta. Magnam enim cladem eo pralio acceperat. Itaque rogant Othonem sui, ne frangatur animo, nec in rebus adversis contrahatur, sed bellum reparet. Non deesse vires, recentes venire legiones: animos vero nusquam alacriores, modo ne ipse despondeat. Otho qui jam de morte consciscenda cogitasset, recusat: & causas, cur nolit uti ad hoc eorum obsequio, offert duas. Unam, quod imperium desperet sibi fore futurum: alterum, quod, ne si retineri quidem posse speret, tamen velit civili sanguine & tam fœdis caalibus partium habere. Itaque, cedere adversario velle perseverat.

HU NC, inquit, animum, hanc virtutem vestram ultro periculis objicere, nimis grande vitæ meæ pretium puto. Quanto plus spei ostenditis, si vivere placeret, tanto pulchrior mors erit. Experti invicem sumus, ego ac fortuna, ne tempus computaveritis. Difficilius est temperare felicitati, qua te non putes diu usurum. Civile bellum à Vitellio cœpit; & ut de principatu certaremus armis, initium illic fuit: ne plus quam semel certemus, penes me exemplum erit. Hinc Othonem posteritas æstimet. Fructur Vitellius fratre, conjuge, liberis:

ris : mihi non ultione, neque solatiis opus est. Alii diutius imperium tenuerint ; nemo tam fortiter reliquerit. An ego tantum Romanæ pubis , tot egregios exercitus , sterni rursus , & Reipub. eripi patiar ? Eat hic mecum animus, tanquam perituri pro me fueritis. Sed este superstites. nec diu moremur, ego incolumitatem vestram , vos constantiam meam. Plura de extremis loqui, pars ignaviæ est. Præcipuum destinationis meæ documentum habete , quod de nemine queror ; Nam incusare Deos vel homines, ejus est, qui vivere velit.

O R A T I O

M U T I A N I. Ex eodem libro.

A R G U M E N T U M.

Imperabat oppresso Othone Vitellius. Ejus imperium inuicem ferebant nobilissimi homines, & ad alium transferri cupiebant : maxime vero Mutianus, magni vir nominis, impulit Vespasianum ad deturbandum Vitellium, & invadendum dominatum. Ejus consilii summa hac oratione est conclusa. Auctor est, ei ne tantam labem patiatur imperio Romano inuri, ut illud ab homine indignissimo & impurissimo teneatur. Tota oratio consistit in causis suscipiendis, & in adiumentis rei perficiendæ. Causas suscipiendi affect: turpitudinem qua contaminatum esset imperium ab homine sacrilissimo : nobilitatem generis, splendorem, virtutem in Vespasiano, illustres ejus liberos. Imperium Vitellii non tantum ignominiosum esse, sed etiam illis periculosum. Facultates vero perficiendi affect: studium multorum in eum, robur legionum firmissimarum.

OMNES, qui magnarum rerum consilia suscipiunt, æstimare debent; an quod inchoatur, Reipub. utile, ipsis gloriosum aut promptum effectum, aut certe non arduum sit. Simul ipse qui suadet considerandus est, adjiciatne consilio periculum suum : & si fortuna cœptis affuerit, cui summum decus acquiratur.

Ego te Vespasiane ad imperium voco, tam salutare Reipub. quam tibi magnificum, juxta Deos, in tua manu positum est. Nec speciem adulantis expaveris, à contumelia quam à laude propius fuerit, post Vitellium eligi. Non adversus divi Augusti acerrimam mentem, nec adversus cautissimam Tiberii senectutem; nec contra Caji quidem, aut Claudii, vel Neronis, fundatam longo imperio domum exsurgimus? Cessisti etiam Galbæ imaginibus: Torpere ultra, & polluendam perdendamque Rempub. relinquere, sopor & ignavia videretur, etiam si tibi, quam inhonesta, tam tuta servitus esset. Abiit jam & transvectum est tempus, quo posses videri concupisse. Confugiendum est ad imperium. An excidit trucidatus Corbulo? Splendidior origine quam nos sumus, fateor: Sed & Nero, nobilitate natalium, Vitellium anteibat. Satis clarus est apud timentem, quisquis timetur. Et posse ab exercitu principem fieri; sibi ipse Vitellius documento est, nullis stipendiis, nulla militari fama, Galbæ odio provectus. Ne Othonem quidem ducis arte aut exercitus vi, sed præpropere ipsius desperatione victum, jam desiderabilem & magnum principem fecit. Cum interim spargit legiones; exarmat cohortes, nova quotidie bello semina ministrat. Siquid ardoris ac ferociæ miles habuit, popinis, & comestationibus, & principis imitatione, deteritur. Tibi è Judæa & Syria & Ægypto novem legiones integræ; nulla acie
exhau-

exhaustæ, non discordia corruptæ : sed firmatus usu miles , & belli domitor externi. Classium, alarum, cohortium robora ; & fidissimi reges , & tñ ante omnes experientia. Nobis nihil ultra arrogabo , quam ne post Valentem ac Cæcinnam numeremur. Ne tamen Mucianum socium spreveris , quia æmulum non experiris : Me Vitellio antepono , te mihi. Tux domui triumphalè nomen, duo juvenes, capax jam imperii alter ; & primis militiæ annis apud Germanicos quoque exercitus clarus. Absurdum fuerit , non cedere imperio ei cujus filium adoptaturus essem, si ipse imperarem. Cæterum inter nòs non idem prosperarum adversarumque rerum ordo erit. Nam si vincimus, honorem quem dederis habebò: discrimen , ac periculum, ex æquo partiemur. Imò ut melius est, tu hos exercitus rege ; mihi bellum, & præliorum incerta trade. Acriore hodie disciplina victi, quam victores agunt : Hos ira, odium, ultionis cupiditas ad virtutem accendit ; illi per fastidium & contumaciam hebescent. Aperiet & recludet, contestata & tumescencia victricium partium vulnera , bellum ipsum. Nec mihi major in tua vigilantia, parsimonia, sapientia, fiducia est, quàm in Vitellii torpore, inscitia, sævitia. Sed & meliorem in bello causam, quàm in pace habemus. Nam qui deliberant, desciverunt.

ORATIO

CURTII MONTANI. Ex libro IV. Hist.

ARGUMENTUM.

Aquilius Regulus Neroni se ministrum in crudelitate præbuerat, & per eum fuerat eversa Crassorum & Orphiti, clarorum hominum, domus, quum is crimen illorum, ejus tamen particeps fuerat, detulisset. Inde magna erat ei conflata invidia. Et quum in alios qui ejusdem crudelitatis fuerant, animadversum esset, hic quoque reus est factus ab uxore & liberis Crassi. Sed pro eo dicebat frater Vipsanus Messala: & invidiam deprecando jam quodammodo resinxerat. Ibi Curtius Montanus exarsit, & in reum hac oratione vehementissime est invehitur, præstitam tyranno operam exaggerans, crudelitatem, rapinas, libidinem, vexationem innocentum, truculentam & furentem vocem ad incitandam tyranni sævitiam obijciens. Pestes esse Reipub. & semina tyrannidis id genus homines: ad qua extirpanda senatum impellit.

OCCURRIT truci oratione Curtius Montanus, eo usque progressus, ut, post cadem Galba, datam interfectori Pisonis pecuniam à Regulo, appetitumque morsu Pisonis caput objectaret. Hæc certè, inquit, Nero non coëgit, nec dignitatem aut ista salutem sævitia redemisti. Sane toleremus istorum defensiones: qui perdere alios quàm periclitari ipsi maluerunt. Te securum reliquerat exul pater, & divisa inter creditores bona: nondum honorum capax ætas: nihil quod ex te concupisceret Nero, nihil quod timeret. Libidine sanguinis & hiatu præmiorum, ignotum adhuc ingenium & nullis defensionibus expertum, cæde nobili imbuisti. cum ex funere Reipublicæ, raptis consularibus spoliis, septuagies sestertio saginatus, & sacerdotio fulgens, innoxios pueros, illustres senes, conspicuas fœminas eadem ruina pro-

profterneres : quum feignitiam Neronis incur-
 fares, quòd per fingulas domos feque & dela-
 tores fatigaret : poffe univerfum fenatum una
 voce fubverti. Retinete Patres conſcripti, &
 refervate hominem tam expediti confilii, ut
 omnis ætas inſtructa fit & quomodo ſenes no-
 ſtri, Marcellam Crifpum; juvenes, Regulum
 imitentur. Invenit etiam æmulos infelix ne-
 quitia. Quid ſi floreat vigeatque? Et quem
 adhuc quæſtorium offendere non audemus,
 prætorium & conſularem viſuri ſumus? An
 Neronem extremum dominorum putatis? Idem
 crediderant, qui Tiberio, qui Cajo ſu-
 perſtites fuerunt : quum interim inſtabilior
 & ſævior exortus eſt. Non timemus Veſpaſia-
 num : ea principis ætas, ea moderatio. Sed
 diutius, P. C. nec jam ille ſenatus ſumus, qui
 occiſo Nerone, delatores & miniſtros, more
 majorum puniendos flagitabat, Optimus eſt
 poſt malum principem dies primus.

O R A T I O

LEGATI TENCTERORUM. Ex eodem libro.

A R G U M E N T U M

*Deſto Romanorum exercitu à Germanis, & depulſo eorum juſo ini-
 tum eſt conſilium à Germanis de Agrippinenſi coloniâ, quæ in Ro-
 manorum imperio permanebat, Exciſiſ eam placebat nonnullis: mi-
 tius agendum alii cenſuerunt, ſatisque habuerunt eam ad ſocieta-
 tem Germanorum revocare. Ea re miſſa eſt ab iis legatio, cujus
 princeps hanc orationem in illius coloniæ concilio habuit. Gratula-
 tus eſt illis libertatem: mandata expoſuit Germanorum de manibus
 diruendis, Romanorum reliquiis tollendis, & eorum honis publi-
 candis, veſtagalibus abrogandis, quæ penſcabant Romanis, de com-
 merciis ſecum communicandis, de inſtitutis Germaniæ reſtituendis.*

REDISSE vos in corpus nomenque Germaniæ, communibus Deis, sed præcipuo Deorum Marti grates agimus; Vobisque gratulamur, quod tandem liberi inter liberos eritis. nam ad hunc diem, flumina ac terras, & coelum quodammodo ipsum, clauserant Romani: ut colloquia congressusque nostros arcerent; vel, quod contumeliosius est viris ad arma natis, inermes ac propè nudi, sub custode & pretio coerceremus. Sed ut amicitia societasque nostra in æternum rata sint: postulamus à vobis, muros coloniæ, munimenta servitii, detrahatis. Etiam fera animalia, si clausa teneas, virtutis obliviscuntur. Romanos omnes, in finibus vestris trucidetis. Haud facile libertas, & domini miscentur. Bona interfectorum, in medium credant; ne quis oculere quidquam, aut segregare causam suam possit. Liceat nobis vobisque utramque ripam colere, ut olim majoribus nostris. Quomodo lucem diemque omnibus hominibus; ita omnes terras fortibus viris, natura aperuit. Instituta cultumque patrium resume, abruptis voluptatibus quibus Romani plus adversus subiectos quam armis valent. Sincerus & integer, & servitutis oblitus populus, aut ex æquo agetis, aut aliis imperitabitis.

O R A T I O

AGRIPPINENSIIUM. Ex eodem libro.

A R G U M E N T U M.

Respondent legatis Romanorum Agrippinenses, ancipiti sententia inter metum Germanorum & Romanorum. Itaque eorum quæ illi

illi edixerant, nonnulla concedunt, alia excusant. In muris opponunt securitatem: in Romanorum cadibus faciendis, conjunctionem & vetustatem, & jus consanguinitatis. De vestigalibus, commerciis & institutis legatis, quæ proposuerant, assentiuntur.

QUAM prima libertatis facultas data est, avidius quàm cautius sumpsimus, ut vobis cæterisque Germanis consanguineis nostris jungeremus. Muros civitatis, congregantibus se cum maximè Romanorum exercitibus, augere nobis quàm diruere tutius est. Si qui ex Italia aut provinciis alienigenæ in finibus nostris fuerant, eos bellum absumpsit: vel in suas quisque sedes refugere. Deductis olim, & nobiscum per connubium sociatis, quique mox provenere, hæc patria est. Nec vos adeo iniquos existimamus, ut interfici à nobis parentes, fratres, liberos nostros velitis. Vestigal & onera commerciorum, resolvimus. Sint transitus incustoditi, sed diurni & inermes: donec nova & recentia jura, in vetustatem & consuetudinem vertantur. Arbitrum habebimus Civilem & Velledam, apud quos pacta sancientur.

O R A T I O

C E R I A L I S. Ex eodem libro.

A R G U M E N T U M.

Bellum gerebat adversus Germanos exercitus Romanus nomine & auspiciis Vespasiani Caesaris. Hujus belli summa penes Petilum Cerialem erat. Desciverant autem ab imperatore legiones aliquot ex Gallis conscriptæ, sequæ ad hostes contulerant, quorum erant duces Civilis Classicus, & Tutor. Re bene à Ceriali gesta, quamvis debellatum nondum erat, male tamen agebatur cum hostibus. In perfidos & desertores ut animadverteret plerique urgebant.
Lenius

Lenius tamen Treviros, qui ab hostibus fuerant, accepit Cerialis. Accita deinde sunt legiones illæ. Eas magnus supplicii terror invaserat, sed nihil in eas statuendum sibi gravius putavit. Cerialis, deditque facti impunitatem. Verum hac oratione cohortatur est eas ad silem in Casarem constantius in posterum colendam. Belli causas repetiit, ostendit justas, necessarias, summa æquitate nitens. Æquitatem & clementiam imperiis inculcavit. Officii commonescit, ut parerent imperio Romano, quod salutare sibi esse intelligerent, quippe in fide essent & tutela Romanorum.

NEQUE ego unquam facundiam exercui; & populi Romani virtutem armis affirmavi. Sed quia apud vos verba plurimum valent, bonaque ac mala non sua natura, sed vocibus seditiosorum æstimantur; statui pauca differere, quæ profligato bello, utilius sit vobis audisse, quàm nobis dixisse. Terram vestram cæterorumque Gallorum ingressi sunt duces imperatoresque Romani nulla cupidine, sed maioribus vestris invocantibus, quos discordiæ usque ad exitium fatigabant. & acciti auxilio Germani sociis pariter atque hostibus servitutem imposuerant. Quot præliis adversus Cymbros Teutonesque, quantis exercituum nostrorum laboribus, quove eventu Germanica bella tractaverimus, satis clarum. Nec ideo Rhenum insedimus, ut Italiam tueremur: sed ne quis alius Ariovistus regno Galliarum potiretur. An vos chariores Civili Batavisque & Transrhenanis gentibus creditis, quàm maioribus eorum patres avique vestri fuerunt? Eadem semper causa Germanis transcendendi in Gallias, libido atque avaritia & mutandæ sedis amor: ut relictis paludibus & solitudinibus

bus suis, fecundissimum hoc solum vosque ipsos possiderent. Caterum libertas & speciosa nomina prætexuntur. Nec quisquam alienum servitium & dominationem sibi concupivit, ut non eadem ista vocabula usurparet; Regna bellaque per Gallias semper fuere, donec in nostrum jus concederetis. Nos quamquam totiens lacessiti, jure victoriæ id solum vobis addidimus, quo pacem tueremur. Nam neque quies gentium sine armis; neque arma sine stipendiis; neque stipendia sine tributis haberi queunt. Cætera in communi sita sunt. Ipsi plerumque legionibus nostris præsidetis: Ipsi has aliasque provincias regitis. nihil separatum, clausumve. Et laudatorum principum usus ex æquo, quamvis procul agentibus: Sævi proximis ingruunt. Quomodo sterilitatem, aut nimios imbres & cætera naturæ mala, ita luxum vel avaritiam dominantium tolerate. Vitia erunt, donec homines: Sed neque hæc continua, & meliorum interventu pensentur. nisi forte Tutere & Classico regnantibus, moderatius imperium speratis, aut minoribus quàm nunc tributis parabuntur exercitus, quibus Germani Britannique arceantur. Nam pulsus (quod Dii prohibeant) Romanis, quid aliud quàm bella omnium inter se gentium existent? Ostingentorum annorum fortuna disciplinaque, compages hæc coaluit: quæ convelli sine exitio convellentium non potest. Sed vobis maximum discrimen, penes quos aurum

&

& opes, præcipuæ bellorum causæ. Proinde pacem & urbem, quam victi victoresque eodem jure obtinemus, amate, colite. Moneant vos utriusque fortunæ documenta, ne contumaciam cum perniciæ, quam obsequium cum securitate malitis.

O R A T I O

CIVILIS, SED MUTILATA. Ex
lib. v. Histor.

A R G U M E N T U M.

Civilis per fuga à Romanis ducem se Batavis adversus Romanos præbuerat. Bellum diuturnum vario eventu gesserat, tamen multo pluribus acceptis claudibus quam illatis. Itaque attritis Batavorum viribus, Cerialis Romanus dux, flexendos sibi potius ad deditionem subeundam movendo, quam diutius urgendo, duxit. Tentavit, & rem confecit. Convenit inter Batavos ut colloquio dies diceretur. Ad quod quum esset ventum, habuit hanc pro se orationem Civilis, cujus tamen bona pars injuria temporum intercidit. Hic purgandi sui causa, aliqua saltem ex parte, repetit alius causas belli à se primum suscepti, ut omnes turpis proditionis advertat à se suspensiones.

SI apud Vitellii legatum defenderer, neque facto meo venia neque dictis fides debebatur. Cuncta inter nos inimica, hostilia, ab illo cœpta, à me aucta erant. Erga Vespasianum vetus mihi observantia: & quum privatus esset, amici vocabamur. Hoc primo Antonio notum, cujus epistolis ad bellum accitus sum, ne Germanicæ legiones & Gallica juvenus Alpes transcenderent. Quæ Antonius absens, Hordeonius Flaccus præsens monebat, arma in Germania moveri, quæ Mucianus in Syria, Aponius in Moesia, Favianus in Pannonia.

Ex

Ex vita Agricolæ à C O R N. T A - c i t o prodita.

GALGACI ORATIO

ARGUMENTUM.

Intulit bellum Britannis Iulius Agricola nomine Romani imperatoris. Illi laceffiti ad refanguendum belli incendium magnis animis concurrerunt, ducemque habuerunt nomine Galgacum. Is contractis copiis, eum hoste configendum censuit: sed prius animos multitudinis oratione esse firmandos. Itaque convocatam suorum cencionem hortatus est ut strenuè bellum compefcerent. Ejus tota oratio in eo posita est, ut eos & posse & debere hostem propulsare ostendat: defensionem & facilem esse & necessariam. Idcirco belli æquitatem & necessitatem docet. Invehitur in hostium auiditatem. Sua nisi flagitiose deferi ab ipsis non posse probat. A servitute voluntaria subeunda deterret, idque à dominorum superbia & innata genti illi libertate. Comparatione & exemplis multo infirmiorum quorundam probat, libertatem eos posse à servitute & iugo hostium defendere. Romanorum vires extenuat & contemnit. Auita fortitudine propefita, eos dimittit.

QUOTIENS causas belli & necessitatem nostram intueor, magnus mihi animus est, hodiernum diem, consensumque vestrum, initium libertatis totius Britanniae fore. Nam & universi servitutis expertes: & nullae ultra terrae, ac ne mare quidem securum, imminente nobis classe Romana. Ita praelium atque arma quæ fortibus honesta, eadem etiam ignavis tutissima sunt. Priores pugnae quibus adversus Romanos varia fortuna certatum est, spem ac subsidium in nostris manibus habebant: quia nobilissimi totius Britanniae, eoque in ipsis penetralibus siti, nec servientium litora aspicientes, oculos quoque à contactu domina-

minationis inviolatos habebamus. Nos terrarum ac libertatis extremos recessus, ipse ac sinus famæ in hunc diem defendit. Nunc terminus Britanniae patet, atque omne ignotum pro magnifico est. Sed nulla jam ultra gens, nihil nisi fluctus & saxa: Et interiores Romani, quorum superbiam frustra per obsequium & modestiam effugeris: raptores orbis; postquam cuncta vastantibus defuere terræ, & mare scrutantur: Si locuples hostis est, avari: si pauper, ambitiosi; quos non oriens, non occidens satiaverit: Soli omnium opes atque inopiam pari affectu concupiscunt. auferre, trucidare, rapere falsis nominibus, imperium; Atque ubi solitudinem faciunt, pacem appellant. Liberos cuique ac propinquos suos natura carissimos esse voluit; hi per delectus alibi servituri auferuntur. Conjuges sororesque, etsi hostilem libidinem effugiant, nomine amicorum atque hospitum polluantur. Bona fortunæque, in tributum egerunt; in annonam, frumentum, corpora ipsa ac manus, silvas ac paludibus emuniendis, verbera inter ac contumelias, contemunt. Nata servituti mancipia semel veniunt, atque ultro à dominis aluntur? Britannia servitutem suam quotidie emit; quotidie pascit. Ac sicut in familia recentissimus quisque servorum & conservis ludibrio est: sic in hoc orbis terrarum vetere famulatu, novi nos & viles in excidium petimur. Neque enim arva nobis, aut metalla, aut portus sunt, quibus exercendis re-
serve-

servemur. Virtus porrò ac ferocia subjeetorum ingrata imperantibus. Et longinquitas ac secretum ipsum quo tutius, eo suspectius. Ita sublata spe veniæ, tandem sumite animum, tam quibus salus, quàm quibus gloria charissima est. Brigantes, fœmina duce, exurere coloniam, expugnare castra; ac nisi felicitas in concordiam vertisset, exuere jugum potuere: nos integri & indomiti, & libertatem non in præsentia laturi, primo statim congressu non ostendemus quos sibi Caledonia viros seposuerit? An eandem Romanis in bello virtutem, quam in pace lasciviam adesse creditis? Nostri illi dissensionibus ac discordiis clari, vitia hostium in gloriam exercitus sui vertunt: quem contractum ex diversissimis gentibus, ut secundæ res tenent, ita adversæ dissolvent, nisi si Gallos, & Germanos, & (pudet dictu) Britanno- rum plerosque dominationi alienæ sanguinem commodantes, diutius tamen hostes quàm servos, fide & affectu teneri putatis: Metus & terror est, infirma vincula charitatis, quæ ubi removeris, qui timere desierint, odisse incipient. Omnia victoriæ incitamenta pro nobis sunt: Nullæ Romanos conjuges accendunt: nulli parentes fugam exprobraturi sunt: aut nullâ plerisque patria, aut alia est: Paucos numero circum trepidos ignorantia, cœsum ipsum ac mare & silvas, ignota omnia, circumspectantes, clausos quodammodo ac vinctos alii nobis tradiderunt. Ne terreat vanus aspectus, & auri fulgor

fulgor atque argenti, quod neque tegit neque vulnerat. In ipsa hostium acie inveniemus nostras manus. Agnoscent Britanni suam causam: recordabuntur Galli priorem libertatem: deserent illos cæteri Germani, tanquam nuper Uspii reliquerunt. Nec quicquam ultra formidinis, vacua castella, senum coloniæ, inter male parentes & injuste imperantes, ægra municipia & discordantia. Hic dux, hic exercitus: ibi tributa & metalla, & cæteræ servientium pœnæ: quas in æternum proferre, aut statim ulcisci, in hoc campo est. Proinde ituri in aciem, & majoris vestros, & posteros cogitate.

O R A T I O

A G R I C O L Æ. Ibidem..

/ A R G U M E N T U M.

Ut suos cohortatione ad pugnam incenderat Galgacus, sic Iulius Agricola, dux Romanarum copiarum, metum & cunctationem omnem eripere suis cohortando collatur. De belli æquitate hoc tantum dicit fuisse aliquot ante annis commotum & gestum ab iisdem illis militibus: nunc idem redintegratum geri. Labet igitur eos parem animorum præsentiam concipere, quam superioribus præliis adversus eosdem hostes attulerint. Admonet pristina gloria, qua sit illustranda virtute, non obruenda ignavia. Reliqua est oratio in despiciendis hostibus, quorum infirmas vires ostendit: unde exacuendorum animorum facultatem sumit.

OCTAVUS annus est; commilitones, ex quo virtute & auspiciis imperii Romani, fide atque opera vestra Britanniam vicistis. Tot expeditionibus, tot præliis seu fortitudine adversus hostes, seu patientia ac labore penè adversus ipsam rerum naturam opus fuit: neque me militum, neque vos ducis pœnituit. Ergo egressi, ego veterum legatorum, vos priorum
exer-

exercituum terminos, finem Britanniae non fama nec rumore, sed castris & armis tenemus. Inventa Britannia, & subacta. Equidem in agmine, quum vos paludes montes & flumina fatigarent, fortissimi cujusque vocem audiebam, Quando dabitur hostis? Quando acies? Veniant à latebris suis extrusi. Et vota virtusque in aperto, omniaque prona victoribus, atque eadem victis adversa. Nam ut superasse tantum itineris, silvas evasisse, transisse aestuaria, pulchrum ac decorum in frontem; ita fugientibus periculosissima quæ hodie prosperissima sunt. Neque enim nobis aut locorum eadem notitia, aut commeatum eadem abundantia, sed manus, & arma, & in his omnia. Quod ad me attinet, jampridem mihi decretum est, neque exercitus neque ducis terga tuta esse. Proinde & honesta mors turpi vita potior; & incolumitas ac decus eodem loco sita sunt. Nec inglorium fuerit, in ipso terrarum ac naturæ fine recidisse. Si novæ gentes atque ignota acies constitissent, aliorum exercituum exemplis vos hortarer, nunc vestra decora recensete, vestros oculos interrogate. Ii sunt quos proximo anno unam legionem furto noctis aggressos, clamore debellastis: ii cæterorum Britannorum fugacissimi, ideoque tamdiu superstites. Quomodo silvas saltusque penetrantibus, fortissimum quodq; animal robore, pavida & inertia ipso agminis sono pelluntur: sic acerrimi Britannorum jampridem ceciderunt,

runt, reliquus est numerus ignavorum & metuentium. Quosquos tandem invenistis, non restiterunt, sed deprehensi sunt novissimi, ideo extremo metu corpora defixere in his vestigiis, in quibus pulchram & spectabilem victoriam ederetis. Transigite cum expeditionibus, imponite quinquaginta annis magnum diem. Approbate Reipub. nunquam exercitui imputari potuisse, aut moras belli, aut causas rebellandi.

O R A T I O N E S

Ex Q. CURTIO collectæ.

ORATIO CHARIDEMI.

Ex libro III.

Charidemus Atheniensis, exulans apud Darium Persarum Regem, contracto ab eo numerofo exercitu adversus Alexandrum Macedonum regem, sententiam de apparatu universo rogatus, liberius quam felicius respondet, sibi exercitum illum, etsi numero superiorem, tamen virtute longe inferiorem videri.

MERUM, inquit, & tu forsân audire nolis, & ego, nisi nunc dixero, aliàs nequaquam confitebor. Hic tanti apparatus exercitus, hæc tot gentium & totius orientis excita sedibus suis moles, finitimis potest esse terribilis: Nitet purpura, aurumque fulget armis & opulentia, quantam qui oculis non subjecerint, animis concipere non possunt. Sed Macedonum acies torvasanè & inculta, clypeis hastisque immobiles cuneos, & conserta robora virorum

. teget.

teget. Ipsi phalangen vocant peditum stabile agmen. Vir viro, armis arma conferta sunt: ad nutum momentis intenti, sequi signa, ordines servare didicere. Quod imperatur, omnes exaudiunt: obistere, circuire, discurrere in cornu, mutare pugnam, non duces magis quam milites callent. Et ne auri argentique studio teneri putes, adhuc illa disciplina paupertate magistra stetit. Fatigatis humus cubile est: cibus, quem occupant, satiat. tempora somni arctiora quàm noctis sunt. Jam Thessali equites, & Acarnanes Ætolique, invicta bello manus, fundis, credo, & hastis igne duratis, repellentur. Pari robore opus est. In illa terra, quæ hos genuit, auxilia quærenda sunt. Argentum istud atque aurum, ad conducendum militem mitte.

O R A T I O

LEGATORUM DARIÏ, ad Alexandrum.

Ex lib. iv.

A R G U M E N T U M.

Darius, & armis jam diuobus præliis ab Alexandro victus, & admiratione virtutis commotus, nuntiata illius humanitate, & lenitate erga captivas mulieres, imprimis vero erga uxorem, cui illo mortue non secus quæ conjugi illacrymarat. Legatos ad eum de pace mittit, qui æquis conditionibus, si ad eam adduci possit, eum eo transigant. Is ad eum quum venissent, ad exponendam legationem hac oratione sunt usi, quæ eum, & blande prolixeque pollicendo, & graviter commonefaciendo, ad pacem flectere sunt conati.

DARIUM, inquit, ut pacem à te jam hoc tertio peteret, nullâ vis subegit; sed justitia & continentia tua expressit. Matrem, conjugem, liberosque ejus, nisi quod sine illo sunt; captos

captos esse non sensit. Pudicitia earum, quæ
superfunt, curam, haud secus quàm parens a-
gens, reginas appellas. speciem pristinae fortunæ
retinere pateris. Vultum tuum video, qualis
Darii fuit quum dimitteremur ab eo: & ille ta-
men uxorem, tu hostem luges. Jam in acie sta-
res, nisi cura te sepulturæ ejus moraretur. Ec-
quid mirum est, si tam ab amico animo pacem
petit? Quid opus est armis, inter quos odia
sublata sunt? Antea imperio tuo finem desti-
nabat Halym amnem, qui Lydiam terminat.
Nunc, quicquid inter Hellespontum & Eu-
phratem est, in dotem filiaæ offert, quam tibi
trahit. Ochum filium, quem habes, pacis &
fidei obsidem retine. Matrem, & duas virgines
filias redde. Pro tribus corporibus xxx. millia
talentum auri precatur, accipias. Nisi modera-
tionem animi tui notam haberem, non dice-
rem hoc esse tempus, quo pacem non dare so-
lum, sed etiam occupare deberes. Respice,
quantum post te reliqueris, intueri quantum
petas. Periculosum est prægrave imperium:
difficile est continere quod capere non possis.
Videsne ut navigia quæ modum excedunt, re-
gi nequeant? Nescio an Darius ideo tam multa
amiserit, quia nimia opes magnæ jacturæ lo-
cum faciunt. Facilius est quædam vincere,
quàm tueri. Quàm, hercule, expeditius manus
nostræ rapiunt, quàm continent! Ipsa mors
uxoris Darii te admonere potest, minus jam
misericordiæ tuæ licere, quam licuit.

O R A -

O R A T I O

PARMENIONIS AD ALEXANDRUM.

Ex eodem libro.

A R G U M E N T U M.

Parmenio magna apud regem gratia constitutus, adhibitus ad regis de liberationem, de legatorum Darii postulatione sententiam dicit, qua Alexandro author est, ut ad eas pacis conditiones, quas ferebat Darius descendat: pacem bello anteponat: & malit certa præmia à Dario accipere, quam bello majora, ac minus certa querere.

ANT E suavissem, ait, ut captivos apud Damascum redimentibus redderes; Ingentem pecuniam potuisse redigi ex iis, qui multi vincti virorum fortium occupaverant manus. Et nunc magno pere censerem, ut unam anum, & duas puellas, itinerum agminumque impedimenta, triginta millibus talentis auri permutes. Opimum regnum occupari posse conditione, non bello: nec quemquā aliis inter Istrum & Euphratem possedisse terras, ingenti spatio intervalloque discretas. Macedoniam quoque respiceret potius, quàm Bactra & Indos intueretur.

O R A T I O

ALEXANDRI AD LEGATOS DARI.

Ex eodem libro.

A R G U M E N T U M.

Refutato Parmenione. respondet legatis Darii Alexander, qui pacis præmia, si pace uti vellet, obtulerant. Ea Alexander omnia & pacis conditiones repudiat duabus de causis: quod Darii insidiis appetitus sit, & quod sua jam, & à se occupata, sibi offerantur. Se ita ab armis discessurum dicit, si ille se suæque omnia ætatis arbitrio dedat.

NUNTIA TE Dario gratiarum actionem apud hostem supervacaneam esse. & me, quæ fecerim clementer & liberaliter, non amicitie ejus tribuisse, sed naturæ meæ: nec adversus calamitates, sed adversus hostium vires

R

conten-

contendere. Bellum cum captivis & fœminis gerere non soleo ; armatus sit oportet , quem oderim. Quod si saltem pacem bona fide peteret , deliberarem forsitan an darem. Verum enimvero , cum modò milites meos literis ad proditionem , modò amicos ad perniciem meam pecunia sollicitet , ad internecionem mihi persequendus est , non ut justus hostis , sed ut percussor veneficus. Conditiones vero pacis quas fertis , si accepero , victorem eum faciunt. Quæ post Euphratē sunt , liberaliter donat. Ubi igitur me affamini ? nempe obiliti estis. Nam ultra Euphratem sum. Summum ergo dotis , quam promittit , terminum castra mea transeunt. Hinc me depellite , ut sciam vestrum esse quod ceditis. Eadem liberalitate dat mihi filiam suam , nempe quam scio alicui servorum ejus nupturam. Multum verò mihi præstat , si me Mazæo generum præponit. Ite , nuntiate regi vestro , & quæ amisit , & quæ adhuc habet , præmia esse belli. Hoc repente utriusque terminos regni , ad quemque habiturum , quod proximæ lucis assignatura fortuna est ; & me in Asiam non venisse , ut ab aliis acciperem , sed ut aliis darem. Si secundus , & non par mihi vellet haberi , facerem forsitan quæ petit. Caterum nec mundus duobus solibus potest regi , nec duo summa regna salvo statu terrarum potest habere. Proinde aut deditionem hodie , aut in crastinum bellum paret : nec aliam sibi , quàm expertus est , polliceatur fortunam.

O R A -

O R A T I O

DARII AD MILITES. Ex eodem libro.

A R G U M E N T U M.

Dimicaturus acie jam tertium adversus Macedonas Darius, suos ad prælum præsentî animo capeffendum hortatur, propeffis iis qua in deliberando graviffima sunt, salutis conjugum, liberorum, libertatis defensione: de quibus omnibus aut amittendis aut recuperandis hoc prælio decernant. Clades acceptas commemorat, quo illis res redierit ostendit. Et ne superiorum cladum recordatio debilitet animos, extenuat ac despiciat virtutem, res gestas, vires Alexandrî. Denique mixtis cohortatione precibus eos animat.

TERRARUM, inquit, quas Oceanus hinc alluit, illinc claudit Hellespontus, paulo antè domini; jam non de gloria, sed de salute, & quod saluti præponitis, de libertate pugnandum est. Hic dies imperium, quo nullum amplius vidit ætas, aut constituet aut finiet. Apud Granicum minima virium parte cum hoste certavimus. In Cilicia victos Syria poterat excipere. Magna munimenta regni Tigris atque Euphrates erant. Ventum est eo, unde pulsus ne fugæ quidem locus est. Omnia tam diutino bello exhausta post tergum sunt. Non incolas suos urbes, non cultores habent terræ. Conjuges quoque & liberi sequuntur hanc aciem, parata hostibus præda, nisi pro carissimis pignoribus corpora opponitis. Quod mearum fuit partium, exercitum, quem penè immensa planities vix caperet, comparavi. equos, arma distribui. commeatus, ne tantæ multitudini deessent, providi. locum, in quo acies explicari posset, elegi. Cætera in ve-

fra potestate sunt : audete modò vincere , famanque , (infirmissimum adversus fortes viros telum) contemnite. Temeritas est quam adhuc pro virtute timuistis : quæ ubi primum impetum effudit , velut quædam animalia amisso aculeo , torpēt. Hi verò campi deprehendere paucitatem , quam Ciliciæ montes absconderant. Videtis ordines raros , cornua extenta , mediam aciem vanam & exhaustam. Nam ultimi , quos locavit aversos , terga jam præbent. Obteri mehercule equorum ungulis possunt , etiam si nil præter falcatos currus emisero. & bello vicerimus , si vincimus prælio. Nam ne illis quidem ad fugam locus est. Hinc Euphrates , illinc Tigris prohibet inclusos : & quæ antea pro illis erant , in contrarium conversa sunt. Nostrum mobile & expeditum agmen est , illud præda grave. Implicatos ergo spoliis nostris trucidabimus : eademque res & causa victoriæ erit , & fructus. Quòd si quem è vobis nomen gentis movet , cogitet Macedonum illic arma esse , non corpora. Multum enim sanguinis invicem hausimus , & semper gravior in paucitate jactura est. Nam Alexander quantuscunque ignavis & timidus videri potest , unum animal est , & , si quid mihi creditis , temerarium & vecors ; adhuc nostro pavore , quàm sua virtute felicius. Nihil autem potest esse diuturnum , cui non subest ratio. Licet felicitas adspirare videatur , tamen ad ultimum temeritati non sufficit. Præterea
breves

breves & mutabiles vices rerum sunt, & fortuna nunquam simpliciter indulget. Forsitan ita Deorum fata ordinaverunt, ut Persarum imperium, quod secundo cursu per c c x x x. annos ad summum fastigium evexerant, magno motu concurrerent magis, quàm affligerent, admonerentque nos fragilitatis humanæ, cujus nimia in prosperis rebus oblivio est. Modò Græcis ultrò bellum inferebamus: nunc in sedibus nostris propulsamus illatum. Jactamur invicem varietate fortunæ. Videlicet imperium, quia mutuò affectamus, una gens non capit. Cæterum etiamsi spes non subesset, necessitas tamen stimulare deberet. Ad extrema perventum est. Matrem meam, duas filias, Ochum in spem hujus imperii genitum, illos principes, illam sobolem regiæ stirpis, duces vestros, regum instar victos habet: nisi, quod in vobis est, ipse ego majore parte captivus sum. Eripite viscera mea ex vinculis, restituite mihi pignora, pro quibus ipse mori non recuso. Parentem, liberos (nam conjugem in illo carcere amisi) credite nunc omnes, extendere ad vos manus, implorare patrios Deos, opem vestram, misericordiam, fidem exposcere, ut servitute, ut compedibus, ut precario victu ipsos liberetis. An creditis æquo animo iis servire, quorum reges esse fastidiunt? Video admoveri hostium aciem: sed quo propius discrimen accedo, hoc minus iis quæ dixi, possum esse contentus. Precor vos

per Deos patrios, æternumque ignem, qui præfertur altaribus, fulgoremque solis intra fines regni mei Orientis, per æternam memoriam Cyri, qui ademptum Medis Lydisque imperium primus in Persidem intulit, vindicate ab ultimo dedecore nomen gentemque Persarum. Ite alacres & spe pleni; ut quam gloriam accepistis à majoribus vestris, posteris relinquatis. In dextris vestris jam libertatem, opem, spem futuri temporis geritis. Effugit mortem, quisquis contempserit: timidissimum quemque consequitur. Ipse non patrio more solum, sed etiam, ut conspici possim, curru vehor. Nec recusato, quo minus imitemini me, siue fortitudinis exemplum, siue ignaviæ fuero.

O R A T I O

EUCTEMONIS CYNÆI. Ex libro v.

A R G U M E N T U M.

Græci captivi ad quater mille, quum crudelissimè essent à Persis accepti, & facta corporum laceratione deturbati, se in Alexandri fidem qui tum eas partes vincendo peragrabat, contulerunt, dubii tamen quid potissimum ab eo contenderent. Qua de re quum anceps esset consilium, aut in iis locis consistendi, aut patriæ repetenda, dictæ sunt in utramque partem sententiæ. Euctemoni huic placet, in iis regionibus habitandæ domicilium ab Alexandro postulare, tum quia imbecillitas corporum; ostentationem viæ ferre non posset, tum quia ita deformati ne honeste quidem in suorum conspectum prodire possent.

NOs, qui modo ad opem petendam ex tenebris & carcere procedere erubuimus, ut nunc simplicitas nostra est, supplicia quorum nos pudeat magis, an poeniteat, incertum est, ostentare Græciæ velut lætum spectaculum cupi-

cupimus. At ii optimè misérias ferunt, qui abscondunt: nec ulla est tam familiaris infelicibus patria, quàm solitudo, & status prioris oblivio. Nam qui multum in suorum misericordia ponunt, ignorant quàm celeriter lacrymæ inarescant. Nemo fideliter diligit, quem fastidit: nam & calamitas querula est, & superba felicitas. Ita suam quisque fortunam in consilio habet, cum de aliena deliberat: & nisi mutuò essemus miseri, olim alius alii potuissemus esse fastidio. Quid mirum est, fortunatos semper parem quærere? Obsecro vos, olim vita defuncti, quæramus locum, in quo hæc semesa membra obruamus, ubi horribiles cicatrices celet exilium. Ingrati prorsus conjugibus, quas juvenes duximus, revertemur. Liberi in flore & ætatis & rerum, & fratres, agnoscent ergastuli detrimenta: Et quota pars nostri tot obire terras potest? Procul Europa in ultima Orientis relegati, senes, debiles, majore membrorum parte mutilati, tolerabimus scilicet quæ armatos & victores fatigaverunt? Conjuges deinde, quas capitis fors & necessitas unicum solatium applicuit, parvosque liberos, trahimus nobiscum, an relinquimus? Cum his venientes nemo agnoscere volet. Relinquemus ergo extemplo præsentium pignora, cum incertum sit, an visuri simus ea quæ petimus? Inter hos latendum est, qui nos miseros nosse cœperunt.

ARGUMENTUM.

Utro citroque, ut diximus, res est inter Græcos agitata, manerent, an patriam reuiderent. Contraria sententia illi superiori auctor est Theatus Atheniensis. Professionem enim suadet posthabita deformitatis illius verecundia, itineris uero laboribus præ desiderio patriæ neglectis, & locorum in quibus essent, feritate proposita. Quamvis autem hæc oratio obliqua sit, quia tamen est ἀλλοτρίη respondens uidelicet superiori, non uisa est prætereunda.

NEMINEM pium habitu corporis suos aestimaturum, utique seruitia hostis, non natura calamitosos. Dignum esse omni malo, qui erubesceret fortunæ: tristem enim de mortalitate ferre sententiam, & desperare misericordiam, quia ipse alteri denegaturus sit. Deos (quod ipsi nunquam ausi optare forent) offerre patriam, conjuges, liberos, & quicquid homines vel uita aestimant, vel morte redimunt, quin illi ex hoc carcere erumperent. Alium domi esse cœli hâustum, alium lucis aspectum, mores, sacra, linguæ commercium etiam à barbaris expeti, quæ ingentia ipsi omissuri sint sua sponte, non ob aliud tam calamitosi, quàm quod illis carere coacti essent. Se certè rediturum ad penates, & in patriam, tantoque beneficio regis usurum. Si quos contuberni, liberorumque, quos seruitus cōgisset agnoscere, amor detineret, relinquerent, quibus nil patria charius est.

ORATIO

D A R I I. Ex eodem libro.

ARGUMENTUM.

Darius quum jam ter aduerso Marte pugnaasset, exiguas habere tantarum clauium reliquias, sed ne satis quidem eas explorata fidei,

fidei, taderetque cum diuturna fuga, quod in summa rerum desperatione fieri assolet, statuit postremo praelio de rerum summa decernere. Verum quia id non ante poterat, quàm suorum animos partim tentasset, partim confirmasset, hac oratione est usus; quæ labantes aliorum animos, retinere & conciliare, aliorum ægros consolari, omnium infirmos corroborare conatur. Suallet igitur ut tot calamitates uno vel secundo vel ulverso praelio finiant. Sibi quidem certum esse ostendit hoc uno certamine aut emori aut elod. s acceptas sarcire.

SI me cum ignavis, inquit, & pluris qualem-
cunque vitam morte honesta æstimantibus
fortuna junxisset, tacerem potius, quam fru-
stra verba consumerem. sed majore quam vel-
lem documento, & virtutem vestram & fidem
expertus, magis etiam conniti debeo, ut di-
gnus talibus amicis sim, quam dubitare an ve-
stri similes adhuc sitis. Ex tot millibus, quæ sub
imperio fuerunt meo, bis me victum, bis fu-
gentem persequuti estis. Fides vestra & con-
stantia, ut regem me esse credam, facit. Prodi-
tores & transfugæ in urbibus meis regnant, non
hercule qui tanto honore digni habeantur, sed
ut præmiis eorum vestri sollicitentur animi.
Meam tamen fortunam quàm victoris malui-
stis sequi: dignissimi, quibus, si ego non
possim, Dii pro me gratiam referant; & me-
hercule referent. Nulla erit tam surda posteri-
tas, nulla tam ingrata fama, quæ non in cælum
vos debitis laudibus ferat. Itaque, etiamsi con-
siliium fugæ, à qua multum abhorret animus,
agitalsem, vestra tamen virtute fretus, obviam
issem hosti. Quousque enim in regno exula-
bo, & per fines imperii mei fugiam exter-
num & advenam regem, cum liceat experto

R 5 bellis

belli fortunam aut reparare quæ amissi, aut honesta morte defungi? Nisi fortè satius est expectare victoris arbitrium, & Mazæi, & Mithrenis exemplo, precarium accipere regnum nationis unius, ut jam malit ille gloriæ suæ, quam iræ obsequi. Nec Dii siverint, ut hoc decus mei capitis, aut demere mihi quisquam, aut condonare possit, nec hoc imperium vivus amittam. Idemque erit regni mei, qui & spiritus finis. Si hic animus, si hæc lex, nulli non parta libertas est: nemo è vobis fastidium Macedonum, nemo vultum superbum ferre cogetur. Sua cuique dextra aut ultionem tot malorum pariet, aut finem. Equidem quam versatilis fortuna sit, documentum ipse sum. Nec immeritò mitiores vices ejus expecto. Sed si justa ac pia bella Dii averfantur, fortibus tamen viris licebit honeste mori. Per ego vos decora majorum, qui totius Orientis regna cū memorabili laude tenuerunt, per illos viros quibus stipendium Macedonia quondam tulit, per tot navium classes in Græciam missas, per tot trophæa regum, oro & obtestor, ut nobilitate vestra gentisq; dignos spiritus capiatis, ut eadem constantia animorum, qua præterita tolerastis, experiamini quidquid deinde fors tulerit. Me certè in perpetuum, aut victoria egregia nobilitabit, aut pugna.

O R A T I O

N A B A R Z A N I S. Ex eodem libro.

A R G U M E N T U M.

Darii orationi qua se in aciem descendere velle dixit, ab uno Nabarzane, qui inter purpuratos erat, reclamatum est. Is enim, ut qui primum

primum regem in vinculis habere, deinde imperii reliquias invadere cum particepe ejusilem sceleris Besso moliretur, hoc autem dimicatione conatus suos averit videret, regem ab eo conflictu deterere voluit. Autor igitur est Dario perfidiosus suavor ut tantisper se imperio abdicet, dum alter susceptis gubernaculis feliciter rem gerat, & inclinatam restituat. Caterum ad Bessum, conscius sceleris satrapen, sua sententia summam rerum defert.

SCIO me, inquit, sententiam esse dicturum
 prima specie haudquaquam auribus tuis gratam. sed medici quoque graviores morbos asperis remediis curant: & gubernator, ubi naufragium timet, jactura, quidquid servari potest, redimit. Ego tamen, non ut damnum quidem facias, suadeo; sed ut te, ac regnum tuum, salubri ratione conserves. Diis adversis bellum iniimus, & pertinax fortuna Persas urgere non desinit. Novis initiis & hominibus opus est. Auspiciū & imperium alii trade interim, qui tam diu rex appelletur, donec Asia decedat hostis. Victor deinde regnum tibi reddat: hoc autem brevi futurum ratio promittit. Bactra intacta sunt. Indi & Sagæ in tua potestate: tot populi, tot exercitus, tot equitum peditumque millia ad renovandum bellum vires paratas habent, ut major belli moles supersit, quàm exhausta sit. Quid ruimus belluarum ritu in perniciem non necessariam? Fortium virorum est, magis mortem contemnere, quàm odisse vitam. Sæpe tædio laboris ad vilitatem sui compelluntur ignavi: at virtus nihil inexpertum omittit. Itaque ultimum omnium mors est, ad quam non pigrè ire satis est. Proinde si Bactra, quod tutissimum receptaculum est, petimus, præfectum regionis

ejus Bellum, regem temporis gratia statuamus.
Compositis rebus justo regi tibi fiduciarum re-
stituet imperium.

O R A T I O

A L E X A N D R I Ex libro vi.

A R G U M E N T U M.

*Inclinatis jam animis multitudinis ad requietem laboriosâ militiâ op-
tandam, accesserat sparsus sine autore quidem, sed ex diuturnio-
rum stativorum occasione excitatus missionis rumor. Qui etsi te-
mere percrebuerat, tamen tanta fuerat omnium aviditate acceptus,
ut jam totis castris à gregariis militibus reditus compararetur.
Quæ res non mediocriter Alexandrum vix ea ingressum quæ ani-
mo & spæ præceperat, perculit. Itaque proceribus per errorem
incusatis, illis ipsis autoribus vulgus ab ea errore & cupiditate
deducere hac oratione statuit. Quæ leniter objurgat milites quod
immaturum suarum victoriarum fructum velint percipere. Duas
exponit consilii sui causas, cur nondum inceptis desistat. Neque
quæ parta sint, retineri posse, nisi subactis hostibus qui supersint:
& his domitis, multo uberiores victoriæ fructus ostendi, & sese of-
ferre. Hæc nisi pacata teneri non posse: pacata vero secum multo
his plura esse allatura. Eos præterea ad persequendas de percussio-
ribus Darii penas impellit.*

MAGNITUDINEM rerum, quas gessi-
mus, milites, intuentibus vobis, minimè
mirum est, & desiderium quietis, & satietatem
gloriæ occurrere; ut omittam Illyrios, Tribali-
los, Bœotiam, Thraciam, Spartam, Achæos,
Peloponnesum, quorum alia ductu meo, alia
império auspicioq; perdomui. Ecce orsi bellum
ad Hellespontum, Jonas, Æolidem servitio Bar-
bariæ impotentis exemimus. Cariam, Lydiam,
Cappadociam, Phrygiam, Paphlagoniam, Paim-
phyliam, Pisides, Ciliciam, Syriam, Phœnicem,
Armeniam, Persidem, Medos, Parthienem habe-
mus in potestate. Plures provincias complexus
sum, quàm alii urbes ceperunt. & nescio an
cnume-

numeranti mihi quasdam ipsarum rerum multitudo subduxerit. Itaque, si crederem satis certam esse possessionem terrarum quas tanta velocitate domuimus, ego verò, milites, ad penates meos, ad parentem sororesque & cæteros ciues, vel renitentibus vobis erumperem, ut ibi potissimum parta vobiscum laude & gloria fruerer, ubi nos uberrima victoriæ præmia expectant, liberorum, conjugum, parentumque lætitia, pax, quies: rerum, per virtutem partarum, secura possessio. Sed in novo, & (si verum fateri volumus) precario imperio, adhuc jugum ejus rigida cervice subeuntibus barbaris, tempore, milite opus est, dum mitioribus ingeniis imbuuntur; & effertos mollior consuetudo permulcet. Fruges quoque maturitatem statuto tempore expectant. adeo etiam illa sensus omnis expertia, tamen sua lege mitescunt. Quid? creditis, tot gentes alterius imperio ac nomine assuetas, non facris, non moribus, non commercio linguæ nobiscum cohærentes, eodem prælio donatas esse, quo victæ sunt? Vestris armis continentur, non suis moribus: & qui præsentem metuunt, in absentia hostes erunt. Cum feris bestiis res est, quas captas sed inclusas, quia ipsarum natura non potest, longior dies mitigat. Et adhuc sic ago, tanquam omnia subacta sint armis, quæ fuerunt in ditione Darii. Hyrcaniam Nabarzanes occupavit. Bactra non possidet solum parricida Bassus; sed etiam minatur. Sogdiani, Dahæ, Massagetæ, Sacæ, Indi, sui juris sunt.

Omnes

Omnes hi simul, si terga nostra viderint, sequentur. Illi enim ejusdem nationis sunt, nos alienigenæ & externi. Suis autem quique parent placidius, etiam cum is præest, qui magis timeri potest. Proinde aut quæ cœpimus, omittenda sunt, aut quæ non habemus, occupanda. Sicut in corporibus ægris, milites, nihil quod nociturum est, medici relinquunt; sic nos, quicquid obstat imperio, recidamus. Parva sæpe scintilla contempta, magnum excitavit incendium. Nil tutò in hoste despicitur: quem si spreveris, valentiorum negligentia facias. Ne Darius quidem hæreditarium Persarum accepit imperium, sed in sedem Cyri beneficio Bagohæ castrati hominis admissus: ne vos magno labore credatis Bessum vacuum regnum occupaturum. Nos vero peccavimus, milites, si Darium ob hoc vicimus, ut servo ejus traderemus imperium: qui ultimum ausus scelus, regem suum, etiam externæ opis egentem, certe cui nos victores pepercissimus, quasi captivum in vinculis habuit: ad ultimum, ne à nobis conservari posset, occidit. Hinc vos regnare patiemini? quem equidem cruci affixum videre festino, omnibus regibus gentibusque fidei, quam violavit, meritis pœnas solventem. At hercule, si mox eundem Græcorum urbes, aut Hellepontum vastare nuntiatum erit vobis, quo dolore afficiemini, Bessum præmia vestræ occupasse victoriæ? Tunc ad repetendas res festinabitis: tunc arma capietis. Quanto autem præ-

præstaret territum adhuc, & vix mentis suæ compotem, opprimere? Quatridui nobis iter superest, qui tot proculcavimus nives, tot amnes superavimus, tot montium juga transcurrimus: non mare illud, quod exæstuans iter fluctibus occupat, euntes nos moratur: non Ciciiliæ fauces, & angustiae includunt. plana omnia & pro-na sunt. In ipso limine victoriæ stamus. Pauci nobis fugitivi, & domini sui interfectores supersunt. Egregium mehercule opus, & inter præmia gloriæ vestræ numerandum, posteritati famæque tradetis: Darii quoque hostes, finito post mortem ejus odio, parricidas esse vos ultos: neminem impium effugisse manus vestras. Hoc perpetrato, quanto creditis Persas obsequentiores fore, cum intellexerint, vos pia bella suscipere, & Bessi sceleri, non nomini suo irasci?

O R A T I O

C R A T E R I. Ex eodem libro.

A R G U M E N T U M.

Macedones aliquot inierant regis sui de medio tollendi consilium. Sed re per indices patefacta, comprehensi sunt, & oppressa conjuratio. Verum quia erant in ea conjuratione aliquot clari & nobiles, noluit Alexander quicquam in eos nisi ex amicorum sententia statuere. Ad eos igitur convocatos rem detulit. Ex quibus Cræterus, in paucis regi charus sententiam rogatus, censuit more majorum in eos esse animadvertendum. Nec quia illustres essent, idcirco dignitati potius eorum quam capiti regis esse parcendum. Magnitudinem periculi proponit, & audociam parricidarum, quæ licentia contagione serpet longius nisi in his cohibeatur.

VT IN A M, inquit, in principio quoque hujus rei nobiscum deliberasses. Suasissimus, si Philotæ velles ignoscere, paterere potius
igno-

ignorare eum, quantum deberet tibi, quam usque ad mortis metum adductum, cogeres potius de periculo suo, quàm de tuo cogitare beneficio. Ille enim semper insidiari tibi poterit: tu non semper Philotæ poteris ignoscere. Nec est quòd existimes eum, qui tantum facinus ausus est, venia posse mutari. Scit eos, qui misericordiam consumpserunt, amplius sperare non posse. At ego, etiamsi ipse, vel poenitentia, vel beneficio tuo victus, quiescere velit, patrem ejus Parmenionem, tanti ducem exercitus, & inveterata apud milites tuos autoritate haud multum infra magnitudinis tuæ fastigium positum, scio non æquo animo salutem filii sui debiturum tibi. Quædam beneficia ordimus. Meruisse mortem, confiteri pudet. Superest, ut malit videri injuriam accepisse, quàm vitam. Proinde scio, tibi cum illis de salute esse pugnandum. Satis hostium superest, ad quos persequendos ituri sumus. Latus à domesticis hostibus muni. Hos si submoveas, nihil metuo ab externo. *Hæc Craterus. Nec ceteri dubitabant, quin conjurationis indicium suppressurus non fuisset, nisi autor, aut particeps. Quem enim* pi-
pium, & bonæ mentis, non amicum modo, sed ex ultima plebe, auditis quæ ad eum delata erant, non protinus ad regem fuisse cursurum? nec Ceballini quidem exemplo, qui ex fratre comperta ipsi nuntiaffet, Parmenionis filium, præfectum equitatus, omnium arcanorum regis arbitrum simulasse, etiam non vacasse ser-
moni

moni suo regem, ne index alium internuntium quæreretur. Nicomachum religione quoque Deum adstrictum, conscientiam suam exonerare properasse. Philotam consumpto per ludum jocumque penè toto die gravatum esse, pauca verba ad caput regis pertinentia, tam longo & forsitan supervacuo inserere sermoni. At enim si non credidisset talia deferentibus pueris, cur igitur extraxisset biduum, tanquam indicio haberet fidem? Dimittendum fuisse Ceballinum, si dilatione ejus damnabat. In suo quemcunque periculo magnum animum habere, cum de salute regis timeretur, credulos esse debere: vana quoque deferenteis admittere. *Omnes igitur questionem de eo, ut participes sceleris indicare cogeretur, habendam esse decernunt.*

O R A T I O

A L E X A N D R I. Ex eodem libro.

A R G U M E N T U M.

Alexander ex amicorum sententia compertum scelus intestinum, quo penè oppressus fuerat, ad concionem defert, tum ut secunda multitudinis voluntate questio in conjuratos exerceatur, tum etiam quia illustres sunt: ut illis apud exercitum invidiam conflet, à se vero avertas si in eos acerbè animadverteret. Hæc igitur oratio primum querelam habet indignissimi facinoris comparati à reis conjurationis. Post invehitur præcipue in eum qui sibi patefactum scelus silentio texerat & foverat: eumque ejusdem insinuat criminis.

PENE, inquit, milites, paucorum hominum scelere vobis ereptus sum Deum providentia & misericordia vivo: conspectusque vester venerabilis coëgit, ut vehementius paricidis irascerer: quoniam spiritus, imò unius vitæ meæ fructus est, tot fortissimis viris & de
me

me optimè meritis referre adhuc gratiam posse. *Interrupit orationem militum gemitus, oboriturque sunt omnibus lacryma. Tum rex: Quanto, inquit, majorem in animis vestris motum excitabo, cum tanti sceleris autores ostendero, quorum mentionem adhuc reformido, & tanquam salvi esse possint, nominibus abstinco? Sed vincenda est memoria pristinae charitatis, & conjuratio impiorum civium detegenda, Quomodo autem tantum nefas sileam? Parmenio, illa ætate, tot meis, tot parentis mei meritis devinctus, omnium nobis amicorum vetustissimus, ducem tanto sceleri se præbuit. Minister ejus Philotas, Leucolaum, & Demetrium, & hunc Dymnum, cujus corpus aspicitis, cæterosq; ejusdem amentiae comites in caput meum subornavit. Fremitus undique indignantium querentiumque tota concione obstrepebat, qualis solet esse multitudinis, & maxime militaris, ubi aut studio agitur, aut ira. Nicomachus deinde, & Metron, & Ceballinus producti, quæ quisque detulerat, exponunt: Nullius eorum indicio Philotas in participes sceleris destinabatur. Itaq; indignatione pressa, nox indicium silentio excepta est. Tum rex: Qualis, inquit, ergo animi vobis videtur, qui hujus rei delatum indicium id ipsum suppressit? quod non fuisse vanum, Dymni exitus declarat. Incertam rem deferens, tormenta non timuit. Ceballinus ne momentum quidem temporis distulit exonerare se, ut eò, ubi lavabar, irrumperet. Philotas solus nihil timuit, nihil credit.*

dit. O magni animi virum ! Iste regis periculo cum moneretur, vultum non mutaret ? Indicem tantæ rei sollicitus non audiret ? Subest nimirum silentio facinus , & avida spes regni præcipitem animum ad ultimum nefas impulit. Pater Mediæ præest : ipse apud multos copiarum duces meis præpotens viribus , majora , quàm capit , sperat. Orbitas quoque mea, quòd sine liberis sum, spernitur. Sed errat Philotas : In vobis liberos, parentes, consanguineos habeo: vobis salvis orbus esse non possum. *Epistolam deinde Parmenionis interceptam , quam ad filios Nicanorem & Philotam scripserat , recitat , haud sane indicium gravioris consilii præferentem. Namque summa ejus hæc erat. Primum vestri curam agite , deinde vestrorum : sic enim quæ destinavimus , efficiemus. Adjecitque rex. Sic esse scriptam , ut , sive ad filios pervenisset , à consiliis posset intelligi ; sive intercepta esset, falleret ignaros.* At enim Dymnus , cum cæteros participes sceleris indicaret, Philotam non nominavit. Hoc quidem illius non innocentiae , sed potentiae indicium est , quòd sic ab iis timetur etiam à quibus pròdi potest, ut cum de se fateantur , illum tamen celent. Cæterum Philotam ipsius indicat vita. Hic Amyntæ , qui mihi consobrinus fuit , & in Macedonia capiti meo impias comparavit insidias , socium se & consocium , adjunxit. Hic Attalo , quo graviozem inimicum non habui , sororem suam in matrimonium dedit. Hic , cum scripsissem ei pro
jure

jure tam familiaris usus atque amicitiae, qualis fors edita esset Jovis Ammonis oraculo; sustinuit rescribere mihi, se quidem gratulari, quod in numerum Deorum receptus essem: cæterum misereri eorum, quibus vivendum esset sub eo, qui modum hominis excederet. Hæc sunt etiam animi, pridem alienati à me, & invidentis gloriæ meæ, indicia: quæ quidem, milites, quamdiu licuit, in animo meo pressæ. Videbar enim mihi partem viscerum meorum abrumperé, si, in quos tam magna contuleram, viliores mihi facerem. Sed jam non verba puniendæ sunt, linguæ temeritas pervenit ad gladios. Hos (si mihi creditis) Philotas in me acuit. si ipsum dimisero, quo me conferam, milites? cui caput meum credam? Equitatu, optimæ exercitus parti, principibus nobilissimæ juventutis unum præfeci; salutem, spem, victoriam meam, fidei ejus tutelæque commisi; patrem in idem fastigium, in quo me ipsi posuistis, admovi. Mediam, qua nulla opulentior regio est, tot civium sociorumque millia, imperio ejus ditionique subjeci. Unde præsidium petieram, periculum existit. Quàm feliciter in acie occidissem, potius hostis præda, quàm civis victima? Nunc servatus ex periculis, quæ sola timui, in hæc incidi, quæ timere non debui. Soletis identidem à me, milites, petere, ut salutem meam parcam. Ipsi mihi præstare potestis, quod suadetis ut faciã. Ad vestras manus, ad vestra arma confugio: invitis vobis salvus esse nolo: volentibus, non possum, nisi vindicor.

ORA-

O R A T I O

P H I L O T Æ. Ex eodem libro.

A R G U M E N T U M.

*Philotas erat clarissimi Macedonis Parmenionis filius. Is non cō-
 verat quidem cum conjuratis illis, ut vim regi omnes afferrent :
 sed rem ad se delatam per indicem, ut modo attigimus silentia præ-
 teriit, pollicitus ad regem perlaturum: admonentemque illum & ur-
 gentem ut ad regem deferret, eludebat. & aliud ex alio excusabat.
 Admonebatur autem hic infiliarum potissimum, quod ex cohæte re-
 gia erat; & præter ceteros clarus, magnaue apud Regem gratia.
 Re igitur per alios patefacta, primum ad causam dicendam est ac-
 cersitus ad regem solutus: post consultis à rege amicis, in vincula
 est conjectus & ad concionem productus gravius etiam quàm ceteri
 est ab eo accusatus: & ex silentio conjurationis reus peractus.
 Admissus tamen est etiam ad causam pro concione dicendam: verum
 aberat rex cum is pro se diceret. Hanc igitur tum pro se orationem
 habuit, qua inficiatur intentum à rege crimen: suspensiones diluit:
 argumenta conatur refellere: multa quæ in eum erant invidiose
 conjecta rejicit. Purgat se crimine appetiti dominatus, quo in-
 smulatus fuerat, & cogitati parricidii in regem. Patrem, qui eadem
 laborabat invidia, & crimine eodem premebatur, sed absens etiam
 defendit. Vicem illius non minus ac suam deflet: quod reus sit atro-
 cissimi criminis, & particeps acerbissimi ejus filii sui.*

VERBA, inquit, innocenti reperire facile
 est, modum verborum misero tenere dif-
 ficile. Itaque inter optimam conscientiam, &
 iniquissimam fortunam destitutus, ignoro quo-
 modo & animo meo & tempori paream. Abest
 quidem optimus causæ meæ iudex: qui cur me
 ipse audire noluerit, non me hercule excogito,
 cum illi utique, cognita causa, tam damnare
 me liceat, quam absolvere; non cognita verò,
 liberari ab absente non possum, qui à præsentē
 damnatus sum. Sed quamquam vincti hominis
 non supervacua solum, sed etiam invisa defen-
 sio est, quæ iudicem non docere videtur,
 sed

sed arguere : tamen , utcūque licet dicere , memet ipse non deferam , nec committam ut damnatus etiam mea sententia videar. Equidem, cujus criminis reus sim, non video. Inter conjuratos nemo me nominat. De me Nicomachus nihil dixit. Ceballinus plus quā au-
dierat , scire non potuit. Atqui conjurationis caput me fuisse credit rex. Potuit ergo Dymnus eum præterire, quem sequebatur ? præsertim cum quærenti socios vel falso fuerim nominandus , quò facilius qui tentabatur posset impelli. Non enim detecto facinore nomen meum præteriit , ut posset videri socio pepercisse. Nicomachus , quem taciturnum arcana de semet ipso credebat, confessus, aliis nominatis, me unum subtrahebat. Quæso, commilitones , si Ceballinus me non adisset , nihil me de conjuratis scire voluisset : num hodie dicerem causam nullo me nominante ? Dymnus sanè & vivat adhuc , & velit mihi parcere : quid cæteri , qui de se confitebuntur ? me videlicet subtrahent ? Maligna est calamitas , & vere noxia quum quis suo supplicio acquiescit pro alio cruciatus. Tot conscii ne in equuleum quidem impositi verum fatebuntur ? Atqui nemo parcit morituro , nec cuiquam moriturus , ut opinor. At verum crimen & ad unum revertendum mihi est. Cur rem delatam ad te tacuisti ? cur tam securus audisti ? Hoc, qualecunque est, confesso mihi , ubicunque es , Alexander , remisisti : dexteram tuam amplexus, reconciliati
piænus

pignus animi, convivio quoque interfui. Si credidisti mihi, absolutus sum: si pepercisti, dimissus. Vel iudicium tuum serva. Quid hac proxima nocte, qua digressus sum à mensa tua, feci? Quod novum facinus delatum ad te mutavit animum tuum? Gravisopore acquiescebam, cum me malis indormientem meis, inimici vinciendo excitarunt. Unde & parricidæ & proditori tam alti quies somni? Scelerati conscientia obstrepente cum dormire non possint, agitant eos furia, non consummato modo, sed & cogitato parricidio. At mihi securitatem primum innocentia mea, deinde dextera tua obtulerat. Non timui ne plus alienæ crudelitati apud te liceret, quàm clementiæ tuæ. Sed ne te mihi credidisse poeniteat, res ad me deferrebat à puero, qui non testē, non pignus indicii exhibere poterat, implēturus omnes metu, si cœpisset audiri. Amatoris & scorti jurgio interponi aures meas, credidi infelix, & fidem ejus suspectam habui, quòd non ipse deferret, sed fratrem potius subornaret. Timui ne negaret mandasse se Ceballino, & ego viderer multis amicorum regis fuisse periculi causa. sic quoque cum læserim neminem, inveni, qui mallet perire me, quàm incolumem esse. Quid inimitiarum creditis excepturum fuisse, si insontes laceffissem? At enim Dymnus se occidit. Num igitur facturum eum divinare potui? Minimè. Ita quòd solum indicio fidem fecit, id me quum à Ceballino intetpellatus sum, movere non potuit.

potuit. At hercule, si conscius Dymno tanti sceleris fuisset, biduo illo proditos esse nos, dissimulare non debui. Ceballinus ipse tolli de medio nullo negotio potuit. denique post delatum indicium quid opperiturus eram, cubiculum regis solus intravi, ferro quidem cinctus. Cur distuli facinus? An sine Dymno non sum ausus? Ille igitur princeps conjurationis fuit: Sub illius umbra Philotas latebam, qui regnum Macedonum affecto. Ecquis è vobis corruptus est donis quem ducem, quem præfectum impensius colui? Mihi quidem objicitur, quod societatem patrii sermonis asperner, quod Macedonum mores fastidiam. Sic ego imperio quod dedignor immineo? Jam pridem natus ille sermo commercio aliarum gentium exolevit: tam victoribus quam victis peregrina lingua discenda est. Non mehercule ista me magis lædunt, quam quod Amyntas Perdicæ filius insidiatus est regi: cum quo quod amicitia fuerit mihi, non recuso defendere, si fratrem regis non oportuit diligi à nobis. Sin autem in illo fortunæ gradu positum etiam venerari necesse erat, utrum, quæso, quod non divinavi, reus sum? An impiorum amicis insontibus quoque moriendum est? Quod si æquum est, cur tamdiu vivo? si injustum, cur nunc demum occidor? At enim scripsi misereri me eorum, quibus vivendum esset sub eo, qui se Jovis filium crederet. Fides amicitiae, veri consilii periculosa libertas, vos me decepistis: vos quæ sentiebam,

bam, ne reticerem, impulistis. Scripsisse me hoc fateor regi, non de rege. non enim faciebam invidiam, sed pro eo timebam. Dignior mihi Alexander videbatur, qui Jovis stirpem tacitus agnoscere, quàm qui prædicatione jactaret. Sed quoniam oraculi fides certa est, sit Deus causæ meæ testis. Retinete me in vinculis, dum consulitur Hammon. interim qui regem nostrum dignatus est filium, neminem eorum, qui stirpi suæ insidiati sunt, latere patietur. Si certiora oraculis creditis esse tormenta, ne hanc quidem exhibendæ veritatis fidem deprecor. Solent rei capitis adhibere vobis parentes. Duos fratres ego nuper amisi: patrem nec ostendere possum, nec invocare audeo, cum & ipse tanti criminis reus sit. Parum est enim tot modo liberorum parentem, in unico filio acquiescentem, eo quoque orbari, ni ipse in rogum meum imponitur. Ergo, charissime pater, & propter me morieris, & mecum. Ego tibi vitam adimo, ego senectutem tuam exstinguo. Quid enim me procreabas infelicem adversantibus Diis? An ut hos ex me fructus perciperes, qui te manent? Nescio, adolescentia mea miserior sit, an senectus tua. Ego in ipso robore ætatis eripior: tibi carnifex spiritum adimet, quem, si fortuna expectare voluisset, natura reposcebat. Admonuit me patris mei mentio, quàm timidè & cunctanter, quæ Ceballinus detulerat ad me, indicare debuerim. Parmenio enim cum

audisset venenum à Philippo medico regi parari, deterrere cum voluit epistola scripta, quò minus medicamentum biberet, quod medicus dare constituerat. Num creditum est patri meo? num ullam auctoritatem ejus literæ habuerunt? Ego ipse quoties, quæ audieram, detuli, cum ludibrio credulitatis repulsus sum. Si, & cum indicamus invisi; & cum tacemus, suspecti sumus, quid facere nos oportet? Cumque unus è circumstantium turba exclamasset, *Bene meritis non insidiari: Philotas*, Rectè, inquit, quisquis es, dicis. Itaque si insidiatus sum, poenam non deprecor: & finem facio dicendi, quoniam ultima verba gravia sunt visa auribus vestris.

O R A T I O

A M Y N T Æ. Ex libro XII.

A R G U M E N T U M.

Amyntas Macedo non fuerat quidem nominatus inter conjuratos neque ab indice neque à reis quum in tormentis essent, sed suspitione urgebatur ob nimiam cum Philota conjunctionem, & quod frater ejus profugerat. Itaque ab rege vinciri jussus, necato Philota, productus statim in concionem fuit. Crimini data est cum Philota arcta necessitudo & recens cum eo congressus, aliquot dictorum procacitas, & qui scriba imperanti ferocius denegati, matris Alexandri ipsius literæ, quibus ut sibi ab hoc careret filium monebat. Admissus ad causam dicendam Amyntas, diluit ea crimina omnia, sed prapostere, orsus à gravissimo, de iis quæ in regem intemperanter esset debachatus. Defensionis hæc est summa: Procacitatem purgat, excusata impotentia animi & lingua quam durissimi labores militibus crebrius afferant: conjunctionem cum Philota non excusat, sed siquid est culpæ, eam omnem ab rege dicit sustineri, qui hunc ornando, secisset ut ejus amicitiam omnes appeterent. Recusationem equorum confert in penuriam. Suspiciones matris derivat in illius similitudinem, quam ipse officiose in regem faciendo in se concitasset. Fugam fratris purgat illius ipsius interventu.

Q U A:

QUALISCUNQUE, *inquit*, exitus nos manet, rex, confitemur, prosperum tibi debituros, tristiores fortunæ imputaturos. Sine præjudicio dicimus causam; liberis corporibus animisque habitum etiam, in quo te comitari solemus, reddidisti. Causam non possumus, fortunam timere desinemus. Te quæso, permittas mihi id primum defendere, quod à te ultimum objectum est. Nos, rex, sermonis adversus majestatem tuam habiti nullius conscii sumus nobis. Dicerem, jampridem vicisse te invidiam, nisi periculum esset, ne alia malignè dicta crederes blanda oratione purgari. Cæterum, etiamsi militis tui vel in agmine deficientis & fatigati, vel in acie periclitantis, vel in tabernaculo ægri & vulnera curantis aliqua vox asperior esset accepta, merueramus fortibus factis, ut malles ea temporis nostro imputare, quàm animo. Cum quid accidit tristis, omnes rei sunt: corporibus nostris, quæ utique non odimus, infestas admovemus manus. Parentes liberis si occurrant, & ingrati & invidi sunt. Contra, cum donis honoramur, cum præmiis onusti revertimur, quæ ferre non potest? Quis illam animorum alacritatem continere? Militantium nec indignatio, nec latitia moderata est. Ad omnes affectus impetu rapimur; Vituperamus, laudamus, miseremur, irascimur. Utcunque præsens movit affectio, modò Indiam adire & Oceanum libet, modo conjugum & liberorum patriæque memoria

occurrit. Sed has cogitationes, has inter se colloquentium voces, signum tuba datum finit. In suos ordines quisque currimus, & quicquid irarum in tabernaculo conceptum est, in hostium effunditur capita. Utinam Philotas quoque intra verba peccasset. Proinde ad id revertar, propter quod rei sumus. Amicitiam, quæ nobis cum Philota fuit, adeo non inficior, ut expetisse quoque nos, magnosque ex ea fructus percepisse confitear. An vero Parmenio-
nis quem tibi proximum esse voluisti, filium, omnes penè amicos tuos dignatione vincen-
tem, cultum à nobis esse miraris? Tu hercule, (si verum audire vis) rex, hujus nobis periculi causa es. Quis enim alius effecit, ut ad Philotam decurrerent qui placere vellent tibi? Ab illo traditi, ad hunc gradum amicitiae tuæ ascendimus. Is apud te fuit, cujus gratiam expetere, & iram timere possemus. Annon prope modum in tua verba tui omnes te præeunte juravimus, eosdem nos inimicos amicosque habituros esse, quos tu haberes? Hoc sacramento pietatis obstricti adversaremur scilicet, quem tu omnibus præferebas? Igitur si hoc crimen est, tu paucos innocentes habes, imò hercule neminem. Omnes enim Philotæ amici esse voluerunt: sed totidem, quot volebant, esse non poterant. Ita si à consciis amicos non dividis, nec ab amicis quidem separabis illos qui idem esse voluerint. Quod igitur conscientiae affer-
tur indicium? ut opinor, quia pridie familiari-
ter,

ter, & sine arbitris loquutus est nobiscum. At ego purgare non possem, si pridie quicquam ex vetere vita ac more mutassem. Nunc verò, si ut omnibus diebus, illo quoque qui suspectus est, fecimus; consuetudo diluet crimen. Sed equos Antiphani non dedimus, & pridie quàm Philotas detectus est, hæc mihi cum Antiphane res erat. Qui si nos suspectos facere vult, quòd illo die equos non dedimus, semetipsum, quod eos desideraverat, purgare non poterit. Anceps enim crimen est inter retinentem & exigentem, nisi quòd melior est causa suum non tradentis, quàm poscentis alienum. Cæterum, rex, equos decem habui è quèis Antiphanes octo jam distribuerat iis, qui amiserant suos. Omnino duos ipse habebam: quos cum vellet abducere homo superbissimus, certè iniquissimus, nisi pedes militare vellem, retinere cogebar. Nec inficias eo, liberi hominis animo loquutum esse me cum ignavissimo, & hoc unum militiæ suæ usurpante, ut alienos equos pugnaturis distribuat: Huc enim malorum ventum est, ut verba mea eodem tempore & Alexandro excussem, & Antiphani. At hercule mater de nobis inimicis tuis scripsit. Utinam prudentius esset sollicita pro filio, & non inanes quoque species anxio animo figureret. Quare enim non adscribit metus sui causam? Denique non ostendit autorem, quò facto dictove nostro mota, tam trepidas tibi literas scripsit? O miseram conditionem meam,

cui forsitan non periculosius est tacere quàm dicere. Sed utcunque cessura res est, malo tibi defensionem meam displicere, quàm causam. Agnosces autem quæ dicturus sum: quippe meministi, cum me ad perducendos ex Macedonia milites mitteres, dixisse te, multos integros juvenes in domo tuæ matris abscondi. Præcepisti igitur mihi, ne quem præter te intuerer, sed detrectantes militiam perducerem ad te. Quod equidem feci, & liberius, quàm expediebat mihi, exequutus sum imperium tuum, Gorgiam, & Hecataum, & Gorgatam, quorum bona opera uteris, inde perduxi. Quid igitur iniquius est, quàm me, qui, si tibi non paruissem, jure daturus fui pœnas, nunc perire quia parui? Neque enim ulla alia matri tuæ persequendi nos causa est, quàm quòd utilitatem tuam muliebri præposuimus gratiæ. VI. millia Macedonum peditum, & D. C. equites adduxi: quorū pars sequutura me non erat, si militiam detrectantibus indulgere voluissem. Sequitur ergo; ut, quia illa propter hanc causam irascitur nobis, tu mitiges matrem, qui iræ ejus nos obtulisti.

O R A T I O

C O B A R R I S. Ex eodem libro.

A R G U M E N T U M.

Reffus Darii percussor deliberat inter scyphos cum Familiaribus, quemadmodum Alexandro persequenti resistent. Ipse sententiam suam aperit, ut fuga salutem querant, seque in remotas Asia partes & profundorum fluminum divortijs divisas abdant, ubi se illis natura munimentis tueantur. Eunt in hæc sententiam alii: unus

Coba-

*Cobares, sanjore mente hoc consilium improbat, & Besso autor est
ut se Alexandro dedat & ejus arbitria permittat. Hoc passis spem
affulgere aliquam incolumitatis, quæ in fuga nulla relicta sit.*

NATURA, inquit, mortalium, hoc quoque nomine prava & sinistra duci potest, quod in suo quisque negotio hebetior est quàm in alieno. Turbida facta sunt consilia eorum, qui sibi suadent. Obstat aliis metus, aliis cupiditas, nonnunquam naturalis eorum, quæ cogitaveris, amor. nam in te superbia non cadit. Expertus es, unumquemque quod ipse repererit, aut solum, aut optimum ducere. Magnum onus sustines capite, regium insigne. Hoc aut moderatè perferendum est, aut (quod abominor) in te ruct. Consilio, non impetu opus est. *Adjicit deinde, quod apud Bactrianos vulgo usurpabant, Canem timidum vehementius latrare quàm mordere. Altissima quæque flumina minimo sono labi. Quæ inserui, ut qualiscunque inter barbaros potuit esse prudentia, traderetur. In his audientium suspensam dederat expectationem sui. Tum consilium aperit, utilius Besso, quàm gratius.* In vestibulo, inquit, regis tuæ velocissimus consistit rex. Antè ille agmen, quàm tu mensam istam movebis. Nunc ab Tanai exercitum accerses, & armis flumina oppones. Scilicet, quàm tu fugiturus es, hostis sequi non potest? Iter utrique commune est, victori tutius. Licet strenuum metum putes esse, velocior tamen spes est. Quin validioris occupas gratiam, dedisque te? Utcunque cesserit, meliorem fortunam deditus, quàm hostis, habiturus. Alienum habes regnum, quo

facilius eo careas. Incipiet forsitan justus esse rex, cum ipse fecerit, qui tibi & dare potest regnum, & eripere. Consilium habes fidele, quod diutius exequi supervacaneū est. Nobilis equus umbra quoque virgæ regitur; ignavus ne calcari quidem concitari potest.

O R A T I O

A L E X A N D R I. Ex eodem libro.

A R G U M E N T U M.

Alexander parabat expeditionem in Scythas, & Tanaim trajicere cogitabat: sed verebatur ut hoc consilium satis in vulgus militum probaretur. In vitis autem militibus id tentare ne expedire quidem putabat. Causæ cur illi renuerent erant hæ: quod magna sane moles negotii susciperetur in Scytharum oppugnatione, & quod verebantur ut ne rex satis illam expeditionem obire ipse per infirmam valetudinem posset: quippe vixdum emerferat ex gravissimi vulneris periculo. Agit igitur ipse cum ducibus: quibus in suam sententiam pertractis, non dubitat quin consilium suum militibus quoque probet. Rationem consilii sui exponit, non ad imperii tantum amplificationem, sed etiam ad eorum quæ subegerit defensionem, sibi esse Sythas tentandos.

D I S C R I M E N, *inquit*, me occupavit, meliore hostium, quàm meo tempore. Sed necessitas ante rationem est; maximè in bello, quo rarò permittitur tempora eligere. Defecere Bactriani, in quorum cervicibus stamus, & quantum in nobis animi sit, alieno Marte experiuntur. Haud dubiè si omiserimus Scythas ultrò arma inferentes, contempti ad illos, qui defecerunt, revertemur. Si vero Tanaim transferimus, & ubique invictos esse nos Scytharum perniciæ ac sanguine ostenderimus; quis dubitabit patere etiam Europam victoribus? Fallitur, qui terminos gloriæ nostræ metitur spatio,

spatio, quod transitori sumus. Unus annis interfluit: quem si trajicimus, in Europam arma proferimus. Et quanti æstimandum est, dum Asiam subigimus, in alio quodammodo orbe trophæa statuere, & quæ tam longo intervallo natura videtur diremisce, una victoria subito committere? At hercule si paululum cessaverimus, in tergis nostris Scythæ hærebunt. An soli sumus qui flumina tranare possumus? Multa in nosmet ipsos recident quibus adhuc vicimus. fortuna belli artem victos quoque docet. Utribus annum trajiciendi exemplum fecimus nuper. Hoc ut Scythæ imitari nesciant, Bactriani docebunt. Præterea unus gentis hujus adhuc exercitus venit, cæteri expectantur. Ita bellum vitando alemus, & quod inferre possemus, accipere cogemur. Manifesta est consilii mei ratio. Sed an permissuri sint Macedones animo uti meo, dubito: quia ex quo hoc vulnus accepi, non equo vectus sum, non pedibus ingressus. Sed si me sequi vultis, valeo, amici. Satis virium est ad tolerandâ ista. Aut si jam adest vitæ meæ finis, in quo tandem opere melius exstinguar?

O R A T I O

SCYTHÆ LEGATI. Ex eodem libro.

A R G U M E N T U M.

Alexander habebat in animo, uti diximus, Scythis bellum inferre. Illi non erant nescii: sed colloquio & compositione prius quam armis bellum propulsare voluerant. Itaque legationem ad Macedonem miserant, qua belli illati causas quæreret. Cujus hæc fuit oratio, tota collata ad Alexandrum commoneandum; & à temeritate

tate ad moderationem & prudentiam revocandum. Docent igitur legati, Scythas & pacis & belli artes optime callere. Itaque, hos ut sibi benevolentia adjungat potius, quàm ad vim & ad arma vocet, admonet. Imbecillam felicitatem & casus ancipite inculcant, multa-que in hanc sententiam dicunt. Si debellantur, suam cladem sine ullo regis commodo esse posse, victoriã non sine maximo eius detrimento.

SI Dii habitum corporis tui, aviditati animi sparem esse voluissent, orbis te non caperet. Altera manu orientem, altera occidentem contingeres. Et hoc assequutus, scire velles ubi tanti numinis fulgor conderetur. Sic quoque concupiscis quæ non capis. Ab Europa petis Asiam; ex Asia transis in Europam. Deinde, si humanum genus omne superaveris, cum silvis, & nivibus, & fluminibus, ferisque bestiis gesturus es bellum. Quid tu? ignoras, arbores magnas diu crescere, una hora extirpari? Stultus est, qui fructus earum spectat, altitudinem non metitur. Vide, ne, dum ad cacumen pervenire contendis, cum ipsis ramis, quos comprehenderis, decidas. Leo quoque aliquando minimarum avium pabulum fit: & ferrum rubigo consumit. Nihil tam firmum est, cui periculum non sit, etiam ab invalido. Quid nobis tecum est? nunquam terram tuam attingimus. Qui sis, undè venias, licetne ignorare in vastis silvis viventibus? Nec servire ulli possumus, nec imperare desideramus. Dona à nobis data sunt, ne Scytharum gentem ignores, jugum boum, aratrum, & sagitta, & patera. His utimur & cum amicis, & adversus inimicos. Fruges amicis damus, boum labore quæsitæ: patera cum iisdem vinum Diis libamus:

bamus : inimicos sagitta eminus, hasta cominus petimus. Sic Scythiæ regem, & postea Persarum Medorumque superavimus, patuitque nobis iter usque in Ægyptum. At tu, qui te gloriaris ad latrones persequendos venire; omnium gentium, quas adisti, latro es. Lydiam cœpisti, Syriam occupasti, Persidem tenes; Bactrianos habes in potestate, Indos petisti. Jam etiam ad pecora nostra avaras & insatiabiles manus porrigis. Quid tibi divitiis opus est, quæ te esurire cogunt? Primus omnium satietate parasti famem, ut, quo plura haberes, acrius, quæ non habes, cuperes. Non succurrit tibi, quàm diu circum Bactra hæreas? Dum illos subigis, Sogdiani bellare cœperunt. Bellum tibi ex victoria nascitur. Nam ut major fortiorque sis quàm quisquam; tamen alienigenam dominum pati nemo vult. Transi modò Tanaim, scies quàm late pateant, nunquam tamen consequeris Sythas. Paupertas nostra velocior erit quàm exercitus tuus, qui prædam tot nationum vehit. Rursus, cum procul abesse nos credes, videbis in tuis castris. Eadem enim velocitate & sequimur, & fugimus. Scytharum solitudines, Græcis etiam proverbiiis audio eludi. Nos deserta & humano cultu vacua, magis quàm urbes & opulentos agros sequimur. Proinde fortunam tuam pressis manibus tene: Lubrica est, nec invita teneri potest: Salubre consilium sequens, quo præsens tempus ostendit melius, impone felicitati tuæ fræ-

nos; facilius illam reges. Nostri sine pedibus dicunt esse fortunam, quæ manus & pinnas tantum habet. Cum manus porrigit, pinnas quoque comprehendere non sinit. Denique si Deus es, tribuere mortalibus beneficia debes, non sua eripere. sin autem homo es: id quod es, semper esse te cogita. Stultum est eorum meminisse propter quæ tui oblivisceris. Quibus bellum non intuleris, bonis amicis poteris uti. Nam & firmissima est inter pares amicitia: & videntur pares, qui non fecerunt inter se periculum virium. Quos viceris, amicos tibi esse cave credas. Inter dominum & servum nulla amicitia est: etiam in pace, belli tamen jura servantur. Jurando gratiam Scythas sancire ne credideris: Colendo fidem jurant. Græcorum ista cautio est, qui acta consignant, & Deos invocant: nos religionem in ipsa fide novimus. Qui non reverentur homines, fallunt Deos. Nec tibi amico opus est, de cujus benevolentia dubites. Cæterum nos & Asiæ & Europæ custodes habebis. Bactra, nisi dividat Tanais, contingimus. Ultra Tanaim, usque ad Thraciam colimus. Thraciæ Macedoniam conjunctam esse fama est. Utrique imperio tuo finitimos hostes an amicos velis esse, considera.

O R A T I O

ALEXANDRI, ad trecentos milites. Ex eodem libro.

A R G U M E N T U M.

In Sogdianis petra erat expugnata difficilissima. Patebat enim in altitudinem stadiis 30. in orbem vero 160. undequaque ardua & prærupta, ne callibus quidem ullis pervia. Vnus qui ad cacumen duce-

ducebat aditus & angustus limes, ab hostibus tenebatur. Infederant enim petram triginta hominum millia. Alexander adversus impedimenta omnia & natura & artificii enitens, ne huic quidem difficultati cedere voluit, & quoniam vis non valuisset, dolo statuit aggredi. Hoc igitur commentus est ad eludendos hostes stratagema. Negotium dat ducibus ut trecentos expeditos juvenes conquirant exercitata pernicitatis, qui rem pecuariam in montibus exercuerint, ac proinde assueverint in præcipitiis & locis deviiis insilere. His terrorem incutere hostibus parabat. Qui ut convenerunt, hac oratione quid fieri velit exponit. Rationem illis ad cacumen perverendi aperit. Hortatur ut strenuè rem aggrediantur, & adversus omnes difficultates lustentur. Denique addit animos propositis premiis amplissimis: itaque eos dimittit:

VOBIS cum, inquit, ô juvenes, & mei æquales, urbium invictarum antè munimenta superavi: montium juga perenni nive obruta emensus sum: angustias Ciliciæ intra- vi: Indiæ sine lassitudine vim frigoris sum per- pessus. Et mei documenta vobis dedi, & vestra habeo. Petra, quam videtis, unum aditum habet, quem barbari obsident, cætera negligunt. Nullæ vigiliæ sunt, nisi quæ castra nostra spectant. Invenietis viam, si solerter rimati fueritis aditus ferentis ad cacumen. Nihil tam altè natura constituit, quo virtus non possit eniti. Experiendo, quæ cæteri desperaverunt, Asiam habemus in potestate. Evadite in cacumen: quod cùm cœperitis, candidis velis signum mihi dabit: ego, copiis admotis, hostem in nos à vobis convertam. Præmium erit ei, qui primus occupaverit verticem, talenta x. uno minus accipiet, qui proximus ei venerit: eademque ad x. homines servabitur portio. Certum habeo, vos non tam liberalitatem intueri meam, quàm voluntatem.

ORA-

ORATIO

CALISTHENIS. Ex libro VIII.

ARGUMENTUM.

Cleo assentator Alexandri in convivio sermonem captato opportuno tempore intulit, non eum quidem præfente rege, sed cupiente & omnia exaudiente è loco abdito. Ibi ex composito ut à rege majorem iniret gratiam, eum laudibus in cælum caput tollere, & divinos honores meritis ejus inter cænam decernere, obscureque libertatis defensores, & nimio regis fastui insensos, perstringere, Eorum facile erat princeps Olynthius Calisthenes, nobilis, & idem philosophus, qui tum assentatoris levitatem & procacitatem dissimulare non potuit. Itaque hanc habuit in procerum convivio orationem, qua adulatoris illam cupiditatem notat. Regem nullo modo carpit, sed tantæ ambitionis suspitione prudenter liberat, quam illi sua oratione Cleo affingebat.

SI rex, inquit, sermoni tuo affuisset, nullius profectò vox responsuri tibi desideraretur: Ipse enim peteret, ne in peregrinos ritus degenerare se cogeres, neu rebus felicissimè gestis invidiam tali adulatione contraheres. Sed quoniam abest, ego tibi pro illo respondeo, nullum esse eundem & diuturnum & præcoccum fructum: cœlestesque honores, non dare te regi, sed auferre. Intervallo enim opus est, ut credatur Deus, semperque hanc gratiam magnis viris posterius reddunt. Ego autem seram immortalitatem precor, regi ut vita diuturna sit, & æterna majestas. Hominem consequitur aliquando, nunquam comitatur divinitas. Herculem modò & patrem Liberum, consecratæ immortalitatis exempla, referebas. Credisne illos unius convivii decreto Deos factos? Prius ab oculis mortalium amolita natura est, quàm in cælum
fama

fama pervheret. Scilicet ego & tu, Cleo, Deos facimus? A nobis divinitatis suæ auctoritatem accepturus est rex? Potentiam tuam experiri libet. Fac aliquem regem, si Deum potes facere. facilius est imperium dare, quàm cœlum. Dii propitii sine invidia, quæ Cleo dixit, audierint, eodemque cursu, quo fluxere res, ire patiantur. Nostris moribus velint nos esse contentos. Non pudet patriæ, nec desidero, ad quem modum rex mihi colendus sit, discere Quos equidem victores esse confiteor, si ab illis leges, queis vivamus, accipiamus.

O R A T I O

HERMOLAÏ. Ex eodem libro.

A R G U M E N T U M.

Hermolaus nobilis adolescens ex cohorte regia acerbioris regis animadvertione irritatus, impulsore Sostrato consilium regis per insidias opprimendi cum aliquot consociis init. Statuit dolorem ulcisci suum, Res ab indice prola est. Consocii sceleris capti, verberibus torti & necati sunt præter eum qui indicium fecerat. Solus Hermolaus causam dixit audiente militum corona. Ejus est hæc oratio, qua non inficiatur factum, sed facti æquitatem defendit. Sibi enim constitutum fuisse de medio tollere non regem, sed crudelem & multorum jam cæde contaminatum tyrannum, fastidiosum, superbum, suorum sanguine & vulneribus gloriam sibi querentem, denique indignum, qui ingenuis imperet. & liberorum hominum utatur opera.

NOs verò, inquit, quoniam, quasi nescias quæris, occidendi te consilium inivimus, quia non ut ingenuis imperare cœpisti, sed quasi in mancipia dominaris. Primus ex omnibus pater ipsius, Sopolis, parricidam etiam parentis sui clamitans esse, consurgit, & ad os manu ob-
jecta,

*jecta, scelere & malis insanientem, ultra negat audiendum. Rex, inhibito patre, dicere Hermolaum jubet; quæ ex magistro didicisset Calisthene. Et Hermolaus. Utor, inquit, beneficio tuo, & dico quæ nostris malis didici. Quota pars Macedonum sævitæ tuæ superest? quotus quisque non è vilissimo sanguine? Attalus, & Philotas, & Parmenio, & Lyncestes Alexander, & Clytus, quantum ad hostes pertinet, vivunt; stant in acie, te clypeis suis protegent, & pro gloria tua, pro victoria, vulnera accipiunt: quibus tu egregiam gratiam retulisti. Alius mensam tuam sanguine suo aspersit. alius ne simplici quidem morte defunctus est. Duces exercituum tuorum in equuleum impositi, Persis, quos vicerant, fuere spectaculo. Parmenio, indicta causâ, trucidatus est, per quem Attalum occideras. Invicem enim miserè miserorum uteris manibus ad expetenda supplicia. Et quos paulo antè ministros cædis habuisti, subito ab aliis jubes trucidari. *Obstrepunt subinde cuncti Hermolao. Pater supremum strinxerat ferrum, percussurus haud dubiè, ni inhibitus esset à rege quippe Hermolaum dicere jussit; petiitque ut causas supplicii augentem, patienter audirent. Ægre ergo coërcitis, rursus Hermolaus; Quàm liberaliter, inquit, pueris rudibus ad dicendum agere permittis! at Calisthenis vox carcere inclusa est, quia solus potest dicere, Cur enim non producit, cum etiam confessi audiuntur? nempe quia liberam vocem innocentis audire**

dire metuis, ac ne vultum quidem pateris. At-
 qui nihil eum fecisse contendo. Sunt hic qui
 mecum rem pulcherrimam cogitaverunt: Ne-
 mo est, qui conscium fuisse nobis Calisthenem
 dicat, cum morti olim destinatus sit à justissi-
 mo & patientissimo rege. Hæc ergo sunt Ma-
 cedonum præmia, quorum ut supervacuo &
 sordido abuteris sanguine. At tibi x x x. millia
 mulorum captivum aurum vehunt, quum mi-
 lites nihil domum præter gratuitas cicatrices
 relaturi sint. Quæ tamen omnia tolerare potui-
 mus, antequam nos barbaris dederes, & novo
 more victores sub jugum mitteres. Persarum te
 vestis & disciplina delectat, patrios mores ex-
 sus es. Persarum ergo, non Macedonum regem
 occidere voluimus: & te transfugam, belli ju-
 re, persequimur. Tu Macedonas voluisti ge-
 nua tibi ponere, venerarique te ut Deum. tu
 Philippum patrem averfari, & si quis Deorum
 ante Jovem haberetur, fastidires etiam Jovem.
 Miraris si liberi homines superbiam tuam ferre
 non possumus? Quid speramus ex te, quibus
 aut insontibus moriendum est, aut, quod tri-
 stius morte est, in servitute vivendum? Tu
 quidem, si emendari potes, multum mihi de-
 bes. ex me enim scire cœpisti, quid ingenui ho-
 mines ferre non possunt. De cætero parce: quo-
 rum orbam senectutem suppliciis ne oncrave-
 ris. Nos jube duci, ut quod ex tua morte petie-
 ramus, consequamur ex nostra.

O R A-

A R G U M E N T U M.

Patefacta Hermolui conjuratione in Alexandrum, sequebatur ut in perduellionis pœnam subiret & plecteretur. Sed ne indicta causa perires, produci eum ad concionem Alexander voluit. Productus causas suscepti facinoris protulit has: sævitiam regis & supplicia illustrium virorum: sordes atque avaritiam in militibus remunerandis, fastidium ejus & despicatum suorum ad alios ornandos. Objecta hæc partim vitia partim crimina diluit hæc oratione Alexander, & ad singula sigillatim respondet. Ad primum, exempla suppliciorum in facinorosos, & eos convictos rerum capitalium, fuisse edita: ad secundum, se sua liberalitatis locupletas habere testes omnes Macedones, quorum tenuitas in summam opulentiam munificentia sua fit mutata: in tertium, se divinos honores esse aucupatum, ut majorem metum inferret gentibus suo nomine. Quod vero exteras nationes amplexetur, pertinere id ad imperii stabilitatem. Esse enim stabiliora quæ benevolentia continentur, quàm quæ metu.

QUAM falsa sint, *inquit*, quæ iste tradita à magistro suo dixit, patientia mea ostendet. Confessum enim ultimum facinus, tamen ut vos quoque, non solum ipse, audiretis, expressi non imprudens, cum permisisssem huic latroni dicere, usurum cum rabie, qua compulsus est, ut me, quem parentis loco colere debet, vellet occidere. Nuper cum procacius se in venatione gessisset, more patrio, & ab antiquissimis Macedoniæ regibus usurpato, castigari cum jussi. Hoc & oportet fieri, & ut à tutoribus pupilli, à matitis uxores, servis quoque pueros hujus ætatis verberare concedimus. Hæc est sævitia in ipsum mea, quam impia cæde voluit ulcisci. Nam in cæteros, qui mihi permittunt uti ingenio meo, quam mitis sum, non ignoratis, &

com-

commemorare supervacuum est. Hermolao parricidarum supplicia non probari, cum eadem ipse meruerit, minimè hercule admiror. Nam cum Parmenionem & Philotam laudat, suæ servit causæ: Lyncestem verò Alexandrum bis insidiatum capiti meo, à duobus judiciis liberavi. Rursum convictum, per biennium tamen distuli, donec vos postularetis, ut tandem debito supplicio scelus lueret. Attalum, antequam rex essem, hostem meo capiti fuisse meministis. Clytus utinam non coëgisset me sibi irasci: cujus temerariam linguam, probra dicentem mihi, & vobis, diutius tuli, quam ille eadem me dicentem tulisset. Regum dumque clementia non in ipsorum modò, sed etiam in illorum, qui parent, ingeniis sita est. Obsequio mitigantur imperia. ubi verò reverentia excessit animis, & summa imis confundimus, vi opus est ut vim repellamus. Sed quid ego mirer, istum crudelitatem mihi objecisse, qui avaritiam exprobrare ausus sit? Nolo singulos vestrum excitare, ne invisam liberalitatem meam faciam, si pudori vestro gravem fecero. Totum exercitum aspiciate, qui paulo antè nihil præter arma habebat, nunc argenteis cubat lectis. Mensas auro onerant, greges servorum ducunt, spolia de hostibus sustinere non possunt. At enim Persæ, quos vicimus, in magno honore sunt. Apud me quidem, moderationis meæ certissimum indicium est, quòd ne victis quidem superbè impero. Veni enim
in

in Asiam, non ut funditus everterem gentes, nec ut dimidiam partem terrarum solitudinem facerem: sed ut illos quoque, quos bello subegissem, victoriæ meæ non pœniteret. Ita que militant vobiscum, pro imperio vestro sanguinem fundunt, qui superbè habiti, rebellassent. Non est diuturna possessio, in quam gladio inducimur. Beneficiorum gratia sempiterna est. Si habere Asiam, non transire volumus, cum his communicanda est nostra clementia. Horum fides stabile & æternum faciet imperium: Et sanè plus habemus quàm cupimus. Insatiabilis autem avaritia est, adhuc implere velle, quod jam circumfluit. Veruntamen eorum mores in Macedonas transfundo. In multis enim gentibus esse video quæ non erubescamus imitari. nec aliter tantum imperium aptè regere potest, quàm ut quædam & tradamus illis, & ab iisdem discamus. Illud penè dignum risu fuit, quod Hermolaus postulabat à me, ut averfaret Jovem, cuius oraculo agnoscor. An etiam quid Dii respondeant, in mea potestate est? Obtulit nomen filii mihi: recipere, ipsis rebus, quas agimus, haud alienum fuit. Utinam Indi quoque Deum esse me credant. Fama enim bella constant, & sæpe etiam quod falsò creditum est, veri vicem obtinuit. An me luxuriæ indulgentem, putatis arma vestra auro argentoque adornasse? Assuetis nihil vilius hac videri materia volui; Macedonas invictos cæteris, nec auro quidem vinci. Oculos ergo

ergo primum eorum sordida omnia & humilia spectantium capiam : & docebo nos non auri aut argenti cupidos , sed orbem terrarum subacturos venisse. Quam gloriam tu parricida intercipere voluisti , & Macedonas , rege adempto , devictis gentibus dedere. At nunc mones me , ut vestris parentibus parcam. Non oportebat quidem vos scire , quid de his statuissim , quò tristiores periretis , si qua vobis parentum memoria & cura est. Sed olim istum morem occidendi cum scelestis insontes , propinquos parentesque solvi : & profiteor in eodem honore futuros omnes eos , in quo fuerunt. Nam tuum Calisthenem , cui uni vir videris , quia latro es , scio cur produci velis , ut coram his probra , quæ modò in me jecisti , modò audisti , illius quoque ore referantur. Quem , si Macedo esset , tecum introduxissem , dignissimum te discipulo magistrum. nunc Olynthio non idem juris est.

O R A T I O

ALEXANDRI AD MILITES. Ex libro ix.

A R G U M E N T U M .

Alexander longa jam terrarum spatia vincendo emensus , nondum tamen ad metam aspiraverat. quam laboribus suis proposuerat , & plura animo erat complexus. Habebat enim in animo non prius conquiescere quàm ad Oceanum. Indicum victor pervenisset , ut idem limes suas victorias , & orbem terrarum definiret. Sed sciebat non esse eundem animum suis : neque id illi obscure ferebant. Non ignorabat quin eos tedium laboriosa & tam diuturna militiæ cepisset. Itaque relanguescentes animos conatur hac oratione instaurare & revocare. Commemorat res gestas : & præ his reliquias quæ supersunt , nihili esse faciendas ostendit. Vix aliud restare , nisi ut reliquias suarum victoriarum persequantur. Labores qui
adeu-

adeundi relinquantur, esse leves & breves: præmia vero amplissîma & perpetua. Ad extremum quum videret eos penitus despondisse animos; nec ullam vocem mittere testem suæ probationis, vehementi utitur querela, qua suorum ignaviam incusat.

NON ignoro, milites, multa, quæ terrere vos possent, ab incolis Indiæ per hos dies de industria esse jactata. Sed non est improvisa nobis mentientium vanitas. Sic Ciliciæ fauces, sic Mesopotamiæ campos, Tigrim & Euphratem, quorum alterum vado transivimus, alterum ponte, terribilem fecerant Persæ. Nunquam ad liquidum fama Perducitur: omnia illa tradente, majora sunt vero. Nostra quoque gloria cum sit ex solido, plus tamen habet nominis quàm operis. Modò quis belluas offerentes mœnium speciem, quis Hydaspem amnem, quis cætera auditu majora quàm vero, sustinere posse credebat? Olim hercule fugissemus ex Asia, si nos fabulæ debellare potuissent. Creditisne elephantorum greges majores esse quàm usquam armentorum sunt: cum & rarum sit animal, nec faciliè capiatur, multoque difficilius mitigetur? Atqui eadem vanitas copias peditum equitumque numeravit. Nam flumen quò latius fusum est, hoc placidius stagnat; quippe angustis ripis coërcita, & in angustiore alveum elisa, torrentes aquas invehunt: contrà spatium alvei segnior cursus est. Præterea in ripa omne periculum est, ubi applicantes navigia hostis expectat. Ita quantumcunque flumen intervenit, idem futurum discrimen est exadentium in terram. Sed omnia

omnia ista vera esse fingamus. Utrumne vos magnitudo belluarum, an multitudo hostium terret? Quod pertinet ad elephantos, præsens habemus exemplum: in suos vehementius quam in nos incurrerunt. Tam vasta corpora securibus falcibusque mutilata sunt. Quid autem interest, totidem sint, quot Porus habuit, an tria millia, cum uno aut altero vulneratis, cæteros in fugam declinare videamus? Deinde paucos quoque incommodè regunt: congregata verò tot millia ipsa se elidunt, ubi nec stare, nec fugere potuerint inhabiles vastorum corporum moles. Equidem sic animalia ista contempsi, ut cum haberem, ipse non opposuerim: satis gnarus, plus suis quam hostibus periculi inferre. At enim equitum peditumque multitudo vos commovet. Cum paucis enim pugnare soliti estis, & nunc primum inconditam sustinebitis turbam. Testis adversus multitudinem invicti Macedonum roboris Granicus amnis & Cilicia inundata cruore Persarum, & Arbella, cujus campi devictorum à nobis ossibus strati sunt. Serò hostium legiones numerare cœpistis, posteaquam solitudinem in Asia vincendo fecistis. Cum per Hellespontum navigaremus, de paucitate nostra cogitandum fuit. Nunc nos Scythæ sequuntur, Bactriana auxilia præstò sunt. Dahæ, Sogdianique inter nos militant. Nec tamen illi turbæ confido. Vestras manus intueor, vestram virtutem, rerum, quas gesturus sum, vadem, præsidemque habeo.

Quant-

Quandiu vobiscum in acie stabo, nec mei nec hostium exercitus meminero. Vos modò animos mihi plenos alacritatis ac fiduciæ adhibete. Non in limine operum laborumque nostrorum, sed in exitu stamus. Pervenimus ad Solis ortum, & oceanum, nisi obstat ignavia inde victores perdomito sine terrarum, revertemur in patriam. Nolite (quod pigri agricolæ faciunt) maturos fructus per inertiam amittere è manibus. Majora sunt periculis præmia. dives eadem & imbellis est regio. Itaque non tam ad gloriam vos duco quam ad prædam. Digni estis, qui opes, quas illud mare littoribus invehit, referatis in patriam: digni, qui nihil inexpertum, nihil metu omissum relinquatis. Per vos, gloriamque vestram, qua humanum fastigium creditis, perque & mea in vos, & in me vestra merita, quibus invicti contendimus oro, quæsoque, ne humanarum rerum terminos adeuntem, alumnum commilitonemque vestrum; ne dicam regem, deferatis. Cætera vobis imperavi, hoc unum debiturus sum. Et is vos rogo, qui nihil unquam vobis præcepi, quin primus me periculis obtulerim, qui sæpe aciem clypeo meo texi, non infringeretis in manibus meis palmam, qua Herculem Liberrumque patrem, si invidia abfuerit, æquabo. Date hoc precibus meis, & tandem obstinatum silentium rumpite. Ubi est ille clamor, alacritatis vestræ index? Ubi est ille meorum Macedonum vultus? non agnosco vos milites, nec agnosci

gnosci videor à vobis. Surdas jamdudum aures pulso, aversos animos & infractos excitare conor. *Cumque illi in terram dimissis capitibus tacere perseverarent:* Nescio quid; *inquit*, imprudens in vos deliqui, quòd me ne intueri quidem vultis. In solitudine mihi videor esse. Nemo respondet, nemo saltem negat quos alloquor. Quid autem postulo? vestram gloriam, & magnitudinem vindicamus. Ubi sunt illi, quorum certamen paulo antè vidi contendentium, qui potissimum vulnerati regis corpus exciperent? Desertus, destitutus sum, hostibus deditus. Sed solus quoque ire perseverabo. Objicite me fluminibus & belluis, & illis gentibus, quarum nomina horretis. Inveniam qui desertum à vobis sequantur. Scythæ Bactrianæque erunt mecum, hostes paulo antè, nunc milites nostri. Mori præstat, quàm precariò imperatorem esse. Ite reduces domos, ite deserto rege ovantes, Ego hic à vobis desperatæ victoriæ, aut honestæ morti, locum inveniam.

O R A T I O

COENI AD ALEXANDRUM. Ex eodem libro.

A R G U M E N T U M.

Consternata concione ad proximam Alexandri orationem, & pertinaciter tacente, quod nec assentiri regi vellent, nec præcisè denegare auderent, nec ullus communem causam publicè susciperet, Cænus unus ducum processit in medium, & regem omnium verbis rogavit, ut parceret defatigationi & imbecillitati omnium suorum, qui tot laboribus exhausti non possent militiæ molestias tolerare, præsertim cum se infinitus ostenderet labor si ea loca peteret. Servire illum suæ gloriæ non posse incolumi exercitu quem tot annorum difficultates attrivissent.

T

D I I

DI prohibeant, *inquit*, à nobis impias mentes & profectò prohibent. Idem animus est tuis qui fuit semper, ire quo jussis, pugnare, periclitari, sanguine nostro commendare posteritati tuum nomen. Proinde si perseveras, inermes quoque, & nudi, & exangues, utcunque tibi cordi est, sequimur, vel anteceditimus. Sed si audire vis non fictas tuorum militum voces, rerum necessitate ultima expressas, præbe, quæso, propitias aures, imperium atque auspiciū tuum constantissime sequutis, & quocunque pergis sequuturis. Vicisti, rex, magnitudine rerum, non hostes modò, sed etiam milites. Quidquid mortalitas capere poterat, implevimus. Emensis maria terrasque, melius nobis, quàm incolis, omnia nota sunt. Penè in ultimo mundi fine consistimus: in alium orbem paras ire, & Indiam quæris; Indis quoque ignotam. Inter feras serpentesque degentes eruerere ex latebris & cubilibus suis expetis, ut plura quàm sol videt, victoria lustres. Digna prorsus cogitatio animo tuo, sed altior nostro. Virtus enim tua semper in incremento erit, nostra vis in fine jam est. Intuere corpora exanguia, tot perfossa vulneribus, tot cicatricibus putrida. Jam tela hebetia sunt, jam arma deficient. Vestem Persicam induimus, quia domestica subvehi non potest. in externum degeneravimus cultum. Quoto cuique lorica est? quis equum habet? Jube quæri, quàm multos servi ipsorum prosequuti sunt, quid cuique supersit

ex

ex præda. Omnium victores, omnium inopes sumus. nec luxuria laboramus, sed bello. Instrumenta belli consumpsimus. hunc tu pulcherrimum exercitum nudum objicies belluis? Quorum ut multitudinem augeant de industria barbari: magnum tamen esse numerum etiam ex mendacio intelligo. Quòd si adhuc penetrare in Indiam certum est, regio à meridie minus vasta est. Qua subacta, licebit decurrere in illud mare, quod rebus humanis terminum voluit esse natura. Cur circuitu petis gloriam, quæ ad manum posita est? Hic quoque occurrit Oceanus; nisi mavis errare, pervenimus, quòd tua fortuna ducit. Hæc tecum, quàm sine te cum his, loqui malui: non ut inirem circumstantis exercitus gratiam, sed ut vocem loquentium potius quàm ut gemitum murmurantium audires.

O R A T I O

CRATERI AD ALEXANDRUM. Ex eodem libro.

A R G U M E N T U M.

Alexander ex gravissimo vulnere & propè lethali in Oxidracarum oppugnatione accepto, convalescerat. Sed quum esset infirmior, nec per imbecillitatem usitata munia tutò obire posset, & tamen conareretur, neque omnino valetudini indulgeret, magnumque esset ab ea audacia periculum, amici quibus de more statio pro prætorio erat, rogandi regis has partes tribuerant Cratero, ut is sibi parceret. Qui cum illis ingressus, regi exposuit quam omnes essent de ejus salute solliciti. Ea anxietate ita se levare posse, si rex se ipse respiceret, nec ita præsentia pericula subiret, præsertim tenuioribus victoriæ præmiis propositis. Pollicetur ab omnibus paratam & strenuam operam. Omnia enim omnes, ne ille in apertum discrimen abducatur, esse facturos.

CREDISNE, inquit, adventu magis hostium, ut jam in vallo consisterent, quàm cura salutis tuæ, ut nunc est tibi vilis, nos esse

solicitos ? Quantalibet vis omnium gentium conspiret in nos , impleat armis virisque totum orbem , classibus maria consternat , inusitatas belluas inducat , tu nos præstabis invictos. Sed quis Deorum hoc Macedoniæ columen ac fidus diuturnum fore polliceri potest ? cum tam avidè manifestis periculis offeras corpus , oblitus tot civium animas trahere te in casum ? Quis enim tibi superstes aut optat esse , aut potest ? Eo Pervenimus , auspiciū atque imperium sequenti tuum , unde nisi te reduce , nullo ad penates suos iter est. Qui si adhuc de Persidis regno cum Dario dimicares , etsi nemo vellet , tamen ne admirari quidem posset tam promptæ esse te ad omne discrimen audaciæ. Nam ubi paria sunt periculum ac præmium , & secundis rebus amplior fructus est , & adversis solatium majus. Tum verò capite ignobilem vicum emi , quis ferat , non tuorum modò militum , sed ullius etiam gentis barbaræ , qui tuam magnitudinem novit ? Horret animus cogitatione rei , quam paulo antè vidimus. Eloqui timeo , invicti corporis spoliis inertissimas manus fuisse injecturas , nisi te interceptum misericors in nos fortuna servasset. Totidem proditores , totidem desertores sumus , quod te non potuimus persequi. Universos licet milites ignominia notes , nemo recusabit luere id , quod ne admitteret , præstare non potuit. Patere , nos , quæso , alio modo esse viles tibi. Quocunque jusseris , ibimus ; Obscura
bella ,

bella, & ignobiles pugnas nobis deposcimus. Temet ipsum ad ea serva pericula quæ magnitudinem tuam capiunt. Citò gloria obsolescit in sordidis hostibus: nec quidquam indignius est, quàm consumi eam, ubi non possit ostendi.

O R A T I O

ALEXANDRI AD AMICOS. Ex eodem libro.

A R G U M E N T U M.

Respondet ad amicorum pòtulationem Alexander. Voluntatem plenam pietatis, obsequii ac benevolentie, amplexatur. Eum sibi esse vitæ fructum docet, quòd tam benevolis & fidelibus comitibus uti sibi contingat. Quod verò de periculis vitandis dixissent, ita se interpretari, & de eo ita cogitare, ut quàm gloriàm imprimis admarit, ut præ ea cetera nihili pendat, certum sibi sit, pro ea retinenda atque augenda, nullos labores, nulla pericula subterfugere. Quos habeat stimulos ad eam appetendam, exponit. Proinde se gloriæ, non autem valetudinis & vitæ rationem habere velle. Monet ut ii suam illam sollicitudinem ad intestinarum insidiarum propulsationem convertant. Hanc sibi esse antiquiorem cautionem, & ipsis esse debere. Ad extremum aliquid de matris apotheosi mandat.

VOBIS quidem, inquit, ô fidissimi, piissimi-
que civium, atque amicorum, grates ago,
habeoque, non solum eo nomine, quòd hodie
salutem meam vestræ præponitis, sed quòd à
primordiis belli, nullum erga me benevolen-
tiæ pignus atque indicium omisistis: adeo ut
confitendum sit, nunquam mihi vitam meam
fuisse tam charam, quàm esse cœpit, ut vobis
diu frui possim. Cæterum non eadem est cogi-
tatio eorum, qui pro me mori optant, & mea;
qui quidem hanc benevolentiam vestram vir-
tute meruisse me judico. Vos enim diuturnum
fructum ex me, forsitan etiam perpetuum, per-
cipere cupitis. Ego me metior non ætatis spa-

tio, sed gloria. Licuit paternis opibus contento, intra Macedonia terminos per otium corporis exspectare obscuram & ignobilem senectutem. Quamquam ne pigri quidem sibi fata disponunt, sed unicum bonum diuturnam vitam æstimantes, sæpe acerba mors occupat. Verum ego, qui non annos meos sed victorias numero, si munera fortunæ bene computo, diu vixi. Orsus à Macedonia imperium, Græciam teneo: Thraciam, & Illyricos subegi: Triballis, Medisque imperito: Asiam, quâ Hellesponto, quâ rubro mari alluitur, possideo. Jamque haud procul absum à fine mundi. Quem egressus, aliam naturam, alium orbem aperire mihi statui. Ex Asia in Europæ terminos momento unius horæ transivi. Victor utriusq; regionis post novum regni mei, post vicesimum atque octavum ætatis annum, videorne vobis in excolenda gloria, cui me uni devovi, posse cessare? Ego verò non deero, & ubicunque pugnabo, in theatro terrarum orbis esse me credam. Dabo nobilitatem ignobilibus locis. Aperiam cunctis gentibus terras, quas natura longè submoverat. In his operibus extinguì mihi (si fors ita feret) pulchrum est. Ea stirpe sum genitus, ut multam prius quàm longam vitam debeam optare. Obsecro vos, cogitate nos pervenisse in terras, quibus fœminæ ob virtutem celeberrimum nomē est. Quas urbes Semiramis condidit? quas gentes redegit in potestatem? quanta opera molita est? Nondum fœminam æquavimus gloria, &
jam

Jam nos laudis fatietas cepit? Dii faveant, majora adhuc restant. Sed ita nostra erunt quæ nondum attigimus, si nihil parvum duxerimus in quo magnæ gloriæ locus est. Vos modò me ab intestina fraude, & domesticorum insidiis præstate securum. Belli Martisque discrimen impavidus subibo. Philippus in acie tutior quàm in theatro fuit. Hostium manus sæpe vitavit, suorum effugere non valuit. Aliorum quoque regum exitus si reputaveritis, plures à suis quam ab hoste interemptos, numerabitis. Cæterum quoniam olim rei agitatae in animo meo, nunc promendæ occasio oblata est: mihi maximus laborum atque operum meorum erit fructus, si Olympias mater immortalitati consecratur, quando cunque excesserit vita. Hoc si licuerit, ipse præstabo, si me præceperit fatum, vobis mandasse mementote.

O R A T I O
ALEXANDRI AD MILITES. Ex libro x.

A R G O E N T U M ..

Alexander missionem daturus erat militibus, qui per ætatem emeriti essent, aut qui omnino per infirmitatem corporum militiæ labores sustinere non possent: eam sperabant universi. Et quia tum longe in orientem processerat, veriti ne sedem imperii in Asia constitueret, qua res optatam illis in patriam reversionem erigeret, missionem omnes audacius & tumultuosius flagitare caperunt, & jam apertè impositos militiæ labores detestare. Alexander eorum motuum insolens, ut qui alacri eorum semper opera & parata usus esset, tum commotus est. Angebat indignationem oblitio recentis suæ erga eos liberalitatis. Nam magnam vim auri ad eos ære alieno liberandos effuderat. Hæc igitur oratione coercere illorum ferociam conatur. Commemorat suæ erga eos beneficia, quorum eos oblitio ceperat. Quantum obsequium à militibus requiratur, ostendit. Indignos esse opibus & gloria quam secum habent communem. Ad extremum exardescit ira, & eorum operam repudiat.

T 4 C QUID

QU I D hæc, *inquit*, repens consternatio, & tam procax atque effusa licentia denun-
 tiat? Eloqui timeo: palam certe rupistis im-
 perium, & precariò rex sum, cui non allo-
 quendi, non noscendi monendique, aut in-
 tuendi vos jus reliquistis. Equidem cum alios
 dimittere in patriam, alios mecum paulo post
 deportare statuerim: tam illos acclamantes vi-
 deo qui abituri sunt, quam hos cum quibus
 præmissos subsequi statui. Quid hoc est rei? Dis-
 pari in causa idem omnium clamor est. Perve-
 lim scire, utrum qui discedunt, an qui retinen-
 tur, de me querantur. *Crederes uno ore omnes sus-
 tulisse clamorem. Ita pariter ex tota concione re-
 sponsum est, Omnes queri. Tum ille.* Non hercule,
inquit, potest fieri, ut adducar, querendi simul
 omnibus hanc causam esse, quam ostenditis, in
 qua major pars exercitus non est, utpote cum
 plures dimiserim, quàm retenturus sum. Subest
 nimirum, altius malum, quod omnes avertit à
 me. Quando enim regem universus exercitus
 deseruit? Ne servi quidem uno grege profu-
 giunt dominos: sed est quidam in illis pudor, à
 cæteris destitutos relinquendi. Verùm ego tam
 furiosæ consternationis oblitus, remedia insa-
 nabilibus conor adhibere. Omnem hercule
 spem, quam ex vobis conceperam, damno, nec
 ut cum militibus meis (jam enim esse desisti-
 tis) sed ut cum ingratis oporret, agere
 decrevi. Secundis rebus quæ circumfluunt vos,
 insanire cœpistis: obliti status ejus, quem be-
 neficio

neficio exuistis meo. Digni hercule qui in eodem consenescat is : quoniam facilius est vobis adversam quam secundam regere fortunam. En tandem Illyriorum paulo antè & Persarum tributariis, Asia & tot gentium spolia fastidio sunt. Modò sub Philippo, feminudis, amicu-
la ex purpura sordent. Aurum & argentum oculi ferre non possunt. Lignea enim vasa desiderant, & ex cratibus scuta, rubiginemque gladiatorum. Hoc cultu nitentes vos accepi, & quingenta talenta æris alieni, cum omnis regia supellex haud amplius quàm sexaginta talentorum esset, meorum operum fundamenta; quibustamen (absit invidia) imperium maximæ terrarum partis imposui. Asiæne pertæsum est, quæ vos gloria rerum gestarum Diis pares fecit? In Europam ire properatis, rege deserto, cum pluribus vestrum defuturum viaticum fuerit; ni æs alienum luissem! nempe in Asiatica prædâ. Nec pudet profundo ventre devictarum gentium spolia circumferentes reverti velle ad liberos conjugesque, quibus pauci præmia victoriæ potestis ostendere. Nam cæterorum, dum etiam spei vestræ obviam istis, arma quoque pignori sunt. Bonis verò militibus cariturus sum, pellicum suarum concubinis quibus hoc solum ex tantis opibus superest, quod impenditur. Proinde fugientibus me pateant limites : faceffite hinc ocius. Ego cum Persis ad-
euntium terga tutabor. Niminem teneo : libe-
rate oculos meos, ingratißimi ciyes. Latè vos ex-

cipient parentes liberique, sine vestro rege redeunte? obviam ibunt desertoribus transfugisque? Triumphabo mehercule de fuga vestra, & ubicunque ero, expetam poenas, hos, cum quibus me relinquitis, colendo, præferendoque vobis. Jam autem scietis, & quantum sine rege valeat exercitus, & quid opis in me uno sit.

O R A T I O

ALEXANDRI, ad Peregrinos milites.
Ex eodem libro.

A R G U M E N T U M.

Alexander stomacho & indignatione ardens, quod superior oratio docuit, repudiatis Macedonibus, peregrinos milites sibi ascrivit ad honores iis mandandos. Eis ut beneficentia sibi adjunxerat, sic liberali hac oratione magis ac magis conciliat. Persarum laudat in reges suos obsequium & obedientiam. Neque eam tum primum compertam sibi esse dicit, sed testimonium se sui iudicii dare. Decevisse autem res maximas eis credere. Ad laudationem adjicit liberalitatis erga eos sue commemorationem, quam sic novorum beneficiorum & honorum splendorum accessione cumulaturus.

QUUM ex Europa trajicerem in Asiam, multas nobiles gentes, magnam vim hominum imperio meo me additurum esse sperabam. Nec deceptus sum, quòd de his credidi famæ. Sed ad illa hoc quoque accessit, quod video fortes viros erga reges suos pietatis invictæ. Luxu omnia fluere credideram, & nimia felicitate mergi in voluptates. At hercule munia militiæ hoc animorum corporumque robore impigre toleratis: & cum fortes viri sitis, non fortitudinem magis quàm fidem colitis. Hoc ego non nunc primum profiteor, sed olim scio. Itaque & delectum è vobis juniorum habui, & vos meorum militum corpori immiscui. Idem habitus,
eadem

eadem arma sunt vobis. obsequium verò & patientia imperii longè præstantior est quam cæteris. Ergo ipse Oxiatris Persæ filiam mecum in matrimonio junxi, non dedignatus ex captiva liberos tollere. Mox deinde cum stirpem generis mei latius propagare cuperem, uxorem Darii filiam duxi: proximisque amicorum autor fui, ex captivis generandi liberos, ut hoc sacro fœdere omne discrimen victi & victoris excluderem. Proinde genitos esse vos mihi, non ascitos, milites, credite. Asiæ & Europæ unum atque idem regnum est. Macedonum vobis arma do. Inveteravi peregrinam novitatem: & cives mei estis, & milites. Omnia eundem ducunt colorem, Nec Persis Macedonum mores adumbrare, nec Macedonibus Persarum imitari indecorum est. Eiusdem juris esse debent, qui sub eodem rege victuri sunt.

O R A T I O

PERDICCÆ IN CONCIONE MILITUM.

Ex eodem libro.

A R G U M E N T U M.

Mortuo Alexandro primum discordia inter principes est coorta: post gravissimi motus efferverunt. Cum enim de successore regni creando convenissent, diu variatum est sententiis, cum idoneus nemo & par tanto oneri inveniretur, ad quem gubernacula amplissimi imperii deferrent. Neque enim Alexander sobolem reliquerat: quanquam uterum gerebat Roxane uxor ejus quom ex Persis duxerat: sed incertam prolem expellere alienum videbatur. Magnus negotiorum tumor impendebat, qui non erat nisi probato alio committendus. Ad sententiam igitur dicendam admissus Perdicca, censet primum ut iusta & divini honores persolvantur Alexandro, deinde ut partus Roxanes expelletur, qui ad trimestre sperabatur. Successorem illum posthumum futurum regi legitimum.

EGO quidem, inquit, annulum, quo ille regni atque imperii vires obsignare erat soli-

tus, traditum ab ipso mihi, reddo vobis. Cæterum quāquam nulla clades huic, qua affecti sumus, par ab iratis Diis excogitari potest: tamen magnitudinem rerum, quas egit, intuentibus, credere licet, tantum virum Deos accommodasse rebus humanis: quarum sorte cōmpleta: citò repeterent eū suæ stirpi. Proinde quoniam nihil aliud ex eo superest, quā quod semper ab immortalitate subducitur, corpori nominique quamprimum iusta solvamus, haud obliiti in qua urbe, inter quos simus, quali rege ac præside spoliati. Tractandum est, commilitones, cogitandumque, ut victoriam partam inter hos, de quibus parta est, obtinere possimus. Capite opus est. Hocne uno, an pluribus; in vestra potestate est. Illud scire debetis, militare sine duce turbam, corpus esse sine spiritu. Sextus mensis est, ex quo Roxane prægnans est. Optamus ut matrem enitatur: cuius regnum Diis approbantibus futurum, quandoque adoleverit. Interim à quibus regi velitis, destinate.

O R A T I O

P T O L O M Æ I.

A R G U M E N T U M.

Ptolomæus procerum unus, in eo consilio principum sententiam hanc dixit, se ab aliis dissentire qui dissenser. Hoc vero optimum sibi factu videri, ut senatus instituatur ex principibus, quorum decretis administraretur imperium.

DIGNA prorsus est soboles, inquit, quæ Macedonum imperet genti, Roxanes vel Barfines filius, cuius nomen quoque in Europa dicere pigebit, maiore ex parte captivi. Cur Per-
sas

fas vicerimus, ut stirpi eorum serviamus? quod iusti illi reges Darius & Xerxes tot millium agminibus tantisque classibus nequicquam petiverunt. Mea sententia hæc est, ut sede Alexandri in regia posita, qui consiliis ejus adhibebantur, coeant, quoties in commune consulto opus fuerit: eoque quod major pars eorum decreverit, stetur: duces præfectique copiarum his pareant.

O R A T I O

M E L E A G R I.

A R G U M E N T U M.

In eodem principum concessu Meleage, seditiosus homo, turbulentam & invidiam in Perdiccam plenam sententiam dixit. Invidabat enim homo levis Perdiccæ dignitati, quam Aristonius quidam in eodem consilio exegerat, quum Perdiccæ principatum decreverat. Ille igitur illam Aristoni sententiam labefecit, & multitudinem ad vim vocat. Denique popularem se præbet, ne quisquam principum dignitate antecellat.

NEc Dii siverint, *inquit*, ut Alexandri fortuna, tantique regni fastigium in istos humeros ruat: homines certe non ferent. Nihil dico de nobilioribus quàm hic est, sed de viris tantum, quibus invitis nihil perpeti necesse est. Nec verò interest, Roxanes filium, quando-cunque genitus erit, an Perdiccam regem habeatis, cum iste sub tutelæ specie regnum occupaturus sit. Itaque nemo ei rex placet, nisi qui nondum natus est. Et in tanta omnium festinatione, non iusta modò, sed etiam necessaria, exactos menses solus expectat, & jam divinat marem esse conceptum, quem vos dubitatis paratum esse, vel subdere. Si medius
fidius

fidius Alexander hunc nobis regem pro se reli-
quisset, id solum ex his, quæ imperasset, non
faciendum esse censerem. Quin igitur ad diri-
piendos thesauros discurretis? harum enim
opum regiarum utique populus est hæres.

F I N I S.

I N D E X

*Omniū Orationum, eo ordine digestus,
quo ea hîc excusa sunt. Numerus pa-
ginam indicat.*

Ex Salustii bello Catilinario.

- O**ratio Catilina, quâ sui de conjuratione consilii par-
ticipes cohortatur. 13
Oratio alia ejusdem Catilina, qua suos milites ad-
hortatur. 15
Oratio Legatorum C. Manlii ad Q. Martium regem. 17
Oratio C. Caesaris suam sententiam senatui exponentis de
conjurationis Catilina sociis qui in custodiis teneban-
tur. 18
Oratio M. Porcii Catonis proximè præcedenti orationi
C. Caesaris respondens. 23

Ex bello Jugurthino.

- Oratio Micipsa regis ad Jugurtham, quâ cum officii sui
admonet, finem vitæ sibi adesse intelligens. 28
Oratio Adherbalis ad senatum Rom. qua se à Jugurtha
regno fortunisque omnibus expulsus queritur. 29
Oratio C. Memmii ad Quirites, qua eos ad vindicandum
in Jugurtham, qui Adherbalem necaverat, & in sociis
ejus scelere, hortatur. 34
Oratio Marii ad Quirites, de se & de ea quam parabat
in Africam, expeditione. 38
Oratio Sylla ad Bocchum regem. 44

Oratio

I N D E X.

*Oratio Bacchi ad Syllam, qua suum erga illum studium
exponit, & se bellum pop. Rom. facere voluisse negat.* 45

Ex libris Hist. Salust.

Oratio Lepidi Cons. ad pop. Rom. 96

Oratio C. Cotta consulis ad pop. 51

Orationes ex Livio collectae.

Ex libro primo ab urbe condita.

*Precatio Romuli ad Iovem Staterem, ut Romanis ad-
versus Sabinos ferat opem.* 53

Verba Proculi Iulii ad pop. Rom. consolationis plena. 54

*Oratio Metii Suffetii ad Tullum Hostilium regem Rom.
de pace componenda inter Romanos & Albanos.* ibid.

Oratio P. Horatii ad pop. pro filio perductionis reo. 55

*Oratio Tulli Rom. regu. de prodicione Metii Suffetii Al-
banorum ducis, ad milites.* 56

*Verba sen exhortatio Tanaquil ad Servium generum, de
regno.* 58

*Exhortatio Tulliae ad L. Tarquinium maritum suum, de
regni affectatione.* 59

*Lucretiae querela ac lamentatio ad virum, patrem, & a-
micos, de violatione.* ibid.

Ex secundo libro ab urbe condita.

*Oratio P. Valer. Publicolae ad populum de crimine sibi ob-
jecto.* 60

Oratio Mutii Scaevolae ad Porcenam Clusinum regem. 61

Oratio Martii Coriol. ad patres contra plebem & trib. 62

*Oratio Aetii Tullii Volscorum principis ad Consules, ut
ludis non adessent Volsci.* 63

Oratio Aetii Tullii ad suos qua eos in Rom. concitat. 64

Ex tertio libro ab urbe condita.

*Oratio Q. Fabii ad tribunos pleb. alios omnes praeter Te-
rentillum.* 65

*Oratio Auli Virg. trib. pleb. ad plebem de Caesonis arro-
gantia.* ibid.

*Oratio P. Valer. Publicolae consulis ad tribunos omnemque
plebem.* 66

*Oratio L. Quintii Cincinnati ad populum adversus A.
Virginium.* 67

Oratio

I N D E X.

<i>Oratio L. Quintii Cincinnati ejusdem adversus patrum licentiam.</i>	69
<i>Oratio Icili aduersus Appii decretum, ut sponsa extra domum paternam maneret.</i>	70
<i>Oratio Virg. patru aduersus Appium.</i>	71
<i>Oratio Virg. ad milites, qua honorem sibi delatum recusavit.</i>	ibid.
<i>Oratio Seniorum patrum ad patres & decemviros de decemviratus abdicatione, & tribunatus pleb. instauratione.</i>	72
<i>Oratio Legatorum Valer. & Horat. ad postulata pleb. in Sacro monte.</i>	73
<i>Oratio App. cum magistratu se abdicare vellet.</i>	74
<i>Oratio Legat. ad plebem, ut in urbem rediret.</i>	ibid.
<i>Oratio A. Virg. aduersus Appium reum.</i>	75
<i>Oratio Duill. tribuni pleb. quum potestati tribunitia modum fecisset.</i>	ibid.
<i>Oratio Valer. Consulis, quae equites adfortiter pugnandum hortatur.</i>	76
<i>Oratio Horat. Consulis qua suos cohortatur.</i>	ibid.
<i>Oratio T. Q. Capitolini quartum consulis ad pop. Rom.</i>	77
Ex quarto libro ab urbe condita.	
<i>Oratio C. Canul. tribuni pleb. ad plebem pro rogationibus promulgatis.</i>	81
<i>Oratio Vectii Mess. Volscor. regi qua suos adhortatur.</i>	87
<i>Oratio Mamerci Emil. dictatoris, qua suos inusitato certamine exterritos adhortatur.</i>	ibid.
<i>Oratio Sexti Tempanii decurionis qua milites in re complorata adhortatur.</i>	88
<i>Oratio L. Dec. tribuni pleb. ad populum aduersus Posthumium tribunum militum.</i>	89
Ex quinto libro ab urbe condita.	
<i>Oratio Appii Claud. tribuni. militum ad populum contra tribunos pleb. pro bello continuando.</i>	89
<i>Oratio P. Licin. Calvi ad populum, ut filio, sibi delatum honorem, mandaret.</i>	97
<i>Oratio Camilli ad Pedagogum Faliscorum in castris deprehensum cum pueris.</i>	98
<i>Oratio Legator. Faliscos Romanis dredientium in senatu.</i>	99
<i>Oratio</i>	

I N D E X.

- Oratio Camill. exulis, qua Ardeates, ut arma capiant ad-*
adversus Gallos, adhortatur. ibid.
Oratio M. Fur. Camilli ad populum de non transmigran-
do Vejos. 101

Ex sexto libro ab urbe condita.

- Oratio M. Furii Camilli Dictatoris, qua suos perterritos*
hostium numero adhortatur. 108
Oratio A. Cornel. Cossi dictatoris ad suos. 109
Oratio Cornel. Cossi dictatoris in M. Manlium. 110
Oratio M. Manlii Capitolini, qua dictatori & patribus
respondet. 111
Oratio M. Manlii Capitol. post vincula ad plebem adver-
sus patres concitandam. 112
Oratio Camilli ad senatores Tusculanorum de mittendis
Romam de pace legatis 114
Oratio Legat. Tusculan. in senatu, qua se purgant. ibid.
Oratio Q. Cincinn. dictatoris ad A. Sempron. magistrum
equitum de belli ratione. 115
Oratio Camilli dictatoris ad Quirites de intercess. 116
Oratio App. Claudii contra tribunos pleb. legumlatores,
& leges ipsas. 117

Ex septimo libro ab urbe condita.

- Oratio Servii Tull. ad dictatorem, ut militibus pugnandi*
faceret potestatem. 122
Oratio M. Pop. consulis, qua suos milites adhortatur. 124
Oratio Legator. Campanor. in senatu, quo auxilium ad-
versus Samnites petunt. 125
Oratio Roman. qua precedenti Campanorum Legat. ora-
tioni respondent. 128
Oratio Legat. Campanorum, qua precedenti Romano-
rum orationi respondent. ibid.
Oratio M. Valer. Corvini, qua suos adhortatur. 129
Oratio exhortatoria P. Decii trib. militum ad A. Corne-
lium consulum, quum spes elabendi non videretur. 130
Oratio ejusdem P. Decii qua suos ad erumpendum ex colle
occupato adhortatur. ibid.
Oratio M. Valer. Corvini dictat ad conjuratores & seditio-
fos milit. qua dehortatur à pugna contra patriam. 133
Oratio T. Quinti duci seditiosorum qua eos ad concor-
diam exhortatur. 135
EX

I N D E X.

Ex octavo libro ab urbe condita.

<i>Oratio Ann. Setini prætoris Latinorum, ad suos.</i>	135
<i>Orat. Ann. ejusdem ad P. C. Roman. ut alter consul ex Latino fieret.</i>	137
<i>Orat. T. Manlii Consulis ad legatos Latinor.</i>	138
<i>Orat. T. Manl. Consulis ad T. Manlium filium, qua eum accusat quod in hostem ipse in jussu pugnasset.</i>	139
<i>Orat. Furii Camill. Cons. ad patres de Lat. referentis.</i>	140
<i>Orat. L. Papyr. dictatoris, qua Fab. Maximum accusat quod adversus edictum pugnavisset.</i>	141
<i>Oratio M. Fab. Max. pro filio ad populum provocantis à dictatore.</i>	142
<i>Oratio Papyr. dictat. ad populum de absolutione Q. Fab. magistri equitum.</i>	143

Ex libro nono ab urbe condita.

<i>Oratio Claud. Pontii Samnitum imperat. postquam legatione nihil factum esse vidit.</i>	144
<i>Oratio L. Lentuli princ. Legator. Rom. ad exercitum & consules, qua suam de deditione sententiam exponit.</i>	145
<i>Oratio Sp. Posthum. Consulis, qui sub jugum missus erat, in senatu de pace ad Caudium facta.</i>	147
<i>Oratio ejusdem Sp. Posthum. contra tribunos pleb. qui deditionem impediabant.</i>	149
<i>Oratio Corn. Arvina Fecialis ad Samnites in deditione sponsorum pacis.</i>	151
<i>Oratio Cl. Pontii Samnit. regis qua feciali respondet.</i>	152
<i>Oratio Q. Fab. dictator. qua suos ad eruptionem hortatur.</i>	154
<i>Oratio C. Menenii dictatoris, quando in eum ambitus crimen jactum est à nobilibus.</i>	155
<i>Oratio P. Sempron. tribun. pleb. adversus Ap. Claudium, qui se intra legitimum tempus censura abdicare volebat.</i>	156

Ex decimo libro ab urbe condita.

<i>Oratio P. Decii Muris consulis ad populum, qua suadet ut ex plebe augures & pontifices fiant.</i>	159
<i>Verba Q. Fab. Max. consulis designati ad populum.</i>	162
<i>Verba Virginie in dedicat. ara Pudicitie pleb.</i>	ibid.
	EX

I N D E X.

Ex vicesimo primo libro ab urbe condita.

<i>Oratio Hannonis ad Carthag. contra Annibalem de fædererupto.</i>	163
<i>Oratio Alorci Hispan. ad Saguntinos, qua pacis conditiones quas Annibal ferebat, exponit.</i>	165
<i>Oratio cujusdem Carthag. qua legatis Roman. de consilio oppugnationis Saguntii respondet.</i>	167
<i>Oratio Volscianorum qua legatis Rom. respondent.</i>	168
<i>Oratio Annibalis ad Hispanos milites.</i>	169
<i>Oratio P. Scipionis suos adhortantis.</i>	170
<i>Oratio Annib. suos adhortantis.</i>	174

Ex tricesimo secundo libro ab urbe condita.

<i>Oratio M. Minut. Ruffi magistri equitum, qua in Q. Fab. Max. dictat. cunctationem acriter invehitur.</i>	177
<i>Aceducis Hispan. ad Bosfarem pro obsidibus verba.</i>	180
<i>Fab. Dictat. de temeritate Minut. verba.</i>	ibid.
<i>Oratio Minut. magistri equitum, qua suos ad conjungenda cum Fab. castra adhortatur.</i>	181
<i>Minut. verba ad Fab. dictatorem.</i>	182
<i>Oratio Fab. Max. ad Æmilium de Varrone, & ratione pugnandi cum hoste.</i>	ibid.
<i>Oratio P. Sempron. Tuditani trib. militum, qua suos ad erumpendum adhortatur.</i>	185
<i>Oratio Captivorum Canensi clade Rom. ad patres.</i>	186
<i>Oratio T. Maul. Torquati, ne captivi redimerentur.</i>	189

Ex vicesimo tertio libro ab urbe condita.

<i>Orat. Pacuvii Calav. Campani ad populum Campan.</i>	193
<i>Oratio Varr. consulis, qua legatis Campan. respondet.</i>	194
<i>Oratio Perollæ ad Pacuvium Calav. patrem de interficiendo Annibale.</i>	196
<i>Oratio Pacuvii Calav. filium à facinore dehortantis.</i>	197
<i>Oratio Perollæ qua Pacuvio patri responder.</i>	198
<i>Verba Magii Dec. ad circumfusam multitudinem.</i>	199
<i>Oratio Himilc. Barchinæ factionis viri adversus Hann.</i>	ibid.
<i>Oratio Hannon. Himilconi respondentis.</i>	200
<i>Oratio Samnitum Legat. ad Annibalem qua petunt ut opem adversus Romanos ferat.</i>	202

Ex

I N D E X.

Ex viceſimo quarto libro ab urbe condita.

<i>Oratio Fab. Max. ad populum de deligendo imperat.</i>	204
<i>Orat. T. Gracchi ad milites.</i>	207
<i>Orat. L. Pinar. Præſecti præſid. Rom. Ennea qua ſuos exhortatur.</i>	208

Ex viceſimo quinto libro ab urbe condita.

<i>Orat. relegator. militum ad M. Marcellum de mutatione condit.</i>	209
<i>Orat. Syracuſan. ad Mercellum de dedit.</i>	213
<i>Orat. L. Mart. qua ſuos milites exhortatur.</i>	214

Ex viceſimo ſexto libro ab urbe condita.

<i>Oratio Vib. Virii Campani ad Campanos, qua ne ſe dedant Roman. diſſuadet.</i>	217
<i>Oratio M. Marcelli ad P. C. ſe adverſus Syracuſ. oratores defendentis.</i>	219
<i>Oratio P. Scipion. ad veteres milites.</i>	222
<i>Oratio P. Scipion. ad milites.</i>	225
<i>Oratio P. Scipion. ad Lucejum Celtiberor. principem, cum ei ſponſam reddidit.</i>	227

Ex viceſimo ſeptimo libro ab urbe condita.

<i>Oratio M. Marcelli ad ſuos.</i>	228
<i>Oratio Annibal. ad ſuos.</i>	229

Ex viceſimo octavo libro ab urbe condita.

<i>Oratio P. Scipion. ad milites.</i>	ibid.
<i>Oratio Sagunt. ad P. C. in ſenatu.</i>	235
<i>Oratio Q. Fab. Max. quâ Scipioni Africam provinciam decerni diſſuadet.</i>	238
<i>Oratio P. Cornel. Scipionis, orationi præcedenti Q. Fab. reſpondens.</i>	245

Ex trigefimo libro ab urbe condita.

<i>Oratio Sophroniſbe uxoris Syphacis ad Maſiniſſam.</i>	250
<i>Oratio P. Scipion. ad Maſiniſſam.</i>	251
<i>Oratio Annib. ad P. Scipionem de pace.</i>	253
<i>Oratio Scipion. ad Annibalem.</i>	257
<i>Oratio Annibal. ad Carthag. qui reprehendebant quod riſſiſſet in communi ſletu.</i>	258

Ex triceſimo ſecundo libro ab urbe condita.

<i>Oratio Ariſth. prætoris Achaorum qua eos objurgat.</i>	259
---	-----

Ex

I N D E X.

Ex tricesimo quarto libro ab urbe condita.

<i>Oratio M. Catonis consulis pro lege Oppia contra mulierum luxuriam.</i>	260
<i>Oratio L. Valer. trib. pleb. pro mulieribus contra legem Oppiam.</i>	266
<i>Oratio M. Porc. Catonis consulis ad suos.</i>	272
<i>Oratio T. Quint. in conventu Gracia.</i>	273
<i>Oratio Aristh. Prætoris Achaor. de Ætolis & Nab.</i>	274
<i>Oratio Nabis. tyranni Lacedæmon. ad T. Quintium.</i>	275
<i>Oratio T. Quint. qua Nabis respondet.</i>	277
<i>Oratio T. Quint. qua suos ad obsidionem Lacedæmonis adhortatur.</i>	280

Ex tricesimo quinto libro ab urbe condita.

<i>Oratio Minion ad Legatos Romanorum.</i>	281
<i>Oratio Sulpit Legati Roman. qua ad præcedentem respondet.</i>	282
<i>Oratio Annibal. ad Antiochum qua se purgat.</i>	283

Ex tricesimo sexto libro ab urbe condita.

<i>Oratio Annibal. in Concilio Antiochi de totius belli ratione & Macedon. sententia.</i>	284
<i>Oratio Artil. Consulis ad suos.</i>	287
<i>Oratio T. Quint. ad Achaos de Zacyntho.</i>	289
<i>Oratio Quint. ad M. Acilium consulem pro Ætolis.</i>	290
<i>Oratio T. Quint. ad Ætolor. principes de reconcil.</i>	291

Ex tricesimo septimo libro ab urbe condita.

<i>Oratio Eumen. in concilio.</i>	292
<i>Oratio Scipion. qua legatus Antioch. respondet.</i>	293
<i>Oratio Zenxis legat. Antiochi ad Rom. de pace.</i>	294
<i>Oratio Scipion. ad ea respond.</i>	ibid.

Ex tricesimo octavo libro ab urbe condita.

<i>Oratio P. Scipion. African. rei, ad Quirites.</i>	296
--	-----

Ex tricesimo nono libro ab urbe condita.

<i>Oratio M. Porcii Caton. consulis, ad populum, in sædum Bacchan. ritum.</i>	297
<i>Oratio Philipp. Maced. ad legatos Rom.</i>	301
<i>Oratio</i>	

I N D E X.

Oratio Lycortæ prætor. Achaorum, qua legatis Roman. respondet. 303

Ex quadagesimo libro ab urbe condita.

Oratio Phil. Macedonis de sua liberorumque infelici conditione. 307

Oratio Persei accusator. in Demetrium fratrem parricid. reum. 310

Oratio Demetr. parricid. rei. 315

Oratio T. Sempron. prætoris ad L. Minutium legat. 322

Oratio Q. Cæcil. Metelli ad M. Lepidum & M. Fulv. censores declaratos, de reconcil. 323

Oratio Phil. regis Maced. ad Antigonum de regni hered. 325

Orationes ex Corn. Tacito collectæ.

Ex lib. I. Annal.

Vibuleni orat. 326

Clementis Centurionis orat. 327

German. Cæsaris orat. 328

Segestis orat. 330

Ex lib. II. Annal.

M. Hortalii orat. 331

Tib. Cæsaris responsio. 332

Germanici orat. 333

Ex lib. III. Annal.

Tiber. oratio in senatu. 334

Oratio Sever. Cæcina, qua uxores à provinciis arceri debere statuit. 336

Oratio Valer. Messalini, qua Cæcina respondet. 337

M. Lepid. orat. in senatu. 338

Ex lib. IV. Annal.

Tiber. ad senatum orat. 339

Cremutii defensio in senatu. *ibid.*

Tiber. oratio in senatu. 341

Oratio Tiberii 343

Ex lib. VI. Annal.

M. Terent. Equitis Rom. orat. 345

Ex

I N D E X.

Ex lib. XI. Annal.

Neron. Caesaris oratio in senatu. 346

Ex lib. XIV. Annal.

C. Cassii orat. 348

Seneca oratio ad Caesarem Neronem. 350

Neronis ad Senec. responsio. 352

Ex lib. XV. Annal.

Pæti Thraseæ orat. 354

Ex lib. XVI. Annal.

Capitonis Cossutiani ad Neronem Caesar, orat. 355

Ex lib. I. Hist.

Galbæ imperat. oratio ad Pisonem. 356

Pisonis orat. 359

Othonis oratio ad milites. 361

Othonis oratio ad milites. 363

Ex lib. II. Hist.

Othonis oratio. 366

Mutianj orat. 367

Ex lib. IV. Hist.

Curtii Montani orat. 370

Legati Tenætorum orat. 371

Agrippinensium orat. 372

Cerialis orat. 373

Ex lib. V. Hist.

Civilis oratio sed mutilata. 376

Ex vita Agricola à Corn. Tacit. prodita.

Galgaci orat. 377

Agricola orat. 380

Orationes ex Q. Curtio Collectæ.

Ex lib. III.

Charidemii oratio 382

Ex lib. IV.

Legatorum Darii oratio ad Alexandrum. 383

Parmenion, oratio ad Alexandrum. 385

Alexan-

I N D E X.

<i>Alexandri oratio ad legatos Darii.</i>	ibi
<i>Darii oratio ad milites.</i>	3

Ex lib. V.

<i>Euctemonis Cynæi orat.</i>	35
<i>Theati Atheniensis orat.</i>	39
<i>Darii orat.</i>	ibi
<i>Nabarzani orat.</i>	35

Ex lib. VI.

<i>Alexandri orat.</i>	39
<i>Crateri orat.</i>	39
<i>Alexandri orat.</i>	40
<i>Philote orat.</i>	40
<i>Amyntæ orat.</i>	41
<i>Cebæi orat.</i>	41
<i>Alexandri orat.</i>	41
<i>Scythæ legati orat.</i>	41
<i>Alexandri orat. ad trecentos milites.</i>	42

Ex lib. VIII.

<i>Calisthenis orat.</i>	42
<i>Hermolai orat.</i>	42
<i>Alexandri orat.</i>	42

Ex lib. IX.

<i>Alexandri ad milites orat.</i>	42
<i>Cœni orat. ad Alexandrum.</i>	43
<i>Crateri ad Alexandrum orat.</i>	43
<i>Alexandri ad amicos orat.</i>	43

Ex lib. X.

<i>Alexandri ad milites orat.</i>	43
<i>Alexandri ad peregrinos milites orat.</i>	44
<i>Perdiccæ in concione militum orat.</i>	44
<i>Ptolomæi orat.</i>	44
<i>Meleagri orat.</i>	44

F I N I S.









